


Buk Baibel long
Kaninuwa



Portions of the Holy Bible in the Kaninuwa language of Papua
New Guinea

**Buk Baibel long Kaninuwa
Portions of the Holy Bible in the Kaninuwa language of Papua
New Guinea
Buk Baibel long tokples Kaninuwa long Niugini**

copyright © 2016 Wycliffe Bible Translators, Inc.

Language: Kaninuwa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-04-13

PDF generated using Haiola and XeLaTeX on 11 Nov 2022 from source files dated 9 Oct 2020
4bd5ff25-b536-53c8-9426-bc0ecd08c86d

Contents

Maka	1
Bunanige	44

Maka

Givimayeta

Nufunufu nofe o miki viginiwina Yeisu yana mudadava keta yana visawavenena fasisiyai. Nufunufu nofe kana toviginawa o muka kana wawa ita iyaveita atu nauna tovitumağana kasi toviketanuneina si vivisawavenena o Maka i viginiwiya. Maka o muka tanake Yeisu yana tonowana sinesiyai, atu tonuwatasuyasuya si vitumağana Maka Fita nukusi Noma si fakwa keta Fita i nusifufuviya Yeisu yana mudadava keta yana visawavenena fasisiyai. Eketa Maka nusifufusima i viginiwiya me Noma tovitumağana nenesiyai i ovivitisiya be sina sanamaniya Yeisu aitevana.

Bwadubwadu naumokena viginiwa nofe sinenei i iyavita o biga dewadewana Yeisu Togifafafana Gigibokeinana Guyau Natuna fasinei. Nufunufu nofe sinenei tana kitija Yeisu na yana fiwana be iba matatafunu ina saviviniyi. Noko nenei tana kitija yana visawavenena namoğna nenesiyai, kanunu goyosi i vikikinomanisiya, kasi katona i givibwina eketa yasi fufunagoyo i vinuwateweina. Maka i viginiwa nakasina Yeisu yana savivina fasinei atu muka ita viginiwa nakasina yana visawavenena fasinei. I visawavenita namaise Yeisu yana mate ogonağanağai be namoğna matatafusi i gifafafanisiya keta namaise Guyau mateyai i sinaviyawasa-savaviniya.

Biga dewadewana kana kafa viuğu. (1:1-13)

Yeisu yana mudadava Ganini sinenei. (1:14—9:50)

Ganini nenei tu i niya Yenusanema. (10:1-52)

Wiki kana kafa nusafu Yenusanema sinenei. (11:1—15:47)

Yeisu yana misini-savavineina. (16:1-18)

Yeisu i nikikinomana keta i vaneya abamai. (16:9-20)

Yoni Togivibutabuta Ke'ta I Gidewadewiya Yeisu Fasinei

Madiu 3:1-12, Nuke 3:1-18, Yoni 1:19-28

¹ Nofe biga dewadewana kana kafa viuğu Guyau natuna fasinei, tanake Yeisu Togifafafana Gigibokeinana.

² Tova manatuwaina Guyau yana tomatakawa Aiseya i viginiwiya maise,

*“Guyau i bwadiwa, ‘Nauna yaku tomatakawa ana visimeiya kunauğu
be ya ke’ta ina menaniya.’”*

³ *Tanake kayona i bwaubwauwa wanakikaoğowai i bwadubwaduwa,
‘Ke’ta kwa menaniya Tuveka yana nemi fasinei,
yana ke’ta kwa nudawaniniyei.’”*

⁴ Eketa nofe tomatakawanama Yoni i nemiya namoğna i givibutibutisiya wanakikaoğowai yota Guyau sifufuna namoğna nenesiyai i numamaniya, “Kwa ugevinaimi yami go'yonanenesisiyai be Guyau ina vinuwateweimiya. Ana givibutibutisiya be ita visawavenena, kwami naki i kavinimiya yami go'yonanenesisiyai.” ⁵ Eketa namoğna matatafusi si fakwafakwa Yudiya kawakawana sinenei be Yenusanema menana nakasina sinenei, si kikinomana Yoni sina vaneneiya. Tovanama yasi go'yonanenesisiyai be fonayauwa,

Yonidani ukowai i givibutibutisiya.⁶ Yoni kana nuya kameni utuutuna i kotoniya, yota kana wakina niniwasininez i kikimetanina o kikifufunina yomuyomu kwafinina nenei. Kana kabwaga o gonofa keta makawa.

⁷ Namoga i iyavisiya i bwaduwa, "Munikuwai namoga tamokaaga i nenemiya o fifiwanamokena yo iyau. Iyau muka kaku nufota be ana okodu kana kaevatakutakuna kasi unava ana yausi.⁸ A gigivibutibutimiya ukowa nenei atu tanake ina givibutibutimiya Kanunu Tafutafuna nenei."

Yoni Yeisu I Givibutabutiya

Madiu 3:13-17, Nuke 3:21-22

⁹ Noko tovanama nenei Ganini kawakawana sinenei menana Nasaneti nenei Yeisu i misiniya eketa i nemiya Yoni nenei, eketa Yoni Yeisu i givibutabutiya Yonidani ukowai.¹⁰ Tovanama Yeisu i kakanakasiya ukowa sinenei, muka mwanenena i kitia abama i kawiya eketa Guyau Kanununa vitana bunebune maise i sobunemiya nenei.¹¹ Eketa kayokayo abamei i nusifufuwa i bwaduwa, "Kwaaga o Iyau natukatekateku. Yaku sebobo nakatamokena nenewe."

Seitani Yeisu I Anuvanuviya

Madiu 4:1-11, Nuke 4:1-13

¹² Muka mwanenena Guyau Kanununa Yeisu i noogokawawiya wanakikaoogowai.¹³ Eketa kuyadayada 40 nokomai i fakwa eatu Seitani i anuvanuviya Yeisu be ita go'yon. Yomuyomu-wanawanaki nukusi si fakwa kabaaganama nenei atu Guyau kana kaetoga abamei si kitavikaviniya.

Yeisu Kana Tomuniyeina Naumokena

Madiu 4:12-22, Nuke 4:14-15, 5:1-11

¹⁴ Tufomu Enoda Anitifasi deniyai Yoni i tenefotiya muninei, Yeisu i niya kawakawana Ganini nenei Guyau yana biga dewadewana i yaugeyania namoga nenesiyai.¹⁵ I bwaduwa, "Nofe tova Guyau yana kawasasa vivinuwadadaneinana i nemiya! Guyau yana kafa visime i niketamwakufwa. Yami go'yon nenesiyai kwa ugevinaimi be biga dewadewana kwa vitumaaganei."

¹⁶ Eketa kuyadayada tamokaaga Yeisu Ganini tobu nenei kwadewai i fanafana atu tofanufa nasi nuwa i kitisiya, Saimoni keta taina Anideneya, tobu nenei kanevatu si neneneiya.¹⁷ Eketa i iyavisiya i bwaduwa, "Kwa muniyeiku be ana visawavenimiya namoga kasi tofanufa."¹⁸ Muka mwanenena yasi kanevatu si dawana atu si muniiya.

¹⁹ Simokaagamoka i fana i niya, Sebedi natunatuna Yemesa keta Yoni i kitisiya yasi waka sinenei yasi kanevatu si nunubwatabwatata.²⁰ Tovanama i wenisiya kana muniyeina fasinei, amasi Sebedi yana tobunanige na fatasi nukusi waka sinenei si venumakanovisiya atu si muniyya.

Yeisu Kanunu Goyona I Nukakiya Namoga Nenei

Nuke 4:31-37

²¹ Yeisu kana tomuniyeina nukusi si niya Kafenaumi menana nakasinei. Tovanama kuyadayada Sabati nenei i kanasuna numa kafa yokoyoko

1:6 2 Tufomu 1:8 **1:11** Kabikona 22:2, Same 2:7, Aiseya 42:1, Madiu 3:17, 12:18, Maka 9:7, Nuke 3:22 **1:15** Madiu 3:2

sinenei, eketa i vibutuwa Guyau fonana i visawavenena namoغا nenesiyai.²² I vivisawavenena naki maisemoka tamo aitevana fakinina muka maise Moses yana visime kana tovisawavenena, na nenei keta namoغا si mayaغا yana visawavenena nenei.

²³ Yeisu i vivisawavenena numa kafa yokoyoko sinenei eatu tovanama nenei namoغا tamokaغا kanunu goyona i nuwafiya, i fina i bwaduwa,²⁴ "Aviyavana tamo ya nuwanuwa kima fasikiyai Yeisu tene Nasaneti? Omasi ku nemiya kima kuna nyaunikiya? Iyau a sanamaniya kwaغا aitevana, kwaغا o Guyau yana Namoغا Tafutafuu!"

²⁵ Yeisu i kanamaifata atu i bwaduwa, "I kanoveu! Namoغا ku gionovei."

²⁶ Eketa kanunu goyona i tatakwayana, namoغا i sinanewanewiya keta i gionoviya.

²⁷ Namoغا matatafusi si mayaغا venemokena eketa si vikanunutoniya si bwaduwa, "Ava o nofe! Nofe visawavenena kiouna yota fakinina.

Tumadama yo kanunu goyosi i vivisimeysi eketa fonana si munimuniyya!"

²⁸ Kakimokimokima tu Yeisu bigana i geyana eketa i venutamatamana Ganini kawakawana kana matatafu i gikafufuya.

Yeisu Namoغا Yagwanisi I Givibwina

Madiu 8:14-17, Nuke 4:38-41

²⁹ Tovanama numa kafa yokoyoko si teweiya, Yemesa keta Yoni nukusi si niya Saimoni na taina Anideneya yasi numai.³⁰ Saimoni nawana gumayogu si vinafeyana keta kiviyai si matamataveya eketa fasisiyai muka mwanenena atu si iyavefotefotiya.³¹ Eketa i kanasuna i niya nenesiyai, nimasiyai i ova eketa i sinatowamisiysiya. Na tovanama nenei nafeyana tofwasiyai i kaniniya eketa gumayogusima kabwaga si suniniya Yeisu kana tomuniyeina nukusi fasisiyai.

³² Eketa kana navinavi vanavanasonu muninei,* namoغا yasi tovisafwolinaغا keta yota tasike aviyaonana kanunu goyosi si nuwfisiya, si nemina Yeisu nenei.³³ Menana noko kana matatafu si yokowa numanama wasiketanei.³⁴ Eketa sabu kasi visafwolinaغا tunisitunisi nenesiyai i givibwina keta yota namoغا yagwanisi sininisiyai kanunu goyosi i nukakisiya. Atu kanunu goyosi o sanasanamanisi tanake Guyau Natuna na fasinei muka ita sawateweysi be sina nusifufu.[†]

Yeisu Ganini I Numamana

Nuke 4:42-44

³⁵ Tovawedanai Yeisu i towamisiyi, numa i teweiya keta i niya kabaغا nunukamumunina nenei eketa nokomai i kawakawanunukuwa.³⁶ Atu Saimoni unaunana nukusi si niya si nunuwasiya.³⁷ Tovanama si nisiaya, si iyaviya si bwaduwa, "Namoغا matatafusi si nunuwasiya."

³⁸ I bwaduviyewa i bwaduwa, "Ta nai namai tunisi menana ketamwakufwai ebe Guyau fonana yota a yaugeyaniya nenesiyai. Nofe yaku uğunama fasinei a nemiya."³⁹ Nofe fasinei, Ganini kana matatafu i fanakwaniuwiya eketa Guyau fonana i yaugeyaniya yasi numa kafa

^{1:22} Madiu 7:28,29 * ^{1:32} Vanavanasonu muninei kana givina vitana Sabati naki i kakaviya. Fiyao Diu yasi Sabati i vibutuwa Fanaidei vanavanasonuwai keta i kakaviya Satadei vanavanasonuwai.

^{† 1:34} Yeisu naki i sanamaniya taki kanunu goyosi ina sawateweysi be sina bwadukikinomana vitana Yeisu tanake Togifafafana Gigibokeinana, nao namoغا sina kamanemaniya be ina vikaimatana tonuaviya fasisiyai, namaise yawane i kitakitafota kasi togifafafana fasinei, e maise Yoni 6:15. ^{1:39} Madiu 4:23, 9:35

yokoyoko sinesiyai yota namōga yagwanisi sininisiyai kanunu goyosi i nukakisiya.

Yeisu Namōga Gosagosawina I Givibwiniya

Madiu 8:1-4, Nuke 5:12-16

⁴⁰ Tova tamokāga namōga kwafinina gosagosawina i nemiya Yeisu nenei i fekuwa kaetutunei eketa i kamanemaniya i bwaduwa, “Ae, taki nuwanuwau maise, kuta givibwinikuwa be ata eyaeya.”[‡]

⁴¹ Yeisu na yana sineganigani nimana i tuniya keta namōga tofwanei i teniya eketa i bwaduwa, “Ika, Iyau nuwanuwaku. Ku eyaeya!” ⁴² Eketa kakimokimokima tu kwafinina kana gosawa i kakaviya eketa i eyaeyasavaviniya. ⁴³⁻⁴⁴ Eketa Yeisu bwadu fifiwanina nenei i iyaviya i bwaduwa, “Nofe tova ku nai eatu muka tamo aitevana kuna iyavei nofe ibanama fasinei. Dawaniniina kuna niya eketa taugu kuna visawaveniwa tovibwanaose nenei. Eketa ku bwina fasinei Moses yana visime maise, vibwanaose kana ketaketai kuna saviviniya ebe ita vikafakita sabu nenesiyai vitana naki ku eyaeya.”[§]

⁴⁵ Atu Yeisu yana bwadu muka ita muniyei keta i kikinomana namōga nenesiyai i eyowiya aviyavana i kikinomana tauna nenei fasinei. Yeisu na yana ūgunama fasinei muka kana nufota be namōga matasiyai ina kanasuna menana nakasina sinenei, atu i fakwa kabagā nunukamumunisi nenesiyai. Eatu menana matatafunu nenesiyai namōga si nemiya nenei.

2

Yeisu Namōga Tanaina Matematena I Gidewadewiya

Madiu 9:1-8, Nuke 5:17-26

¹ Kuyadayada muka yagwanina muninei Yeisu kana tomuniyeina nukusi si makavinisiya Kafenaumi. Namōga si biganowana vitana i nemiya tauna yana menanai, ² eketa yagwanisi si yokowa nokomai. Na fasinei muka tamo kawassasa numa sinenei o ketakawana kafakainei. Eatu Yeisu Guyau fonana i numamaniya nenesiyai. ³ Namōga nasi nufunina, namōga tanaina matematena na sitana si uniya keta si nemiya nenei.

⁴ Yoko nakasina si tenefotifotisiya eketa muka kasi fata namōganama sina nemiei Yeisu nenei. Na fasinei menanai kaevaavaaga nenei si vaneiya kudukuduwal keta si tananabuya namai Yeisu i fakwafakwa nenei. Eketa tovanama kudukudu si tananabuya muninei, na sitana si otanowiya unava nenei eketa i sobuwa Yeisu naunei. ⁵ Tovanama Yeisu i kitiya namōga nasi nufunina yasi vitumāgana, namōga tanaina matematena i iyaviya i bwaduwa, “Natuku, ya go'yon a vinuwateweisiya.”

^{‡ 1:40} Fiyao Diu yasi visime nenei, namōga kwafinina gosagosawina tanake muka eyaeyana eketa nunuteweineina. Fiyao Diu muka kasi sawateweineina be nofe visafwavinaganama sina givikaviniya. Namōga gosagosawisi muka kasi sawateweineina be sina kodukodu Numa Kodukodu nenei yota muka menana sinenei sina fakwa. Na fasinei taki namōga gosagosawina ina bwina, nao tanake naki i eyaeya-savaviniya. Yota Guyau ina visawadewadewiya eketa kana nufota be namōga nukusi sina fakwa keta sina kodukodu Numa Kodukodu sinenei.

^{§ 1:43-44} Tovibwanaose namōga yasi kavenenakaōgo ina vibwanaoseiya fasisiyai Guyau nenei, nofe ina visawavenena naki venemokena namōga kana gosawa i kakaviya. (Visime Tafu 14:1-32)

⁶ Tunisi Diu yasi visime kana tovisawavenena nokomai si nunuvitōga. Tututausi nuwasinesiyai si bwaduwa, ⁷ “Au, naki Guyau ga kana nufota go'yna ina vinuwateweina. Ava uguna nofe namōga nokomaise i nunusifufu eyo i bwadubwadu-tafakaikokona Guyau nenei!”

⁸ Eatu yasi vinuwadadanasisma Yeisu waniya i venusanamaniya eketa i iyavisiya i bwaduwa, “Ava fasinei nanemaise kwa vivinuwadadanu nuwafoumiyai? ⁹ Avi bwadubwadu o meyameyanina namōga tanaina matematena nenei, ‘Ya go'yna a vinuwateweisiya’ o ‘Ku misini ka sita ku uni be ku nidadana?’ ¹⁰ Eatu kwata sanamaniya vitana Iyau Namōga Natuna na yaku visime fakinina kana fata go'yna ana vinuwateweina fwayafwaya etanei yota namōga ana givibwina.” Eketa namōga tanaina matematena i iyaviya i bwaduwa, ¹¹ “Neneweua b bwadubwaduwa, ku misini! Ka sita ku uni be ku nai numai!”

¹² Tovanama nenei namōga i misiniya, kana sita i uniya keta namōga sabu matasiyai i niya. Matatafusi si mayaga eketa Guyau si daviya si bwaduwa, “Mukamokena tamotova ibanama maise tata kitai!”

*Yeisu Nebi I Bwauwiya
Madiu 9:9-13, Nuke 5:27-32*

¹³ Yeisu kana tomuniyeina nukusi yota menana Kafenaumi si teweiya atu si niya Ganini tobu kafakainei. Sabu nakasina si nemiya nenei eketa Guyau fonana i visawavenena nenesiyai. ¹⁴ Kabegona i vaniya, Anafasi natuna kana wava Nebi i kitiya i nunuvitōga yana kafa savivina nenei gabana i nunuvemuvemuwa Noma gabemani fasisiyai. Eketa Yeisu i iyaviya i bwaduwa, “Ku muniyeiku be ku vitomuniya.” Nebi i misiniya keta i muniya.

¹⁵ Noko muninei, Yeisu Nebi yana numai i vivianonaviya atu tonuvemuvemu keta togo'yna yagwanisi aviyaonana si munimuniye-dadaniya, yota kana tomuniyeina nukusi si kakawa.* ¹⁶ Eatu tunisi visime kana tovisawavenena atu yota Fanasi kunumina nenei si kitiya tonuvemuvemu be togo'yna nukusi si kakawa eketa Yeisu kana tomuniyeina si iyavisiya si bwaduwa, “Ava fasinei i kaka tonuvemuvemu keta togo'yna nukusi?”

¹⁷ Tovanama Yeisu i nowaniya, i iyavisiya i bwaduwa, “Aviyaonana muka vivisafwavinai o muka ita nufotaisi sina nai togivibwina nenei. Vivisafwavinai o muka aviyaonana si vivinuwadadanu tasike toeyaeyana fasisiyai eatu aviyaonana si sanamaniya tasike togo'yna fasisiyai.”

*Nutoninuvenuveina Vikokowana Fasinei
Madiu 9:14-17, Nuke 5:33-39*

¹⁸ Tova tamoka ga Yoni Togivibutabuta kana tomuniyeina keta tunisi Fanasi si vivikokowana atu namōga tunisi si nemiya Yeisu nenei eketa si bwaduwa, “Yoni kana tomuniyeina keta Fanasi si vivikokowana eatu ava fasinei yo ka tomuniyeina muka sita vivikokowana?”

¹⁹ Eketa nenesiyai i nufata i bwaduwa, “Tovanama vikawana kana kasebobo kana tovai, muka ita nufotai be tovivikawana kana wagawaga sina vikokowana taki tovivikawana tauna noko nukusi. Muka kana nufota uguna tauna o nukusi si sesebobowa. ²⁰ Eatu tamoka tova kana kaniyabina sina nemiya keta unaunana nenesiyai sina oviya keta sina niiya. Noko tovanama nenei yo sina vikokowana uguna nuwatasi ina dauna.”

* ^{2:15} Mosese Guyau yana visime i viginiwisiya keta Fanasi noko visimesima si muniye-dewadewisya. Diu fiyaosi kasi sanu yagwanina yota maise si muniye-dewadewisya. Si bwaduwa, namōga aviyaonana muka visimesima keta sanusima sita munimuniyeisi nao tasike togo'yna.

²¹ Yota i bwaduwa, “Iba kiouna a nemiiya atu muka kami sanu manatuwaina nukusi ita ovivikawaniya. Muka tamo aitevana nuya bidimina kiouna ina vai be nuya manatuwaina kana kabwasasa nenei ina suyakafukafuya. Taki ina fufuniya, kigona muninei nuya bidimina kiouna ina gogomiya nenei, nuya manatuwaina kana kaganini ina nakatadewadewa.”

²² Muka tamo aitevana kana fata be waini kiouna kikitanina kana nogona fasinei waini kana koni manatuwaina nenei ina vininiwiya. Taki ina fufuniya, noko waininama tovanama buğobugo ina kawanananaka eketa kawasiveina ina vaneya nenei, koninama manatuwaina ina nuyavayavaniya uğuna muka kana fata koninama ina fata. Mwavinana nenei koni keta waini sina goyowa. Atu koni kiouna nenei, waini kiouna ina vininiwatotoiyo.”

Yeisu I Nusifufuwa Kuyadayada Sabati Fasinei

Madiu 12:1-8, Nuke 6:1-5

²³ Sabati tamokağı nenei Yeisu kana tomuniyeina nukusi witi bwib-wiyaguna sinenei si niniya eatu tomuniyeina witi sisina si gigimumuta sina kawa fasinei. ²⁴ Tunisi Fanasi tomuniyeina si kitisiya eketa Yeisu si iyaviya si bwaduwa, “Ku kitai! Ava fasinei yo Sabati kana visime si yakweyakweniya?”

²⁵ Eketa i bwaduviyewa nenesiyai i bwaduwa, “O tamo tova Guyau fon-akituna sinenei viviginiweinana kwa gınağanaiya aviyavana Deividia i fufuniya tovanama yana namonamoğna nukusi vitanona si kikanata! Ava fasinei yo muka kana givina kwata vinuwadadanei? ²⁶ Tovanama Abiata tanake tovibwanaose kasi toviketanuneina yana tovai, Deividia i kanasuna Guyau yana Vada Tafutafuna sinenei keta i vikokoniya maneka fasinei. Eketa i veniya eatu noko manekanama o gigivitafuna eketa tovibwanaoseğä kasi nufota sina kaniya. Eatu Deividia tunina i kaniya yota aviyaonana si kwafuya tunina maneka i venisiya.”

²⁷ Yota i iyavisiya i bwaduwa, “Guyau Sabati i fufuniya be namoğna ina ovivitiya fasinei eatu muka namoğna ita fufuniya be Sabati kana dauna ina uniya fasinei. ²⁸ Na fasinei Namoğna Natuna o Sabatinama kana Tuveka!”

3

Yeisu Namoğna Nimana Matematena I Gidewadewiya

Madiu 12:9-14, Nuke 6:6-11

¹ Tova tamokağı nenei Yeisu yota i makaviniya eketa i kanasuna numa kafa yokoyoko sinenei keta nokomai namoğna nimana matematena i kitiya i nunuvitogña. ² Namoğna tunisi nuwanuwasi be Yeisu sina vinoiya fasinei, matasi si vikanaoğosiya si tonetoneiya taki namoğna noko ina gidewadewiya kuyadayada Sabati nenei o muka.

³ Yeisu namoğna nimana matematena i iyaviya i bwaduwa, “Ku nemai be namoğna nausiyai ku misini.” ⁴ Eketa namoğasima i nutoninuvenuvisiya i bwaduwa, “Avamasi yata visime i sawateweyeita tata fufuniya kuyadayada Sabati nenei? Kita dewadewana tana fufuniya o goyon a tana fufuniya? O kita yawasi tana gifafafaniya o taki tana nuvimatinya?” Eatu matatafusi si numananava.

5 Na yana kayokuğā i kitadadana nenesiyai. Atu katekatesi yana gua fasinei i nuwatadauna venemokena keta namoğā nimana matematena i iyaviya i bwaduwa, "Nimau ku tunei." Namoğā nimana i tuniya eketa i dewadewa. ⁶ Tovanama nenei Fanasi si venukikinomana keta si niya tu-fomu Enoda kana tomuniyeina nenesiyai eketa tamo nenei Yeisu waina si fufuniya kana nuvimate fasinei.

7 Eketa Yeisu kana tomuniyeina nukusi si niya tobu nenei eatu Ganiniyei sabuvekamoka si muniiya. ⁸ Yeisu kiyakiyaya kafa nuwatabau i savivinisiya bigana si nowaniya eketa biga si yauniya i niya Yudiya, Yenusanema, Idumiya yota menanasima Yonidani ukowa fafaninei be i fanakwaniüğā Taya eketa Saidoni nenesiyai namoğā si nemiya.

⁹⁻¹⁰ Noko kuyadayadanama nenei namoğā yagwanisi i givibwinisiya. Na fasinei tovisafwavinäga matatafusi kunausi si ketoketowiwiya be nuwanuwasi Yeisu sina gisikoniya. Eatu sabu nakasina fasinei kana tomuniyeina i iyavisiya be waka sina gidewadewiya fasinei be namoğā muka sina nibwatabwatavinai. ¹¹ Kanunu goyosi aviyaonana namoğā si nuwfisiya tovanama Yeisu si kitakitiya, si fekufekuwa tafakainei eketa si bwaubwauwa, "Kwağā o Guyau Natuna!" ¹² Atu kanunu goyosi i viketofotisiya be muka wakakana sina sai tanake aitevana.

Yeisu Yana Tonowana 12 I Gibokisiya

Madiu 10:1-4, Nuke 6:12-16

¹³ Yeisu i vaneya koya nenei keta namoğasima yana nuwanuwa i wenisiya si nemiya nenei. ¹⁴ Namoğā nasi 12 i gibokisiya keta i wenisiya tonowana. Tasike o tanake nukusi eketa ina visimeysiya sira kikinomana be sina numamana, ¹⁵ eketa yota visime i venisiya be namoğā nenesiyai kanunu goyosi sina nukakisiya. ¹⁶ Nasi 12 i gibokisiya kasi wava o nofemaise.

Saimoni (i weniya Fita^{*}),

¹⁷ Sebedi natunatuna, Yemesa eketa taina Yoni (i wenisiya *Bowanegesi* kana givina o kanitana natunatuna),

¹⁸ Anideneya,

Finifi,

Batonomiu,

Madiu,

Tomasi,

Yemesa Anafasi natuna,

Tadiusi,

Saimoni Senoti[†] yokonama nenei,

¹⁹ eketa Yudasa Isikaniyoti, tanake o Yeisu kana toviwaifufuna.

Namoğā Si Bwaduwa Kanunu Goyona Yeisu I Vivisimeiya

Madiu 12:22-32, Nuke 11:14-23, 12:10

²⁰ Yeisu kana tomuniyeina nukusi si kanasuna numa sinenei, atu yota sabu si yoko-savavinisiya eketa muka kasi fata be sina ka. ²¹ Tovanama ugunina kana sifufu noko si nowaniya keta si bwaduwa, "Namoğā noko debabouna i goyowa." Eketa si niya be sina oviya.

²² Tunisi visime kana tovisawavenena Yenusanemei si sobunemiya

3:9-10 Maka 4:1, Nuke 5:1-3 * **3:16** Giniki fonasiyai, Fita kana givina maise gabana. † **3:18** Senoti kana givina maise, Diu fiyaosi eatu yoko kabegona. Tasike nuwanuwasi Noma kana tovisime nukusi sina vikamunumunuwa. **3:22** Madiu 9:34, 10:25

keta si bwaduwa, “Seitani tauna kanunu goyosi kasi toviketanuneina, Yeisu i vivisimeiya. Tanake yana fiwana nenei eketa kanunu goyosi i vivikinomanisiya.”

²³ Yeisu i wenisiya keta nenesiyai i bwadusobusobuwa i bwaduwa, “Namaise yo Seitani atu yota Seitani tauna ina kwaviniya? ²⁴ Taki kafa visime tauna ina sinatakatakiya be sina vikamunumunuwa, na kafa visimenama muka ina fakwa nubwayouna. ²⁵ Taki yota namōga ugunina ina sinatakatakiya be sina vikamunumunuwa, noko uguninama ina kayakweniya. ²⁶ Eketa taki Seitani yana yoko ina sinatakatakiya be sina vikamunumunuwa nao muka kana fata ina misini, yawane ina kakaviya. ²⁷ Muka tamo aitevana kana fata be namōga fifiwanina yana numa ina kanasunei be yana nogonogo ina gikuma. Kana nivaniva tamo namōga fifiwanamokena ina yoniya, yo muniyai yana numai ina gikuma.

²⁸ A iyaiyavimiya venemokena. Namōga yasi go'yonu matatafunu be yasi bwadu-tafakaikokona Guyau nenei o ina vinuwateweisiya. ²⁹ Atu taki kwāga aitevana Kanunu Tafutafuna kuna bwadu-tafakaikokoniya Guyau mukamokena ina vinuwateweyeu atu ya go'yonu ina fakwavāgata.” ³⁰ Yeisu i bwaduwa nofemaise ūguna visime kana tovisawavenena si bwaduwa, “Kanunu goyona i nuwafiya.”

Yeisu Ugunina Venemokena

Madiu 12:46-50, Nuke 8:19-21

³¹ Tovanama nenei Yeisu ayona eketa sisitaina si nemiya menanai si misimisiniya, atu kana matakawa si teweiya i niya be ina nemiya ina kitisiya. ³² Sabu Yeisu si tōgafifiniya eketa tasike fiyao sima o si iyaviya si bwaduwa, “Ayou keta sisitai menanai, nuwanuwasi kwāga.”

³³ Nenesiyai i nufata i bwaduwa, “Avi ayoku o avi sisitaiku?” ³⁴ Eketa namōgasima si tōgafifiniya i kitinanainisiya eketa i bwaduwa, “Kwa kitai! Nofe o ayoku eketa unaunaku. ³⁵ Aitevana Guyau yana nuwanuwa ina fufuniya, tanake unaku, nouku eketa ayoku.”

4

Fwayafwaya Nufunina Kasi Bwadusobusobu

Madiu 13:1-9, Nuke 8:4-8

¹ Yeisu yana visawavenena i kakina-savaviniya Ganini tobu kafakainei eketa sabuvekamoka si niya yana sifufu sina vaneneiya. Eatu si yokokwafuya na ūguna wakai i tōga atu namōga o tobu kafakainei si fakwa. ² Eketa iba yagwanina fasisiyai bwadusobusobuwai i visawavenena. I iyavisiya i bwaduwa,

³ “Kwa nowaniyal! Namо̄ga tamokāga kana bwibwiyyaguwai fwayafwaya matatafunu i fonoyauyauniya eketa nugi etanei i giyauyauniya.

⁴ Tunisi ketai si fekuwa eketa manuwa si nemiya si kawa. ⁵ Atu tunisi gabagabaginei si fekuwa atu muka fwayafwaya badobadona na ūguna si venuketovitakana, ⁶ atu kikwanakwanamisi muka sita sobu venemokena keta vanavana i vaneya nenei o i taoyayanisiya. ⁷ Nugi tunisi si fekuwa bubu kikikwanekwanena nenesiyai si tafwa atu bibusima si tunatautaunisiya keta muka sita vikabwaga. ⁸ Eatu tunisi nugi si fekuwa fwayafwaya

dewadewanai keta si tafwadewadewa. Tunisi si sakuna 30 na kana vifofo, 60 na kana vifofo, eketa 100 na kana vifofo.”

⁹ Eketa i iyavisiya i bwaduwa, “Taki na taniyami maise avana a iyavimiya kwana nowaniya.”

Yeisu Yana Bwadusobusobu Na Kana Uḡu

Madiu 13:10-17, Nuke 8:9-10

¹⁰ Tovanama Yeisu kana kisina, yana tonowana kasi 12 yota namoḡa tunisi si nemiya Yeisu nenei keta si nutoninuvenuviya yana bwadusobusobusima fasinei.

¹¹ I nufata i bwaduwa, “Kwami fiyaomima a gibokimiya be Guyau yana kafa visime kana nuwasisikona ana nusifufuwimiya. Atu mani namoḡa nenesiyai o muka ana givimayetadewadewai, naki bwadusobusobuḡa nenei ana nusifufuwisiya. ¹² Nokomaise ana fufuniya ebe avana manatuwaina Guyau yana tomatakawa tamokāga i viginiwiya fasisiyai ina vivenemokena.

Naki sina kitakitiya,

atu muka sina kitakinanei.

Naki sina nowanowaniya,

atu muka sina nuwatasanamanei.

Taki yasi fufunagoyo sina kitakinaniya keta sina nuwatasanamaniya ebe

sita ugevinisiya nenekuwai

nao ata vinuwateweisiya.”

Fwayafwaya Nufunina Kasi Tunina Kana Sanamana Fasinei

Madiu 13:18-23, Nuke 8:11-15

¹³ Yeisu i iyavisiya i bwaduwa, “Nofe bwadusobusobunama tamo kana sanamana nemiyai? Avi bwadusobusobu yoke kwana sanamanei?

¹⁴ Nugi kana toyauyauneina nao Guyau fonana kana toyauyauneina namoḡa yagwanisi nenesiyai. ¹⁵ Namoḡa tunisi yasi fakina maise ke’ta bwadusima si nowanowaniya atu muka mwanenena Seitani i nemiyai keta i viviteweisiya. ¹⁶ Namoḡa tunisi o maise fwayafwaya gabagabanina, bwadu si nowanowaniya eketa muka mwanenena si katukatuviya na yasi sebobo, ¹⁷ atu muka na kikwanakwanamisi, na nenei keta yasi fakwa muka nubwayouna. Tovanama biga dewadewana fasinei dauna keta kuvavana i kikkinomanisiya, si venuvenudibutoyoḡa. ¹⁸ Namoḡa tunisi o maise bubu sakasakanununa. Nofe namoisima o biga si nowanowaniya,

¹⁹ atu yasi nuwanuwa o kimoki fwayafwaya kana fakwafakwa ibasima nenesiyai, gabana keta iba tunisi kasi nisaḡa si nuwagabubuwisiya. Eketa noko ibasima biga dewadewana si tunatunatautauniya eketa muka ita viviuwa. ²⁰ Fwayafwaya dewadewana o maise namoḡa tasike biga dewadewana si nowaniya keta si katuviya. Eketa tunisi si sakuna 30 na kana vifofo, 60 na kana vifofo, eketa 100 na kana vifofo.”

Kimayeta Yana Kafa Misini Etanei

Nuke 8:16-18

²¹ Yeisu yota i iyavisiya i bwaduwa, “Muka tamo aitevana kana fata kimayeta ina kanasunei keta kabomai ina kabwaniya o kivi sifunei ina tenei. Atu naki kana nufota be yana kafa misiniyi ina teniya. ²² Aviyavana makamakaviuneinasi o naki maise be ana tene-kikinomanisiya, eatu

aviyavana kikikabwanisi o naki maise be ana vitanadadisiya. ²³ Taki na taniyami maise avana a iyavimiya kwana nowaniya.”

²⁴ Keta yota i kanakakina, “I kanoveimi be kwa vaneneğä-dewadewa, yami nowanaututunama nenei yami sanamana ina givinakasiya yota ina vifofwiya. ²⁵ Tasike aviayaonana simo nenesiyai ina venevifofwisiya. Eatū tasike aviayaonana muka nenesiyai atu kabegona, naki nenesiyai ina viteweiya.”

Guyau Yana Kafa Visime

Yana Tafwatafwa Kana Bwadusobusobu

Madiu 13:31-32,34, Nuke 13:18-19

²⁶ Yeisu yota i bwaduwa, “Guyau yana kafa visime o nofemaise. Namogä tamokağä yana bagunai nugi i giyauyauniya. ²⁷ Nuwabuna i banubanuwa keta kuyadayada i misimisiyi, atu nugi o si tafwatafwa eatu muka ita sanamanei namaise. ²⁸ Fwayafwaya o nugi i gigivitafwiya, nauna ina ketovitakana, ina tafwa ina vaneya, eyo ina vikabwaga. ²⁹ Tovanama kabwagamokena ina gumaiya keta kiyana kana tova, namogänama ina vibutuwa ina totuya.”

³⁰ Eketa Yeisu yota i iyavisiya i bwaduwa, “Avi bwadusobusobu tamo ebe nenei Guyau yana kafa visime ata sawanuvenuveye? ³¹ Naki maise kayawana nugina musumusumokena namogä si bagubaguniya, ³² atu tovanama ina tunakutuva o kaiuwauwa matatafusi i tufutufuteweysi, nağanina o si nakanakata keta bayawinei kana nufota be manuwa kasi gigi sina kiyona.”

³³ Nofemaise bwadusobusobusima yagwanina nenesiyai i nusifufuwiysiya kana nivaniva si nowana kasi fata na yasi sanamana.

³⁴ Yana kikitana namogä nenesiyai matatafuna o bwadusobusobu nenei, eatu kana tomuniyeinağä nenesiyai o matatafuna i gigivimayesiya.

Yeisu Fonimanabutu I Sawataniya

Madiu 8:23-27, Nuke 8:22-25

³⁵ Noko kuyadayadanama kana navinavi, Yeisu kana tomuniyeina i iyavisiya i bwaduwa, “Tana tamana fafaninei.” ³⁶ Tanake o wakai atu kana tomuniyeinağä si toğä eketa tanake nukusi yoko si teweysiya atu waka tunisi nukusi si tamana. ³⁷ Muña mwanenena atu fonimana i towa eketa nefo waka i siwatotcoiya, eketa ukowa i vibutuwa i maamağä wakai.

³⁸ Yeisu waka kunenei i videbaboununakata keta i banubanuwa. Atu kana tomuniyeina si nuvauniya keta si bwaduwa, “Aiyé, muka kuta vinuwana tana mateye fasinei!”

³⁹ I misiniya keta fonimana i dageiya i bwaduwa, “I katana!” Yota nefo i iyaviya, “Ku nigwana!” Muña mwanenena fonimana i kataniya eketa manokutukutu i teweysi. ⁴⁰ Eketa kana tomuniyeina i iyavisiya i bwaduwa, “Ava fasinei yo kwa matutamoka? Yawane muka yami vitumağana?”

⁴¹ Naki kawasi si yaowa eketa tututausi si vikatonitoniyi, “Nofe avi namogä yo fonimana keta nefo fonana si nowaniyi!”

5

Yeisu Kanunu Goyosi I Nukakisiya Namogä Tamokağä Nenei

Madiu 8:28-34, Nuke 8:26-39

¹ Yeisu keta kana tomuniyeina si nemiya Ganini tobu fafaninei fiyao Genasa yasifafaniyi. ² Tovanama Yeisu i sobuwa wakai, namoña tamokaña kanunu goyona i nuwafiya matematesi kasi vatunuma nenesiyai i kikinomana-nemiyai nenei. ³⁻⁵ I fakwafakwa vatunumai. Muka tamo aitevana fifiwanamokena be ina vanetanai. Tova matatafuna kaena keta nimana seni nenesiyai si yonayoniya atu unavasima i kikionota eketa muka tamo aitevana kana fata be ina yona-savavinei. Kuyadayada keta nuwabuna tamokatamokaña vatunuma keta koya nenesiyai i ninikaokaoğowa keta i bwaubwauwa yota tauna gabanai i nunugisagisasiya.

⁶ Tovanama Yeisu kedawanauwai i kitia i dibwana i niya eketa naumei kaetutuna i viketogunisiya, ⁷ eketa kayona nakasinei i tatakwayana i bwaduwa, "Yeisu, Guyau Etanemokenei Natuna! Ava ya nuwanuwa nenekuwai? Guyau kana wawai a vivikokona-sineganiganiya muka kuna givikuvakuvavaneiku." ⁸ Nofemaise i bwaduwiya uğuna o Yeisu kanunu goyona nauna i miki-iyaviya, "Kanunu goyou namoña nofe ku gionovei!"

⁹ Yeisu i nutoniiya i bwaduwa, "Namaise ka wawa?"

I nufata i bwaduwa, "Kaku wava Sagisagigi uğuna kima yagwaniki namoña nofe sinenei." ¹⁰ Eketa kanunu goyosi Yeisu si kamanemane-yeweyewiya be muka sina nai tamo fafani nenei.

¹¹ Niniusiyai o fonoyauwa si kakabubuna koya kafakainei, ¹² eketa kanunu goyosi Yeisu si kamanemaniya si bwaduwa, "Ku sawateweyeiki be ku teweyeiki ka nai fono sinesiyai."

¹³ Eketa sawateweyeina i venisiya keta namoña sinenei si kikinomana atu si niya fono nenesiyai si kanasuna. Fonoyauwasima kasi yagwana 2,000 maise, tefai si sinowa eketa tobuwai si gavivina.

¹⁴ Fonosima kasi tokitavikavina si dibwana si niya menana nakasinei eketa yota menana tamokatamokaña nenesiyai matakawa si venutamatamaniya. Namoña si niya eketa aviyavana i kikinomana si kitia. ¹⁵ Tovanama si nemiya Yeisu nenei, namoğanama manatuwaina kanunu goyosi si nuwafiya si kitia na kana nuya keta yana nuwanuwa dawaniniina nenei i nuvitoğā eketa matatafusi si matuta. ¹⁶ Aviyaonana si kitia avana i kikinomana namoğanama keta fono nenesiyai namoña si iyavisiya. ¹⁷ Eketa Yeisu si kamanemaniya be vitana yasifafani ina teweiya.

¹⁸ Tovanama Yeisu wakai i toğatoğā, namoña nauna kanunu goyosi si nuwafiya i kamanemaniya be nukusi sita niya.

¹⁹ Atu Yeisu i sawataniya eketa nenei i bwaduwa, "Ku makavinau ya menanai be ya sabu kuna iyavisiya avana iba nakasina Tuveka i saviviniya fasiweu, eketa namaise yota yana sineganigani neneweu."

²⁰ Namoğanama i makaviniya eketa Dekafonisi* nenesiyai i nusifufuwa avana Yeisu i saviviniya nenei. Namoña matatafusi si nowaniya keta si mayağā.

Yainusi Natuna Gumayogu Matematena Keta Gumayogu Visafwavinaina

Madiu 9:18-26, Nuke 8:40-56

²¹ Yeisu i tamana-savaviniya tobu fafaninei. Yawane tobu kafakainei atu sabuveka si nemiya keta si yokokwafuya. ²² Eatu namoña tamokaña kana wava Yainusi, tanake tamo numa kafa yokoyoko kana toviketanuneina, i nemiya Yeisu nenei. Tovanama Yainusi Yeisu

* **5:20** Giniki fonasiyai, Dekafonisi kana givina menana 10 nakanakasisi.

i kitiya i fekuwa kaeyafayafanei,²³ eketa nenei i vikokona-sineganiganiya i bwaduwa, “Natuku gumayogu kabegona, kabegomokena ina mateya. Kuta nemiya nimau tofwanei kuta teniya be kuta givibwiniya keta ita fakwa na yawasina.”²⁴ Tovanama si noğokawawa, namoğa sabuveka si yokokwafukwafuya keta nukusi si niya.

²⁵ Gumayogu kana katona ufaufa i toatoğatewetewiya manamana 12 o nukusi sinesiyai.²⁶ Yana nogonogo matatafunu tokwenikweni nesiyai i teweiya ebe vitana ita bwina eatu katonanama i nakatamoka.²⁷⁻²⁸ Yeisu fasinei i biganowana keta nuwasinenei i bwaduwa, “Taki kana nuyağa ana gisikoniya nao ana dewadewa.” Eketa namoğa sabuveka kasi sinefouwai i niya Yeisu kumunina keta kana nuya i gisikoniya.²⁹ Muka mwanenena ufaufana dibwadibwana i kaonosiya eketa tauna i kamukoniya vitana kana katona naki i kakaviya.

³⁰ Noko tovanama nenei Yeisu i sanamaniya yana fiwana naki i kikinomana eketa namoğa kasi sinefouwai i sağabwataviniya keta i bwaduwa, “Aitevana kaku nuya i gisikoniya?”

³¹ Kana tomuniyeina si iyaviya si bwaduwa, “Ku kitai! Namoğa sabuveka si yokokwafuwa atu namaise yo ku bwadubwadu, ‘Aitevana i gisikoniku?’”³² Atu Yeisu i kitakitadadana be nuwanuwana ina kitiya aitevana i gisikoniya.³³ Atu gumayogu i nuwatasanamaniya aviyavana i kikinomana nenei eketa na yana matuta yota na yana kinikuna i niya Yeisu naunei kaeyafayafanei i fekuwa, keta i iyaviya iba matatafunu kana venemokena nenei.³⁴ Keta Yeisu i iyaviya i bwaduwa, “Natuku, ya vitumağanai ku dewadewa. Ka katona naki i kakaviya. Keiya nenei ku nai.”

³⁵ Yawane i nunusifufuwa atu namoğa tunisi Yainusi yana numei si nemiya keta si iyaviya si bwaduwa, “Natuu gumayogu naki i mateya. Ava fasinei tovisawavenena kuna visinamatamatane-kaögöwei?”

³⁶ Yeisu yasi bwadunama i nowanateweiya eatu i iyaviya i bwaduwa, “Muka kuna matuta, naki ku vitumağanamoka.”

³⁷ Muka tamo aitevana ita sawateweysi ebe yo nukusi sina nai naki Fita, Yemesa eketa kana tufunuwa Yoni nukusi sina niya.³⁸ Tovanama Yainusi yana numai si kikinomana Yeisu namoğa yagwanisi i kitisiya si bwedibwedi-bwaubwauwa,³⁹ eketa i kanasuna sinenei keta i iyavisiya i bwaduwa, “Ava uğuna yo kwa bwedibwedi-nukwae. Gwadimonamona nai muka ita mate atu i banubanuwa.”

⁴⁰ Namoğa si kawanaviya fasinei matatafusi i vikikinomanisiya eatu gwadimonamona ayona keta amana yota kana tomuniyeina kasi tonu nukusi si kanasuna totomuwai namai gwadimonamona i matamataveya nenei.⁴¹ Nimanei i ova keta i bwaduwa, “*Tanita kumi*,” kana givina, “Gumayogu kabegou a iyaiyawiwa ku misini.”

⁴² I venuotowamisiyiya keta i fanakwanikwaniüğa. (Tanake kana manamana 12.) Eketa si mayağamatatafuwa.⁴³ Eketa Yeisu visime fifiwanamokena i venisiya ebe muka tamo aitevana sina iyavei. Eyo i bwaduwa, “Ava tamo kwa venei be i kawa.”

6

*Fiyao Nasaneti Yeisu Si Dibutoyoiya
Madiu 13:53-58, Nuke 4:16-30*

¹ Yeisu kana tomuniyeina nukusi menana noko si teweiya keta si makavinisiya Nasaneti tauna yana menana nenei. ² Sabati kana

kuyadayada nenei i vibutuwa visawavenena numa kafa yokoyoko sinenei. Namoğā yagwanisi si nowaniya keta si mayağā. Tututausi nenesiyai si vikatonitonuya si bwaduwa, “Namasimo nofe nuwanuwasiما i vaisi, avi nuwatasuyasuya nenei eyo kafa nuwatabau fifiwanisi i gigikikinomaneisi? ³ Namoğā nofe o naki tokabitamomoka. Ayona o Meni eketa sisitaina o Yemesa, Yosefa, Yudasa keta Saimoni, yota nounouna nukusi nofemai ta fakwafakwa.” Eketa si dibutoyoemokiya.

⁴ Yeisu i iyavisiya i bwaduwa, “Namoğā Guyau yana tomatakawa si vivifotuwisiya, eatu tututausi yasi menana namoisi be yasi sabu eketa yasi fasekwa o muka sita vivifotuveisi.” ⁵⁻⁶ Eketa Yeisu i mayağā uguna namoğā muka sita vitumağana, na fasinei muka kana fata be tamo iba fifiwanina nokomai ita fufuniya eatu nimana i dawana nasi viyamoka tofwasiyai eketa si bwina.

Yeisu Yana Tonowana I Visimeisiya Si Niya Menana Nenesiyai

Madiu 10:5-15, Nuke 9:1-6

Eketa i fanakwaniğā menana nenesiyai i vivisawavenena. ⁷ Yeisu yana tonowana i wenevakuksisiya eketa nuwesinuwesi i visimeisiya menana nenesiyai. Eketa visime i venisiya ebe kanunu goyosi sina vatanisiya, ⁸ eketa i iyavisiya i bwaduwa, “Yami nainama nenei muka tamo aviyavana kwana uniya, muka kabwaga, kautu o gabana, naki kiwanağā tamokağā. ⁹ Kami kaevatakutakuna kwana kikotonina eatu muka tamo nuya kana vinuwa kwana uniya. ¹⁰ Taki avi menana nenei kwana niya, tamoka numanama nenei kwana fakwa kana nivaniva na menaninama kwana teweiya. ¹¹ Taki kwana nemiya tamo menana nenei atu namoğā muka sina katuvaimi o sina nowanimi, kaeyafayafami kasi kafusisima kwana nubutusiya eatu kwana niya. Noko ina visawavenena vitana matasi ina kanakasiya.”

¹² Eketa si niya namoğā si iyavisiya, “Yami fufunagoyo nenesiyai kwana ugevinimiya ebe kwana makavinimiya Guyau nenei.” ¹³ Kanunu goyosi yagwanisi si vikikinomanisiya eketa onive bubunei namoğā tovisafwavinäga tofwasiyai si kisiwağā eketa si givibwinisiya.

Tufomu Enoda Anitifasi Keta Yoni Togivibutabuta Yana Mate

Madiu 14:1-12, Nuke 9:7-9

¹⁴⁻¹⁶ Yeisu bigana i kewa eketa namoğā matatafusi kana wava si sanamaniya. Tunisi namoğā si bwadubwaduwa, “Kana fata be iba fifiwanisi ina saviviniya uguna tanake Yoni togivibutabuta matematesi nenesiyai i misini-savaviniya.” Tunisi namoğā si bwaduwa, “Tanake o Inaitiya i makaviniya.” Tunisi namoğā yota si bwaduwa, “Tanake maise tomatakawa manatuwaina.”

Nofe ibasima fasisiyai, tufomu Enoda Anitifasi i biganowana eketa i bwaduwa, “Yoni togivibutabuta kayona a nuonotateweiya eatu mateyai i misini-savaviniya.”

¹⁷⁻²⁰ Kana sifufumokena nofemaise. Muniyai yo Yeisu i vibutuwa visawavenena, Enoda taina Finifi kawana Enodiyasi i vikawanisiya. Muni-fotai Yoni Enoda i iyaviya i bwaduwa, “Yata visime nenei muka tamo ka sawateweeyeina be taiu kawana ku vikawanisi.” Na fasinei Enoda yana tonuaviya i visimeisiya si niya. Yoni si givikaviniya, si yoniya eketa deniyai

si teniya. Enoda keta Yoni yasi vikanunusifufu nenei Enoda nuwanuwa yaona venemokena i viya, eatu naki nuwanuwana be ina vanevaneneiya. Enodiyasi o si kayokayokuña nuwanuwasi be Yoni sina nuvimatia atu Enoda i sanamaniya Yoni o namoña dewadewana keta tafutafuna na uguna i matuta eketa i ofafafiya. Na nenei Enodiyasi muka kasi fata Yoni sita nuvimatei.

²¹ Enodiyasi yasi kuyadayada dewadewana i kikinomana, Enoda yana kafa tufuwa kana tuku kana tovai. Enoda ka nakasina i fufuniya tovisime nakanakasisi be tonuaviya kasi toviketanuneina keta Ganini kasi toviketanuneina fasisiyai. ²² Enodiyasi natusi gumayogu i kanasunanemiya keta yana vaǵai Enoda kana yokoyoko nukusi i givisemwanisiya. Eketa tufomu gumayogu kakaabana i iyaviya i bwaduwa, “Aviyavana ya nuwanuwa kuna bwaduwiya, ana veniwa.” ²³ Eketa bwadudabadaba fifiwanina nenei i iyaviya i bwaduwa, “Aviyavana ya nuwanuwa kuna vikokonikuwa, maise yaku kafa visime tunina ana veniwa.”

²⁴ Gumayogu i kikinomana keta ayona i iyavisiya i bwaduwa, “Avamasi fasinei ata vikokona?”

Ayona si nufata si bwaduwa, “Yoni togivibutabuta debabouna fasinei kuna vikokona.”

²⁵ Dibwadibwanina nenei i venumakaviniya tufomu nenei eketa i bwaduwa, “Nuwanuwaku nofe tova Yoni togivibutabuta debabouna kuna nuonosiya keta kanusana nenei kuna totoiya keta kuna venikuwa.”

²⁶ Nofe bwadunama tufomu nuwatana i gividauya venemokena, eatu naki kana yokoyoko matasiyai i bwadudabadaba na fasinei yana vikokona muka ita dibutoyoǵei. ²⁷ Eketa muka mwanenena tonuaviya i visimeiya be Yoni debabouna ina nemiiya. Namoǵanama i niya deni nenei eketa Yoni kayona i nuonosiya, ²⁸ kanusana nenei debabouna i nemiiya gumayogu i veniya eketa gumayogu i viya ayona i venisiya.

²⁹ Tovanama Yoni kana tomuniyeina bigana si nowaniya, si nemiya eketa tofwana si viya keta vatunuma nenei si odewadewiya.

Yeisu Namoǵa 5,000 I Vikanisiya

Madiu 14:13-21, Nuke 9:10-17, Yoni 6:1-14

³⁰ Tonowana si makavinisiya eketa iba matatafunu avana si fufuniya yota si visawavenena, si bwaduwe-kikinomaniya Yeisu nenei. ³¹ Na tovanama nenei, namoǵa yagwanisi Yeisu si venuvenuyeweyewiya eketa muka tamo yasi kawasasa be sina biyawasa. Na fasinei Yeisu i iyavisiya i bwaduwa, “Kwamiǵa kwa nemai. Sabu nofe ta teweyeisi be ta nai kabaǵa nunukamumunina nenei ebe ta viyawasi.”

³² Eketa tasikeǵa wakai si niya kabaǵa nunukamumunina nenei. ³³ Atu yasi noǵokawawanama nenei, namoǵa menana kana matatafu nenesiyai si kitakinanisiya eketa si venufana noko kabaǵanama nenei muniyi yo Yeisu kana tomuniyeina nukusi si saniniya. ³⁴ Tovanama Yeisu wakai i sobuwa, sabuveka i kitisiya. I kitasineganiganisiya uguna tasike maise sifi muka na kasi tokitavikavina, na uguna i vibutuwa i visawavenena iba yagwanisi nenesiyai.

³⁵ Navinavimokeyai kana tomuniyeina si nemiya nenei eketa si bwaduwa, “Nofe wanakikavai eatu vanavana naki i sonusonuwa.” ³⁶ Na fasinei namoǵa ku teweyeisi be si nai menana ketamwakufwai, tututausi kasi kabwaga simo si vikimwane ebe si kawa.”

³⁷ Eatū i nufata i bwaduwa, “Kwami tututaumi tamo aviyavana kwa veneisi be si kawa.”

Eketa si iyaviya si bwaduwa, “Omasi 200 siniva* nenei maneka kana kimwanisiya keta kana vikanisiya?”

³⁸ Eketa i nutoninuvenuvuvisiya i bwaduwa, “Aviyesi maneka nenemiyai? Kwa nai be kwa dadana.”

Tovanama si nisaiya, si bwaduwa, “Maneka 5 eketa iyana nuwesi weka.”

³⁹ Yeisu sabuveka i iyavisiya i bwaduwa, “Bubuwai kwana fakwasiotoga yoko nenesiyai.” ⁴⁰ Eketa yoko nenesiyai si fakwasiotoga. Tunisi kasi yagwana 50 atu tunisi o 100.

⁴¹ Tovanama Yeisu maneka 5 keta iyana nuwesi i visiya, i kitavaneya abamai ibasima fasisiyai Guyau i viagigikuwiya. Maneka i gisinesiniya eketa kana tomuniyeina i venisiya keta si vitukuwa namoغا nenesiyai. Keta yota iyana nuwesi i gikotokotova keta i vitukuwa matatafusi nenesiyai. ⁴² Eketa matatafusi si kasiyuwa venemokena, ⁴³ munifotai Yeisu kana tomuniyeina maneka keta iyana tuftufo si kwakwiya keta feyawa 12 si vimaisiya. ⁴⁴ Namoغا kasi yagwana 5,000 na yasi susu kabwaginama si kaniya.

Yeisu Ukowa Etanei I Niya

Madiu 14:22-33, Yoni 6:15-21

⁴⁵ Muka mwanenena Yeisu kana tomuniyeina i iyavisiya be wakai sina venuviketanuna menana Betisaida nenei tobu fafaninei, eatu noko sabusima i teweisiya si niya. ⁴⁶ I vioyoowisiya muninei i vaneya koyai kawanunuku fasinei.

⁴⁷ Navinavinama nenei Yeisu kana tomuniyeina yasi wakai tobu sinefounei si kikinomana, eatu tanake kana kisina si sinanoviya. ⁴⁸ Eketa i kitisiya kana tomuniyeina si oioiya na yasi fiwana uguna fonimana keta yoyo si viketosoğaniya. Eketa tovawedanai Yeisu ukowa etanei i niya kuveyaisi be vitana ina tutuunisiya. ⁴⁹ Atu tovanama si kitiya si bwaduwa vitana mayamayau ukowa etanei ita nenemai eketa si tatakwayaniya. ⁵⁰ Matatafusi si kitiya si matuta.

Eketa Yeisu i venubwadufotafota i iyavisiya, “Muka kwana matuta. Kwa katevatu. Iyau weka.” ⁵¹ Yeisu i toغا wakai eketa fonimana i onoviya. Kawasi i yaowa, ⁵² uguna avana i saviviniya maneka nenesiyai si kitiya eatu muka sita nuwatasanamaner yana fiwana keta katekatesi si fakina.

Yeisu Tovisafwavinga Yagwanisi

I Givibwinisiya Menana Genasaneti Nenei

Madiu 14:34-36

⁵³ Tobu si witamaniya keta Genasaneti si saniniya. Nokomai waka si nusifwiya. ⁵⁴ Tovanama wakai si sobuwa, namoغا Yeisu si venukitakinaniya. ⁵⁵ Namoغا si venusavaneneğä fafaninama nenei. Avi kabağä nenei sina nowaniya Yeisu nokomai, tovisafwavinga na sitasi si nenemiisiya nenei. ⁵⁶ Yeisu i niya menana-sifunu yota menana nakanakasisi eketa numa-sifunu nenesiyai. Noko kabağäsima nenesiyai namoغا tovisafwavinga si nenemiisiya eketa kabağä kafa vivitamaneina nenesiyai si dawadawana, eatu Yeisu si vivikokoniya be kana kwame matakafafanağä sita gisikoniya. Eketa aviyaonana si gisikoniya si dewadewa.

* **6:37** 200 siniva o yamayamana 8 tobunanige fatana maise.

Guyau Yana Visime, Waḡawaḡasi Kasi Sanu I Vanetaniya

Madiu 15:1-9

¹⁻⁴ Fanasi keta Diu fiyaosi yagwanisi waḡawaḡasi nenesiyai kasi sanu i donanisiya eketa si munimuniya. Kasi owa be tukwava eketa taga si nunutamatama kana ketaketai venemokena ebe si vitumaḡaniya noko kukuwasima eyaeyasi Guyau matanei. Tovanama kafa vivitamaneina nenei sina makavinisiya, nauna nimasi sina kigona kana ketaketai mu-niyai yo sina kawa. Tova tamokaḡa Fanasi keta yota tunisi Moses yana visime kana tovisawavenena Yenusanemei si nemiya nukusi Yeisu si yokokwafuya be sina vaneneiya fasinei. Si kitisiya tunisi tomuniyeina muka nimasi nauna sita kigona eatu kasi kabwaga si kakawa.

⁵ Eketa si iyaviya si bwaduwa, “Ka tomuniyeina nimasi gavigavisi atu si kakawa. Ava uḡuna yo waḡawaḡata kasi sanu muka sita munimuniyei?”

⁶ I nufata i bwaduwa, “Kwami meyami vinavinasi avage vitana dewadewami! Tova manatuwaina Guyau yana tomatakawa Aiseya venemokena i viginiwiya kwami fasimiyai. Nofemaise i viginiwiya,

*Guyau i bwaduwa, ‘Namoḡa nofe kawagebunasiyaīga si vivifotuwikuwa
eatu katekatesi i fakwa sasanei.*

⁷ *Tututausi kasi sanu si vivisawavenena yo muniyai si bwadubwaduwa vitana
noko Guyau yana visime,
eketa kaku kodukodu nenesiyai o i viibakaokaoḡowa.’”*

⁸ Eketa Yeisu i bwaduwa, “Guyau yana visime kwa dibudibutoyoiya atu kwami tututaumi kami sanu kwa munimuniya. ⁹ Kwa vivinuwadadana vitana dewadewana kwata fufufuniya atu Guyau yana visime kwa visāgaketuketuwiya eatu waḡawaḡami kasi sanu kwa viya o kwa munimuniye-dewadewamokisiya. ¹⁰ Nofe yota tamo kafa kita kwa fufufuniya. Moses i viginiwiya i bwaduwa, ‘Amau keta ayou kuna vifotuwisiya,’ keta ‘Taki tamo aitevana ina vikanatafutafuwa amana o ayona nenesiyai, na gwadinama kwana nuvimiatiya.’ ¹¹ Atunofemaise kwa vivisawavenena. ‘Taki tamo aitevana ibanama nenei, kana nufota be amana o ayona ina ovivitisya eatu ita iyavisiya, ‘Iba nofe kaku nufota be nenei ata ovivitimiyai eatu a tenesiniya be Guyau ana veniya, na fasinei muka kaku nufota be ana veneimi.’’ ¹² Taki nokomaise ina fufuniya nao kwana bwaduwa, ‘Naki dewadewana.’ Na nenei kwa viviketofotiya eketa muka ayona be amana ina oviviteisi. ¹³ Tovanama nofemaise kwana fufuniya, nao waḡawaḡami kasi sanuḡa kwa munimuniya eatu Guyau yana visime kwa vivibakaokaoḡowiya keta yota ketaketa yagwanisi nenesiyai nofemaise kwa fufunisiya.”

Avi Fufuna Namoḡa I Gigivigavigavisi Guyau Matanei

Madiu 15:10-20

¹⁴ Yeisu namoḡa i wene-savavinisiya si nemiya nenei eketa i iyavisiya i bwaduwa, “Matatafumi yaku sifufu kwana nowanautuutuya be kana sanamana kwana viya. ¹⁵ Aviyavana tamo namoḡa kawanei ina kanasuna

o muka ina givigavigaviya. Eatu avana kawanei ina kikinomana, enao ina givigavigaviya Guyau matanei.”*

¹⁷ Namoga i teweisiya eatu i kanasuna numai, keta kana tomuniyeina si nutoninuvenuveiya bwadusobusobu i nusifufuviya kana sanamana fasinei.

¹⁸⁻¹⁹ I nufata nenesiyai i bwaduwa, “O kwami yota yawane muka kwata sanamanei yaku sifufu kana givina! Muka kwana nuwatasanamanei tovanama namoغا kabwaga ina kaniya, noko kabwaganama muka ina kanasuna nuwafounei, eatu ina niya kamokamonei eketa ina kikinomana. Muka kana fata be ina givigavigaviya.” Tovanama Yeisu noko i bwaduwiya, i visawavenena vitana kabwaga matatafuno o eyaeyana Guyau matanei.

²⁰ Yota i bwaduwa, “Avana namoغا sinenei ina kikinomana noko ibanama ina givigavigaviya. ²¹ Nofe ibasima o namoغا nuwafounei si kikinomana — vinuwadadana goyosi, vimomona-kaokao-go, gikuma, nuvimate, kudo, ²² kanufafa, fufuna goyosi, bwadu-vikanonono, matayaiyaina, vikumaiги, sawanuketu, nuwavane, akwavakwawa. ²³ Nofe ibasima matatafuno goyosi nuwafounei si kikinomana eketa namoغا si givigavigaviya.”

Ne Foenisiya Yasi Vitumağana Yeisu Nenei

Madiu 15:21-28

²⁴ Eketa Yeisu menana noko i teweisa eatu i niya menana tamokağı nenei Taya keta Saidoni niniusiyai eketa i niya numa tamokağı nenei. Muka nuwanuwana be namoغا sina sanamanei tanake o noko menananama nenei, eatu muka kana fata ina makaviuna. ²⁵⁻²⁶ Gumayogu tamokağı si nowaniya vitana Yeisu o nokomai eketa muka mwanenena si nemiya nenei. Gumayogu nofe o muka ne Diu, tasike ne yauyauna. Si tuwu menana Foenisiya neneifafani Siniya sinenei. Kanunu goyona natusi gumayogu i vivisimeiya fasinei keta si nemiya Yeisu nenei. Eketa si fekuwa kaeyafayafanei eketa si kamanemaniya be natusi nenei kanunu goyona ita vikikinomaniya.

²⁷ I sanamaniya tasike muka ne Diu eketa i iyavisiya i bwaduwa, “Fiyagenagena nauna sita mikikawa, muka kana nufota be fiyagenagena kasi kabwaga ana vai keta ana teweyei anuketa nenesiyai.”†

²⁸ Eatu si nufata si bwaduwa, “Tuveka yo, ava ku bwaduwiya o venemokena, eatu anuketa sonama sifunei fiyagenagena kasi kawamusumusu i fekuwa, si kanikaniya.”

²⁹ Eketa i iyavisiya i bwaduwa, “Yami bwadunama dewadewana na fasinei kwa nai yami ketai, eatu kanunu goyona o natumi gumayogu naki i gionoviya.” ³⁰ Tovanama si kikinomana numai, natusi si kitiya i matamataveya kana kiviyai eketa si sanamaniya vitana kanunu goyona naki natusi i gionoviya.

Yeisu Namоѓа Taniyana Kweuna Yota Meyana Danuna
I Gidewadewiya

* ^{7:15} Tunisi viginiwa manatuwaisi nenesiyai o kana nukisi 16 si nunatuya. “Taki na taniyami maise avana a iyavimiya kwana nowaniya.” † ^{7:27} Fiyagenagena bwadusobusobu nofe sinenei o Diu fiyaosi. Si vivinuwadadana vitana tasike dewadewamokesi yo yauyauna namoisi. Na fasinei tamo tova namogasima si weniwenisiya anuketa.

³¹ Yeisufafani Taya i teweiya eketa i vaonota Saidoni sinefounei. Eketa i niya Ganini tobuwai Dekafonisi yana fafani sinesiyai. ³² Nokomai namōga tamokāga taniyana kweuna yota meyana danuna si nemiiya. Eketa Yeisu si vikokona-sineganiganiyya be nimana ita teniya tofwanei be ita dewadewa.

³³ Namōganama i oviya eketa kasi nuwa si niya si misinikafasina eketa namōganama taniyanei nimatafwana i katukanasunisiya, muniyai yo i nufuniya eketa meyana i gisikoniya. ³⁴ Eyo i kitavaneya abamai, yawasina i tuniya eketa namōganama nenei i bwaduwa, “Efata!” Kana givina o “I kagegeu!” ³⁵ Tovanama nenei namōga taniyana i kanabuya yota meyana i savivina keta i nusifufudewadewa.

³⁶ Yeisu i sawasawatanisiya be muka tamo aitevana sina iyavei aviyavana i kikinomana fasinei. Eatū namōga yagwanisi nenesiyai si nusifufuwedadaniya. ³⁷ Tovanama namōga biga noko si nowaniya, si sabanutūga eketa si bwaduwa, “Iba matatafunā i savivinisiya o dewadewana. Namōga taniyasi kweusi i gigidewidewisiya keta si nowanowana, yota meyasi danusi i gigidewidewisiya keta si nunusifufuwa.”

8

Yeisu 4,000 Namōga I Vikanisiya

Madiu 15:32-38

¹ Noko tovanama nenei namōga yagwanisi yota si yokowa. Sabu kabwaga muka, na fasinei Yeisu kana tomuniyeina i wenevakukusisiya eketa i iyavisiya i bwaduwa, ² “Namōga a kitasineganiganiisiya ūguna kasi kabwaga muka, eatū kuyadayada tonusi naki ka fakwafakwa. ³ Taki na vitanonisi ana teweisiya be sina niya yasi numai ketai sina sasana. Yota tunisi kedawanauwai si nemiya.”

⁴ Kana tomuniyeina si nufata si bwaduwa, “Nofe o wanakikavai, keta namao kabwaga tana vai yo namōga tana vikanisi?”

⁵ Keta Yeisu i nutoninuvenuveisiya i bwaduwa, “Aviyesi maneka nene Miyai?”

Si bwaduwa, “Naki 7moka.”

⁶ Yeisu namōga i iyavisiya keta fwayafwayai si fakwasiotōga. Maneka 7 i visiya, Guyau nenei i viagigikuwa eketa maneka i gisinesiniya. Kana tomuniyeina i venisiya eketa namōga nenesiyai si vitukuwa. ⁷ Yota iyana tonusi musumususi tomuniyeina nenesiyai i visiya, Guyau nenei i viagigikuwa eyo i iyavisiya keta namōga nenesiyai sina vitukuwa.

⁸ Namōga matatafusi si kasiyuwa venemokena eatū yota gisinesine yagwanina i tufowa. Munifotai tomuniyeina feyawa 7 si vimaisiya gisinesimesima nenesiyai. ⁹ Namōga kasi yagwana 4,000 maise Yeisu i vikanisiya, muniyai yo i visimeisiya si niya yasi menanai.

Fanasi Guyau Nenei Kiyakiyaya Fasinei Si Vikokoniya

Madiu 12:38-42, 15:39—16:4

¹⁰ Muka mwanenena Yeisu kana tomuniyeina nukusi wakai si tōga eketa si niya Danumanuta kawakawana nenei. ¹¹ Fanasi tunisi si nemiya keta si vibutuwa Yeisu nukusi si vikawabwadubwaduwa be Yeisu sina anuvanuviya, na fasinei si vikokoniya be tamo kiyakiyaya abamei ita visawavenisiya.

¹² Yeisu yawasina i tununoviya keta i iyavisiya i bwaduwa, “Ava fasinei yo kwami nofe tovasima kasi namōga kiyakiyaya fasinei kwa vivikokona

Guyau nenei? A iyaiyavimiya venemokena, muka tamo kiyakiyaya ana visawaveneimi.”

*Fanasi Keta Enoda Yasi Nutuva
Madiu 16:5-12*

¹³ Eketa Yeisu Fanasi i venumakanovisiya eatu i toga-savaviniya wakai keta kana tomuniyeina nukusi si tamana Ganini tobu fafaninei.

¹⁴ Tomuniyeina nuwatasi i unuwa eketa muka tamo maneka sita niyei, eatu naki tamokagamoka waka sinenei. ¹⁵ Yeisu i bwaduwa, “Matami i nakata ebe muka Fanasi eketa Enoda yasi nutuvai sina vikonaimi.”

¹⁶ Tomuniyeina tututausiga si vikanusifusifufuwa yana bwadunama fasinei keta si bwaduwa, “Muka tamo maneka tata nemiei na uguna nu-tuva fasinei i bwadubwaduwa.”

¹⁷ Yasi vikanusifusifufunama Yeisu naki i sanamaniya eketa i iyavisiya i bwaduwa, “Ava fasinei kwa bwadubwadu vitana muka tamo maneka nenemiyai! O yawane muka kwata kitanisaagi o kwata nuwatasanamanei! Kwami gewa katekatemi guasi. ¹⁸⁻¹⁹ Na matami atu muka kwata kitakitadewadewa eketa na taniyami atu muka kwata nowanowanadewadewa! Kwana tukuya tovanama maneka 5 a gisinesinisiya namoغا 5,000 fasisiyai, aviyesi tuftufo feyawa?”

Si bwaduwa, “Feyawa 12 si tufowa.”

²⁰ Eatu maneka 7 a gisinesinisiya namoغا 4,000 fasisiyai, nao aviyesi feyawa tuftufo kwa vimağaisi.”

Si bwaduwa, “Feyawa 7.”

²¹ Eketa i bwaduwa, “O atu yawane muka kwata nuwatasanamanei?”

Menana Betisaida Nenei Yeisu Tomatagoyo I Gidewadewiya

²² Tovanama si kikinomana menana Betisaida nenei, nokomai namoغا tunisi tomatagoyo tamokaǵa si nemiiya eketa Yeisu si kamanemaniya ita givikaviniya be ita dewadewa. ²³ Eketa tomatagoyo nimanei i givikaviniya eketa i kikinomaniya menana kukwauna. Matana i nufunatanisiya eketa nimana i dawana tofwanei eatu i iyaviya i bwaduwa, “Tamo aviyavana ku kitakitiya?”

²⁴ Matana i kabwasasiya eketa i bwaduwa, “Ika, namoغا a kitikitisiya eatu vitana kai sita ninidadana.”

²⁵ Yota Yeisu nimana i tene-savaviniya namoغا matanei. Matana i katototuya eketa iba matatafunu i kitadewidewisiya.

²⁶ Eketa Yeisu i bwaduwa, “Muka kuna makavineu menanai, naki dawaniniina kuna niya ya numai.”

Fita Yana Bwadukikinomana Togifafafana Gigibokeinana Fasinei

Madiu 16:13-20, Nuke 9:18-21

²⁷ Yeisu kana tomuniyeina nukusi si niya menana Sisaniya Finifai nini-unei keta si niniya atu ke'ta tofwanei i nutoniisiya i bwaduwa, “Namaise namoغا si bwadubwadu fasikuwai, Iyau aitevana?”

²⁸ Eketa si nufata si bwaduwa, “Tunisi namoغا si bwadubwaduwa avage kwaǵa o Yoni Togivibutabuta, eatu tunisi o si bwaduwa avage Inaitiya. Eatu tunisi o si bwadubwaduwa kwaǵa tamo Guyau yana tomatakawa.”

²⁹ Eketa i nutoninuveveisiya i bwaduwa, “Eatu kwami o namaise kwata bwadu fasikuwai?”

Eketa Fita i nufata i bwaduwa, “Kwaǵa o Togifafafana Gigibokeinai.”

³⁰ Eatu Yeisu tauna i viketofotisiya ebe muka wakakana sina sai tanake aitevana.

Yeisu Yana Mate I Bwaduviōgoniya

Madiu 16:21-23, Nuke 9:22

³¹ Eketa Yeisu i vibutuwa tomuniyeina i gisawakedanisiya aviyavana yawane ina kikinomana tauna nenei. I iyavisiya i bwaduwa, “Namōga Natuna yawane ina kuavana iba yagwanina nenesiyai. Tokawakawa be tovibwanaose nakanakasisi keta yota visime kana tovisawavenena sina utuvifwayafswaiya. Nifanifaina sina nuvimiatiya eatu kuyadayada tonusi muninei mateyai ina misini-savaviniya.” ³² Tovanama nofemaise i givimayetamokiya nenesiyai, Fita Yeisu i oviya i niiya kuniniusi eketa i dageiya.

³³ Atu Yeisu i sāgaviniya kana tomuniyeina i toneisiya eketa Fita i dageiya i bwaduwa, “Seitani, ku nai sasanei! Ya vinuwadadana muka Guyau yana vinuwadadana maise, eatu maise namōga.”

Vitomuniyeina Kana Ketaketa

Madiu 16:24-28, Nuke 9:23-27

³⁴ Yeisu sabu i wenevakukusisiya kana tomuniyeina nukusi eketa i nusifufuwihiya i bwaduwa, “Taki kwāga aitevana nuwanuwau be kuna muniikuwa, ya nuwanuwa kuna tenemuniukwanisiya eatu taūgu ka ogonāganāga kuna uniya keta kuna muniikuwa.* ³⁵ Taki kwāga aitevana nuwanuwau yawasiu kuna gifafafaniya, nao kuna niteweiya. Eatu taki fasikuwai keta yota biga dewadewana fasinei yawasiu kuna niteweiya, nao kuna gifafafaniya. ³⁶ Taki aitevana tamo fwayafwaya kana mattafu kana kaikaiwabu ina viya eatu yawasi muka, nao ava tamo kana dewadewana? ³⁷ Na fasinei taki namōga yawasina venemokena ina niteweiya, muka kana fata be tamo avana nenei ina fatai be yo ina visavavinei. ³⁸ Nofe tovasima kasi namōga o tokudo keta tofufunakaokaōgo maise eketa taki aitevana ina sinemumuwiwuwa maise yota yaku bwadu ina sinemumuwiya nofe namoisima yasi tovai, yawane Namōga Natuna yota ina sinemumuwihiya tovanama ina makaviniya fwayafwayai amana yana kaiwabu keta yota kana kaetōga tafutafusi abamei nukusi.”

9

¹ Yeisu i iyavisiya i bwaduwa, “A iyaiyavimiya venemokena, namōga tunimi nofemai kwa misimisiniya Guyau yana kafa visime ina nemiya na yana fiwana kwana mikikitiya muniyai yo kwana mateya.”

Yeisu I Dawanavinavina

Madiu 17:1-13, Nuke 9:28-36

² Kuyadayada 6 muninei Yeisu kasi tonūga, Fita, Yemesa yota Yoni i ovisiya eketa tasikēga si vaneya koya etanei. Nokomai tututausi matasiyai si kitia Yeisu i dawanavinavina. ³ Kana nuya si kwaya eketa si nukawanamanamanina. Muka tamo aitevana fwayafwayai kana fata ina gonaisi nokomaise. ⁴ Munifotai Inaitiya keta Mosesi si kenokikinomana keta Yeisu nukusi si nusifufuwa.

* **8:34** Nofe bwadusobusobu kana givina Yeisu kana tomuniyeina sina katuviya tamo kafa sinemumu o kuavana sina viya na fasinei si munimuniiya. Muka ita bwadubbwadu vitana kana tomuniyeina sina mate ogonāganāgai maise tanake. (Madiu 10:38, Nuke 14:27) **8:35** Madiu 10:39, Nuke 17:33, Yoni 12:25 **9:2** 2 Fita 1:17,18

5 Fita i bwaduwa, “Tovisawavenena, naki dewadewamokena kima nukusinofemai eketa vada tonusi kana yonisiya, tamokaġa kwaġa fasi-weu, tamokaġa Moseseketa tamo o Inaitiya.”⁶ Fita bwaduna i bauwiya uġuna kasi tonu si matutamoka, na fasinei nofemaise i bwaduwa.

7 Munifotai busibusi i nemiya i kabwanisiya eketa busibusi sinenei Guyau fonana i kikinomana i bwaduwa, “Natuku nofe a nuwagabubuwiya, fonana kwana nowaniya.”⁸ Tomuniyeina si kitadadana eatu muka tamo aitevana sita kitai naki Yeisu kana kisina si kitiya.

9 Tovanama koyai si sobunemiya, i viketofotisiya be muka tamo aitevana sina iyavei avana si kitiya kana nivaniva Namōga Natuna mateyai ina misini-savaviniya.

10 Yana sawatana si muniya, atu tututausiga si vibutuwa si vivikanunusifusifufuwa, “Ava nofe misini-savavineina mateyai kana nuwanuwa?”

11 Eketa Yeisu si nutoniya si bwaduwa, “Ava fasinei yo visime kana tovisawavenena si bwadubwadu Inaitiya ina mikinemai muniyai yo Togifafafana Gigibokeinana ina nemiya?”

12 I nufata i bwaduwa, “Inaitiya ina mikinemai ebe iba matatafunina omanafufuniya. Eatu Guyau fonakituna yota i bwadubwaduwa vitana Namōga Natuna o ina kuavavana nakasina eketa namōga sina utuvifwayafwaiya.¹³ A iyaiyavimiya venemokena, Inaitiya naki i nemiya atu namōga si fufunakaokaoġowa nenei. Naki maise Guyau fonakituna i bwaduvioġoniya.”*

*Yeisu Kanunu Goyona I Nukakiya
Gwadimonamona Namōga Nenei*

Madiu 17:14-21, Nuke 9:37-43a

14 Tovanama si savavinisiya tomuniyeina tunisi nenesiyai, si kitisiya visime kana tovisawavenena nukusi si vivikawabwadubwaduwa namōga yagwanisi sinesiyai.¹⁵ Tovanama sabuveka Yeisu si kitiya si sabanutuġa eketa si venufotefotiya.

16 I nutoniisiya i bwaduwa, “Avamasi kwa oovigwavigwaeġei?”

17 Namōga tamokaġa sabuveka sinesiyai i bwaduwa, “Tovisawavenena, kanunu goyona natuku i nuwafiya eketa muka ita nunusifufu, na fasinei a nemiiya neneueu be kuna givibwiniya.¹⁸ Tovanama kanunu goyona i gigivikaviniya, na kawatefutefunina i tuġatugħayi fwayafwayai. Niġona i kikitanavikavikavina keta i fatofatokiya. Ka tomuniyeina a vikokonisiya be kanunu goyona sita nukakiya atu si vibaiwayosa.”

19 Yeisu i nufata i bwaduwa, “Kwami namōga avi tovai masi kwana vitumaġaneiku! Nukusi tana fawkakaġo? Ana kunuwanekaoġweimi? Gwadimonamona kwa nemiei nenekuwai.”

20 Eketa gwadimonamona si nemiiya Yeisu nenei. Tovanama kanunu goyona Yeisu i kitiya, gwadimonamona i nikuniya fifiwanina eketa i fekuwa fwayafwayai. Keta i vikenobwatabwataviniya na kawatefutefunina.

21 Yeisu gwadimonamona amana i nutoniya i bwaduwa, “Namaise kana nubwayou nofemaise i fufufuna?”

* 9:7 Madiu 3:17, Maka 1:11, Nuke 3:22 9:11 Manakai 4:5, Madiu 11:14 9:13 Yeisu nofe i numusifufuwa Yoni Togivibutabuta vitana tanake maise Inaitiya. (Madiu 11:13-14, 17:10-13)

Amana i nufata i bwaduwa, “Fwefweyanei i vibutuwa. ²² Kanunu goyonā nuwanuwana be ina nuvimiatiya na fasinei tamo tova i tuğatūgaiyi kikanakanatai yota ukowai. Taki ka fata maise, kuta sineganiganikiya be kuta ovivitikiya.”

²³ Yeisu i iyaviya i bwaduwa, “Ava uğuna yo ku iyaiyaveiku taki kaku fata maise? Tanake aitevana Guyau ina vitumağaniya, Guyau iba matatafunā ina fufunisiya fasinei.”

²⁴ Muka mwanenena eatu gwadimonamonanama amana i fina i bwaduwa, “Na yaku vitumağana eatu muka nakasina, ku oviviteiku be ku givinaksiya.”

²⁵ Eatu Yeisu i kitisiya sabu si yokoyokwiya eketa kanunu goyonā i visimeiya i bwaduwa, “Taniyakweu keta meyadanu kana kanunu goyonā, a vivisimeiya namoğā kuna teweiya keta muka yota kuna kanasunasavavineu.”

²⁶ Kanunu goyonā i tatakwayana eketa gwadimonamona i nikuniya fi fiwanina keta i gionoviya. Gwadimonamonamokena kana fusa vitana namoğā matematenā, eketa namoğā yagwanisi nokomai si bwaduwa, “Naki i mateyal!” ²⁷ Eatu Yeisu nimanei i ova i sinanakasiya eketa gwadimonamona i otowamisiniya.

²⁸ Muninei Yeisu i kanasuna numai eketa kana kisina nenei kana tomuniyeina si nutoninuvenuveiya si bwaduwa, “Ava uğuna muka kama fata kanunu goyonā kata nukakiya?”

²⁹ Eketa i iyavisiya i bwaduwa, “Naki kawanunukuğā nenei kana fata nofe kanunusima goyosi tana nukakisiya.”

Yeisu I Bwadu-savaviniya Yana Mate Fasinei

Madiu 17:22-23, Nuke 9:43b-45

³⁰ Yeisu tomuniyeina nukusi noko kabığanama si teweiya eketa si vaonota Ganiniyei. Yeisu muka nuwanuwana tamo aitevana ina sanamanei tanake namai, ³¹ be vitana nuwanuwana simo yana tova matanub-wayouna ita viya be kana tomuniyeina nenesiyai ita visawavenisiya. I iyavisiya i bwaduwa, “Namoğā Natuna sina viwaifufuniya keta nifanifaina nimasiyai sina teniya keta sina nuvimiatiya, eatu kuyadayada tonusi muninei mateyai ina misini-savaviniya.” ³² Nofemaise i nusifufuwisiya eatu muka nuwatasi ita mayesiya, si matuta eketa yana bwadunama fasinei muka sita nutonikuyekuye.

Tomuniyeina Si Vikawabwadubwaduwa

Aitevana Nakatamokena Fasinei

Madiu 18:1-5, Nuke 9:46-48

³³ Si kikinomana menana Kafenaumi nenei keta numa tamokağā sinenei si kanasuna eyo Yeisu i nutoninuvenuveiya i bwaduwa, “Avamasi ketai kwa vikanusifusifufuwei?”

³⁴ Atu matatafusi si manava uğuna ketai si vikawabwadubwaduwa aitevana sinesiyai nakatamokena.

³⁵ I fakwasiotoga eyo yana tonowana kasi 12 i wenisiya si nemiya eketa i bwaduwa, “Taki aitevana nuwanuwana ina viketanuna nao tauna ina tenemuniukwaniya eketa ina vitovikaetoga namoğā matatafusi fasisiyai.”

36 Gwadimonamona i viya kasi kawasasai i vimisiniya eyo i nutaviya eketa i iyavisiya i bwaduwa,³⁷ “Taki aitevana tamo nofe gwadimonamona maise ina katuviya kaku wawai, nao ina katuvikuwa. Yota aitevana ina katuvikuwa nao muka Iyuāga ita katukatuvaiku eatu yota kaku tovininita i katukatuviya.”

*Taki Aitevana Muka Ita Vinifaineita,
Tanake O Kita Kata Sabu*

Nuke 9:49-50

38 Yoni Yeisu i iyavisiya i bwaduwa, “Tovisawavenena, namoāga ka kitia kanunu goyosi i nunukakisiya ka wawai. Atu tanake o muka kata sabu, na fasinei ka iyavisiya be ina onoviya.”

39 Atu Yeisu i bwaduwa, “Muka kwana sawatanai uğuna muka kana fata be tamo aitevana kaku wawai iba fifiwanina ina savivinei eatu kakimokimokima tu yota iba goyosi ina bwaduweisi fasikuwei.⁴⁰ Taki aitevana muka ina vinifaineita nao tana kata sabu.⁴¹ A iyaiyavimiya venemokena, taki aitevana ukowa ina venimiya uğuna kwami kaku tomuniyeina, nao naki maise moka fatana ina nisiai.”

*Vimatasyasaya Fasinei
Madiu 18:6-9, Nuke 17:1-2*

42 I tenesaviya i bwaduwa, “Nofe fiyagenagenasima kaku tovitumagana, eatu taki aitevana go'yonan nenei ina weifikusiya, nao Guyau vimatadawana nakatamokena ina veniya. Muka maise gabana nakasina kayonei sina nusifiwiya yo gibowai sina vigamomoniya.⁴³ Taki nimau go'yonan nenei ina teniwa, nao ku dabateweyei. Kana nufota be nimafafaniugā nenei kuna kanasuna yawasivağata nenei muniyai yo nimau nuwesi nukusi kuna kanasuna kikanakanata muka yana kweunuvanuva kana kabağai.^{† 45} Taki kaeu go'yonan nenei ina teniwa, nao ku dabateweyei. Kana nufota be kaeafafaniugā nenei kuna kanasuna yawasivağata nenei muniyai yo kaeu nuwesi nukusi sina tewesobuwila kabağanama nenei.^{‡ 47} Taki matau go'yonan nenei ina teniwa, nao ku mwamwateweyei. Kana nufota be matafafana tamokağā nenei kuna kanasuna Guyau yana kafa visime nenei muniyai yo matau nuwesi nukusi sina tewesobuwila kabağanama nenei.⁴⁸ Noko kabağanama nenei, ‘Mwatamwata muka simo yasi matenuvanuva namoāga si kanikanisiya, yota kai kanakanata muka yana kafa kweu.’

49 Kaku tomuniyeina matatafusi dauna sina nisiai kikanakanata maise, eatu mwavinana o Guyau ina givieyaeisiya.

50 Gibo o iba dewadewana, atu tovanama kana onaona ina kakaviya, nao namaise tana nuvionaona-savavinei. Kwana fufuna maise kabwaga na gibona ina tava. Kwana fakwa na yami viyao.”

9:37 Madiu 10:40, Nuke 10:16, Yoni 13:20 9:40 Madiu 12:30, Nuke 11:23 9:41 Madiu 10:42 9:43 Madiu 5:30 † 9:43 Tunisi viginiwa nenesiyai o kana nukisi 44 si nunatuya. Noko kabağanama nenei, ‘Mwatamwata muka simo yasi matenuvanuva namoāga si kanikanisiya, yota kai kanakanata muka yana kafa kweu.’ † 9:45 Tunisi viginiwa nenesiyai o kana nukisi 46 si nunatuya. Noko kabağanama nenei, ‘Mwatamwata muka simo yasi matenuvanuva namoāga si kanikanisiya, yota kai kanakanata muka yana kafa kweu.’ 9:47 Madiu 5:29 9:48 Aiseya 66:24 9:50 Madiu 5:13, Nuke 14:34,35

10

*Yeisu I Givisawakedana Visobu Fasinei
Madiu 19:1-12, Nuke 16:18*

¹ Yeisu kabaǵa noko i teweiya eatu i niya kawakawana Yudiya nenei eketa i tamana ukowa Yonidani fafaninei. Sabuveka si nemi-savavinisiya nenei eketa naki kana iduwa maise i vibutuwa nenesiyai i gisawakedana.

² Fanasi tunisi nuwanuwasi be Yeisu sina anuwanuviya na fasinei si nemiya nenei eketa si nutoninuvenuveiya si bwaduwa, "Namaise, yata visime namoǵa i sawateweiya be kawana ina visobuwiya o muka?"

³ Eketa i nufata i bwaduwa, "Atu Mosese visime i venimiya o namaise i bwadu?"

⁴ Eketa si iyaviya si bwaduwa, "Mosese yana visime o namoǵa i sawateweiya ebe visobu kana nufunufu ina viginiwiya eketa kawana ina veniya, muniyai yo gumayogu ina teweiya ina niya."

⁵ Atu Yeisu i nufata keta i iyavisiya i bwaduwa, "Katekatemi yasi gua fasinei Mosese visime nofe i viginiwiya fasimiyai. ⁶ Eatu kwana tukuya kafa viuǵuwai tovanama Guyau i kifufunavauvauwa, 'Namoǵa keta gumayogu i fufunisiya.' ⁷ 'Na fasinei namoǵa amana keta ayona ina teweisiya eatu kawana nukusi sina saviya tamo nenei, ⁸ eketa kasi nuwa sina vitamokaǵa.' Eketa muka nuwesi eatu naki tamokaǵa. ⁹ Na fasinei keta avana Guyau i viketosaviya muka tamo aitevana ina nutakai."

¹⁰ Tovanama si makavinisiya numai, Yeisu kana tomuniyeina si nutoninuvenuve-savaviniya nofe ibanama fasinei. ¹¹ Eketa i iyavisiya i bwaduwa, "Taki namoǵa kawana ina visobuwiya eatu tamo gumayogu ina vikawaniya nao naki i kudowa kawana nenei. ¹² Maise yota taki gumayogu kawana ina visobuwiya, eatu tamo namoǵa ina vikawaniya nao naki i kudowa."

*Yeisu Fiyagenagena I Sawanuwagabubuwisiya
Madiu 19:13-15, Nuke 18:15-17*

¹³ Tunisi namoǵa fiyagenagena si nemisiya Yeisu nenei ebe nimana ina dawana nenesiyai. Eatu kana tomuniyeina fiyagenagena amamasí keta ayoayosi si dageisiya ebe muka Yeisu sina visinamatamanei.

¹⁴ Tovanama Yeisu i kitiya avana i kikikinomana, i nuwagoyowa eketa i iyavisiya i bwaduwa, "Fiyagenagena kwana gionovisiya sina nemiya nenekuwai. Muka kwana sawatanaisi. Uǵuna Guyau yana kafa visime o tasike aviyaonana maisemoka fiyagenagena nofe. ¹⁵ A iyaiyavimiya venemokena, taki aitevana Guyau yana kafa visime muka tamo ina katuvai maise gwadimonamona, muka kana fata ina kanasuna Guyau yana kafa visime nenei." ¹⁶ Fiyagenagena i nutavisiya kavaunei eketa nimana i dawana debabousiyai, eketa i sawanuwagabubuwisiya.

*Namoǵa Tufunakasina Kaikaiwabuna Yeisu
I Nutoninuvenuveiya Yawasivaǵata Fasinei
Madiu 19:16-30, Nuke 18:18-30*

¹⁷ Yeisu i noǵokawawa keta yana ketai i niniya, eatu namoǵa tamokaǵa i dibwana i niya kaetutuna i viketogunisiya eketa i nutoninuvenuveiya i bwaduwa, "Tovisawavenena dewadewau, aviyavana ana fufuniya be yawasivaǵata ana nisaǵai?"

¹⁸ Eketa Yeisu i iyaviya i bwaduwa, “Ava uğuna yo ku visawa-dewadewaiku? Naki Guyauğā kana kisimokena dewadewana. ¹⁹ Kwağā naki ku sanamaniya Guyau yana visime. ‘Muka kuna nuvimate, muka kuna kudo, muka kuna gikuma, muka kuna meyanono tamo aitevana nenei, muka yasi nogonogomokeyai kuna nonoisi, yota amau keta ayou kuna vifotuwisiya.’”

²⁰ Eatu namoğanama i bwaduwa, “Tovisawavenena, kabegokuwai kana nivaniva kimoki visimesima matatafunu a muniye-koğosiya.”

²¹ Yeisu i kitanyuwagabubuviya keta i iyaviya i bwaduwa, “Iba tamokağamoka yawane muka kuta fufuniya. Kuna makaviniwa ya nogonogo matatafunu kuna vikimwaneysiya eyo gabanna goyogoyo kuna venisiya, eketa Guyau kaikaiwabu abamai ina veniwa. Eyo kuna nemiya kuna muniikuwa.”

²² Namoğanama o kaikaiwabuna eketa tovanama nofemaise bwadub-wadunama i nowaniya, tafakaina i kanawenonowa eketa i misiniya na nuwatadaunina i niya.

²³ Yeisu i kitadadana eketa kana tomuniyeina i iyavisiya i bwaduwa, “Aviyaonana kaikaiwabusi nao yasi kanasuna Guyau yana kafa visime nenei daunamokena.”

²⁴ Yana bwadunama fasinei kana tomuniyeina si mayağā eketa i iyavesavaviniya i bwaduwa, “Natunatuku, Guyau yana kafa visime kana kanasuna daunamokena. ²⁵ Yomuyomu nakasina kameni o muka kana fata aimatana ina kanasunei. Naki maisemoka namoğā kaikaiwabuna o muka kana fata Guyau yana kafa visime ina kanasunei.”

²⁶ Kawasi i yaowa keta tututausığā nenesiyai si vikanunutoniya si bwaduwa, “Taki nanemaise nao aitevana gifafafana ina nisägai?”

²⁷ Yeisu i toneisiya keta i bwaduwa, “Namoğā muka kasi fata be tututausi sina gifafafaneisi. Naki Guyauğā kana fata, uğuna iba matatafunu Guyau nenei meyameyanina.”

²⁸ Eketa Fita i iyaviya i bwaduwa, “Ku nowaniya, atu kima namaise? Yama nogonogo matatafunu naki ka venuteweisiya munikiyi eatu ka munimuniwa.”

²⁹ Yeisu i bwaduwa, “A iyaiyavimiya venemokena, taki aitevana yana numa be unaunana, nounouna, ayona, amana, natunatuna eketa yana baguna ina venuteweisiya eatu ina muniikuwa be biga dewadewana ina yauniya fasikuwi, ³⁰ nao fatana nakasina Guyau ina vifofwiya 100 na kana vifofo keta ina veniya nofe tovanama. Yana numa be unaunana keta nounouna yota ayoayona be natunatuna eketa yana baguna ina nisaisiya keta yota namoğā sina givikuvavaniya, eatu tova i nenemiya nenei yawasivağata ina nisaiya. ³¹ Atu yagwanisi aviyaonana nofe tova si viviketanuna nao sina vimunifota keta yagwanisi nofe tova si vivimunifota nao sina viketanuna.”

*Yeisu Yana Bwadu Kana Vitonu Yana Mate Fasinei
Madiu 20:17-19, Nuke 18:31-33*

³² Yeisu ke'ta i nuniya eketa kana tomuniyeina nukusi si vanevaneyə Yenusanema, kana tomuniyeina o si wagavana yota namoğā tunisi si munimuniya o si matuta. Yana tonowana kasi 12 i katuvisiya eketa i vibutuwa i nusifuwisiya iba matatafunu yawane ina kikinomana nenei fasinei. ³³ Yeisu i bwaduwa, “Kwa nowaniya, nofe naki ta nimiya

Yenusanema eketa nokomai tamo aitevana Namōga Natuna ina katuteweiya tovibwanaose nakanakasisi eketa visime kana tovisawavenena nenesiyai. Sina sawavimatiya eketa Kani Kwauna nimasiyai sina teniya.³⁴ Sina sawaviniyya yota sina nufunataniya. Sina nafanafasiya eketa sina nuvimiatiya. Atu kuyadayada tonusi muninei mateyai ina misini-savaviniya.”

Yemesa Keta Yoni Yasi Vikokona

Madiu 20:20-28

³⁵ Tamō tova nenei Sebedi natunatuna Yemesa keta Yoni si nemiya Yeisu nenei eketa si bwaduwa, “Tovisawavenena, aviyavana kata vikokoniwa nuwanuwaki kuta fufuniya fasikiyai.”

³⁶ Eketa i nutoninuvenuveisiya i bwaduwa, “Avana nuwanuwami ata fufuniya fasimiyyai?”

³⁷ Eketa si bwaduwa, “Tovanama ka kwabudoga na kana kaiwabu nenei kuna nuvitoğga kuta sawateweikiya be nukusi tata nuvitoğga. Tamō kikikatai-weu eatu tamō o kikimawaweu.”

³⁸ Atu Yeisu i iyavisiya i bwaduwa, “Muka kwata sanamanei ava fasinei kwa vivikokoneiku. Kuvavana owana ana yumiya, kami fata maise yota kwana yumiya? O kami fata givibutabuta kwana viya maise sina givibutibutikuwa?”

³⁹ Si iyaviya si bwaduwa, “Kama fata.”

Eketa i iyavisiya i bwaduwa, “Owanama ana yuwiyya nenei kwana yuwa, yota sina givibutibutikuwa maisemoka yota sina givibutibutimiya.⁴⁰ Eatū muka kaku sawateweyeina ebe ana gibokeisi aviyaonana kukikikataiku o kukikimawaku sina nuvitoğga. Guyau noko kivisima i gidewidewisiya aviyaonana naki i gibokisiya fasisiyyai.”

⁴¹ Tovanama tonowana kasi 10 si nowaniya Yemesa eketa Yoni yasi vikokona Yeisu nenei si kayokuğga nenesiyai.⁴² Yeisu yana tonowana matatafusi i wenevakukusisiya eketa i iyavisiya i bwaduwa, “Kwami naki kwa sanamaniya. Aviyaonana Kani Kwauna kasi tovisime nuwanuwasi be yasi namonamoğga sina vivisimeisiya, keta yota yasi namoğga nakanakasisi visime daudaunisi nenesiyai si viviketanunisiya.⁴³ Atu kwami o muka noko ketaketanama nenei kwana fufuna. Taki aitevana tamo sinemiyai nuwanuwana ina vikainakata, nao ina vitovkaetoğga fasimiyyai.⁴⁴ Taki sinemiyai aitevana tamo nuwanuwana ina viketanuna, nao tanake ina vitovkaetoğga matatafumi fasimiyyai.⁴⁵ Maisemoka Namōga Natuna muka ita nemai ebe namoğga sina vikaetoei, eatu i nemiya be namoğga ina vikaetosiya eketa tauna yana nuwanuwai yawasina ina kaveneniya be namoğga yagwanisi ina tutuvisobusuya.”

Yeisu Batimiyosi Matana I Gidewidewisiya

Madiu 20:29-34, Nuke 18:35-43

⁴⁶ Yeisu kana tomuniyeina nukusi si kikinomana Yeniko eketa tovanama noko menaninama si teweiya, namoğga sagisagigi si muniisiya. Namōga tomatagoyo kana wava Batimiyosi, Timiyosi natuna, ke'ta kafakainei i nuvitoğga atu gabana fasinei i vivikokona.⁴⁷ Tovanama i nowaniya namoğga si bwaduwa Yeisu tene Nasaneti i niniya eketa i bwauwa i bwaduwa, “Yeisu, Deividia natuna, kuta kitasineganiganikuwa.”

⁴⁸ Namōga yagwanisi si dageiya keta si iyaviya be ina kanoviya.

Eatu i tenegwaeiya kayona nakasinei i bwaubwauwa, “Yeisu, Deivida natuna, kuta kitasineganiganikiwa.”

⁴⁹ Yeisu i nigwana eketa i bwaduwa, “Kwa iyavei be i nemainofemai.”

Eketa tomatagoyo si weniya si bwaduwa, “Katekateu i batu be ku otowamisini! Yeisu i weneweniwa.” ⁵⁰ Batimiyosi kana kwame i nukasibibiya eatu i venuotowamisiniya eketa i nemiya Yeisu nenei.

⁵¹ Yeisu i iyaviya i bwaduwa, “Ava ya nuwanuwa ata fufuniya fasiweu?”

Eketa tomatagoyo i nufata i bwaduwa, “Tovisawavenena, nuwanuwaku ana toneya.”

⁵² Yeisu i iyaviya i bwaduwa, “Ku nai, ya vitumağana i givibwiniwa.” Muka mwanenena atu matana si kabwasasa eketa i vibutuwa Yeisu i muniiya ketai.

11

Yeisu I Kanasuna Yenusanema

Madiu 21:1-11, Nuke 19:28-40, Yoni 12:12-19

¹ Tovanama Yeisu kana tomuniyeina nukusi Yenusanema si vevenukitekiya, si nemiya menana Betifegi keta Bedani nenesiyai koya Onive nenei. Yeisu kana tomuniyeina nasi nuwa i visimeisiya keta si venuviketanuna. ²I iyavisiya i bwaduwa, “Kwana niya menana kutafakaita. Tovanama kwana kikinomana nokomai, kwana nisaiya doniki mwanaavauna si nusikwaniya muka tamo aitevana ita toğā-nuvanuval. Kwana giyauya eketa kwana nemiiya. ³Taki aitevana ina bwaduwa, ‘Ava uğuna kwa gigiyauya?’ Nao kwana iyaviya kwana bwaduwa, ‘Tuveka nuwanuwana fasinei, eyo ina venuviyewiya nefemai.’”

⁴ Tonowana kasi nuwa si kanasuna menana sinenei, eketa doniki mwanaavauna si kitiya ketai i misimisiniya nunusikwanina numa kana ketakawana niniunei. Tovanama si gigiyauya, ⁵namoğā tunisi niniunei si misimisiniya si nutoninuvelesiya si bwaduwa, “Ava fasinei yo doniki mwanaavauna kwa gigiyauya?” ⁶Eatu namoğā nenesiyai si nufata naki maisemoka Yeisu i iyavisiya, na uğuna si sawateweysi. ⁷Tovanama doniki mwanaavauna si nemiiya Yeisu nenei, kasi kwame si tewevanevaneina doniki kwaunei eketa i toğatakutakunisiya.

⁸ Namoğā yagwanisi kasi kwame ketai si kiyavenna eatu tunisi o kai nağanisi na dadasi si nuonota eketa si kiyavenna. ⁹Eketa namoğā si viketanuna kunauna yota muni si fotiya, si vibutuwa si bwaubwauwa,

*“Osana!”**

Tuveka kana wavai i nenemiya tana daviya.

¹⁰ *Tana daviya wağata Deivida natuna tanake i nenemiya ina visimeita, Osana etanemokenei abamai!”*

¹¹ Yeisu i kanasuna Yenusanema eketa i niya Numa Kodukodu nenei. Iba matatafunu i dadaniya eatu naki i vinavinavimoka, na fasinei yana tonowana kasi 12 nukusi si kikinomana eketa si niya Bedani.

Yeisu Kai Nugweda I Ituya

Madiu 21:18-19

11:9 Same 118:25,26 * **11:9** Osana o Aneimiki fonasi, naumokena nenei bwadunama kana givina nofe tova ku gifafafaneiki, eatu munifotai namoğā kasi okatuyuna keta yota namoğā sina davisiya kana tovai nofe bwadunama si kinakinaniya.

12 Kuyadayada venuwanei Yeisu kana tomuniyeina nukusi tovanama Bedani si teweiya, Yeisu vitanona i kanasiya. ¹³ Kedawanauwai kai nugweda i vidada i kitiya eketa i niya vitana tamo uwana ina nisaiya, eatu kainama o muka kana tutuya ebe ina viuwa na fasinei dadanağā i kitiya. ¹⁴ Eketa Yeisu kai i iyaviya i bwaduwa, “Mukamokena tamo aitevana uwau nenei ina ka-savavinei.” Eketa bwadunama kana tomuniyeina si nowaniya.

Yeisu Numa Kodukodu I Givieyaeiya

Madiu 21:12-17, Nuke 19:45-48, Yoni 2:13-22

15 Tovanama si nemiya Yenusanema, Yeisu i kanasuna Numa Kodukodu kumenanina kana wasiketai keta tovikimwane i nukwavikwavina si kikinomana. Gabana kana todawanamatamaneina yasi sonama yota bunebune kasi tovikimwane yasi kafa nunuvitoğā i nubwatabwatavina, ¹⁶ eketa i viketofotisiya be muka tamo aitevana aviyavana tamo ina kanasunei ina vaonota Numa Kodukodu kumenanina kana wasiketai. ¹⁷ Eketa i gisawakedanisiya i bwaduwa, “Kwa sanamaniya Guyau fonakituna i bwaduwa,

Yaku numa sina weniya

kawanunuku kana numa kunuma matatafusi fasisiyai.’

Atu kwa fufufuniya maise ‘togikuma yasi kafa makaviuna.’”

18 Tovibwanaose nakanakasisi eketa visime kana tovisawavenena nofe bwadunama si nowaniya. Eketa ketaketa si nuwsa ebe sina nuvimiatiya. Si matutiya uğuna yana gisawakedana nenei sabuveka si mayağā.

19 Tovanama i vivinavinaviya, Yeisu kana tomuniyeina nukusi Yenusanema si teweiya.

Kai Nugweda I Teweyayaniya

Madiu 21:20-22

20 Nuwabuniyai si makamakavinisiya eatu si kitija kai nugweda kikwanakwanaminei tu i vaneya dadanei naki i teweyayaniya. ²¹ Fita Yeisu yana bwadu i tukuya eketa i iyaviya i bwaduwa, “Tovisawavenena, ku kitai! Kaima ku ituya naki i teweyayaniyal!”

22 Yeisu i iyavisiya i bwaduwa, “Guyau kwa vitumağanei. ²³ A iyaiyavimiya venemokena, taki aitevana tamo nofe koya ina iyaviya, ‘Ku sinanakasiu be ku tewesobuweu gibowai,’ eketa muka katekatenei ina vinuwana eatu ina vitumağaniya avana i bwaduwiya naki maisemoka ina kikinomana, nao Guyau ina fufuniya fasinei. ²⁴ Na uğuna a iyaiyavimiya, taki aviyavana tamo fasinei kwana kawakawanunuwa eketa kwana vitumağaniya vitana naki kwa nisaiya, nao ina venimiya. ²⁵ Tovanama kwana kawakawanunuwa, nauna aitevana yana fufunagoyo nenemiyai kwana vinuwateweiya eyo muniyai, amami abamai yami go'yon'a yota ina vinuwateweina.”†

Yeisu Yana Visime Kana Nutoninuvenuveyeina

Madiu 21:23-27, Nuke 20:1-8

27 Yeisu kana tomuniyeina nukusi si makavina-savavinisiya Yenusanema eketa toyanama i wanewaneba Numa Kodukodu kumenanina kana wasiketai, tovibwanaose nakanakasisi keta visime kana tovisawavenena yota tokawakawa si nemiya nenei, ²⁸ eketa si nutoninuvenuveiya

11:17 Aiseya 56:7, Yenemaiya 7:11

11:23 Madiu 17:20, 1 Kononita 13:2

11:25

Madiu 6:14,15 † 11:25 Tunisi viginiwa nenesiyai o kana nukisi 26 si nunatuya. Eatu taki kuna dibutoyoga be muka kuna vinuwateweysi nao Amau abamai ya go'yon'a muka ina vinuwateweysi.

si bwaduwa, "Aitevana ya visime i veneu yonofemaise ku savivinei? Namai ya visime ku vai?"

²⁹ Yeisu i iyavisiya i bwaduwa, "Nutoninuvenuveyeina tamokaġa ana venimiya ebe taki kwana fatiya maise, nao ana iyavimiya avi visime nenei nofe ibasima a savisavivineisi. ³⁰ Kwa iyaveiku, Yoni namai yana visime i vai yo i givibutabuta, abamei o namoġa nenesiyai?"

³¹ Tututausiga si vikanunutoniya si bwaduwa, "Taki tana bwaduwa, 'Abamei,' nao ina bwaduwa, 'Ava fasinei yo Yoni muka kwata vitumaġanei?'

³² Yota muka kata fata be tana bwaduwa, 'Namoġa nenesiyai.' Sabuveka si matutisiya uġuna namoġa si sanamaniya vitana Yoni o Guyau yana tomatakawa. ³³ Eketa si nufata Yeisu nenei si bwaduwa, "Muka kata sanamanei."

Eketa i iyavisiya i bwaduwa, "Muka yota ana iyaveimi avi visime nenei nofe ibasima a savisavivineisi."

12

Tobaguna Kasi Bwadusobusobu

Madiu 21:33-46, Nuke 20:9-19

¹ Eketa Yeisu bwadusobusobuwai i iyavisiya i bwaduwa, "Namoġa tamokaġa genefi i baguniya eketa i kanififiya. Genefi kana kafa vatanitani kana doko i yaniya yota kafa vimatagewagewaya kana numa i yoniya. Genefi bwibwiyyaguna i tenetanya keta tobaguna nimasiyai i teniya, atu i niya tamo fafani nenei. ² Oyuna kana tovai kaetoġa tamokaġa i visimeiya i niya tobagunasima nenesiyai be kana tuku ina viya. ³ Eatu tobagunasima kaetoġa si tabiya eketa si munuya eyo si viyewiya makaekaena. ⁴ Kaetoġa kana vinuwa i teweye-savaviniya nenesiyai, eatu debabounei si munuya eketa si givisinemumuya. ⁵ Tonibaguna kaetoġa kana vitonu i visimeiya eatu si nuvimatiya. Yota yagwanisi i teweisiya atu tamokaġa fufuninama si fufuniya, tunisi si munusiya atu tunisi o si nuvimatisiya.

⁶ Naki tamokaġamoka i tufowa o tauna natukatekatena. Tovanama i visimeiya tobagunasima nenesiyai, nuwasinenei i bwaduwa, 'Nofe o natuku eketa sina vifotuwiya.'

⁷ Tobagunasima tututausi si vikanunutoniya si bwaduwa, 'Ake, tonibaguna natuna i nenemiya. Kwa dibwana, ta nuvimatei ebe yana baguna tana vitoniwigaya.'

⁸ Gwadinama si givikaviniya si nuvimatiya eyo genefi baguna nenei si tewekikinomaniya."

⁹ Eketa Yeisu i nutoninuvenuveisiya i bwaduwa, "Namaise yami vinuwadadana? Tonibaguna ava ina fufuniya nenesiyai? A iyaiyavimiya, ina nemiya eketa ina nuvimatisiya. Eatu bagunanama ina tenetamaniya tamo yota tobaguna nimasiyai. ¹⁰ Guyau fonakituna i bwaduwa,

*'Koġonanama tokiyona si dibutoyoya
i višabuova.*

¹¹ *Tuveka nofemaise i saviviniya
keta kana kita dewabauna matatiyai.'"*

¹² Diu toviketanuneina si sanamanemokija Yeisu fasisiyai i nusifufuwa na fasinei ketaketa si nuwasa be sita givikaviniya, eatu sabuveka si matutisiya eketa si kitamokija i fakwa atu si kafiyauyauna.

*Takesi Kana Nufata Sisa Nenei**Madiu 22:15-22, Nuke 20:20-26*

¹³ Munifotai, Diu toviketanuneina tunisi Fanasi eketa Enoda kana tomuniyeina si visimeisiya Yeisu nenei vitana sina tonisebiya be tamo aviyavana ina bwaduw-goyowiya. ¹⁴ Si nemiya nenei eketa si bwaduwa, “Tovisawavenena, ka sanamaniya kwa ga namo ga venemokena. Muka tamo aitevana yana nusuyai kuta ninai yota Guyau yana ketaketa venemokena nenei ku vivisawavenena. Yamasi ku iyaveiki, takesi kata nufata Sisa nenei o muka?”

¹⁵ Yeisu naki i sanamanemokiya vitana si aanuvanuva be sina nonuya na fasinei i iyavisiya i bwaduwa, “Ava fasinei kwa aanuvanuva be kwana vikonaiku? Yamasi tamo gabana kwa nemiei be a kitai.”

¹⁶ Tovanama si nemiiya nenei i iyavisiya i bwaduwa, “Aitevana mayamayauna eketa kana wava nofe gabana nenei?”

Si bwaduwa, “Sisa.”

¹⁷ Eketa i iyavisiya i bwaduwa, “Make nao Sisa yana nogonogo kwa venei, eatu aviyavana Guyau fasinei nao Guyau kwa venei.”

Yana nusifufu nenei si mayaga.

*Sadusi Tunisi Yeisu Si Nutoninuvenuveiya**Misini-savavineina Fasinei**Madiu 22:23-33, Nuke 20:27-40*

¹⁸ Sadusi si vituma ga vitana mate nenei muka tamo misini-savavineina. Eketa tunisi si nemiya Yeisu nenei eketa si nutoninuvenuveiya si bwaduwa, ¹⁹ “Tovisawavenena, Guyau yana visime Mosese nofemaise i viginiwiya fasikiyai. Taki namo ga kawana ina matemakanoviya eatu muka tamо natunatuna, nao kwafunina kana tufunuwa ina vikawaniya. Eketa tovanama ina vinatuna, nao tomate natunatuna. ²⁰ Tova tamoka ga namo ga tufudenideni kasi 7 nenesiyai, kotokikinuna i vikawana eketa muka tamо natunatuna eatu i mateya. ²¹ Eketa gwadiyei yota nekwafunanama i vikawaniya eketa muka tamо natunatuna eatu i mateya. Yota taisi kotokinena i vikawaniya eketa muka tamо natunatuna eatu i mateya. ²² Tufudenideni kasi 7 nekwafuna si vikawaniya. Eatу muka tamо natunatusi atu si mateya. Munifotamokeyai nekwafunanama i mateya. ²³ Kasi 7 nekwafunanama si vikawaniya eketa misini-savavineina kana tovai, aitevana o kawana venemokena?”

²⁴ Yeisu i nufata i bwaduwa, “Kwa sinatamaniya u guna muka kwata sanamanei Guyau fonakituna keta yota muka kwata sanamanei Guyau yana fiwana. ²⁵ Tovanama mateyai sina misini-savavinisiya, muka sina vikawana atu sina fakwa naki maise Guyau kana kaeto ga abamai.

²⁶ Atu mateyai yasi misini-savavineina fasinei, muka kwata ginaganagai Mosese yana nufunufo kisisiku nununuina fasinei? Noko viginiwanama sinenei Guyau i nusifufuviya i bwaduwa, ‘Iyau o Ebenaamu yana Guyau, Aisake yana Guyau, eketa Yakobo yana Guyau.’ ²⁷ Eketa tanake o yawayawasisi yasi Guyau atu muka matematesi.* Naki kwa sinatamaniya venemokena.”

*Visime Nakatamataina
Madiu 22:34-40, Nuke 10:25-28*

²⁸ Visime kana tovisawavenena tamokaāga i nemiya keta i nowanisiya Yeisu keta Sadusi si vivikawabwadubwaduwa. Tovanama i nowaniya Yeisu yana nufata kana dewadewana, i nutoninuvenuveiya i bwaduwa, “Guyau yana visime nenei, avi visime o nakatamataina?”

²⁹ Yeisu i nufata i bwaduwa, “Visime nakatamataina o nofe, ‘Isineni kwa vaneneāga! Tuveka o yata Guyau eketa kana kisimokena Tuveka.

³⁰ Eketa Tuveka ya Guyau kuna nuwagabubuviya katekateu matatafunei, yawasiu matatafunei be ya nuwanuwa matatafunei yota ya fiwana matatafunei.’ ³¹ Eyota visime kana vinuwa nao, ‘Unafafaniu kuna nuwagabubuviya maise tauđu ka nuwagabubu.’ Nofe nuwesi o nakatamataisi yo muniyai visime yagwanina.”

³² Eketa visime kana tovisawavenena i bwaduwa, “Tovisawavenena, ku bwaduwa dawaniniina. Bwadu venemokena tanake kana kisimokena yata Guyau eketa muka tamo yota aitevana. ³³ Yata Guyau tana nuwagabubuviya katekateta matatafunei yota yata nuwanuwa matatafunei be yota yata fiwana matatafunei. Eketa unafafanita tana nuwagabubuviya maise tututauta kata nuwagabubu. Nofe visime nuwesi kasi muniyeina o nakatamokena muniyai yo yata vibwanaose keta yomuyomu kasi gumatatafu Guyau nenei.”

³⁴ Tovanama Yeisu i kitia namoāga i nusifufuwa na yana nuwatasamanan, i iyaviya i bwaduwa, “Kwaāga o muka ka kedawanau Guyau yana kafa visime nenei.” Noko muninei muka tamo aitevana ita katevatu be tamo nutoninuvenuveyeina Yeisu ita venei.

Aitevana Natuna o Togifafafana Gigibokeinana?

Madiu 22:41—23:36, Nuke 20:41-47

³⁵ Yeisu i gigisawakedana Numa Kodukodu kumenanina kana wasiketai eatu i bwaduwa, “Namaise yo visime kana tovisawavenena si bwadubwadu vitana Togifafafana Gigibokeinana o Deivida natuna? ³⁶ Kanunu Tafutafuna Deivida i viketiiya keta nofemaise i bwaduwa,

‘Guyau yaku Tuveka i iyaviya i bwaduwa,

“Kukikikataiku ku nuvitoāga vifotu kabaina nenei

*kana nivaniva nifanifaiu ana vatanisiya keta kaeyafayafaweu
ana tenisiya.”’*

³⁷ Deivida tauna o Togifafafana Gigibokeinana nenei i visawatuveka eketa namaise yo nenei yota ita visawanatuna?” Yana nusifufuwai sabuveka nuwatasi i oviya.

³⁸ Yeisu yana gisawakedana nenei yota i bwaduwa, “Matami ina kanakasiya visime kana tovisawavenena nenesiyai. Yasi waneba nenesiyai, nuwanuwasi nya dewabausi sina kotokotonisiya. Nuwanuwasi sabu namoāga vifotuwai sina venuvenuyofiyofisiya kabaāga kafa vivitamaneina nenesiyai. ³⁹ Yota nuwanuwasi kivi dewadewasiāga numa kafa yokoyoko sinesiyai, maise yota ka kana tovai nuwanuwasi kawakawa kasi kivi nenesiyai sina nunuvitoāga. ⁴⁰ Yasi kawanunuku o nubwanubwayousi ebe namoāga sina davisiya, eatu tasike namoisima

o vivinekwafukwafuna yasi numa kasi nogonogo si kakanema. Guyau ina vimatadawanisiya nakatamokena.”

Nekwafuna Yasi Kavenenakaōgo

Nuke 21:1-4

⁴¹ Numa Kodukodu kumenanina kana wasiketai Yeisu kavenenakaōgo kana koni kutafakainai i fakwasiotōga eatu sabu i vivinanusiya yasi gabana si kikivitotōga. Namōga yagwanisi kaikaiwabusi yasi gabana nakanakasisi si dawana. ⁴² Eatu negoyogoyo nekwafuna si nemiya keta gabana nuwesi musumususi si totoisiya.

⁴³ Eketa kana tomuniyeina i wenisiya si nemiya keta i iyavisiya i bwaduwa, “A iyaiyavimiya venemokena, negoyogoyo nekwafuna o yasi kavenenakaōgo nakatamataina muniyai yo namōga matatafusi. ⁴⁴ Uğuna namōga kaikaiwabusi o yasi gabana matatafumokena i fakwa atu kasimināga si teniya yasi kavenenakaōgo fasinei, eatu noko negoyogoyomoka o yasi kinofe tausi kasi ovivita fasinei, matatafumokena si nubutuya.”

13

Yeisu I Nusifufuwa Numa Kodukodu Kana Kiyakwena Fasinei

Madiu 24:1-2, Nuke 21:5-6

¹ Tovanama Yeisu Numa Kodukodu sinenei i kikinomana, kana tomuniyeina tamokāga i iyaviya i bwaduwa, “Tovisawavenena, numa nofe dewabausi ku kitaisi keta yota gabana kitagoyosi nenesiyai si kiyona.”

² Eketa Yeisu i bwaduwa, “Numasima nofe kitagoyosi ku kitikitisiya o yawane matatafusi sina yakwena-kōgoisiya. Muka tamo gabana ina tufo naki matatafuna sina tewesobuwe-kōgoiya.”

Dauna Keta Kuvavana

Madiu 24:3-14, Nuke 21:7-19

³ Yeisu koya Onive nenei i nuvitoiya eketa i kitatamana Numa Kodukodu kuveyaina. Tovanama nenei, Fita, Yemesa, Yoni eketa Anideneya tasikēga si nemiya si nutoninuvenuveiya si bwaduwa, ⁴ “Yamasi kuta iyavikiya, nofe ibasima ku iyaiyavikiya o avi tovai sina kikinomana. Avi kiyakiyaya nenei kana sanamanei vitana nofe ibasima o kabegomokena sina kikinomana?”

⁵ Eketa Yeisu i iyavisiya i bwaduwa, “Matami ina fekuwa ebe muka tamo aitevana ina nonoimi. ⁶ Yawane namōga yagwanisi sina nemiya eketa kaku wavai sina bwaduwa, ‘Make iyau togifafafanamokeku.’ Nofe nenei yawane namōga yagwanisi sina nonusiya. ⁷ Muka kwana kate-kuvavana taki aviya bigana kwana nowaniya ketamwakufwai o kedawanauwai. Nofe ibasima o sina mikikinomana eatu nai o muka vitana tova kana kafa nusafu. ⁸ Tamo kunuma ina misiniya keta tamo kunuma ina vikaniyabiniya. Yota tamo kafa visime ina misiniya keta tamo kafa visime ina vikaniyabiniya. Yawane nikuniku ina kikinomana kabāga tunistunisi nenesiyai. Yota noga ina kikinomana. Nofe ibasima nao maise vinatuna kana kuvavana kana kafa viūgu.

⁹ Tututaumi kwana kitavikavina-dewidewimiya. Namōga sina givikavinimiya keta menana kasi toviketanuneina nimasiyiayi sina tenimiya. Yota numa kafa yokoyoko nenesiyai sina munumiya. Yawane kasi tovisime keta tufomu nausiyai sina vimisiniimiya eatu sina vinuesanimiya uğuna kwami kaku tomuniyeina. Nokomai wakakaku

kwana siya nenesiyai. ¹⁰ Muniyai yo kafa nusafu, nauna biga dewadewana kaku tomuniyeina sina yauniya kunuma matatafusi nenesiyai.

¹¹ Tovanama sina givikavinimiya eketa sina vinuesanimiya, muka kwana nuwanuwa aviyavana kwana nusifufuviya fasikuwai uğuna kwami muka tututaumi yami nuwanuwai kwana nusifufu. Eatu Kanunu Tafutafuna yami nusifufu ina gidawadawaniniiya. Na fasinei keta avana Guyau ina venimiya maise, naki kwana bwaduwe-kikinomaniya.

¹² Namoğga tauna kana tufunuwa ina viwaifufuniya eketa nifanifaisi sina nuvimiatiya. Ama naki maisemoka tamoka fufuninama nenei natuna ina dewiya. Natunatu sina misiniya ayoayosi be amamasi nenesiyai sina maniniya eketa sina viwaifufuniya kasi nuvimate fasinei. ¹³ Namoğga matatafusi sina adibutoyotoyoimiya uğuna Iyau kwa munimuniikuwa. Eatu taki aitevana ina kunuwaniya be ina muniikuwa kana nivaniva kafa nusafu, nao tanake Guyau ina gifafafaniya.”

Kuvavana Nakasina Kana Tova

Madiu 24:15-28, Nuke 21:20-24

¹⁴ “Tovanama iba goyomokena kwana kitija kabağı vivikanatafunu nenei namai muka kana nufota nenei ina misini atu nenei i misimisiniya, (Nufunufu nofe kana toginağanağa kwata nuwatasanamanıya avana a bwadubwaduwıya.) enao aviyaonanafafani Yudiya nenei si fakwafakwa sina dibwana koyai. ¹⁵ Eatu taki aitevana yana numa kana kudukudu etanei ina fakwafakwa, nao muka ina kanasuna numa sinenei yana nogonogo ina vaisi, ¹⁶ maisemoka yota aitevana yana bagunai ina bagubaguna, muka ina makavinai numai kana kwame fasinei. ¹⁷ Noko tovanama nenei vivisifuğa keta tovisusu sina vimainuwinuviya venemokena. ¹⁸ Eatu Guyau nenei kwana kawakawanunukuwa be nofe ibasima muka tutuya goyonei sina kikinomana. ¹⁹ Noko tovasima nenesiyai kuvavana nakasina ina kikinomana, muka tamo maise kuvavanana ita kikinomana tovanama Guyau fwayafwaya i fufunavauvaya kana nivaniva kimoki. Yawane nofemaise kuvavanana muka yota ina kikinomana-savavinei. ²⁰ Eatu noko tovasima o Tuveka naki i givbwatisiya. Taki muka, nao nomoğga matatafusi sita matekooğga. Eatu i givbwatisiya ebe nuwanuwana aviyaonana i gibokisiya tauna fasinei ina gifafafanisiya.

²¹⁻²² Yawane togifafafana gigibokeinana keta tomatakawa vikanonono sina nemiya keta kiyakiyaya kafa nuwatabau sina saviviniysi. Ebe taki kasi fata maise Guyau yana namonamoğga gigibokeinasi nuwatasi sina kaniya. Taki tamo aitevana ina iyavimiya ina bwaduwa, ‘Ei, nofe Togifafafana Gigibokeinamokena,’ o taki ina bwaduwa, ‘Ake, noko nomoğamokena.’ Nao muka bwadunama kwana vitumağanei. ²³ Eketa matami ina fekuwa. Eatu a matamatatakawevägasimiya ebe yo na yami gidewadewa tovanama ibasima sina kikinomana.”

Namoğga Natuna Yana Makavina

Madiu 24:29-31, Nuke 21:25-28

²⁴ “Noko tovasima nenesiyai tovanama kuvavana nakasina ina kakaviya.

*'Vanavana ina vikumanovana
keta yota yamayamana muka ina tafa.*

*25 Abamei kinavinavi sina kafifekufekuwa
keta yota iba ffiwanisi abamai ina kayufeyufisiya.'*

26 Tovanama nenei Namoga Natuna sina kitiya busibusi nenei ina nenemiyana yana fiwana nukusi keta na yana kaiwabu. ²⁷ Eyo Guyau kana kaetoغا abamei ina visimeisiya sina niya. Bomatuwei, gagasei, nanakoyei keta yavanatei, fwafwaya be abama bwatanei tu bwatanei yana namonamoغا gigibokeinasi sina katuvivisiya tamokaغا."

Kai Nugweda Kana Bwadusobusobu

Madiu 24:32-35, Nuke 21:29-33

28 "Kafa kita o kai nugweda nenei kwana kitasanamaniya. Tovanama naganina mwanavauna sina vikiviavina nao kwa sanamaniya nugutabo kana tova i niketamwakufwa. ²⁹ Naki maisemoka tovanama nofemaise ibasima kwana kitisiya sina savisavivina nao kwa sanamaniya Namoga Natuna yana nemi naki i niketamwakufwamoka. ³⁰ A iyaiyavimiya venemokena, nofe susunama yasi tovai nofe ibasima sina mikisavivina muniyai yo sina kafimateateya. ³¹ Abama keta fwafwaya sina kaoಗoniya atu fonaku muka ina kaoಗoniya."

*Muka Tamo Aitevana Ina Sanamanei
Kana Kuyadayada O Kana Kawasasa*

Madiu 24:36-44

32 "Muka tamo aitevana ita sanamanei kana kuyadayada o kana kawasasa avi tovai ibasima nofe sina savivina, mukamokena Guyau kana kaetoغا abamai o taki Natuna tauna. Naki Amanaga i sanamaniya. ³³ Kuna tonetoneya keta kuna gigidewadewa uguna muka kuta sanamanei kana tovamokena.

³⁴ Naki maisemoka tovanama namoga tamo yana numa ina venuteweiya eatu ina niya kedawanauwai, kana kaetoغا tamokatamokaغا yasi mudadava ina kavenena yota kawa kana tokitavikavina ina iyaviya be ina kitakitanufota. ³⁵ Kwami yota naki maisemoka kwana kitakitanufota, uguna muka kwata sanamanei toninuma yana makavina. Taki ina nemiyana navinavyai o kamo nuwabuna sinefouna o kamo kamukamu yasi kwaе kana tovai o taki tovakatakiyai. ³⁶ Kwana gigidewadewa ebe tovanama ina nikikinomana muka ina nisaಗaimi kwana banubanu. ³⁷ Avana a iyaiyavimiya, naki maisemoka yota namoga matatafusi a iyaiyavisiya, 'Kwana tonetoneya!'"

14

Diu Toviketanuneina Si Viwaifufuna Be Yeisu Sina Nuvimatiya

Madiu 26:1-5, Nuke 22:1-2, Yoni 11:45-53

1 Naki kuyadayada nuwesimoka muniyai yo Venuvisinatana keta Maneka Muka Nakana Nutuva Kana Ka ina nisaiya. Tovibwanaose nakanakasisi keta visime kana tovisawavenena ketaketa si nuwasa be Yeisu sita givikavina-samwagauwiya ebe sita nuvimatiya. ² Si bwaduwa, "Muka ka kana tovai tana givikaviniya, akata namoga sina nuwagoyowa keta vigwaeغا sina vibutuya."

*Gumayogu Bubu Mamadina I Siwaiya
Yeisu Debabounei Menana Bedani Nenei
Madiu 26:6-16, Nuke 22:3-6, Yoni 12:1-8*

³ Yeisu i niya Bedani namōga kana wava Saimoni yana numai. Namōganama o nauna kwafinina gosagosawina. Nokomai si kakawa atu gumayogu tamokāga bubu mamadina yota fatana kitagoyona kana wava nadi na konina i kanasunanemiya. Kana koni si fufuniya anabasita nenei. Kayona i gikotoviya keta bubunama Yeisu debabounei i siwaiya.

⁴ Aviyaonana namōga nokomai si kayokūga keta tututausi si vikagigigamana keta si bwaduwa, “Ava ūguna yo bubu noko mamadina i vivinuwateteweyei? ⁵ Kana nufota be manamana tamokāga tobunanige fatana 300 siniva maise nenei ita vikimwaneiiya keta gabaninama goyogoyo ita venisiya.” Eketa si dageiya.

⁶ Atu Yeisu i iyavisiya i bwaduwa, “Kwa tenei nuwatanei be ava i fufuniya o i fufuniya. Nofe o iba dewadewana i fufuniya nenekuwai. Atu ava fasinei yo kwa visinamatamanei? ⁷ Kwami tova matatafunu goyogoyo nukusi kwa fakwafakwa eketa avi tovai nuwanuwami maise enao kwana ovivitisya. Eatu Iyau o muka tova matatafunu nukusi tana fakwafakwa. ⁸ Avana kana nufotai maise naki i fufuniya. Bubu mamadina tofwakuwai i siwaiya be tofwaku i gidewadewaḡasiya kaku odewadewa fasinei. ⁹ A iyaiyavimiya venemokena, tovanama biga dewadewana fasikuwai fwayafwaya kana matatafu sina yauniya, avana gumayogu nofe i fufuniya nenekuwai yota kana kafa tuku fasinei sina numamaniya.”

¹⁰ Noko tovanama nenei Yudasa Isikaniyoti tanake tamokāga tonowana kasi 12 sinesiyai i niya tovibwanaose nakanakasisi nenesiyai Yeisu kana viwaifufuna fasinei. ¹¹ Tovanama si nowaniya sebobo i tewesafusiya eketa yasi bwadudabadaba si veniya si bwaduwa, “Gabana kana veniwa” eketa Yudasa ketaketa i nuwasa be nimasiyai ina teniya.

*Yeisu Yana Tonowana Nukusi
Venuvisinatana Kana Ka Si Fufuniya
Madiu 26:17-25, Nuke 22:7-14, 21-23, Yoni 13:21-30*

¹² Maneka Muka Nakana Nutuva Kana Ka kana kuyadayada kafa viūgu nenei, sifi mwanavausi si munumunuwa Venuvisinatana Kana Ka fasinei. Na kuyadayadanama nenei Yeisu kana tomuniyeina si nutoninuveviya si bwaduwa, “Namao nuwanuwau Venuvisinatana Kana Ka kata gidewadewai fasiweu?”

¹³ Eketa kana tomuniyeina nasi nuwa i iyavisiya i bwaduwa, “Kwana kanasuna Yenusanema keta namōga tamokāga tukwava na ukowina i uniuniya ina nisaimiya. Na gwadinama kwana muniiya, ¹⁴ eketa avi numai ina kanasuna, toninuma kwana iyaviya kwana bwaduwa, ‘Tovisawavenena i bwaduwa, “Nama totomunama nenei kaku tomuniyeina nukusi Venuvisinatana Kana Ka kata kawiyei?”’ ¹⁵ Eketa totomu nakasina gigidewadewana kuetana ina visawavenimiya. Nokomai iba matatafunu kwana gidewadewi ya fasiityai.”

¹⁶ Yeisu kana tomuniyeina si nōgokawawa eketa si niya Yenusanema avana Yeisu i iyavisiya maisemoka i kikinomana keta si gidewadewa Venuvisinatana Kana Ka fasinei.

¹⁷ Tovanama i vimatasisinovanovana Yeisu yana tonowana kasi 12 nukusi si kikinomana. ¹⁸ Sonamai si kakawa atu Yeisu i bwaduwa, “A iyaiyavimiya venemokena, namōga tamokāga sinemiyai ina viwaifufunikuwa, namōganama nukusi ta kakawa.”

¹⁹ Nuwatasi i dauna eketa tamokatamokāga si iyaviya, “A sanamanikuwa iyau muka.”

²⁰ I iyavisiya i bwaduwa, “Kami 12 sinemiyai aitevana kana maneka Iyau nukusi kabomai ina kutuviya, na tana namōganama. ²¹ Namōga Natuna ina mateya naki Guyau fonakituna i bwaduwa maisemoka, eatu aitevana Namōga Natuna i viwaifufuniya nao daunina venemokena ina nisaiya. Kana nufotamoka be ayona muka sita vinatunei.”

²² Tovanama si kakawa nenei, Yeisu maneka i viya eketa i kawanunukuviagigikuwa. Eketa i gisiniya eyo kana tomuniyeina i venisiya keta i bwaduwa, “Kwa vai, nofe o tofwaku.”

²³ Yota owa i viya keta Guyau nenei i viagigikuwa eyo i venisiya eketa owanama nenei si yuwa. ²⁴ Eketa i iyavisiya i bwaduwa, “Nofe o ufaufaku, yawane ina ketosiwāga namōga yagwanisi fasisiyai keta Guyau yana dedeni kwami nukusi ina givafakiniya. ²⁵ A iyaiyavimiya venemokena, muka tamo nofemaise waininama ana yunuwanuvai kana nivaniva Guyau yana kafa visime nenei waini kiouna ana yumiya.”

²⁶ Eyo si osedavadava muniyai yo si kikinomana keta si niya koya Onive nenei.

Yeisu I Bwaduviōgoniya Fita Yana Vikewa

Madiu 26:31-35, Nuke 22:31-34, Yoni 13:36-38

²⁷ Yeisu i iyavisiya i bwaduwa, “Matatafumokemi kwana butuwa atu kwana sinanovikuwa uḡuna Guyau fonakituna viviginiwina i bwaduwa,

*Tokitavikavina ana nuvimatiya
keta sifī sīna venusavanenēga.*

²⁸ Atu tovanama mateyai ana misini-savavinikuwa, ana viketanuna Ganini.”

²⁹ Atu Fita i iyaviya i bwaduwa, “Yawane sabu matatafusi sina butuwa atu iyau o muka.”

³⁰ Eketa Yeisu Fita i iyaviya i bwaduwa, “A iyaiyaviwa venemokena, kimoki nuwabunanama nenei kuna vikeweikuwa kawa tonu muniyai yo kamukamu yana kwae ina vinuwiya.”

³¹ Atu Fita i kawafatafata i bwaduwa, “Na namaise taki fasiweu sina nuvimatikuwa, eatu muka tamo kana fata be ana bwadu, ‘Muka ata sanamanei.’” Eketa tomuniyeina matatafusi tamoka bwadunama yota si bwaduwiya.

Yeisu I Kawanunukuwa Getesemani Nenei
Madiu 26:36-46, Nuke 22:39-46

³² Yeisu kana tomuniyeina nukusi si nemiya kabāga kana wava Getesemani nenei keta i iyavisiya i bwaduwa, “Nofemai kwana fakwafakwa eatu ana kawanunukuwa.” ³³ Eketa Fita, Yemesa keta Yoni i ovisiya keta nukusi si niya. Tovanama nenei kana nutōgona i weifanufanuya, ³⁴ eketa i iyavisiya i bwaduwa, “Nuwatadauna nakatamokena i munumunukuwa keta

katekateku i nunubudabudaniya maise mate. Nofemai kwana fakwafakwa eatu kwana tonetoneya.”

³⁵ Kabegomokena i vaniya, eyo i fekuwa fwayafwayai keta i kawanunukuwa be taki kana fata maise kuvavana kana kawasasa ita niuniya. ³⁶ I bwaduwa, “Amaku, iba matatafuna ka fata, na fasinei kuvavana nofe owana ku viteweyei nenekuwai. Eatu muka yaku nuwanuwa atu avana ku nuwenuwiya maise kuna fufuniya.”

³⁷ I makaviniya kana tomuniyeina kasi tonu nenesiyai atu i nisaisiya si banubanuwa eketa Fita i iyaviya i bwaduwa, “Saimoni, omasi ku banubanuwa. Muka kana fata be matau ina fakina kawasasa bwatanaā?” ³⁸ Eketa i iyavisiya i bwaduwa, “Kwana tonetoneya keta kwana kawakawanunukuwa ebe kami anuvanuva nenei muka kwana feku. Yami vinuwadadana avana dewadewasi katekatemiyi kwana saviviniyi o fifiwanisi atu tofwami i seākamekameya.”

³⁹ I makaviniya i kawanunukuwa keta tamoka bwadubwadusima nenesiyai i kawanunukuwa. ⁴⁰ I makavina-savaviniya nenesiyai eatu i nisaisiya yota si banubanuwa, uğuna matasi naki i goyomoka. Eketa bwadusi si bauwiya.

⁴¹ Tovanama kana vitonu i makavina-savaviniya nenesiyai, i iyavisiya i bwaduwa, “Omasi yawane kwa banubanuwa keta kwa viviyawasiya. Nakiyi. Tova naki i nuvifotiya. Toviwaifufuna Namoā Natuna kabegomokena be togo'yonam nimesiyai ina teniya. ⁴² Ake, kaku toviwaifufunamokena naki i kikinomana. Kwa misini be ta nai.”

Yeisu Si Givikaviniya

Madiu 26:47-56, Nuke 22:47-53, Yoni 18:3-12

⁴³ Yeisu yawane i nunusifufuwa atu Yudasa tanake tamokaā tonowana kasi 12 i venukikinomana. Tovibwanaose nakanakasisi keta visime kana tovisawavenena yota tokawakawa sabuveka si visimeisiya, keta na fetosi yota na funumisi Yudasa si vinuwiya keta nukusi si nemiya.

⁴⁴ Toviwaifufunamokena kiyakiyaya tamokaā i mikigisawakedanisiya, “Namoānamana ana viyuiya na tanake kwana givikaviniya eketa kwana niiya.”

⁴⁵ Tovanama si kikinomana Yudasa i niya Yeisu nenei keta i bwaduwa, “Tovisawavenena!” Eyo navanavanei i viyuiya. ⁴⁶ Eketa Yeisu tofwanei si ova keta si givikaviniya. ⁴⁷ Atu namoā tamokaā nokomai i misimisiniya yana feto i soniyaginiya keta tovibwanaose kasi toviketanuneina kana kaetoā taniyana i nuonosiya.

⁴⁸ Yeisu i iyavisiya i bwaduwa, “Omasi na fetomi keta na yami funuma kwa nemiya be kwana givikaviniwu vitana tamo togikuma maise?

⁴⁹ Iyau tova nubwayouna Numa Kodukodu kumenanina kana wasiketai nukusi ta fakwafakwa eatu a gigisawakedana namoā nenesiyai eatu ava uğuna yo muka kwata givikaviniwu? Eatu nakiyi, ebe avana Guyau fonakituna i bwaduwiya, ina vivenemokena.” ⁵⁰ Eyo kana tomuniyeina matatafusi si butuwa atu Yeisu si sinanoviya.

⁵¹ Tufunakata tamokaā o nuyaā tofwanei i sinawaminiya keta Yeisu i muniyi. Tanake yota si anuvanuva be sita givikaviniya, ⁵² eava kana nuyaā si sinayauya atu gonegonena i dibwana.

Yeisu Si Nutoninuvenuveiya

Madiu 26:57-68, Nuke 22:54-55, 63-71, Yoni 18:13-14, 19-24

⁵³ Namōga sabu Yeisu si niiya tovibwanaose kasi toviketanuneina yana numai. Nokomai tovibwanaose nakanakasisi matatafusi keta tokawakawa yota visime kana tovisawavenena si yokowa. ⁵⁴ Fita i muniiya simokāga sasanei keta i niya tovibwanaose kasi toviketanuneina yana numa kana wasiketai. Nokomai i nuvitoiya tuiyo nukusi keta kaiyai i vivikivanavana.

⁵⁵ Tovibwanaose nakanakasisi keta Diu Kawakawa matatafumokesi si nuwasa Yeisu kana tokanakakikakina ebe yo sina nuvimatiya. Atu muka tamo sita nisāgai. ⁵⁶ Tokanakakikakina-vikanonono yagwanisi o si bwaduwa Yeisu fasinei atu yasi sifufumokesi muka tamo ita nuvifotei.

⁵⁷ Namōga tunisi si misiniya eketa nofemaise Yeisu fasinei si bwaduvi kanononowa, ⁵⁸ “Ka nowaniya i bwaduwa, ‘Namai Numa Kodukodu namōga nimasiyai si yoniya o ana yakweniya atu kuyadayada tonusi nenei ana yona-savaviniya muka namōga nimasiyai.’” ⁵⁹ Eatu muka tamo yasi sifufunama tamo ita nuvifotei.

⁶⁰ Eketa tovibwanaose kasi toviketanuneina sabu matasiyai i otowamisiniya keta Yeisu i nutoninuvenuveiya i bwaduwa, “Yasi vinoisima fasinei tamo avana kuna bwaduwia o muka?”

⁶¹ Atu Yeisu muka tamo avana ita bwaduwei naki i manava. Tovibwanaose kasi toviketanuneina yota i nutoninuvenuveiya i bwaduwa, “O venemokena kwāga Togifafafana Gigibokeinana, Guyau ta sawadavadaviya kwāga Natuna?”

⁶² Yeisu i bwaduwa, “Ika Iyau. Yawane matatafumi kwana kitija Namōga Natuna ina fakwasiotoga Tofiwanaonaona kikikatainei keta abamei busibusi nenei ina nenemiya.”

⁶³ Tovibwanaose kasi toviketanuneina kana nuya i kiganiniya* keta i bwaduwa, “Muka yota tana vinuwadadana tokanakakikakina fasisiyai. ⁶⁴ Yana bwadu-tafakaikokona Guyau nenei naki kwa nowaniya eketa namaise kwata bwadu?”

Eketa matatafusi si bwaduwa, “I goyona na fasinei kana nufota be ina mateya.”

⁶⁵ Tunisi si vibutuwa si nufunataniya. Matana si sumiya eyo si munuya atu si bwaduwa, “Taki kwāga Guyau yana tomatakawa, ku iyaveiki aitevana i munuu!” Eyo tuiyo si givikaviniya eketa si munuya.

Fita Yeisu I Vikeweiya

Madiu 26:69-75, Nuke 22:56-62, Yoni 18:15-18,25-27

⁶⁶ Fita yawane wasiketai i fakwafakwa atu tovibwanaose kasi toviketanuneina kana kaetōga gumayogu i nemiya. ⁶⁷ Tovanama i kitija Fita kaiyai i vivikivanavana, i toneye-dewadewiya keta i bwaduwa, “Kwāga o noko namōganama Yeisu tene Nasaneti nukusi.”

⁶⁸ Eatu Fita i vikewa i bwaduwa, “Iyau muka ata sanamanei ava fasinei ku bwadubwadu,” keta i kikinomana kawa nenei. Tovanama nenei ka-mukamu i kwaeya.

⁶⁹ Tamoka gumayogunama yota Fita i kita-savaviniya, keta aviyaonana namōga nokomai si misimisinaya i iyavisiya i bwaduwa, “Nofe tanake Yeisu unana tamokāga!” ⁷⁰ Eatu Fita yota i vikewa-savaviniya.

14:58 Yoni 2:19 **14:62** Daniyena 7:13 * **14:63** Tovanama fiyao Diu sina nuwagoyowa venemokena kasi nuya si kikiganiniya. **14:64** Visime Tafu 24:16

Muniyai aviyaonana namōga nokomai si misimisiniya Fita si iyaviyi si bwaduwa, “Bwadu venemokena, kwāga o unasi tamokāga ūguna kwāga yota tene Ganini.”

⁷¹ Atu Fita i vikewatautauna i bwaduwa, “Guyau matanei a iyaiyavimiya venemokena! Namōganama kwa bwadubwaduwiya o muka ata sanamanei.”

⁷² Tovanama nenei kamukamu yana kuae i vinuviya eketa Fita nuwatana i kakwaniya Yeisu yana bwaduwa, “Kuna vikeweikuwa kawa tonu muniyai yo kamukamu yana kuae ina vinuviya.” Eketa i kafuwaiya keta i bwadiya.

15

Yeisu Fainato Naunei I Misiniya

Madiu 27:1-2,11-14, Nuke 23:1-5, Yoni 18:28-38

¹ Nuwabunimokeyai tovibwanaose nakanakasisi be tokawakawa yota visime kana tovisawavenena keta Diu Kawakawa matatafusi si yokowa keta si vikanusifusifufuwa Yeisu fasinei. Eyo nimana si kiyona keta si niiya Noma tovisime Fainato nimanei si teniya. ² Eketa Fainato Yeisu i nutoninuveveiya i bwaduwa, “O kwāga fiyao Diu yasi Tufomu?”

Eketa Yeisu i nufata i bwaduwa, “Ika. Na naki ku bwaduwa maise.”

³ Eketa tovibwanaose nakanakasisi Yeisu si vinoiya iba yagwanisi goyosi fasisiyai. ⁴ Yota Fainato Yeisu i nutoninuveveiya i bwaduwa, “Tamo avana kuna bwaduwiya o muka? Ku kitai goyonan kana yagwana fasinei si vivinoiwa!” ⁵ Atu Yeisu muka tamo avana ita bwaduwei eketa Fainato i mayāga.

Fiyao Diu Nuwanuwasi Yeisu Ina Mateya

Madiu 27:15-26, Nuke 23:13-25, Yoni 18:39—19:16

⁶ Manamana tamokatamokāga Venuvisinatana kana Ka kana tovai, tova matatafunaa Fainato finisina tamokāga deniyai i vivikinomaniya namōga yasi nuwanuwai maise. ⁷ Na tovanama nenei namōga kana wava Banabasi o deniyai i fakwafakwa. Tanake o tunisi tovigwaēga nukusi Noma gabemani nukusi si vigwaēga, keta yota tunisi namōgakaokaogosí atu si nuvimatasiya. Eketa Noma tonuaviya si givikaviniya keta deniyai si teniya. ⁸ Sabuveka si yokowa keta Fainato si vikokoniya be tamo aitevana ita ketoyauya, naki manamana tamokatamokāga i fufuniya maise.

⁹ Eketa Fainato i nutoninuveveiya i bwaduwa, “Omasi nuwanuwami fiyao Diu yami Tufomu ana ketoyauya fasimiyai?” ¹⁰ Nofemaise i iyavisaya ūguna waniya i mikisanamaniya vitana tovibwanaose nakanakasisi o Yeisu si vikumaīgiya, na fasinei si katuteweiya nenei. ¹¹ Eatu tovibwanaose nakanakasisi o sabuveka si ketoyakayakanisiya be Fainato sina vikokoniya be Banabasi ina ketoyauya fasisiyai atu muka Yeisu. ¹² Atu Fainato i iyave-savavinisiya i bwaduwa, “Atu namōga nofe kwa weneweniya Diu yami Tufomu o namaise ana iyavei?”

¹³ Si vikafinafina si bwaduwa, “Ku giviogonāganagai!”

¹⁴ Atu Fainato i iyave-savavinisiya i bwaduwa, “Atu avao ūguna? Avi goyona i fufuniya yoke?”

Atu si finadewadewa si bwaduwa, “Ku giviogonāganagai!”

¹⁵ Eketa namōga nuwatasi kana kata fasinei, Banabasi i ketoyauya atu tonuaviya i visimeisiya keta Yeisu si nafanafasiya eyo i katuteweiya be sina giviogonāganaiya.

*Tonuaviya Yeisu Si Sawaviniiya**Madiu 27:27-31, Yoni 19:2-3*

¹⁶ Tonuaviya Yeisu si niiya Fainato yana numa kaikaiwabuna kana wasiketai eyo unaunasi si wenevakukusisiya. ¹⁷ Kwame yabeyabenina Yeisu si viktoniya keta kisisiku nağanina kikikwanekwanena nenei gedugedu si fufuniya keta debabounei si teniya. ¹⁸ Keta si sawaviniiya si bwaduwa, “Ae mukanono. Naki Diu yasi Tufomu!” ¹⁹ Kiwanai si munumunuya be si nufunataniya eatu naunei vifotuwai kaetutusi si viketogunisiya vitana kana venufotafota tufomu maise. ²⁰ Si sawaviniiya muninei, kwame yabeyabenina si visaniniiya eatu Yeisu tauna kana nuya si viktoniya eketa si oviya si kikinomaniya menanai be sina giviogonağanaiya.

*Yeisu Si Giviogonağanaiya**Madiu 27:32-44, Nuke 23:26-43, Yoni 19:17-27*

²¹ Si niniya atu ke'ta tofwanei namoğga tamokağga Saimoni tene Sainini si venusaiya kawayavatei i nemiya. Tanake Anekiserida keta Nufusi amasi. Namoğanama si nuyakayakanaya keta Yeisu kana ogonağanağga i uniya. ²² Yeisu si oviya keta si niiya kabaga kana wava Gonigota nenei. Gonigota kana nuwanuwa o Navakanuwa kana Kabağga. ²³ Nokomai bubu kana wava meya, waini nukusi si vinya eketa Yeisu si venenuvanuviya eatu i dibutoyoiya.* ²⁴ Eketa si giviogonağanaiya atu kana nuya fasinei, nao daisi nenei si vikaneeeniya. Nofe ketaketanama nenei, kana nuya si vitukuwiya tututausi nenesiyai.

²⁵ Nuwabuni 9 kana fafani nenei Yeisu si giviogonağanaiya. ²⁶ Kana bwaduvinoi viviginiwina si tutuifotiya kuetana i bwadubwaduwa, TANAKE DIU YASI TUFO MU. ²⁷ Togikuma nasi nuwa Yeisu nukusi si giviogonağanaisiya, tamokağga kukikikatainei eatu tamokağga o kukikimawanei.†

²⁹ Namoğga sabu ketai si niniya be si nenemiya eatu si nunuwautuutuna atu si bwadubwaduwa, “Ake, naki ku sanamaniya! Omasi Numa Kodukodu kuta yakweniya eatu kuyadayada tonusi nenei kuta yona-savaviniya, mukanono! ³⁰ Make nao ogonağanağga nenei ku sobunemai be tauğu ku gifafafaneu!”

³¹ Tamoka ketaketanama nenei tovibwanaose nakanakasisi keta visime kana tovisawavenena tututausi nenesiyai Yeisu fasinei si sawaviniga si bwaduwa, “Mani namoğga i gifafafanisiya atu tauna o muka kana fata! ³² I bwaduwa avage tana Togifafafana Gigibokeinana keta yota Isineni kana tufomu. Make nao ogonağanağgai ita sobunemiya tata kitiya be tata vitumaganiya.” Namoğga kasi nuwa o kuniniuna si giviogonağanaisiya yota si sawanuketuwiya.

*Yeisu Yana Mate**Madiu 27:45-56, Nuke 23:44-49, Yoni 19:28-30*

³³ Tovanama vanavana i nemiya sinefounei, noko fafaninama matata-funa kumanovana i gikafufuya keta i fakwa kana nivaniva vanavana i niya tonusi yana fafani. ³⁴ Tovanama nenei Yeisu kayona nakasinei i bwauwa

* **15:21** Noma 16:13 * **15:23** Waini keta meya nukusi si vinya o kuvavana kana kafa nuvitutuma. **15:24** Same 22:18 **15:27** Aiseya 53:12 † **15:27** Tunisi viginiwa nenesiyai o kana nukusi 28 si nunatuya. Eketa Guyau fonakituna i vivenemokena bwadu noko, “Aviyaonana totaniyagunu sinesiyai tanake na kana sawasawa.” **15:29** Same 22:7, 109:25, Maka 14:58, Yoni 2:19 **15:34** Same 22:1

i bwaduwa, “*Enoi, Enoi, nama sabatani?*” Kana givina o, “Yaku Guyau, yaku Guyau, ava uğuna ku sinanoveiku?”

³⁵ Namoga tunisi nokomai si misimisiniya si nowaniya keta si bwaduwa, “Kwa vaneneğä, kana kita kamo Inaitiya i weneweniya.”

³⁶ Namoga tamokağä i dibwana i niya eketa banou i viketokutuvya waini yuyuna nenei. Eyo kiwana bwatanei i tunevaneiya be Yeisu ina yumiya fasinei eketa i bwaduwa, “Yabe ta kitai, kamo Inaitiya ina nemiya ogonağanağai ina kakiya.”

³⁷ Eatu Yeisu kayona nakasinei i bwauwa eketa yawasina i kakaviya.

³⁸ Eketa Numa Kodukodu kusinena kafa dawanafafana kana nuya i kasaniniya etanei atu i sobuwa sifunei.

³⁹ Tonuaviya kasi kaimatana ogonağanağä naunei i misimisiniya i kitiya namaise Yeisu i mateya eketa i bwaduwa, “Bwadu venemokena namoga nofe o Guyau Natuna.”

⁴⁰ Tunisi vivine o matakedawanauna si misiniya atu si tonetoneiya. Sinesiyai o Meni ne Magidana eketa Sanome yota venuwana Meni o Yemesa gwadiyei keta Yosese ayosi. ⁴¹ Nofe vivinesima o nauna Yeisu Ganini nenei si muniyi keta yota si okakikakinia. Vivine yota yagwanisi nukusi nokomai si misiniya atu Yeisu si tonetoneiya. Vivinesima o Yeisu kaena si kwafuya eketa si niya Yenusanema.

Yeisu Kana Odewadewa

Madiu 27:57-61, Nuke 23:50-56, Yoni 19:38-42

⁴²⁻⁴³ Tene Animatiya kana wava Yosefa o tanake Diu Kawakawa tamo kana namoga nakasina. Tanake o i kitakitanufota Guyau yana kafa visime fasinei. Eketa gidewadewa kana kuyadayada atu naki i vivinavnaviya be yo Sabati ina vibutuwa fasinei, eketa Yosefa na yana katevatu i niya Fainato nenei keta i vikokona Yeisu tofwana fasinei. ⁴⁴ Fainato i sabantuğä tovanama Yeisu yana mate fasinei i biganowana keta tonuaviya kasi kaimatana i weniya keta i nutoninuvenuveiya taki Yeisu naki i mateya. ⁴⁵ Tovanama kaimatana nenei sanamana i videwadewiya, tofwa i sawateweysi Yosefa nenei.

⁴⁶ Yosefa nuya kwayakwayana i kimwaniya eketa tofwa ogonağanağai i kakiya keta i waminiya muniyiyo vatunuma vigabanina si taniya nenei i teniya. Eyo gabana nakasina i katubwatabwataviniya keta vatunuma kawana i tenefotiya. ⁴⁷ Meni ne Magidana keta Meni Yosese ayona o si kitiya namaniyei Yeisu tofwana i teniya.

16

Yeisu Yana Misini-Savavineina

Madiu 28:1-8, Nuke 24:1-12, Yoni 20:1-10

¹ Tovanama Sabati kana kuyadayada i kakaviya, Meni ne Magidana yota Meni Yemesa ayona keta Sanome bubu mamadisi si vikimwaneya Yeisu tofwana kana vitowa fasinei. ² Wiki kana kuyadayada kafa viuğu nenei tovanama vanavana i vaneya, si niya vatunuma nenei. ³ Si niniya atu ke'ta tofwanei tututausi si vikanunutoniya si bwaduwa, “Aitevana gabana ina katuniyei vatunuma kawana nenei fasituyai?”

⁴ Gabananama nakatamokena atu i kabwatabwataviniya i makaviniya eketa tovanama matasi i kanakasiya si kitiya kawa kakayauna. ⁵ Eketa

vatunuma sinenei si kanasuna, tamokağa tufunakata kana nuya kwayakwayana kukikikataisi si kitiya i fakwafakwa eketa si mayağā. ⁶ Eatu i iyavisiya i bwaduwa, “Muka kwana matuta. A sanamaniya Yeisu tene Nasaneti si giviogonağanaiya kwa nunuwasiya eatu tanake weka muka. Tanake naki i misini-savaviniya. Kwa kitai, nofemai si teniya. ⁷ Atu kwana niya kana tomuniyeina keta Fita nukusi nofemaise kwana iyavisiya kwana bwaduwa, ‘Tanake i viviketanuna Ganini eketa nokomai yo kwana kitiya. Naki nauna i iyavimiya maise.’”

⁸ Tovanama nokomaise si nowaniya, vivinesima si mayağā keta na yasi akikinikuna vatunuma sinenei si kikinomana-nemiya keta si vikadibwadibwana si niya. Si matuta eketa muka tamo aitevana sita iyavei avana namoğā tufunakasina i nusifufuwiya.

[Tunisi Naumokena Viginowi Muka Sita Katukanasunei 16:9-20.]

Yeisu I Kikinomana Meni Ne Magidana Nenei

Madiu 28:9-10, Yoni 20:11-18

[⁹ Wiki kana kuyadayada kafa viuğu nenei tovanama Yeisu nuwabunimokeyai i misini-savaviniya, nauna Meni ne Magidana nenei i mikikinomana. Nofe gumayogunama nenei Yeisu kanunu goyosi kasi ⁷ i nukakisiya. ¹⁰ Aviyaonana namoğā Yeisu nukusi si nidadana o nuwatasi i dauna eketa Yeisu fasinei si bwedibwediya. ¹¹ Atu Meni i niya keta i iyavisiya i bwaduwa, “Ei! Yeisu naki i misini-savaviniya, iyau tauku matamokekuwai a kitiyal!” Eatu yana bwadu muka sita vitumağanei.

Yeisu Kana Tomuniyeina Kasi Nuwa Nenesiyai I Nikikinomana

Nuke 24:13-35

¹² Munifotai tomuniyeina kasi nuwa Yenusanema si teweiya keta si niniya atu Yeisu i nikikinomana nenesiyai. Si kitija vitana tamo avi namoğā. ¹³ Si makavinisiya keta unaunasi kasi tufo si iyavisiya atu tasike yota muka sita vitumağaneisi.

Yeisu Yana Tonowana Kasi 11 Nenesiyai I Nikikinomana

Madiu 28:16-20, Nuke 24:36-49, Yoni 20:19-23, Bunanige 1:6-8

¹⁴ Munifotai tonowana kasi 11 si kakawa eatu Yeisu i kikinomanisiya. Keta i dageisiya uğuna katekatesi yana gua eketa muka na yasi vitumağana, na nenei aviyaonana yana misini-savavineina muninei si kitija muka sita vitumağaneisi.

¹⁵ Eketa i iyavisiya i bwaduwa, “Kwana kikinomana fwayafwaya kana matatafu nenei be biga dewadewana kwana yauniya matatafusi nenesiyai. ¹⁶ Aitevana ina vitumağanikuwa keta givibutabuta ina viya nao gifafafana ina nisaiya, eatu aitevana muka ina vitumağaneiku nao vimatadawana ina nisaiya. ¹⁷ Kaku tovitumağana kiyakiyaya kafa nuwatabau fifiwanisi sina saviviniysi. Kaku wavai kanunu goyosi namoğā nenesiyai sina nukakisiya yota meya kiousi tunisitunisi muka kasi sanamana nenesiyai sina nusifufuwa. ¹⁸ Mwata goyosi sina givikavina yota taki ukowa onaonasi sina yumiya, muka ina navisi. Nimasi sina dawana tovisafwavinga tofwasiyai eketa sina bwina.”

Yeisu Yana Vane Abamai

Nuke 24:50-53, Bunanige 1:9-11

¹⁹ Tovanama Tuveka Yeisu i nusifufukoğā, Guyau i vaneiya abamai eketa

kikikatainei vifotu kabaina nenei i fakwasiotoga. ²⁰ Eketa tomuniyeina si numamananiya namoغا nenesiyai. Eatu Tuveka i ovivitisoya eketa yana fiwanai kiyakiyaya kafa nuwatabau si savivinisiya namoغا matasiyai. Nofe ibasima nenesiyai yasi numamana i vivenemokena.]

Bunanige

Givimayeta

Tonowana yasi *Bunanige* o Nuke yana nufunufu kana nusavi. Kana ugu nakasina o i bwadubwaduwa namaise Yeisu kana tomuniyeina Kanunu Tafutafuna i viketanunisia eketa biga dewadewana si yauniya “Yenusanema nenei, Yudiya be Sameniya fafanisima matatafusi eketa yota fwayafwaya kana matatafu nenesiyai” (1:8).

Nufunufu nofe i vivisawavenena namaise biga dewadewana Yeisu fasinei si yauniya eketa namaise ekanesiya i vibutu.

Iba nakatamokena nufunufu nofe nenei o Kanunu Tafutafuna yana savivina. Kabwaga Matana kana kuyadayada nenei i sobunemiya na fiwanina tovitumağana nenesiyai Yenusanema sinenei, yota ekanesiya kana toviketanuneina tamokatamokağa i viketanunisia keta i givifiwanisiya. *Bunanige* o nofe biganama dewadewana yana fiwana i vivisawavenena tovitumağana tamokatamokağa yawasisiyai eketa ekanesiya nenesiyai.

Viwakakakina kasi gidewadewa. (1:1-26)

Yeisu yana visime kana kafa nusafu keta yana bwadudabadaba.
(1:1-14)

Yudasa kana kivi kana toğafota. (1:15-26)

Toviwakakaki Yenusanema sinenei. (2:1—8:3)

Toviwakakaki Yudiya keta Sameniya sinenei. (8:4—12:25)

Fauno i numamana Yeisu fasinei. (13:1—28:31)

Fauno yana kamudadana nauna. (13:1—14:28)

Vikanunusifusifufu Yenusanema nenei. (15:1-35)

Fauno yana kamudadana kana vinuwa. (15:36—18:22)

Fauno yana kamudadana kana vitonu. (18:23—21:16)

Fauno i vifinisina Yenusanema, Sisaniya keta Noma nenei. (21:17—28:31)

Yeisu Yana Tonowana I Iyavisiya Vitana

Kanunu Tafutafuna Ina Nemiya Nenesiyai

1 Iye agigiku Tiofino, nauna nufunufu a mikiviginowiya sinenei iba matatafuna aviyavana Yeisu i vibutuwa i saviviniya be i visawavenena 2 kana nivaniva kuyadayadanama nenei i vaneya abamai. Muniyai yo ina makaviniya abamai, Kanunu Tafutafuna yana fiwanai yana tonowana nauna i mikigibokisiya, fiyaosima i gisawakedanisiya. 3 Yana kuavavana be yana mate muninei, tauna i vimaikitija namoğasima nenesiyai ketaketa yagwanina nenesiyai vitana i visawavenemokeniya naki i yawasa-savaviniya. Kuyadayada 40 kana kawasasai tauna i kikikinomana eketa i nunusifufuwisiya Guyau yana kafa visime fasinei.

4 Eketa tamoka tova tanake nukusi si fakwafakwa atu i visimeisiya i bwaduwa, “Muka Yenusanema kwana teweteweysi atu nofemai kwana fotafota kana nivaniva Amaku kakavenena i bwadudabedabiya ina venimiya. Nauna a bwaduwiya kwa nowaniya. 5 Yoni namoğ i givibutibutisiya ukowa nenei atu kuyadayada muka yagwanina muninei Amaku Kanunu Tafutafuna nenei ina givibutibutimiya.”

*Guyau Yeisu I Vaneiya Abamai**Madiu 16:19-20, Nuke 24:50-53*

⁶ Tovanama yota si vikaninisaغا, Yeisu si nutoninuvenuviya si bwaduwa, “Tuveka yo, nofe tova kafa visime kuna vene-savaviniya Isineni ebe tauna ina visimeiya?”

⁷ Eatū i iyavisiya i bwaduwa, “Ibasima sina kikinomana kasi tova o kasi tutuya o tanake Amakuغا yana visime nenei eketa muka kana fata kwana sanamanei. ⁸ Eatū maise! Tovanama Kanunu Tafutafuna ina nemiya nemiyai, ina givifiwanimiya be sifufuku kwana yauniya nofemai Yenusanema nenei, Yudiya be Sameniya fafanisima matatafusi eketa yota fwayafwaya kana matatafu nenesiyai.”

⁹ I nusifufukoغا muninei, matasiyai Guyau i vaneiya abamai. Tovanama busibusi i teneftotiya, muka yota sita kitai.

¹⁰ Yana vanenama nenei, tonowana si kawavitatavağata kawasasakaogowai. Tovanama nenei, namoغا nasi nuwa kasi nuya kwayakwayasi kuniniusi si misiniya ¹¹ eketa si iyavisiya si bwaduwa, “O fiyao Ganini, avaması yami uğu yo kwa misimisininofemai kawasasakaogona kwa tonetoneyei? Na Yeisunama kwa kitiya i vaneya abamai, naki maisemoka yota ketanama nenei ina makaviniya.”

*Giboke, Yudasa Kana Kivi Kana Toğafota Fasinei**Madiu 27:3-10*

¹² Koya Onive nenei tonowana si makavinisiya Yenusanema. Sabati kana waneba kana kedawanau maisemoka. ¹³ Tovanama si kikinomana menana nakasinei, numanama si fakwifakwiya nenei si kanasuna eketa si vaneya totomu kuetana nenei.

Nofemaise kasi wava. Fita, Yoni, Yemesa, Anideneya, Finifi, Tomasi, Batonomiu, Madiu, Yemesa Anafasi natuna, Saimoni tanake Senoti* eketa Yudasa Yemesa natuna. ¹⁴ Tunisi vivine keta Meni Yeisu ayona yota sisitaina namoغا nukusi si yokoyokowa eketa nuwanuwa tamokaغا nenei si kawakawanunuwa.

¹⁵ Tamoka tova tovanama tovitumağana kasi yagwana kamo ¹²⁰ si yokowa nenei, Fita kasi sinefouwai i misiniya eketa i nusifufuwa i bwaduwa, ¹⁶⁻¹⁷ “Unaunaku, Guyau fonakituna Yudasa fasinei naki i vivenemokena. Tova manatuwaimokena, gwadinama fasinei Kanunu Tafutafuna i bwaduvioğoniya tufomu Deivida nenei. Yudasa tanake o tonowana sinekiyai bunanige nenei i ovivita eatu muniyai, namoغا i viketanunisiya eketa Yeisu si tabiya.”

¹⁸ (Yana viwaifuninama gabanina i viya eketa fwayafwaya i kimwaniya. Nokomai i kunowa keta fekunama nenei manawana i biyavaniya eketa kamokamona i tetena. ¹⁹ Fiyao Yenusanema matatafusi bigana si nowaniya eketa fwayafwayanama fonasiyai si weniya Akenedama, kana givina o ufaufa fwayafwayana.)

²⁰ Eketa Fita i tenesaviya i bwaduwa, “Same nenei namoغانama fasinei Deivida i viginiwiya,

*‘Yana numa ina nukawakakava
eatu muka tamo aitevana ina fakwiyei.’*

1:8 Madiu 28:19, Maka 16:15, Nuke 24:47,48 **1:9** Maka 16:19, Nuke 24:50,51 **1:13** Madiu 10:2-4, Maka 3:16-19, Nuke 6:14-16 * **1:13** Senoti kana givina maise, Diu fiyaosi eatu yoko kabegona, tasike nuwanuwasi Noma kana tovisime nukusi sina vikamunumunuwa. **1:18** Madiu 27:3-8 **1:20** Same 69:25, 109:8

Keta yota i viginiwiya,
'Tamo aitevana kana kivi ina viya.'

21-22 Eketa nofe tova namōga tamo tana vinuwadadaniya be nukusi kana savivina ebe mani namōga kana iyavisiya namaise Guyau, Tuveka Yeisu mateyai i sinaviyawasiya fasinei. Atu namōganama tanake tova kana matatafu Tuveka Yeisu nukusi ka nidadana tovanama Yoni i givibutabutiya nenei eketa kana nivaniva nenetiayi Guyau i oviya eketa i vaneiya abamai. Eketa naki kana nufota tamo tana ginakasiya.”

²³ Eketa tomuniyeina namōga nasi nuwa si ginakasisiya. Yosefa Basabasi, (kana wava yota Yasitusi) eketa Mataiyasi. ²⁴⁻²⁵ Munifotai nofemaise si kawanunuwa si bwaduwa, “Tuveka yo, kwāga katecate matatafunu ku sanamanisiya. Ku visawaveneiki namōgasima nasi nuwa nenesiyai, aitevana ku giboeki kivi kana tōgafota fasinei ebe nukusi kata bunanige, ūguna Yudasa naki i teweikiya i niya tauna yana kabāgai.” ²⁶ Daisi nenei si vikaneeneiya fiyao Diu yasi ketaketai eketa si viketokinaniya Mataiyasi kasi 11 sinesiyai i kanasuna tanake nukusi si vitonowana.†

2

Kanunu Tafutafuna I Nemiya

Keta Yeisu Kana Tomuniyeina I Vimaisiya

¹ Kabwaga Matana kana kuyadayada i vikanatutuya nenei, tovitumāgana matatafusi si yokowa kabāga tamokāga nenei.* ² Sabanutūgai butu abamei si nowaniya vitana maise fonimana fisiwanina i sobunemiya eketa namai si nunuvitōga nenei, numanama matatafunu i gikafufuya. ³ Eketa si kitia aviyavana vitana kai noyakaina maise i sobunemiya eyo i katanenēga eketa tovitumāgana tamokatamokāga debabounei i tōga. ⁴ Kanunu Tafutafuna matatafusi i vimaisiya eketa tanake yana givisawakedanai, fona tuninatunina muka sita sanamanei nenesiyai si yibantuwa si nunusifufuwa.

⁵ Atu noko tovanama nenei, fiyao Diu tasike Guyau kana tovimogumogu fwayafwaya kana matatafu nenei si nemiya Yenusanema si fakwa Kabwaga Matana kana Ka fasinei. ⁶ Tovanama sabu butuna si nowaniya eketa si yokowa eatu nuwatasi si kafibaubauwa ūguna tamokatamokāga tauna fonakitunei i nowaniya tomuniyeina si nunusifufuwa.

⁷ Tututausi si mayāga eketa si bwaduwa, “Au, kwa vanenēgeisi! Fiyaosima si nunusifufuwa o fiyao Gananimoka! ⁸ Atu namaise yo kita fon-akitutiyai si nunusifufu ta nowanowanisi? ⁹ Fafani tuninatunina nenesiyai ta nemiya. Tunisi fiyao Fatiya, Mediya, Enami. Tunisi Mesofotamiya, Yudiya, Kafadosiya, Fonutusi, be Eisiya, ¹⁰⁻¹¹ Finigya be Famufiniya, Itifita, yota tunisi Sainini niniunei Nibiya kana fafani nenei. Fiyao Diu keta yota Kani Kwauna eatu nofe tova Diu kodukodu si munimuniiya nukusi, wagawaga Noma nenei. Tunisi Kiniti

1:21-22 Madiu 3:16, Maka 1:9, 16:19, Nuke 3:21, 24:51 † **1:26** Noko sanunama o maise. Fiyao Diu nenesiyai o gabana musumususi nenesiyai kasi wava sina viginiwa eketa owa nenei sina kivitotōga. Eyo owa sina newiya kana nivaniva tamo gabana ina fekuwa. Gabaninama avi wava etanei, na namōganama o gigibokeinana. Si vitumāganiya nofe ketaketanama nenei, i vivisawavenena Guyau yana giboke. (Ona 16:33) * **2:1** Venuvisinatana kana Ka muninei, kuyadayada kana vi50 nenei Kabwaga Matana si kakawiyya. (Visime Tafu 23:15-21, Visime Nuvinavinana 16:9-11)

simuna nenei eketa yota Anabiyei. Eatu matatafuta fonakitutiyai Guyau iba nakanakatamokesi naki i saviviniсиya fasisiyi o ta nowanowanisiya si nunusifufuwina!“¹² Matatafusi si mayaѓa yota nuwatasi si kafibaubauwa eketa si vikanunutoniya si bwaduwa, “Avamasi nofe kana nuwanuwa?”

¹³ Eatu tunisi si sawaviniсиya si bwaduwa, “Kamo si ukowayuwa nakasina na fasinei nofemaise si nunusifufuwa.”

Fita Namоѓa I Numamanisiya

¹⁴ Eatu Fita i misiniya tonowana kasi 11 nukusi eketa kayona nakasinei sabu i iyavisiya i bwaduwa, “Unaunaku fiyao Diu yota aviyaonana Yenusanema kwa fakwafakwa, ata givimayeta eatu kwata nowanaututuya avana nofe kana nuwanuwa.¹⁵ Kima muka kata ukowakowayu, taki maise kwa vivinuwadadana. Nofe 9 kana fafani yawane nuwabuni, yota namоѓa nofe kawasasanama nenei, muka sita ukowakowayu.[†] ¹⁶ Eatu aviyavaна nofe i kikinomana o naki avana Guyau yana tomatakawa Yoweni i bwaduwiya maise,

¹⁷ ‘Guyau nofemaise i bwaduwa.

Tova kasi kafa nusafuwai

namоѓa matatafusi nenesiyai Kanunuku ana bisiwaiya.

Eketa natunatumi namоѓa be vivine fonaku sina bwaduvioѓoniya.

Yami tufunakata katekatevatusi sina kenokita

yota yami namоѓa vituvekasi sina kenokavakavayuna.

¹⁸ *Noko tovasima nenesiyai,*

kaku kaetoѓa namоѓa be vivine nenesiyai, Kanunuku ana bisiwaiya ebe fonaku sina bwaduvioѓoniya namоѓa nenesiyai.

¹⁹ *Kafa nuwatabau atai kawasasakaoѓona nenei ana saviviniсиya*

yota kiyakiyaya ana visawavenena tanowai fwayafwaya nenei maise ufaufa be kikanakanata keta yota siyou badobadona.

²⁰ *Vanavana ina kumanovaniya*

yota yamayamana ina yabeniya maise ufaufa,

eyo muniyai, kuyadayada nakasina keta kaikaiwabuna ina kikinomana nenei, Iyau Tuveka ana nemiya.

²¹ *Eatu aviyaonana vitumaѓanai sina bwauwa Tuveka nenei,*

gifafafana sina nisaiya.’

²² Fita yota yana bwadu i tenesaviya, “Fiyao Isineni, Yeisu tene Nasaneti sifufuna nofe kwa vaneneѓei. Tututaumi kwa sanamaniya naimaise Guyau fiwana i veniya be savivina fifiwanamokesi keta yota kiyakiyaya kafa nuwatabau i saviviniсиya. Noko si visawavenena venemoka na tanake gewa Guyau nenei i nemiya.²³ Guyau waniya kana uѓu i vinuwadadaniya eketa visime kana toodibutoyoѓa nimamiyai si teniya, be nukusi kwa giviogonaѓanaiya eketa kwa nuvimiatiya.²⁴ Eatu Guyau i ketoyauya mate kana kuvalana kunukubana nenei eketa mateyai i sinaviyawasa-savaviniya uѓuna mate muka fifiwanina be ina sinaviyewai.²⁵ Nofe namоѓanama fasinei tufomu Deividia i viginiwiya i bwaduwa,

[†] **2:15** Taki gevageva sina kawa, nao waini sina yuwa. Tasike naki nuwabuni o maneka si kakawa atu gevageva o navinaviyi. Eketa nuwabuniyai 9 kana fafani nenei, muka ukowayu kana tova.

2:17 Yoweni 2:28-32 **2:23** Madiu 27:35, Maka 15:24, Nuke 23:33, Yoni 19:18 **2:24** Madiu 28:5,6, Maka 16:6, Nuke 24:5 **2:25** Same 16:8-11

'Tova nubwayouna yaku Tuveka Guyau naukuwai a tonetoneiya.

*Muka kaku kaniyabina ana matuteisi
uğuna tanake niniukuwai.*

²⁶⁻²⁷ *Muka kuna venumakanoveiku tomate yasi kabagai
o ka Kaetoga Tafutafuna kuna kitamokei be ina kaniniya kididiku sinenei.*

*Na fasinei yaku sebobo avi nakata be semwanai a oseoseya,
a sanamane-budowanemokiya tofwaku kuna kitavikaviniya fasinei.*

²⁸ *Yawasi kana ketaketa ku visawasawavenikuwa
eketa tafakaiu yana yagova nenei sebobo ina tewesafukuwa.' "*

²⁹ Fita sifufu i nusaviya i bwaduwa, "Unaunaku, nofe bwadu venemo-kena a iyaiyavimiya, wağata Deivida i mateya keta si tauniya atu kana kididikunama o kimoki kita nukusi yawane i fakwafakwa. ³⁰ Nofe nenei ta sanamaniya gewa muka tauna fasinei ita bwadubwadu eatu tanake Guyau yana tomatakawa eketa naki i bwaduvioğoniya vitana susuk-wana nenei tamo yana gabu ina viya. ³¹ I kitavaneya kunauna vitana Guyau yana Togifafafana Gigibokeinana, yawane mateyai ina misini-savaviniya tovanama i bwaduwa, 'Guyau muka ina venumakanovei tomate yasi kabagai o tofwana ina kitamokei be ina kaniniya kididiku sinenei.'

³² Guyau nofe Yeisunama mateyai i sinavyawasa eketa matatafuki o kana tokita. ³³ Guyau i vitoğavaneiya kikikatainei vifotu kabaina nenei. Eketa Amana Kanunu Tafutafuna i bwadudabedabiya maise nenei i viya eketa i bisiwağā nenekiyai. Avana nofe kimoki kwa kitakitiya keta kwa nowanowaniya. ³⁴ Kwa sanamaniya Deivida muka ita vane abamai eatu tauna i bwaduwa,

*'Guyau yaku Tuveka i iyaviya i bwaduwa,
"Kukikikataiku ku nuvitoga vifotu kabaina nenei*

³⁵ *kana nivaniva nifanifaiu ana tenisiya
kaeyafayafaweu ya kafa vasafasafa." '*

³⁶ Atu kwami fiyao Isineni matatafumi o kwata sanamaniya nofe namoğanama Yeisu kwa nuvimiatiya eatu Guyau i ginakasiya yata Tuveka keta yota kata Togifafafana Gigibokeinana."

³⁷ Si vanevaneneğā eatu tovanama sifufu nofe si nowaniya, katekatesi i kayavana eketa Fita be tunisi tonowana si iyavisiya si bwaduwa, "Ae, unau-naki! Namaise kata fufuna ebe Guyau ita vinuwateweeyeiki?"

³⁸ Eketa Fita i iyavisiya i bwaduwa, "Tamokatamokağā kwa ugevinaimi be Yeisu Togifafafana Gigibokeinana kana wawai ka givibutabutaimi ebe yami go'yon'a kasi vinuwateweeyeina fasinei yo muniyai, kami nuwagabubu Kanunu Tafutafuna, Guyau ina venimiya. ³⁹ Guyau yana bwadudabadaba ina saviviniya fasimiysi keta natunatumi be yota matatafusi aviyaonana kedawanauwai si nenemiya fasisiyi. Tasike aviyaonana Tuveka yata Guyau ina wenisiya be sina nemiya nenei, namoğasima tauna Kanununa ina venisiya." ⁴⁰ Fita yana sifufu yagwanina nenesiyai i matakawisiya i bwaduwa, "Aviyaonana kimoki muka Yeisu sita vitumağanei, Guyau ina vimatadawanisiya. Na uğuna kwa kawanunukuwei be i gifafafaneimi."

⁴¹ Eketa kuyadayadanama nenei namoḡasima bwadu si vitumaḡaniya be si givibutibutisiya o kasi yagwana 3,000. Keta namoḡasima o Yeisu kana tomuniyeina nukusi si vikatutamokisiya.

Tovitumaḡana Yasi Fakwafakwa

⁴² Tova nubwayouna tovitumaḡana, tonowana yasi visawavenena si vanevaneneisiya eketa yota unaunasi nukusi, kanunu keta kwafini nenesiyai, si vivikaovivita. Tovitumaḡana Tuveka yana Ka kana kiyakiyaya si fufufuniya keta yota si kawakawanunuwa.

⁴³ Yenusanema kana matatafu tovanama si kitisiya tonowana kiyakiyaya kafa nuwatabau yagwanisi si savisavivinisiya eketa Guyau kana vimogumogu i nakatamoka nenesiyai. ⁴⁴ Tovitumaḡana si yokoyokowa eketa iba matatafunu si vivitukuwa tamo nenei. ⁴⁵ Atu tunisi yasi fwayafwaya be nogonogo si vivikimwaneina eketa unaunasi aviyaonana na kasi dauna nukusi, noko gabaninama si venivenisiya. ⁴⁶ Tovatova Numa Kodukodu nenei si vivikaninisaga. Eatu ka fasinei o yasi numai semwanai yota nuwasobuwai si kakaviyaowa. ⁴⁷ Guyau si davadaviya eketa namoḡa matatafusi tovitumaḡana si vifotuwisiya. Naki tovatova namoḡa gifafafana si ninisaiya keta Tuveka tovitumaḡana kasi yoko i gigivinakasiya.

3

Fita Tovikokona Fenafenana I Gidewadewiya

¹ Tamoka tova navinavi tonusi kanafafani nenei fiyao Diu yasi tova kawanunuwa kana tutuya nenei, Fita keta Yoni si niya Numa Kodukodu nenei.* ² Na tovanama nenei namoḡa tamokaḡa fenafenana i tufuwiya si nukivaiya keta Numa Kodukodu kana kani kana ketakawana si weneweniya Kiwaḡa nenei si teniya. Tova matatafunu yana sabu noko-mai si teneteniya ebe aviyaonana si niniya Numa Kodukodu nenei, gabana i vivikokonisiya. ³ Tovanama i kitisiya Fita keta Yoni kabegomokena be Numa Kodukodu kana kani kana ketakawanai sina kanasuna, i vikokonisiya i bwaduwa, “Ae, tamo gabana kwata venikuwa.”

⁴ Tovanama si toneiya nenei Fita i iyaviya i bwaduwa, “Ku toneyeiki.”

⁵ Eketa i kitatonitonisiya avage vitana nenesiyai gabana ita nisaiya. ⁶ Eatu Fita i iyaviya i bwaduwa, “Muka tamo gabana nenekuwai eatu aviyava-nanenekuwai o ana veniwa. Yeisu Togifafafana Gigibokeinana tene Nasaneti kana wavai, ku misini be ku nidadana!”

⁷ Eketa Fita i ova kikikatainei keta i sinavitowamisiniyya. Naki na tovanama nenei kaeyafayafana keta kaematakisina si fiwana.

⁸ I venuotowamisiniya keta i vibutuwa i nidadana. Naki na kusifusifuna nukusi atu si kanasuna Numa Kodukodu sinenei Guyau i sawasawadavavdaviya.

⁹ Namoḡa matatafusi si kitiya i ninidadana keta si nowaniya Guyau i sawasawadavavdaviya. ¹⁰ Si kitakinaniya tanake gwadinama ketakawana Kiwaḡa nenei gabana i toḡatoḡavikokona eatu aviyavana nenei i kikinomana fasinei o si sabanutuiya.

Fita Sabuveka Nenesiyai I Nusifufuwa

2:44 Bunanige 4:32-35 * **3:1** Numa Kodukodu sinenei tovibwanaose kawa nuwa si vivibwanaoseya. Nuwabuni 9 kanafafani keta tonusi navinavi. Nofe tutuyasima nenesiyai kawanunuwa kana tova. Tamo yota kawanunuwa kana tutuya o vanavanasonuwai.

¹¹ Tovikokonanama Fita keta Yoni i nutavağasisiya atu namoğā matatafusi si mayağā eketa si dibwana si nemiya kabağanama si weneweniya *Sonomoni yana nukeakefa* nenei.[†] ¹² Tovanama Fita i kitisiya sabuveka si yokoyokowa i iyavisiya i bwaduwa, “Unaunaku fiyao Isineni, namaise yo kwa sabantuğā iba nofe i kikinomana fasinei? Avana uğuna yo kwa tonetonemanoneweiki vitana kima tututauki yama fiwanai o taki yama eyaeyanai kata visaviviniya yo namoğā nofe ita nidadana? Naki Guyaumoka o yana fiwana i saviviniya.” ¹³ Ebenaamu, Aisake be Yakobo yota wağawağata matatafusi yasi Guyau kana kaetoğā Yeisu i gikaikaiwabuya. Eatū kwa katuteweiya yami toviketanuneina nenesiyai. Yota Noma tovisime Fainato i vivinuwadadana be ita ketoyauya eatū kwa dibutoyoiya. ¹⁴ Yeisunama o naki tafutafuna keta toeyaeyanamoka atu kwa vikeweiya. Tumadama yo Fainato kwa sawanuyakaniya be tonuvimate i ketoyauya. ¹⁵ Kwami Yawasivağata kana Tokavenena kwa nuvimiatiya eatū Guyau i sinaviyawasiya. Eketa kima o kana tokita.

¹⁶ Uğuna kima Yeisu kana wava ka vitumağaniya eketa gwadinama nofe sanasanamanimi kwa kitakitiya o i dewadewa. Yeisu kana wava kana vitumağana nenei, namoğā nofe matatafumi matamiyai naki i dewadewamoka.

¹⁷ Unaunaku, a sanamaniya kami toviketanuneina nukusi aviyavana kwa fufuniya Yeisu nenei o muka kana sanamana nenemiyai. ¹⁸ Eatū manatuwaina avana Guyau i bwaduwiya yana tomatakawa matatafusi nenesiyai eketa si bwaduvioğoniya Guyau yana Togifafafana Gigibokeinana yana kuavvana fasinei o naki i vivenemokena. ¹⁹ Na uğuna yami go'yna nenesiyai kwa ugevinaimi be kwa makavinaimi Guyau nenei ebe yo yami go'yna ina vinuwateweiya. ²⁰ Tuveka yawasimi ina givisekausiya ebe yo kami Togifafafana Gigibokeinana ina vininitiya tanake Yeisu. ²¹ Tata tukuya Yeisu abamai ina fakwafakwa kana nivaniva Guyau iba matatafuna ina givikiouya naki manatuwaina i bwaduwiya yana tomatakawa tafutafusi nenesiyai eketa si bwaduvioğoniya maise. ²² Mosese i bwaduwa, ‘Tuveka yami Guyau tututaumi sinemiyai tamо aitevana ina ginakasiya fasimiyai ebe ina vitomatakawa maise iyau.’[‡] Eketa matatafuna avana ina nusifufuwimiya kwana nowanautuutuya. ²³ Taki aitevana noko tomatakawanama fonana muka ina muniyei, nao tauna i nunuvisiya eketa Guyau ina nuyauniya yana namonamoğā nenesiyai.’

²⁴ Eketa aviyavana nofe tovasima si kikinomana, nao Guyau yana tomatakawa matatafusi i vibutuwa Samuwena nenei eketa i nemiya, si bwaduvioğoniya. ²⁵ Noko tomatakawasima o kita natunatusi. Eketa Guyau dedeni i fufuniya wağawağata nenesiyai o kita i nunatuta tovanama i bwaduwa Ebenaamu nenei, ‘Susukwau nenesiyai eketa namoğā matatafusi fwayafwaya etanei ana sawanuwagabubuwisiya.’ ²⁶ Tovanama Guyau kana kaetoğā Yeisu i gibokiya, i vininitiya nauna kita fiyao Diu nenetiyyai uğuna nuwanuwana yata fufunagoyo nenesiyai ina ugevinita be ina sawanuwagabubuwita.”

[†] 3:11 Numa Kodukodu kana kabağā gabana nenei si kanifanakwaniyuwa. Kani kusinena o vadavada si kiyona. Sonomoni yana nukeakefa nakasina o gagasa kuveyaina. Numa Kodukodu atu kumenanina. ^{3:13} Yauna 3:15 ^{3:14} Madiu 27:15-23, Maka 15:6-14, Nuke 23:13-23, Yoni 19:12-15 [‡] 3:22 Fiyao Diu si sanamaniya Mosese tanake kasi tomatakawa nakatamokena. (Visime Nuvinavinana 18:15,18) ^{3:23} Visime Nuvinavinana 18:19 ^{3:25} Kabikona 22:18

4

Diu Kawakawa Nausiyai

Fita Keta Yoni Tututausi Si Misinifafanisiya

¹ Fita keta Yoni namōga si nunusifufuwisiya eatu tunisi tovibwanaose be Numa Kodukodu kana tuiyo kasi toviketanuneina eketa yota tunisi Sadusi si nemiya nenesiyai.* ² Fita keta Yoni namōga si vivisawavenena vitana Guyau namōga mateyai ina sinaviyawasisiya naki maiseemoka Yeisu i sinaviyawasiya, na fasinei si nuwagoyowisiya.† ³ Eketa si tabisiya eatu naki i vimatasisinovanovana fasinei, deniyai si teneftosiya kana nivaniva nuwabuni. ⁴ Atu yagwanisi aviyaonana Fita keta Yoni yasi sifufu si nowaniya, si vitumāgana eketa namōga kasi sawasawa o i vaneya 5,000 maise.

⁵ Kuyadayada kana vinuwa nenei, fiyao Diu toviketanuneina be tokawakawa yota Moses yana visime kana tovisawavenena si yokowa Yenusanema. ⁶ Sinesiyai o tovibwanaose kasi toviketanuneina Anasi keta Kaiyafasi be Yoni yota Anekisenida, keta yota tovibwanaose kasi toviketanuneina yana sabu nukusi.‡ ⁷ Tuiyo si iyavisiya eketa Fita be Yoni si ovisiya keta nausiyai si misiniya eyo si nutoninuvenuvisiya si bwaduwa, “Avi fiwana o avi wava nenei eyo namōga nofe kwa gidewadewai?”

⁸ Eketa Kanunu Tafutafuna yana fiwanai namōga kasi toviketanuneina be kasi tokawakawa Fita i iyavisiya i bwaduwa, ⁹ “Nofe kimoki avage tofenafena yana dewadewana i nisaiya fasinei kwa nunutoninuvenuvikiya. ¹⁰ Na fasinei nuwanuwaku kwami keta yota Isineni kana matatafu kwata sanamaniya. Yeisu Togifafafana Gigibokeinana tene Nasaneti kana wavai namōga nofe naumiyai i misimisiniya, i dewadewamoka. Yeisunama kwa giviogonāganaiya eatu Guyau mateyai i sinaviyawasiya. ¹¹ Tanake fasinei Guyau Fonakituna nenei i bwaduwa,

*‘Kōgonanama kwami tokiyona kwa dibutoyoiya
i visabuova.’§*

¹² Eketa muka tamо yota aitevana ina gifafafaneita. Ūguna muka tamо yota namai avi wava fwayafwaya nofe etanei Guyau namōga ita venei be ina gifafafaneita, naki mukamokena!”

¹³ Tovanama si kitisiya Fita keta Yoni na yasi katevatu keta nuwatasi i niyya tasike naki kuwekuwedunisi, muka tamо Moses yana visime kana sanamana nenesiyai eatu yasi nusifufu nenei o si sabanutūga. Yota si kitakinanisiya tasike Yeisu nukusi. ¹⁴ Yota namōganama i dewadewa o si kitiya nukusi si misimisiniya, eketa si tuka. ¹⁵ Na fasinei Diu

* **4:1** Numa kodukodu kana tuiyo kasi toviketanuneina. Tanake visime kana savivina kana tokitavinanu. Tanake tauna o yota tovibwanaose eketa yota tanake o tovibwanaose kasi toviketanuneina sifunei i savisavivina. † **4:2** Sadusi yokonama muka misinisavavina o tamо Togifafafana Gigibokeinana nenei sita vitumāgana. ‡ **4:6** Fiyao Noma si ginakasiya Anasi nawana Kaiyafasi be Anasi kana kivi ina viya be tanake tovibwanaose kasi toviketanuneina. Eatу Diu yasi ketaketai o tovibwanaose kasi toviketanuneina kana kivi ina tōgateweiya matema kana tovai. Na ūguna Noma Kaiyafasi si ginakasiya eatu Nuke yawane Anasi i kanavikaviniya tovibwanaose kasi toviketanuneina. § **4:11** Fiyao Diu tokabitamo yasi sabuova o gabana nenesiyai numa si kikiyona. Sabuova iba nakasina venemokena. Numa gunisi nenei si vivimisiniya keta yota fita namai si vivikaninisaga nenei. Sabuovanama o tanake Yeisu. (Same 118:22, Aiseya 28:16, Efeso 2:19-21)

Kawakawa yasi kafa yokoyoko nenei si vikikinomanisiya eatu tasikega si yikanunusifusifufuwa.

¹⁶ Si yikanunutoniya si bwaduwa, "Avamasi tata fufuniya noko namogasima nenesiyai? Yenusanema kana matatafu kiyakiyaya kafa nuwatabau nofe naki si sanamaniya eketa muka kata fata tana vikewa. ¹⁷ Eatu ibanama fasinei muka tana kitamokei be ina kananiyaniya namoaga nenesiyai. Tana sawanuvimatutisiya ebe muka yota Yeisu kana wava sina visavivinei namoaga kasi kawasasai."

¹⁸ Muniyai yota si wene-savavinisiya si kanasuna eketa si sawanuvimatutisiya be mukamokena yota Yeisu kana wava sina visavivinei o sina visawavenena. ¹⁹ Atu Fita keta Yoni si iyavisiya si bwaduwa, "Taki kwami fonami kana muniyi, nao Guyau kana kusifuvisinataniya. O nofe Guyau matanei dewadewana? Tututaumi kwa vinuwadadaneimi. ²⁰ Na fasinei namoaga kasi iyaveina aviyavana ka kitiya Yeisu i saviviniya yota ka nowaniya yana visawavenena, muka kana onovei."

²¹ Eketa Namoga matatafusi o Guyau si sawasawadavadaviya tofenafena i dewadewa fasinei. Nofe fasinei Diu Kawakawa si bauwa avi ketaketai Fita keta Yoni sita vimatadawaneisi ebe muka namoaga sita givinuwagoyoweisi, eketa si sawanuvimatutisiya nakasina keta naki si ketoyausiya. ²² Gwadinama i tufufena, kiyakiyaya kafa nuwatabau i kikinomana nenei o kana manamana 40 i teweija.

Tovitumañana Si Kawanunukuwa Fiwana Fasinei

²³ Tovanama Fita keta Yoni si ketoyausiya, si niya keta kasi sabu si nusifufuwiya matatafunu avana tovibwanaose nakanakasisi be tokawakawa si iyavisiya maise. ²⁴ Tovanama si nowaniya, tamo nenei kayosi nakasinei si kawanunukuwa Guyau nenei si bwaduwa, "Tuveka yo, ka kisimokeu Tovisime, kwaña abama, fwayafwaya be gibo keta yota iba matatafusi sinesiyai kasi tokifufuna. ²⁵ Fonau Kanunu Tafutafuna i nusifufuwiya wañaki Deivida ka kaetoga nenei eketa i bwaduvioñoniya tovanama i bwaduwa,

*'Ava uñuna yo Kani Kwauna si kayokuga
yota Isineni namoisi ketaketa kasi vinuwateweteweina
si fufunakaoñoweisi Guyau nenei?'
²⁶ Tufomu yagwanisi keta tovisime fwayafwayai si gidewadewa aviya fasinei
eketa si vikatutamokisiya avage sina nuaviya Tuveka nenei
eketa yota yana Togifafafana Gigibokeinana nenei.'*

²⁷ Naki avana Deivida i bwaduwiya o i vivenemokena. Menana nofe nakasinei tufomu Enoda Anitifasi be Noma tovisime Fonitiyasi Fainato be yota Kani Kwauna eketa yota fiyao Isineni tututausi si vikatutamokisiya eketa ka kaetoga tafutafuna Yeisu gigibokeinana si vinifainiya. ²⁸ Kwaña fifiwanamokeu eketa aviyavana nauna ku vinuwadadaniya keta ku sawateweiya be sita saviviniya, maisemoka yota si saviviniya. ²⁹ Tuveka yo, yasi sawanuvimatuta nenekiyai ku nowaniya eketa kima ka kaetoga ku givikatevatuki ebe yo fonau ka yaunei. ³⁰ Ya fiwana ku veneiki be ka kaetoga tafutafuna Yeisu kana wavai namoaga kana givibwina yota

kiyakiyaya kafa nuwatabau kana savivinisiya ebe yo namōga ya fiwana sina kitiya.”

³¹ Tovanama si kawanunukukoōga, kabainama namai si yokowa nenei i kanikunikuniya. Kanunu Tafutafuna matatafusi i vimaisiya eketa Guyau fonana si yauni na yasi katevatu.

Tovitumāgana Si Vivitukuwa Yasi Nogonogo

³² Tovitumāgana matatafusi katekatesi be yasi nuwanuwa naki tamokāga. Muka tamo aitevana iba tamo ita katutatanai eatu tututausi nenesiyai si vikakakavenera. ³³ Guyau tonowana i givifiwaniyi venemōkena eketa Tuveka Yeisu yana misini-savavineina fasinei wakakana si siya namōga nenesiyai. Eketa Guyau yana omukumukutana o tovitumāgana matatafusi nenesiyai. ³⁴⁻³⁵ Tam tova tasike aviyanōna na yasi fwayafwaya o numa si vivikimwaneina eketa gabana si nenemiiya tonowana nenesiyai. Ebe aviyaonana na kasi dauna nao si venevenisiya. Na nenei eketa tovitumāgana sinesiyai muka aitevana tamo iba ita nuwasai.

³⁶ Yosefa o kafa kita i fufuniya. Tonowana yota si weniya Banabasi kana nuwanuwa, Namōga Amaona. Tanake Nebi tufuwina Saifunusi simuna nenei. ³⁷ Yana fwayafwaya i vikimwaneiya eketa gabanina i nemiiya eketa tonowana i venisiya.

5

Ananaiyasi Eketa Safaina

¹ Atu tamoka tovitumāgana kana wava Ananaiyasi kawana Safaina nukusi yasi fwayafwaya atu tunina si vikimwanei. ² Tunina gabana i givikaviniya tauna fasinei eketa kawana o sanasanamanisi. Eatu tu-fotufo gabana i viya eketa tonowana i venisiya.

³ Eketa Fita Ananaiyasi i iyaviya i bwaduwa, “Ananaiyasi, namaise yo Seitani ya nuwanuwa i kani yo Kanunu Tafutafuna nenei ku sawavigema, eyo fwayafwaya gabamina ku viya tunina ku givikaviniya taūgu fasiweu atu ku vikanonono vitana matatafuna kuta veneiki? ⁴ Nauna o kwāga ya fwayafwaya yo muniyai ku vikimwanei. Eatu gabamina ku viya nenei aviyavana ya nuwanuwa maise o nenesiyai kuta visaviviniya, eatu fufuna nofe avi goyo ku fufuniya? Muka vitana kim̄a nenekiyai kuta vikanonono, eatu yota Guyau nenei!”

⁵ Tovanama Ananaiyasi nofemaise i nowaniya, i fekuwa matematena. Aviyaonana iba nofe si nowaniya matatafusi si matuta. ⁶ Tufunakata tunisi si otowamisiniya keta kwafinina si waminiya, eyo si unakikinomaniya keta si tauniya.

⁷ Vanavana kana bai tonusi muninei Ananaiyasi kawana si kanasuna namai Fita i fakwafakwa nenei eatu aviyavana i kikinomana o muka yasi sanamana. ⁸ Fita i iyavisiya i bwaduwa, “Yamasi kwa iyaveiku o naki maise gabana kana nakata na kawami kwa nisaiya tovanama yami fwayafwaya kwa vikimwanei?”

Eketa si bwaduviyewa, “Ika, na naki maise.”

⁹ Eatu Fita i iyavisiya i bwaduwa, “Namaise yo na kawami nuwanuwa kwa givifikiniya eyo Tuveka kanununa kwana anuvanuvai? Kwa nowaniya!

Tufunakatasima kawami si tauniya o ketakawanai kaeyasayasaisi, eketa kwami yota sina unakinomanimiya.”

¹⁰ Naki tovanama nenei Fita naunei si fekuwa matematesi. Tovanama tufunakata si kanasuna, si kitisiya matematesi eketa si unakinomanisiya keta kawasi niniunei si taunisiya. ¹¹ Ekanesiya kana matatafu Yenusanema sinenei yota matatafusi aviyaonana biga si viya si matuta nakasina.

Tonowana Namōga Yagwanisi Si Gidewadewisiya

¹² Kiyakiyaya kafa nuwatabau yagwanina tonowana si savivinisiya namōga nenesiyai. Eketa tovitumāgana matatafusi Numa Kodukodu sinenei si vivikaninisaga eatu kabainama si weneweniya *Sonomoni yana nukefakefa* nenei. ¹³ Yenusanema kana matatafu sinenei namōga tovitumāgana si vifotuwisiya nakasina. Eketa kasi matutai muka kana fata sina tuyanomwanisi. ¹⁴ Eatu muniyai namōga be vivine sabuvekamoka Tuveka Yeisu si vitumāganiya eketa si kenokanakanasuna tovitumāgana kasi sabu nenei. ¹⁵ Noko nenei keta namōga tovisafwavināga si nemina ke'ta nenesiyai eketa si vikenofanina kivaya be sita nenesiyai, ebe yo tovanama Fita ina nemiya nenei ita givikavinisiya o taki kanukanununāga ita givikavinisiya ebe sina bwina. ¹⁶ Yenusanema niniuna menanisima nenesiyai sabuveka yasi tovisafwavināga be yota aviyaonana kanunu goyosi si nuwfisiya si nemisiya eketa matatafusi si dewadewa.

Diu Kasi Toyiketanuneina Si Anuvanuva Be Tonowana Sina Sawatanisiya

¹⁷ Eatu tovibwanaose kasi toviketanuneina keta kana sabu matatafusi Sadusi kunuma nenei si sinegoyowa. ¹⁸ Noko yasi ūgunama fasinei, tonowana si givikavinisiya keta deniyai si tenefotisiya. ¹⁹ Eatu na nuwabunana nenei Tuveka kana kaetōga tamokāga abamei deni kasi kawa i yausiya atu i kikinomanisiya keta i bwaduwa, ²⁰ “Kwa nai kwa misini Numa Kodukodu kana wasiketai be biga nofe yawasi kiouna fasinei namōga matatafusi kwa iyaveisi.” ²¹ Guyau kana kaetōga abamei fonana si muniyai keta tovawedanai si kanasuna Numa Kodukodu kana wasiketai eketa si vibutuwa namōga nenesiyai si vivisawavenena.

Eatu na tovanama nenei tovibwanaose kasi toviketanuneina kana sabu nukusi si yokowa eketa Diu Kawakawa keta Isineni kasi toviketanuneina matatafusi si wenevakukusisiya. Eyo tuiyo si teweisiya si niya deniyai tonowana kasi tuova fasinei. ²² Eatu tovanama tuiyo si niya deniyai tonowana si kitaokavisya. Eketa si makavinisiya si simana si bwaduwa, ²³ “Deni kasi dawanafota ka kitisiya naki dewadewasi yota kana tuiyo o naki noko. Eatu tovanama kawasima ka yausiya, muka tamo aitevana sinenei!” ²⁴ Tovanama Numa Kodukodu kana tuiyo kasi toviketanuneina eketa tovibwanaose nakanakasisi sifufu nofe si nowaniya, nuwatasi i bauwa keta si vinuwana avamasai yota ina kikinomana.

²⁵ Eatu tovanama nenei, namōga tamokāga i kanasuna eketa i bwaduwa, “Ei, kwa nowaniyal! Namoisima deniyai kwa tenisiya nofe tova Numa Kodukodu kana wasiketai si misimisiya, Yeisu bigana si vivisawavenena namōga nenesiyai.” ²⁶ Eketa tuiyo kasi toviketanuneina yana tuiyo nukusi si niya Numa Kodukodu nenei eketa tonowana si ovisiya. Eatu

muka nuyakayakanai sita savivinei uğuna si matuta namoğa gabanai sita kifonufonuwisiya fasinei.*

²⁷ Tovanama si nemisiya Diu Kawakawa nausiyai si vimisiniisiya. Eketa tovibwanaose kasi toviketanuneina i numatamataniya i bwaduwa,
²⁸ “Ka sawatanimiya muka namoğa nenesiyai kwana visawavenena gwadinama nofe kana wavai. Eatu mukanono! Fonaki kwa teweiya eketa yami visawavenena Yenusanema i gikafufuya. Yota kwa gwaeiya be kwa vivinoikiya gwadinama yana mate fasinei.”

²⁹ Eatu Fita tonowana nukusi fasisiyai i nufata i bwaduwa, “Guyau fonana kana muniya eatu muka namoğa. ³⁰ Kwami fiyaomima o Yeisu ogonağanağai kwa nuvikukiya keta kwa nuvimatiya atu Guyaunama wağawağata si kodukoduwa nenei mateyai i sinaviyawasiya. ³¹ Eketa Guyau Yeisu i vitoğavaneiya kikikatainei vifotu kabaina nenei Tovisime keta Togifafafana namoğa fasisiyai. Nofe i saviviniya be kita Isineni i ovivitita be ina ugevinita yata fufunagoyo nenesiyai ebe ina vinuwateweita. ³² Nofe ibasima o venemokena uğuna kima o kasi tokita keta kasi toviwakakaki maise yota Kanunu Tafutafuna. Tanake o Guyau i vininitiya aviyaonana yana bwadu kana tomuniyeina nenesiyai.”

³³ Tovanama Diu Kawakawa Fita yana bwadu si nowaniya, sinesi i nubusubuswaniya eketa nuwanuwasi tonowana sina nuvimatisiya. ³⁴ Atu namoğa tamokağā kana wava Gamaniyen o Diu Kawakawa sinesiyai Fanasi yoko nenei. Tanake visime kana tovisawavenena eketa namoğa matatafusi si vifotuviya. Matatafusi nausiyai i misiniya eketa tuiyo i visimeisiya keta tonowana si vikikinomanisiya menanai tova bwatanağā. ³⁵ Eketa Diu Kawakawa i iyavisiya i bwaduwa, “Yaku sabu fiyao Isineni, aviyavana kwa nuwenuwiya fiyaosima nenesiyai kwana saviviniya fasinei kwana vinuwadadanadewadewa. ³⁶ Kwana tukuya manamana aviyesi naki i kakaviya nenesiyai, namoğa kana wava Tiyodasi avage i onavaneya vitana tanake tamo toviketanuneina nakasina. Eketa namoğa kasi yagwana 400 maise si kanasuna kana sabu. Eatu Noma gabemani i vikaniyabinisiya eketa tovanama tonuaviya si nuvimatiya nenei, kana tomuniyeina si kafiyauyauna eketa yasi savivinanama i viibakaokaoğowa. ³⁷ Muninei yota kasi saifa kana tovai, Yudasa tene Ganini yota Noma gabemani i vikaniyabinisiya eketa namoğa nuwatasi i kaniya be si muniiya. Eatu tonuaviya yota si nuvimatiya keta kana tomuniyeina si kafiyauyauna. ³⁸ Eatu a iyaveimi, nofe namoisima avana si savisaviviniya muka kwana sawatanaisi naki kwa teneisi. Taki yasi viweikanakanata o taki tututausi yasi vinuwadadana nenei si savisavivina nao yawane ina kakaviya. ³⁹ Eatu taki visime nofe Guyau nenei nao muka kami fata kwana sawatanaisi. Akata kwana nuwatasanamaniya vitana Guyau tauna nenei kwa nunuaviya.”

Yana nusifufu fasinei Diu Kawakawa nuwatasi i kaniya. ⁴⁰ Eketa Numa Kodukodu kana tuiyo si iyavisiya keta tonowana si kanasuna-nemisiya eketa si nafanafasisiya. Nokomai si sawatanisiya be muka Yeisu kana wava sina nunusifufuwei eyo muniyai si ketoyausiya.

⁴¹ Na yasi sebobo Diu Kawakawa si teweisiya uğuna si sanamaniya Guyau i numwasimwasinisiya be i sawateweisiya sina kuvalana Yeisu kana wava

* ^{5:26} Fiyao Diu gabanai namoğa si nunuvimateya. Eatu Noma yasi visime nenei o sawasawatana eatu tamо tova kayokuga nenei eketa naki visimenama si yakweyakweniya. ^{5:28} Madiu 27:25

fasinei. ⁴² Tova nubwayouna Numa Kodukodu kana wasiketai yota namōga yasi numa nenesiyai, si viketotonisiya si vivisawavenena eketa yota biga dewadewana si yauyauniya vitana Yeisu tanake o Guyau yana Togi-fafafana Gigibokeinana.

6

Toovivita Nasi 7 Si Gibokisia

¹ Noko tovasima nenesiyai Yeisu kana tomuniyeina kasi yoko i dibwanamoka. Keta tunisi Diu atu tobwadu-Giniki si kanaonouwa tobwadu-Ibeniu nenesiyai yasi vivinekwafukwafuna fasisiyai. Uğuna tova nubwayouna aviyavana kasi nuwagabubu kana tovituku muka vivinesima sita kitakitaisi.

² Na fasinei tonowana kasi 12 tomuniyeina matatafusi si wenevakukusisa eketa nenesiyai si bwaduwa, "Muka kana kita dewadewana be Guyau fonana kana savivina kana onovei eatu kwafini kana ovivita nenei kana sāga. ³ Na fasinei unaunaki, sinemiyai namōga kasi 7 aviyaonana yasi dewa dewadewasi be Kanunu Tafutafuna keta nuwatasuyasuya nenei si māga kwa vinuwadadaneisi ebe savivina nofe nenei sina vitoovivita. ⁴ Ebe kima naki kana viketotonikiya kawanunuku keta Guyau fonana kana yauneina nenesiyai."

⁵ Tomuniyeina matatafusi tonowana si vinowanisiya eketa si ginakata maise. Sitiveni o tanake tovitumāgana venemokena yota Kanunu Tafutafuna nenei i māga. Keta yota Finifi, Fonokonusi, Nikano, Timoni, Fanimenasi. Eketa Nikonasi tene Anityoki o tanake muka tene Diu eatu nuwatana i kaviniya keta Diu yasi kodukodu nenei i kanasuna. ⁶ Tomuniyeina nofe fiyaosima si nemisiya eketa tonowana nimasi si dawana etasiyai eketa si kawanunukuwa.

⁷ Noko nenei tomuniyeina Guyau fonana kana yauneina si tenesaviya eketa Yenusanema sinenei tomuniyeina kasi yoko naki i nakatamoka. Yota tovibwanaose yagwanisi vitumāganinama si vitumāganiya.

Sitiveni Kana Givikavina

⁸ Sitiveni o naki Guyau yana omukumukutana keta yana fiwana nenei i māga be kiyakiyaya kafa nuwatabau fifiwanisi i savivinisiya namōga kasi kawasasai. ⁹ Eatu tunisi fiyao Diu yasi numa kafa yokoyoko kana wava Ketoketoyausi si managibuwiya. Fiyaosima o menana nakanakasisi maise Sainini, Anekisenidiya yotafafani Sinisiya eketa Eisiya nenesiyai si nemisa. Nofe fiyaosima si vibutuwa Sitiveni nukusi si vikawabwadubwaduwa. ¹⁰ Eatu nuwatasuyasuyanama Kanunu Tafutafuna i veniya maise o nenei i nusifufuwa. Na uğuna muka kasi fata be fonana sina fatai.

¹¹ Na fasinei makamakaviunai namōga tunisi si kanadibidibiisiya keta Sitiveni fasinei si vikanononowa si bwaduwa, "Kima ka nowaniya iba goyosi i bwaduwisiya Mosese keta Guyau fasisiyai." ¹² Noko bwadunama namōga i visimwananakasisiya yota tokawakawa keta visime kana tovisawavenena nukusi Sitiveni si givikaviniya eketa si sinakanikaniya si niiya Diu Kawakawa nenesiyai.

¹³ Eyo muniyai namōga tunisi tovikanonono si kanasunisiya keta si bwaduwa, "Nofe gwadinama o tova matatafuna Numa Kodukodu tafutafuna keta Mosese yana visime i manamanagibuwiysi. ¹⁴ Ka nowaniya i bwaduwa avage nofe Yeisunama tene Nasaneti Numa Kodukodu

ina nuyauniya yota kata sanu Mosese waḡawaḡata i visawavenisiya ina dawanamatamanina.”

¹⁵ Namoḡa matatafusi Diu Kawakawa sinenei Sitiveni si toneye-vagasiya atu tafakaina si kitiya o vitana Guyau kana kaetoḡa abamei maise.

7

Sitiveni Yana Sifufu

¹ Eketa tovibwanaose kasi toviketanuneina Sitiveni i nutoninuvemuviya, “O vinoisima nofe venemokena?”

² Eketa Sitiveni i bwaduwa, “Unaunaku keta amamaku, yaku sifufu kwa vaneneġei. Waḡata Ebenaamu muniyai yo i niya Anani menana nenei eatu yawane i fakwafakwa Mesofotamiya kana tovai, Guyau Etanemokenei i kenokikinomana nenei. ³ I iyaviya i bwaduwa, ‘Ya menana keta ya sabu kuna teweisiya atu fwayafwayanama ana visawaveniwa nenei kuna niya.’ ⁴ Eketa Ebenaamu Mesofotamiya i teweiya eatu i niya Anani i fakwa. Amana i mateya muninei, Guyau i nemiiya fwayafwayanama nofe tova ta fakwifakwiya nenei.

⁵ Noko tovanama nenei nofemai muka tamo Guyau fwayafwaya matatafunu ita venei o taki kasimina ebe ina vitoniwagei, atu i bwadudabedabiya vitana susukwana nukusi fwayafwayanama yawane sina vitoniwagiya. Eatu noko tovanama nenei Ebenaamu muka tamo natuna. ⁶ Yota nofemaise Guyau i iyaviya i bwaduwa, ‘Susukwau sina viyauyauna mani fwayafwayai. Tonifwayafwaya susukwau sina vikaetoisiya keta yota sina vitoagoyogoyowisiya manamana 400 sinenei. ⁷ Atu yawane tonifwayafwayasima yasi vitoagoyogoyo fasinei ana vimatadawanisiya eatu susukwau sina kikinomana-nemiya nofemai ebe nenekuwai sina kodukoduwa.’

⁸ Eketa Guyau Dedeni kiyakiyayana Ebenaamu i veniya o nufifina. Na fasinei tovanama Ebenaamu natuna namoḡa Aisake i tuwu eketa kuyadayada ⁹ muninei i nufifiniya. Muniyai Aisake natuna Yakobo i nufifiniya yota Yakobo natunatuna kasi 12 i nufifina. Noko tasike o kita waḡawaḡata.

⁹ Yakobo natunatuna taisi Yosefa si sinegoyowiya eketa si vikimwanieiyya tovitamaneina nenesiyai keta si viya i vitovikaetoga Itifita nenei. Atu Guyau o Yosefa nukusi ¹⁰ eketa i ovivitiya tovanama namoḡa dauna nenei si teneteniya. Guyau nuwatasuyasuya i veniya na uḡuna Itifita tufomu nuwatanu i ovija keta Yosefa i teniya yana numa eketa yota Itifita kana matatafu kana tovisime.

¹¹ Muniyai Itifita keta Kenani kasi matatafu noga i gikafufusiya keta namoḡa si kuavana nakasina keta yota kabwaga kana nisaḡa i dauna. ¹² Atu tovanama Yakobo i biganowana vitana Itifita nenei kabwaga, kawa tamokaġa waḡawaḡata i visimeysi si niya nokomai. ¹³ Tovanama yasi nai kana vinuwa nenei, Yosefa tauna wakakana i siiya unaunana nenesiyai. Nokomai Itifita tufomu Yosefa ugunina i sanamanisiya. ¹⁴ Eketa Yosefa yana matakawa i niya amana Yakobo keta yana sabu matatafusi nenesiyai ebe sina nemiya Itifita. Noko tovanama nenei o kasi yagwana 75. ¹⁵ Eketa Yakobo i sobuwa Itifita keta nokomai yo waḡawaḡata nukusi

7:2 Kabikona 12:1 **7:4** Kabikona 11:31, 12:4 **7:5** Kabikona 12:7, 13:15, 15:18, 17:8 **7:6** Kabikona 15:13,14 **7:7** Yauna 3:12 **7:8** Kabikona 17:10-14, 21:2-4, 25:26, 29:31—35:18
7:9 Kabikona 37:11,28, 39:2,21 **7:10** Kabikona 41:39-41 **7:11** Kabikona 42:1,2 **7:13** Kabikona 45:1,16 **7:14** Kabikona 45:9,10,17,18, 46:27 **7:15** Kabikona 46:1-7, 49:33

si vikamatemateyə. ¹⁶ Eatū kwafinisi si makavinisiya menana Sekemu nenei keta kididikunama nauna Ebenaamu siniva nenei i kimwaniya fatana matanakasina Amo fasekwina nenesiyai, nokomai si tenisiya.

¹⁷ Tova i niketamwakufwamoka be Guyau avana yana bwadudabada-aba Ebenaamu nenei ina vivenemokena, kata sabu Itifita sinenei naki i nakatamoka. ¹⁸ Muniyai tufomu kiouna i vitovisimēya Itifita sinenei eatu muka tamo yana sanamana avana Yosefa i saviviniya Itifita fasinei. ¹⁹ Yata sabu i nonusiya eketa i givikuvavanisiya. I nuyakayakanisiya be natu-natusi fwefweyasi menanai sita tenisiya ebe sita vikamatemateyə.

²⁰ Noko tovanama nenei Mosese i tufuwa. Gwadimonamonanama o kotokiwaġa Guyau matanei. Ayona keta amana si kitavikavinasamwagauwiya yamayamana tonusi yasi numa sinenei. ²¹ Eatū tovanama si tenekikinomaniya menanai, tufomu natuna gumayogu i fayaiya eketa i weinakasiya maise tauna natuna. ²² Itifita namoisi yasi ketaketa matata-funa kana sanamana nenei i gumāga, maise yota yana nusifufu be yana savivina nenesiyai fifiwanisi.

²³ Tovanama Mosese kana manamana 40 i nisaiya, i vinuwadadana be tauna yana sabu Isineni ina venufotisiya. ²⁴ Eatū i kitiya tene Itifita tene Isineni i munumunuwa eketa fasinei i badiwaga tene Itifita i nuvimatiya. ²⁵ Mosese i nuwanuwa vitana tauna yana sabu sita sanamaniya vitana tanake nimanei Guyau ina gifafafanisiya ebe muka sina vikaetoġa Itifita nenesiyai, eatu muka sita kitasanamanei.

²⁶ Kuyadayada kana vinuwa nenei Mosese i kitisiya fiyao Isineni kasi nuwa si vivikamunumunuwa eketa i anuwanuva be ina katuvisiya. I bwaduwa, ‘Ei, na naunau atu ava fasinei yo kwa vivikamunumunuwa?’

²⁷ Atu tomanini gwadinama Mosese i tutukatuiya keta i iyaviya i bwaduwa, ‘Aitevana masi i ginakasiu ku vitovisime yo kima kuna vinuesaniki? ²⁸ Omasi kuna nuvimatikuwa maise foma tene Itifita ku nuvimatiya?’ ²⁹ Tovanama Mosese bwadunama i nowaniya, i matuta keta i dibwana i niyafafani Midiyani nenei i viteneyauyauna. Nokomai i vikawana keta natunatuna namoġa nuwesi si tufuwa.

³⁰ Nokomai i fakwa kana nivaniva manamana 40 eatu tamoka tova koya Sainai niniunei wanakikaōgħowai Guyau kana kaetoġa abamei i kikinomaniya kai nununuinei kisisiku sinefounei. ³¹ Tovanama Mosese noko i kitiya, i mayaġa eketa i vaniya niniunei be ina toneye-dewadewiya. Eatū Tuveka kayona i nowaniya i bwaduwa, ³² ‘Iyau o waġawaġau Ebenaamu, Aisake eketa Yakobo yasi Guyau.’ Tovanama Mosese bwadu noko i nowaniya, i akikinikuna na yana matuta yota i matuta kai kana toneyeina fasinei.

³³ Eketa Tuveka i iyaviya i bwaduwa, ‘Fwayafwayanama nenei ku misimisiya o tafutafuna, na fasinei ka kaevatakutakuna ku kaki. ³⁴ Naki a kitiya Itifita namoisi yaku namonamoġa si givigivikuvavavanisiya. A nowaniya yasi noita na fasinei a sobunemiya be ana ketoyausiya. Eketa ku vaneneġa, ana teweia kuna makaviniwa Itifita be kuna ovivitisiya.’”

³⁵ Eyo Sitiveni yana sifufumokena i nusaviya, “Eketa nofe Mosese o tamoka gwadinama fiyao Isineni si dibutoyeroyiha tovanama si bwaduwa,

'Aitevana masi i ginakasiu ku vitovisime yo kima kuna vinuesaniki?' Guyau kana kaetoğa abamei kisisiku nununuinei i kikinomaniya, yana ovivita nenei Guyau Mosese i vininitiya tovisime keta yota toketoyau.³⁶ Itifitei i kikinomanisiya kana tovai, kiyakiyaya kafa nuwatabau i savivinisiya. Mais e yoto Gibo Yabeyabenina nenei keta yota fwayafwaya nunumonumona nenei manamana kana yagwana 40 sinenei.

³⁷ Tamoka Mosesenama yota fiyao Isineni i iyavisiya i bwaduwa, 'Tutuami sinemiyai Guyau tamo aitevana ina ginakasiya fasimiyai ebe ina vitomatakawa maise iyau.'³⁸ Mosese o fiyao Isineni nukusi tovanama si yokowa fwayafwaya nunumonumona nenei eatu Guyau kana kaetoğa abamei koya Sainai nenei Mosese i nusifufuviya. Guyau yana bwadu fakwafakwa-vağasina i nowaniya eketa i tenetamaniya nenetiysi.

³⁹ Eatu wağawağata si dibutoyoiya keta si tutukatuiya eatu si nuwayewa Itifitei fasinei.⁴⁰ Eketa Anoni si iyaviya si bwaduwa, 'Guyau tamo kuta fufuniya be ita viketanunita. Noko namoğanama Mosese Itifitei i kikinomana-nemiita eatu muka tata sanamanei avao i kanasiyu.'⁴¹ Eketa kaivakuku tamokağga si ginivaviya kana kitakita maise bunumakau mwanaavauna eketa nenei si vibwanaoseya keta aviyavana nimasiyai si fufuniya avage si kawiyya.⁴² Na fasinei Guyau i sağakuwakufutisiya keta i teweisiya be si kodukoduwa kinavinavi, vanavana keta yamayamana nenesiyai. Naki maise Guyau fonakituna sinenei, yana tomatakawa si bwaduvioğoniya si bwaduwa,

*'Kwami fiyao Isineni tovanama kwa fakwafakwa fwayafwaya nunumonumonei manamana 40 sinenei,
yami kavenenakaogo yomuyomu o muka kwata vibwanaoseyeisi
nenekuwai.'*

⁴³ *Yami iduiduwa Moneki kana bonu
eketa yami iduiduwa kinavinavi Nefani mayauna kwa unadadanisiya.
Noko kifukifufunasima kwa fufunisiya be nenesiyai kwa kodukoduwa.*

*Na fasinei namoğga ana teweisiya yami menanamokeyai sina vimiya
be sina niimiya Babinoni muninei sasanemokenei.'*"

⁴⁴ Yota Sitiveni i bwaduwa, "Wağawağata Vada Tafutafuna si unadadanisa tovanama si fakwafakwa fwayafwaya nunumonumonei. Namaise Guyau Mosese koya Sainai etanei i gisawakedaniya, naki maisemoka i fufuniya.⁴⁵ Yota si tenetamaniya wağawağata nenesiyai Yosuwa yana tovai, Guyau yana ovivitai be fwayafwaya nofe si viya mani namoğga nenesiyai. Eketa Vada Tafutafuna si nemiiya nofemai i fakwa kana nivaniva tufomu Deividia yana tovai.

⁴⁶ Guyau Deivida yana nusuyai i niya keta Deivida i vikokona vitana ita sawateweiya be Numa Kodukodu ita yoniya Yakobo ugunina yasi kafa kodukodu Guyau nenei fasinei.⁴⁷ Eatu Sonomoni Numanama i yoniya.⁴⁸ Eatu Guyau Etanemokenei o muka namoğga yasi kikiyonita fakwifakwiyeisi. Maisemoka Guyau yana tomatakawa manatuwaina i viginiwiya maise,

⁴⁹ *Tuveka i bwaduwa,*

7:36 Yauna 7:3, 14:21, Ginağanaga 14:33	7:37 Visime Nuvinavinana 18:15,18	7:38 Yauna 19:1—20:17, Visime Nuvinavinana 5:1-33	7:40 Yauna 32:1	7:41 Yauna 32:2-6	7:42 Emosi 5:25-27	7:44 Yauna 25:9,40	7:45 Yosuwa 3:14-17	7:46 2 Samuwena 7:1-16, 1 Sifusifufu 17:1-14	7:47 1 Tufomu 6:1-38, 2 Sifusifufu 3:1-17	7:49 Aiseya 66:1,2
--	--	--	------------------------	--------------------------	---------------------------	---------------------------	----------------------------	---	--	---------------------------

*“Abama o kaku kwabudoga
eatu fwayafwaya o kaeku kana kafa vasafasafa.
Eketa avi numa simo o kwata yonai fasikuwai?
Muka tamo kabaga dewadewana kami fata kwana gidewadewai ebe
ana fakwiyei,
50 uguna Iyau taumokeku iba matatafuna abamai keta fwayafwayai
a fufunisiya.” ”*

⁵¹ Eketa Sitiveni i bwaduwa, “Kwami naki katekatemi guasi. Taniyami kwa gifota eketa muka Guyau yana bwadu kwata munimuniyei. Kanunu Tafutafuna kwa adibutoyotoyoia naki maisemoka wāgawāgami. ⁵² Guyau yana tomatakawa i visimeisiya, matatafusi si givikuvavanisiya. Yota tobwadukikinomana Toeyaeyanamoka yana nemi fasinei o si nuvimatisiya. Eketa tovanama tauna i nemiya, kwami kwa wiwaifufuniya keta kwa nuvimatiya. ⁵³ Guyau kana kaetōga abamei i visimeisiya eketa yana visime si venita eatu muka kwata kitavikaviniya.”

Sitiveni Gabanai Si Tutuvimatiya

⁵⁴ Tovanama Diu toviketanuneina nofe bwadunama si nowaniya, sinesi si nubusubususanina keta nīgozi si kitanavikavikavina nenei. ⁵⁵ Atu Kanunu Tafutafuna Sitiveni i vimaiya. I kitakawavitata abamai eketa i kitiya Guyau kana kaiwabu keta yota Yeisu i misimisinya Guyau kikikatainei vifotu kabaina nenei. ⁵⁶ Eketa i bwaduwa, “Kwa kitai! A kitakitiya abama kana kawa kakayauna eketa Namōga Natuna i misimisinya Guyau kikikatainei vifotu kabaina nenei.”

⁵⁷ Tovanama nenei, taniyasi si gifota atu si vikafinafina eketa si kududuwanan Sitiveni fasinei. ⁵⁸ Si sinakanikaniya keta si kikinomaniya menana nakasina kwaunei eyo si vibutuwa gabanai si fonufonuya. Kana tovinoisima kasi nuya si kikakiya eketa namōga tufunakasina kana wava Sauno nauei si dawana.

⁵⁹ Tovanama gabanai si fonufonuya nenei, i bwaukikinomana, “Tuveka Yeisu, kanunuku ku katuvai.” ⁶⁰ Eketa i fekuwa kaetutunei eatu i bwauwa, “Tuveka yo, muka yasi go'yonanama nofe kuna tukuya!” Tovanama nofe i bwaduwini i vidawana.

8

¹⁻² Eketa Sitiveni kana nuvimate fasinei Sauno i visawadewadewiya. Tunisi Guyau kana tovimogumogu Sitiveni kwafinina si odewadewiya eketa fasinei si bwediutukwasoga.

Namōga Ekanesiya Si Vitoagoyogoyowisiya

Na kuyadayadanama nenei ekanesiya Yenusanema sinenei daunamataina si nisaiya. Na nenei keta tovitumāgana matatafusi si kafiyauyauna Yudiya keta Sameniya fafanisima nenesiyai eatu tonowanāga Yenusanema si fakwa. ³ Atu Sauno i anuwanuva be ekanesiya ina nuyakweyakweniya. Eketa i niya numa tamokatamokāga nenesiyai, namōga be vivine i nusoni-kikinomanina keta i sinakanikanisiya eketa deniyai i tenisiya.

Biga Dewadewana Finifi I Yauniya Sameniya Sinenei

⁴ Eatu tasike aviyaonana si kafiyauyauna, nao si fanakwaniūga menana nenesiyai eketa biga dewadewana si yauniya. ⁵ Eketa maise Finifi o i sobuwa menana tamoka nakasina Sameniya sinenei eketa i numamana Togifafafana Gigibokeinana fasinei. ⁶ Matatafusi yana sifufu si nowaniya eketa si nafanafiya uğuna kiyakiyaya kafa nuwatabau i saviviniṣiya si kitisiya. ⁷ Kafa kita maise kanunu goyosi namoğā yagwanisi si nuwafisiya, i nukakisiya keta si gionovisiya na yasi kwaesinasinae nukusi. Yota yagwanisi tanaisi matematesi keta fenafenasi i gidewidewisiya. ⁸ Eketa noko menaninama nakasina namoisi si sebobowa nakatamokena.

Saimoni Toibaiba

⁹ Eatu noko menaninama nakasina nenei namoğā tamokağā kana wava Saimoni i fakwafakwa eketa tova nubwayouna i viviboğauwa eketa fiyao Sameniya o yana savivinasima nuwatasi i viya. Tova matatafuna i onaonavaneya vitana tanake o namoğā tamo nakasina. ¹⁰ Namoğā matatafusi, muka kasi wava be na kasi wava nenesiyai, yana si-fufu kana nowana nenei si bwaduwa, “Namoğā nofe o Guyau yana fiwana matasikauna.” ¹¹ Tova nubwayoumataina nuwatasi i kaniya yana oibaibasima nenesiyai. Na nenei keta naki tanakeğā fonana si vanevaneneiya.

¹² Eatu tovanama Finifi biga dewadewana i numamaniya Guyau yana kafa visime fasinei yota Yeisu Togifafafana Gigibokeinana kana wava fasinei, namoğā si vitumağaniya. Noko nenei namoğā keta vivine i givibutibutisiya. ¹³ Saimoni tauna yota biga i vitumağaniya eketa yota givibutabuta i viya. Noko nenei i vibutuwa Finifi i munimuniye-dadaniya uğuna tova matatafuna kiyakiyaya kafa nuwatabau Finifi i savisaviviniṣiya o kafa mayağā tanake nenei.

¹⁴ Yenusanema sinenei tovanama tonowana si biganowana vitana fiyao Sameniya Guyau fonana si katuviya, Fita keta Yoni si visimeysi si niya nenesiyai. ¹⁵⁻¹⁶ Tovitumağanasima kiouzi o naki givibutabutağā si viya Tuveka Yeisu kana wavai eatu Kanunu Tafutafuna o yawane muka sita vai. Na uğuna Fita keta Yoni si kikinomana nokomai eketa Guyau si kawanunukuwiya be Kanunu Tafutafuna tovitumağana noko ina venisiya. ¹⁷ Eketa tovanama nimasi si dawana tovitumağanasima debabousiyai Kanunu Tafutafuna si viya.

¹⁸ Eatu Saimoni i kitanisaiya vitana namoğā Kanunu Tafutafuna si viya tovanama tonowana nimasi si dawana debabousiyai. Na nenei gabana i tuniya, ¹⁹ eketa i vikokonisiya i bwaduwa, “Fiwana nofe yota iyau kwa veneiku, ebe aitevana nimaku ana teniya nenei kana fata Kanunu Tafutafuna ita viya.”

²⁰ Eatu Fita i iyaviya i bwaduwa, “Kana nufotamoka kwağā keta ya gabana Guyau ita nuyaunimiya. Nofe o Guyau yana kakavenena eatu ku nuwanuwa avage gabanai kuta kimwaniya! ²¹ Muka tamo ka tukutuku ita fakwafakwa nofe mudadavanama nenei uğuna katekateu o muka dawaniniina Guyau matanei. ²² Eketa nofe nuwanuwanama goyona nenei ku ugevinau ebe Tuveka ku kawanunukuwei. Kamo kana kita ya vinuwadadanasisma katekateweu ina vinuwateweisya. ²³ Tumadama yo ya nuwasinae nenei nuwanuwa goyona i vivisimeiwa.”

²⁴ Eatu Saimoni i bwaduwa, “Fasikuwai Tuveka kwata kawanunukuwiya ebe avana kwa bwaduwiya muka nenekuwai ita kikinomana.”

²⁵ Eketa nauna Fita keta Yoni yasi vitumaġana fasinei tututausi si viwakakakiya keta yota Tuveka Yeisu bigana si nusifufuwiya tovitumaġana kioui nenesiyai. Tovanama yasi makavina Yenusanema nenei, kunausi biga dewadewana si yauniya menana yagwanisi nenesiyai Sameniya sinenei.

Finifi Etiyofiya Kana Namoġa Nakasina I Givibutabutiya

²⁶ Tamoka tova Tuveka kana kaetoġa abamei Finifi i iyaviya, “Ku misini be kugagasa ketanama Yenusanemei i sobusobuwa be i niniya Gasa, nenei kuna niya.” (Ketanama noko namoġa nofe tova muka sita vaavaġai.)

²⁷ Keta Finifi i noġokawawa atu ke'ta tofwanei tene Etiyofiya i venusaiya. Namoġanama o tanake tamo namoġa nakasina, Etiyofiya kana turomu gumayogu kana wava Kanidesi yana gabana matatafunu kana tokitavikavina. Namoġanama i niya Yenusanema kodukodu fasinei. ²⁸ Tovanama i makamakaviniya Etiyofiya, yana waganusoni sinenei i niniya eatu Guyau yana tomatakawa Aiseya yana viginiwa i giginaġanaiya.

²⁹ Eketa Kanunu Tafutafuna Finifi i iyaviya, “Ku nai noko waganusoninama niniunei.”

³⁰ Eketa Finifi i dibwanamoka waganusoninama niniunei eketa i nowaniya namoġa Guyau yana tomatakawa Aiseya i viginiwiya, i giginaġanaiya. Eketa Finifi i nutoninuvuviya, “Na viginiwanama ku giginaġanaiya simo kana sanamana ku viviya?”

³¹ Eketa yana bwadu i fatiya, “Muka. Namaise masi ata sanamanei taki muka tamo kana givimayeta nenekuwai?” Noko nenei i vikokoniya Finifi keta i vaneya nukusi si toġanuwa.

³² Guyau fonakitunanama i giginaġanaiya nenei o nofemaise i bwaduwa,

“Vitana maise sifi si niiya be kayona sina kanibasiya

*eketa vitana maise sifi mwanavauna utuutuna kana tanakakanu
fasinei naki i numananavamoka.*

Maisemoka tanake muka tamo kayona.

³³ Si sawanuketuviya eketa si sawanoviya.

*Muka tamo tauna yana dana keta weyo kasi sanamana
uġuna yawasina fwayafwayai si viteweiya.”*

³⁴ Keta namoġa nakasina Finifi i nutoninuvuviya, “Yamsi kuta iyavikuwa, Guyau yana tomatakawa tauna fasinei i bwadubbwaduwa o taki tamo aitevana fasinei?” ³⁵ Eketa noko viginiwanama nenei Finifi i vibutuwa eketa biga dewadewana Yeisu fasinei i givimayeta.

³⁶ Eketa si niniya eatu tovanama si nemiya sawa nenei namoġa nakasina i bwaduwa, “Ake! Ukowa nofe. Muka tamo kaku nusiwataka, kuta givibutabutikuwa.”* ³⁸ Eketa namoġa nakasina i nusawaġaniya waganusoni kana tovidibwana atu nasi nuwa si sobuwa ukowai, eyo Finifi i givibutabutiya.

³⁹ Tovanama ukowei si vanenemiya, Tuveka Kanununa Finifi i sinasamwagauwiya eketa i niiya tamo menana nenei. Noko nenei Namoġa nakasina Finifi muka yota ita kitai eatu na sebobona yana ketai i niya.

^{8:32} Aiseya 53:7,8 * ^{8:36} Tunisi viginiwa nenesiyai o kana nukisi 37 si nunatuya. Finifi i nufata, “Taki Yeisu Togifafafana Gigibokeinana nenei ku vitumaġana katekateu matatafunei, nao ana givibutabutiwa.” Eketa namoġa nakasina i bwaduwa, “Ika, a vitumaġaniya tanake Yeisu Togifafafana Gigibokeinana o tanake Guyau natuna.”

⁴⁰ Eatu Finifi i kikinomana Adiyotusi menana nakasina nenei eketa menana matatafunu nenesiyai biga dewadewana i yauna-niiya kana nivaniva i nemiya Sisaniya menana nakasina nenei.

9

Sauno I Vitomuniya Yeisu Fasinei

Bunanige 22:6-16, 26:12-18

¹ Eatu Sauno na nuwagoyona i bwadu-kamanamana, “Tasike aviyaonana Yeisu kana tovitumağana ana nuvimatisiya.” I misiniya keta i niya Yenusanema tovibwanaose kasi toviketanuneina nenei,² eketa i vikokoniya be nufunufu ina viginiwisiya numa kafa yokoyoko kasi toviketanuneina nenesiyai Damasiko sinenei. Noko nufunufusima nenesiyai tovibwanaose kasi toviketanuneina sawateweyleina Sauno i veniya ebe noko menanasima nenesiyai avi namoğa o avi gumayogu ina nisaiya Yeisu yana Ke'ta* nununei i niniya, ina givikaviniya be ina nemiisiya Yenusanema deniyai.

³ Eketa i niniya Damasiko nenei eatu tovanama menana i ninikitekiya, abamei mayesina matakikikwanena visabanutuğai i tafafifiya. ⁴ Sauno i fekuwa fwayafwayai eatu kayokayo i nowaniya i bwadubbwaduwa nenei, “Sauno, Sauno, ava fasinei yo ku givigivikuvakuvavaneiku?”

⁵ Sauno i nutoniya i bwaduwa, “Aiye o kwağā aitevana?”

Eketa i nufata i bwaduwa, “Iyau Yeisu, Iyau gwadikuma ku givigivikuvakuvavanikuwa. ⁶ Nofe tova kuna misiniya keta kuna kanasuna menana nakasinei ebe nokomai tamо aitevana ina iyaviwa avana kuta fufuniya.”

⁷ Namoğasima Sauno nukusi si niniya, si misinivağata keta kawasi si kataka uğuna kayonağā si nowanowaniya eatu muka sita kitakitai. ⁸ Sauno fwayafwayai i otowamisinya keta i toneya eatu muka tamо aviyavana ita kitakitai. Na fasinei unaunana nimanei si givikavina eketa si kanasuniya Damasiko. ⁹ Kuyadayada tonusi sinesiyai matana i kwava eketa yota muka ita kaka keta muka ita yuyu.

¹⁰ Damasiko nenei tomuniyeina tamokağā kana wava Ananaiyasi. Tuveka kenokitai i iyaviya i bwaduwa, “Ananaiyasi yo!”

Eketa i nufata i bwaduwa, “Tuveka, iyau weka.”

¹¹ Eketa Tuveka i iyaviya i bwaduwa, “Ku misini be ke'ta kana wava Dawaniniina nenei ku nai ebe Yudasa yana numai ku nutoninuvanuva namoğa kana wava Sauno tene Tasusi fasinei. Nofe tovanama nenei i kawakawanunuwa nenekuwai. ¹² Kana kenokita nenei namoğa kana wava Ananaiyasi i kitiya avage i nemiya eketa nimana i dawana tofwanei eketa i kita-savaviniya.”

¹³ Eatu Ananaiyasi i nufata i bwaduwa, “Tuveka yo, namoinama fasinei biga yagwanina a nowaniya vitana ka tovitumağana tafutafusi i givigivikuvanisiya Yenusanema sinenei. ¹⁴ Yota nofe o tovibwanaose nakanakasisi sawateweyleina si veniya eketa i nemiya nofemai, ebe aviyaonana neneweu si kodukoduwa matatafusi ina givikaviniya.”

¹⁵ Atu Tuveka Ananaiyasi i iyaviya i bwaduwa, “Ku nai! A vitoniwagiya ina vikaetoikuwa ebe fasikuwai Kani Kwauna yasi tufomu nukusi yota

* **9:2** Ke'ta kana tomuniyeina. Wava nofe o Yeisu kana tomuniyeina kasi wava. Ke'ta kana nuwanuwa o Gifafafana o Yawasivağata kana ke'ta. Tanake o Yeisu. Yoni 14:6 nenei, Yeisu tauna i weniya Ke'ta.

fiyao Isineni ina numamanisiya. ¹⁶ Iyau taumokeku ana visawaveniya na maise kuvavana kana nakata yawane ina kuvavaniya kaku wava fasinei.”

¹⁷ Eketa Ananaiyasi i niya keta i kanasuna numai. Nokomai nimana i dawana Sauno debabounei eyo i kawatakana i bwaduwa, “Unaku Sauno, gwadinama ketai ku kitia tovanama ku nenemiya nofemai o Tuveka Yeisu. Gwadinama i vininitikuwa neneueu kuna kita-savavina fasinei yota Kanunu Tafutafuna nenei kuna mağā.” ¹⁸ Muka mwanenena tu Sauno i vibutuwa i numamana atu vitana iyana gwenavisi maise Sauno matanei si fekuwa eketa i kitasavaviniya. I otowamisiniya eketa Ananaiyasi i givibutabutiya. ¹⁹ Nokomai Sauno kabwaga i kawa keta fiwana i viya.

Sauno Damasiko I Numamana

Eketa Sauno i fakwa tomuniyeina nukusi kuyadayada kawaviya Damasiko nenei. ²⁰ Muka mwanenena tu Sauno i vibutuwa i numamana numa kafa yokoyoko nenesiyai vitana Yeisu o Guyau natuna.

²¹ Matatafusi aviyaonana Sauno yana numamana si nowaniya si mayağā. Tututausiga si vikanunutoniya, “Nofe namoğanama o Yeisu kana tomuniyeina i vivitoagoyogoyowisiya Yenusanema sinenei. Kamo ava tu i nemiya tamoka nuwanuwanama fasinei, tovitumağana ina givikavinisiya be ina niisiya tovibwanaose nakanakasisi nenesiyai?” ²² Eatu Sauno i fiwanamatai ya yana numamana nenesiyai vitana Yeisu o tanake Togifafafana Gigibokeinana. Eketa fiyao Diu Damasiko kana tofakwa muka kasi fata yana bwadusima fasisiyai avana tamo sina bwaduwei.

²³ Kuyadayada aviyesi i kakavisiya muninei, Diu fiyaosi Sauno si viwaifufuniya be sita nuvimiatiya. ²⁴ Kuyadayada be nuwabuna menananama kasi ketakawana[†] si toneye-vağasisiya kana nuvimate fasinei. Eatu yasi viwaifufuninama o Sauno naki i sanamaniya. ²⁵ Nuwabuna tamokağā nenei tunisi kana tomuniyeina kautu nakasinei unavai si otanotanowiya menaninama kana kani kana nuginabu nenei.

²⁶ Tovanama Sauno i kikinomana Yenusanema, i anuvanuva be tomuniyeina ita tuyanomwanisiya eatu matatafusi si matutiya. Muka sita vitumağanei vitana tanake o naki Yeisu kana tomuniyeina. ²⁷ Eatu Banabasi Sauno i oviya keta i niyi tonowana nenesiyai. Eketa i nusifufuwisiya namaise Damasiko ketai Sauno Tuveka i kitai, yota namaise Tuveka Sauno i nusifufuwei. Keta yota i iyavisiya namaise Sauno Damasiko sinenei na yana katevatu Yeisu kana wavai i numamana.

²⁸ Eketa nokomai tonowana nukusi si fakwa keta Tuveka kana wavai i numamana-fanakwaniğā Yenusanema na yana katevatu. ²⁹ Yana nusifufuwai fiyao Diu atu tobwadu-Giniki nukusi si vikawabwadubwaduwa atu ketaketa si nuwasa kana nuvimate fasinei. ³⁰ Tovanama tomuniyeina tunisi si biganowana, si oviya keta si sobuwiya Sisanoya eketa wakai si vitoiya i niya Tasusi tauna yana menanai.

³¹ Noko nenei eketa Yudiya, Ganini keta Sameniya fafanisima nenesiyai ekanesiya kana matatafu biganei si fakwa. Eketa Kanunu Tafutafuna tomuniyeina i givikatevatusiya keta yasi vitumağana i givifikiniya. Na nenei tomuniyeina kasi sabu i nakata yota Tuveka kana vifotu i nakata.

Fita Yana Nai Nida Keta Yofa Nenesiyai

^{9:23} 2 Kononita 11:32,33 ^{† 9:24} Damasiko menana nakasina kana kani badobadosi gabana nenesiyai si tutukanikanisiya keta tututaus i gigifafanisiya kasi aviya nenesiyai. Eketa kasi kanisima nenesiyai ketakawana yagwanisi si fufunisiya.

³² Fita yana nidadana menana tu menana nenesiyai eatu tamoka tova, menana Nida nenei tovitumağana i venufotisiya. ³³ Nokomai namoğa kana wava Aniyasi i venusaiya. Namogānama tanaina matematarena eketa i matamataveya manamana 8. ³⁴ Fita i iyaviya i bwaduwa, “Aniyasi, Yesu Togifafafana Gigibokeinana i gidewadewiwa! Ku misini be ka sita ku kuwai.” Eketa na tovanama nenei Aniyasi i dewadewa. ³⁵ Tovanama Nida keta Sanoni menanisima namoisi si kitia Aniyasi i dewadewa eketa Tuveka si vitumağaniya.

³⁶ Yofa menana nenei gumayogu tomuniyeina kana wava Tabita. (Giniki fonasiyai o kana wava Dokasi.) Tova matatafunu i nuwagabubuwa namoğa nenesiyai keta yota i ovivita goyogoyo nenesiyai. ³⁷ Eatu noko tovanama nenei Fita yawane Nida i fakwafakwa eatu gumayogunama i visafwavināga keta yawasina i kakaviya. Kwafinina si gidewadewiya keta numa kuetana kana totomu nenei si teniya. ³⁸ Eatu Nida menana o Yofa niniunei eketa tovanama Yofa tomuniyeina si nowaniya Fita Nida i fakwafakwa, namoğa kasi nuwa si visimeisiya si niya kana tuova fasinei si iyaviya si bwaduwa, “Ae, nofe tova tata venuniya.”

³⁹ Eketa Fita nukusi si niya. Tovanama si kikinomana, si vaneiya numa kuetana kana totomu nenei. Nokomai vivinekwafukwafuna yagwanisi si misinififiniya keta si bwedibwediya atu si vivisawaveniya kasi nuyasima tuninatunina i kwanisiya na yawsinei. ⁴⁰ Eketa Fita matatafusi i vikikinomanisiya eatu kaetutuna i viketogunisiya eketa i kawanunuwa. Tovanama i nusaifuwa i sağaviniya gumayogu matematarena nenei eketa i bwaduwa, “Tabita, ku misini!” Eketa gumayogu matana i kanakasiya eatu tovanama Fita i kitia, i otowamisiniya keta i nuvitoiya. ⁴¹ Gumayogu nimanei i givikavina eketa i sinavitowamisiniya. Eyo vivinekwafukwafuna keta tunisi tovitumağana i wenisiya keta i visawavenisiya vitana Dokasi naki i yawsasa-savaviniya.

⁴² Yofa kana matatafu bigana si nowaniya keta sabu Tuveka si vitumağaniya. ⁴³ Eketa nokomai Fita i fakwa kuyadayada matayagwanina namoğa kana wava Saimoni nukusi. Nofe namogānama o yomuyomu matematesi kwafinisi nenei nogonogo fakifakinisi kasi tokifufuna.‡

10

Fita Keta Koniniyasi

¹ Menana Sisaniya nenei namoğa tamokağā kana wava Koniniyasi, tanake tamo tonuaviya kasi 100 kana kaimatana Itani tonuaviya kumumisi nenei. ² Namogānama o toeyaeyana eketa yota yana sabu matatafusi nukusi Guyau kana tovimoregumogu. I nuwagabubuwa goyogoyo nenesiyai eketa yota tova nubwayouna i kawakawanunuwa Guyau nenei. ³ Tamoka tova vanavana i kavigeniya kana bai tonusi nenei, kenokita nenei i kitautuutuya Guyau kana kaetoğā abamei i nemiya eketa i bwaduwa, “Koniniyasi!”

⁴ Eketa Koniniyasi i toneiya na yana matuta eatu i nutoniiya, “Tuveka yo, avamasi ya nuwanuwa?”

‡ ^{9:43} Diu yasi sanamana nenei nofe namogānama o gavigavina uguna yomuyomu matematesi kwafinisi i gigivikavina (Visime Tafu 11:39-40). Fita yana fakwa namogānama nukusi i visawavenena vitana nuwanuwana be Kani Kwauna nukusi sina savivina tamo nenei.

Eketa i nufata, "Tova nubwayouna ya kawanunuku keta ya nuwagabubu goyogoyo nenesiyai Guyau nuwatana i ovya vitana maise bwanaose mamadina.⁵ Nofe tova namōga ku visimyeisi si nai Yofa ebe Saimoni Fita si ovai.⁶ Wavakokona Saimoni nukusi yana numai. Tanake o yomuyomu matematesi kwafinisi nenei nogonogo fakifakinisi kasi tokifufuna, gibokwadewai i fakwafakwa."

⁷ Tovanama kaetōganama i nusifufukōga keta i mowa, Koniniyasi kana kaetōga nasi nuwa keta yana tonuaviya tamokāga tanake Guyau kana tovimogumogu i wenisiya. ⁸ Eketa kana kenokitanama fasinei matatafuna i nusifufuwisiya muninei yo i visimeisiya si niya Yofa.*

Fita Kana Kenokita

⁹ Kuyadayada kana vinuwa vanavana etatiyai, namōgasima Yofa si venukitekitiya. Nofe kawasasanama nenei Fita i vaneya kudukudu kayavenina etanei kawanunuku fasinei. ¹⁰ Eketa i vitanona eatu vivine yawane kabwaga si gigimwanemwaneneiya nenei o i kenokita. ¹¹ I kitiya abama i kawiya eatu vitana aviyavana maise nuya nafanafana noyana nufunina nenesiyai vitana tamo aitevana ita otanotanowi. ¹² Nuyanama sinenei o yomuyomu be tooyāgāga keta yota manuwa. ¹³ Kayokayo i kikinomana i bwaduwa, "Fita, ku misini! Ku munuwa be ku kawa!"

¹⁴ Eatu Fita i nufata i bwaduwa, "Muka Tuveka, nao matatafusi viviketofotasi yota gavigavisi eketa mukamokena ata giginuvanuvasi."†

¹⁵ Kayokayo i kikinomana-savaviniya i bwaduwa, "Aviyavana tamo Guyau i givieyaeiya muka kuna visawagoyowi."

¹⁶ Tamoka kenokitanama i kitiya kawa tonu muniyai yo nuyanama i vanesavaviniya abamai.

¹⁷ Kenokitanama kana sanamana fasinei Fita yawane i vivinuwadadaniya eatu namōga kasi tonu Koniniyasi i visimeisiya naki Saimoni yana numai si kikinomana eketa yana ketakawanai si misimisiniya. ¹⁸ Eketa si nutoniya, "Na tamo wagawaga kana wava Saimoni Fita?"

¹⁹ Fita o yawane kenokitanama i vivinuwadadaniya atu Kanunu Tafutafuna i iyaviya i bwaduwa, "Ei, namōga nasi tonu si nunuwasawa.²⁰ Na fasinei ku misini ku sobu be nukusi kwa nai. Muka kuna vinuwana ūguna Iyau a visimeisiya."

²¹ Fita i sobuwa nenesiyai keta i bwaduwa, "Iyau weka tauku kwa nunuwasikuwa. Namaise yo kwa nemai?"

²² Namōga si nufata si bwaduwa, "Noma tamo kaimatana Koniniyasi i visimeikiya ka nemiya. Tanake namōga toeyaeeyana yota Guyau kana tovimogumogu eketa fiyao Diu matatafusi si vivifotuviya. Guyau kana kaetōga tafutafuna abamei i nusifufuviya fasinei eketa ka nemiya ka tuova, tana niya yana numai be ya sifufu ina vaneneiya."²³ Eketa Fita namōgasima i katuvisiya yana numai keta nokomai si banuwa.

Fita Koniniyasi Yana Numai

Eketa tova i katakiya i gidewadewa keta nukusi si niya. Atu yota tunisi Yofa tovitumāgana kaena si kwafuya. ²⁴ Kuyadayada kana vinuwa

* **10:8** Sisiya atu nanakoyei o Yofa i fakwa, kana kedawanaau kana fwafwa 53 kinomita.

† **10:14** Taki tene Diu yomuyomu sawasawatanana ina givikaviniya o ina kaniya, nao naki i gaviya (Visime Tafu 11). Noko kana nuwanuwa o muka namōga nenesiyai sina viyao yota muka sina tuyanomwanisi kodukodu kana tovai, kana nivaniva sina vibwanaoseya be sina eyaeya-savavinihiya.

nenei i kikinomana Sisanoya. Koniniyasi yana sabu keta yana yaoyao i vakukusisiya keta yana numai si fotafota.²⁵ Tovanama Fita i kanakanasuna yana numai, Koniniyasi i venufotefotiya keta kaetutuna i viketogunisiya eketa i koduwa Fita kanonovanei.²⁶ Atu i sinavitowamisiniya keta i iyaviya, “Ku misini, iyau o namoḡamoka.”‡

²⁷ Eketa nasi nuwa si nunusifufuniya si kanasuna sinenei eketa Fita i kitisiya sabu si yokowa.²⁸ I iyavisiya i bwaduwa, “Kwa vaneneḡa! Matatafumi kwa sanamaniya Diu kama kwenava, muka tamo Kani Kwauna kana tuyanomwanimi o yota kana venufotaimi. Eatu Guyau naki i visawavenikuwa gewa muka mani namoḡa ana visawagavigaviyeisi.²⁹ Eketa tovanama kwa nemiya kaku tuova fasinei, muka ata kabisawa. Eyo kwa iyaveiku namaise yo a nemai?”

³⁰ Eketa Koniniyasi i vibutuwa i nusifufuwa, “Kuyadayada nufunina i kakavisiya vanavana i kavigeniya kana bai tonusi, nao yaku numai a kawakawanunuwa. Eatu tovanama nenei, namoḡa kana nuya nukawanamanamaneinasi naukuwai i kikinomaniya.³¹ Eketa i nusifufuwa i bwaduwa, ‘Koniniyasi, ya kawanunuku be ya nuwagabubu goyogoyo nenesiyai Guyau nuwatana i ovija.³² Namoḡa ku visimeyeisi si nai Yofa ebe Saimoni Fita si ovai. Wavakokona Saimoni nukusi yana numai. Tanake o yomuyomu matematesi kwafinisi nenei nogonogo fakifakinisi kasi tokifufuna, gibokwadewai i fakwafakwa.’³³ Eketa muka mwanenenena a visimeisiya fasiweu eketa a viagigikuwa naki ku nemiya. Na fasinei nofe tova matatafuki ka yokowa ka vanevaneneiwa Guyau matanei be matatafuna avana Tuveka i visimeiwa fasikiyi ku nusifufuweiki.”

Fita Yana Sifufu

³⁴ Eketa Fita i vibutuwa i nusifufuwa i bwaduwa, “Nofe tova a nuwatasanamaniya gewa Guyau muka tamo aitevana yana nusuyai ita ninai.³⁵ Eatu kunuma tuninatunina nenesiyai aviyaonana Guyau si vivimogumoguwiya keta si fufufuna dawaniniina nenei nao i katukatuvisiya.³⁶ Eketa Yeisu Togifafafana Gigibokeinana o namoḡa kata matatafu yata Tuveka. Aitevana ina vitumaḡaniya, nao kana fata Guyau ina viyaowiya. Nofe biganama dewadewana fasinei o Guyau i vininitiya Isineni nenesiyai.³⁷ Aviyavana matatafuna Yeisu yana mudadava Yudiya kana matatafu nenei o naki kwa sanamaniya. Yoni i numamana givibutabuta fasinei muniyai yo Yeisu mudadava nofe i vibutuwa Ganini nenei.³⁸ Ka kitiya namaise Guyau Kanunu Tafutafuna nenei Yeisu tene Nasaneti i vimaiya keta yota i giviwaniya. Yeisu i niya menana yagwanina nenesiyai iba dewadewasi i saviviniysi, yota namoisima Seitani yana fiwana sifunei matatafusi i gidewadewisiya uḡuna Guyau o tanake nukusi.

³⁹ Namaise yana mudadava Yudiya kana matatafu keta yota Yenusanema sinenei, nao kima tonowana kana tokita keta kana toviwakakaki. Si giviogonaḡanaiya keta si nuvimiatiya.⁴⁰ Eatu kuyadayada kana vitonu nenei Guyau i sinavyawasiya eketa i vimaikitikiya.⁴¹ Mateyai yana misini-savavineina muninei muka namoḡa matatafusi sita kitai. Naki kimaḡa o nukusi ka kawa keta ka yuwa. Namoikima o Guyau i gibokikiya sifufuna kana yaugeyaniya fasinei.⁴² Yeisu i visimeikiya be namoḡa kana numamanisiya be kana viwakakakiya vitana tanake o Guyau

‡ **10:26** Guyau i visimeya tanakeḡa nenei tata kodukoduwa (Yauna 20:3-5, Visime Nuvinavinana 5:7-9, 6:13, 10:20, keta yota Nuke 4:5-8, Kenokita 19:10, 22:8-9). **10:34** Visime Nuvinavinana 10:17

i ginakasiya yawayawasisi keta matematesi kasi tonuvisi.⁴³ Guyau yana tomatakawa matatafusi Yeisu fasinei si viginiwa si bwaduwa, taki namoغا sina vitumağaniya nao kana wawai Guyau yasi go'yonina vinuwateweisiya."

Kanunu Tafutafuna I Sobiwa Kani Kwauna Nenesiyai

⁴⁴ Fita yawane i nunusifufuwa eatu bwadu nofe kana tovaneneğä matatafusi nenesiyai Kanunu Tafutafuna naki i sobunemiya.⁴⁵ Eketa Diu tovitumağana nunufifinisi Yofei Fita kaena si kwafuya si mayağä uguna Kani Kwauna eatu Kanunu Tafutafuna i sobunemiya nenesiyai.⁴⁶ Si nowanisiya meyasi i kaviniya keta Guyau si davadaviya.

Eketa Fita i bwaduwa,⁴⁷ "Kanunu Tafutafuna si viya naki maisemoka kita ta viya. Na fasinei muka tamo aitevana ina viketofoteita kasi givibutabuta fasinei."⁴⁸ Eketa i visimeisiya be Koniniyasi yana sabu nukusi sina givibututisiya Yeisu kana wawai. Noko muninei Fita si vikokoniya be kuyadayada aviyesi nukusi nokomai sita fakwa.

11

Fita Yana Savivina Fasinei I Nusifufuwa

¹ Tonowana keta tunisi tomuniyeina Yudiya fafani sinenei, si nowaniya vitana yota tunisi Kani Kwauna o Guyau fonana naki si katuviya.² Eketa tovanama Fita i vaneya Yenusanema tunisi Diu tovitumağana nunufifinisi si managibuwiya si bwaduwa,³ "Kwağä o ku kanasuna tasike muka nunufifinisi yasi numai keta nukusi kwa kawa!"

⁴ Eketa Fita i vibutuwa i givimayeta nenesiyai aviyavana i kikinomana kana matanabobotai.⁵ I bwaduwa, "Yofa a fakwafakwa atu a kawakawanukuwa nenei a kenokita. A kitija abamei vitana aviyavana maise nuya nafanafana. Eatu noyana nufunina nenesiyai vitana aitevana tamo i otanowei nenekuwai."⁶ Eketa sinenei, a kitisiya yomuyomu-menana keta yomuyomu-wanawanaki yota tooyağaga keta manuwa.⁷ Eketa kayokayo a nowaniya i iyavikuwa, 'Fita, ku misini! Ku munuwa be ku kawa!'

⁸ Atu a nufata a bwaduwa, 'Muka Tuveka, nao matatafusi viviketofotasi yota gavigavisi eketa mukamokena ata giginuvanuvasi.'

⁹ Eketa abamei kayokayo i bwadu-savaviniya i bwaduwa, 'Aviyavana tamo Guyau i givieyaeiya muka kuna visawagoyowi.'¹⁰ Tamoka ibanama kawa tonu i kikinomana muniyai yo matatafuna i savaviniya abamai.

¹¹ Na naki kawasasanama nenei namoغا kasi tonu Sisaniyei si visimeisiya numanama a fakwafakwa nenei si kikinomana.¹² Kanunu Tafutafuna i iyavikuwa be namoisima nukusi kana niya eatu muka na yaku vinuwana. Nofe tovitumağanasima nasi 6 Yofei o kaeku si kwafuya keta Koniniyasi yana numai ka kanasuna.¹³ Eketa i nusifufuwikiya namaise Guyau kana kaetoga abamei i kitija yana numa sinenei i kikinomaniya keta i iyaviya i bwaduwa, 'Namoغا ku visimeyeisi si nai Yofa be Saimoni Fita si ovai.¹⁴ Ebe ya sabu nukusi Guyau fonana i nusifufuweimi kami gifafafana fasinei.'

¹⁵ Eketa a vibutuwa be a nunusifufuwa eatu namaise Kanunu Tafutafuna kafa viuğuwai* i sobunemiya nenetiysi naki maisemoka yota i sobunemiya nenesiyai.¹⁶ Eketa a tukuya Tuveka Yeisu yana

* **11:15** Fita i nunusifufuwa aviyavana i kikinomana Kabwaga Matana kana tovai fasinei. (Bunanige 2:4) **11:16** Bunanige 1:5

bwadu, ‘Yoni ukowa nenei i givibutabuta, atu Guyau o Kanunu Tafutafuna nenei ina givibutibutimiya.’¹⁷ Naki mayemayetamokena gewa tovanama Tuveka Yeisu Togifaffafana Gigibokeinana ta vitumağaniya be kakavenenanama Guyau i venita maise tasike yota i venisiya. Keta iyau o aitevana yo Guyau ata nusawatanai?”

¹⁸ Tovanama nofemaise Fita nenei si nowaniya, kana managibu si onoviya atu Guyau si sawadavadaviya si bwaduwa, “Mukanono. Gewa Guyau naki Kani Kwauna kawasasa i venisiya sina ugevinisiya be yawasivağata sina nisaiya.”

Ekanesiya Anitiyoki Sinenei

¹⁹ Yeisu kana tovitumağana dauna nakasina si nisaiya tovanama Sitiveni yana mate muninei eketa si kafiyauyauna. Tunisi si niya Foenisoya yana fafani nenei yota simuna Saifunusi eketa Anitiyoki menana nakasina nenei, Yeisu bigana si yaugeyaniya fiyao Diuğā nenesiyai.²⁰ Eatū tunisi tovitumağana simuna Saifunusi nenei keta Sainini menana nakasinei, si niya Anitiyoki menana nakasinei eketa Ginisi namoisi si numamanisiya biga dewadewana Tuveka Yeisu fasinei.²¹ Eketa Tuveka yana fiwana nenei i ovivitisiya keta namoğa yagwanisi si vitumağana eketa si ugevinisiya Tuveka nenei.

²² Ekanesiya Yenusanema sinenei si biganowana nofe fasinei eketa Banabasi si visimeiya i niya Anitiyoki.²³⁻²⁴ Banabasi tanake o namoğa dewadewana yota Kanunu Tafutafuna nenei i mağā eketa yota tovitumağanaonaona. Tovanama i kikinomana keta Guyau yana sawanuwagabubu i kitanisaiya namoğa noko nenesiyai, i sebobowa kitagoyona. Atu matatafusi i vatonisiya be Tuveka Yeisu kana vitumağana nenei sina viketotonisiya venemokena. Eketa namoğa sabuveka Tuveka si vitumağaniya.

²⁵ Nokomai Banabasi i misiniya keta i niya Tasusi, Sauno kana nuwasa fasinei.²⁶ Eketa tovanama i nisaiya, i ovija keta i makaviniya i nemiiya Anitiyoki. Naki manamana kana matatafu nasi nuwa ekanesiya nukusi si vivikaninisığa eketa namoğa sagisagigi nenesiyai si vivisawavenena. Eketa Anitiyoki nenei tomuniyeina si mikiwenisiya *Yeisu kana sabu*.

²⁷ Noko tovanama nenei tunisi Guyau yana tomatakawa Yenusanemei si sobunemiya Anitiyoki.²⁸ Sinesiyai o namoğa tamokağā kana wava Agabusi. Kanunu Tafutafuna yana fiwanai i misiniya keta i bwaduvioğoniya vitana tova kabegomokena, nogā nakasina ina kataneneğā Noma yana kafa visime kana matatafu nenei. Nofe ibanama i vivenemokena tovanama Konodiyasi yana vitufomu Noma nenei kana tovai.²⁹ Na fasinei tomuniyeina Anitiyoki sinenei si vinuwadadana vitana gabana sina giviyo buwa tututausi kasi nufotai be sita vininitiya unaunasi Yudiya nenei si fakwafakwa fasisiyai.³⁰ Nuwagabubunama si viya eyo Banabasi keta Sauno nimasiyai si teniya be yo nokomai tovitumağana kasi tokawakawa sina venisiya.

12

Tovitumağana Kasi Vitoagoyogoyo

¹ Tovanama Banabasi keta Sauno si niya Yenusanema kana tovai, tu-fomu Enoda Aganifa i vibutuwa be tunisi tovitumağana ekanesiya sinenei

i givigivikuvakuvavanisiya. ² Yana tonuaviya i iyavisiya keta Yoni tawağana Yemesa kayona si nuonosiya fetowai. ³ Tovanama Enoda i kitiya vitana aviyavana i fufuniya o kafa sebobo Diu nenesiyai, yana tonuaviya yota i iyavisiya keta Fita si givikaviniya. Nofe si fufuniya o Maneka Muka Nakana Nutuva Kana Ka kana tovai. ⁴ Tovanama Fita deniyai si teniya, Enoda yoko nufunina tonuaviya i tenisiya be sina kitavikaviniya. Yoko tamokağā sinenei tonuaviya nasi nufunina ebe yo yasi tovatovai Fita sina vivinanuya. Enoda nuwanuwana be Venuvisinatana kana Ka muninei, namoğā matatafusi matasiyai atu ina nutonikuekuiya. ⁵ Na fasinei Fita deniyai si tenefotiya. Eatu ekanesiya o yawasisi matatafunei si kawakawanunuwa Guyau nenei kana ovivita fasinei.

Fita Kana Ketoyau Deniyai

⁶ Eketa kana nuwabuna be tova ina katakiya nenei vitana Enoda Fita ina nutonikuekuiya, eatu Fita tonuaviya kasi nuwa kasi sinefouwai i banubanuwa. Nimana si nudigwanisiya seni nuwesi nenesiyai eatu yota tunisi tuiyo o deni kawana si kitavikaviniya.

⁷ Sabanutuğai Tuveka kana kaetoğā abamei i kikinomana Fita niniunei eketa totomu i mayesiya. Kaetoğanama Fita niniuna i ketogadiya nenei, i weikenokitiya eketa i iyaviya i bwaduwa, “Ku venumisini!” Eketa seni nimelei i kakakisiya. ⁸ Eyo kaetoğanama i bwaduwa, “Ku kanibubuna be ka kaevatakutakuna ku kotoneina.” Eketa Fita i fufuniya, eyo kaetoğanama yota i bwaduwa, “Ka kwame nenei ku waminiu be ku muniyeiku.”

⁹ Eketa Fita i muniya keta si kikinomana. Eatu muka ita sanamanei vitana kaetoğanama yana visanafu o venemokena, yana nuwanuwa vitana ita kenokenokita. ¹⁰ Tuiyo yoko tamokağā si niunisiya eketa si nemiya yota yoko kana vinuwa nenei, muniyai yo si nemiya ke'ta kana kawa vikainumuna nenei. Ketanama o i niniya menana nakasina kuveyaina. Deni kana kawa tauna i kayaya eatu si kikinomana keta si niya tamo ke'ta nenei si sobuwa. Eyo nokomai kaetoğanama Fita i vateweiya keta na tovanama nenei i mowa.

¹¹ Tovanama nenei Fita nuwatana i kanabunabuya eketa i bwaduwa, “Nofe o naki a sanamaniya gewa venemokena Tuveka kana kaetoğā abamei i visimeiya keta Enoda nimanei i sinavikuwa ebe muka fiyao Diu yasi nuwanuwa maise ina fufuniya.”

¹² Tovanama Fita naki i kitija Guyau i guguiya, eketa i niya Meni, Yoni Maka ayona, yasi numai. Numanama nenei tovitumağana yagwanisi si yokowa eketa si kawakawanunuwa. ¹³ Eatu Fita kawa kana vinuwa kumenanina nenei i nufisifisika eketa kaetoğā kakaabana kana wava Noda i nemiya kawa kana kiyau fasinei. ¹⁴ Tovanama Fita i nutoniya nenei, Noda kayona i kinaniya. Eatu sebobo i tewesafuya eketa kawa muka ita yauya atu i venukanasuna keta i iyavisiya i bwaduwa, “Aiyui! Fita nofe ketakawanai i misimisiniya.”

¹⁵ Eatu si iyaviya si bwaduwa, “Kamo ku wafa!” Eatu i tenekasikasiyei muka yo si bwaduwa, “Ei, nai o Fita yana kaetoğā abamei!”*

¹⁶ Eatu Fita yawane i teniya be i nunufisifisika. Tovanama kawa si yauya nenei, si kitija eketa si mayağā.

12:4 Yauna 12:1-27 * **12:15** Diu si vitumağaniya vitana tamo tova Guyau kana kaetoğā abamei i visimeysiya yana namonamoğā tamokatamokağā kasi ofafafa fasinei. (Same 91:11, Madiu 18:10 keta Ibeniu 1:14)

17 Atu Fita nimanei i nusawatanisiya ebe sina manava, eatu i nusifufuwisiya namaise Tuveka deniyai i vikikinomanei. Yota i iyavisiya i bwaduwa, "Yemesa keta tovitumağana tunisi kwana nusifufuwisiya aviyavana i kikinomana fasinei." Eyo Fita Yenusanema i teweiya atu i niya tamo menana nenei.

18 Nuwabuniyiay deniyai tonuaviya nuwanuwa yaona i vanisiya Fita yana bwavi fasinei. 19 Tovanama Enoda i biganowana, yana tonuaviya i visimeisiya be si nuwasa eatu muka sita nisağai. Na fasinei tuiyosima Fita si kitavikaviniya, Enoda Aganifa i nutonikuekuisiya. Eketa tonuaviya i sawanuyakanisiya be tuiyosima sina nuvimatisiya. Noko muninei Enoda Yudiya i teweiya eatu i sobuwa Sisaniya menana nakasina nenei i toğanovenoviya.

Enoda Aganifa Yana Mate

20 Enoda i nuwagoyowa fiyao Taya keta Saidoni nenesiyai. Na fasinei si vikatutamokisiya eketa si niya kana kita fasinei. Tufomu tauna kana tookakikakina kana wava Banasitasi nuwatana si kaniya eketa Enoda i vikokoniya be sita viyaowa uğuna kasi kabwaga kana ketama nonowana o Enoda yana fafaniyai. 21 Eketa tovanama noko kuyadayadanama i vikanatutuya, tufomu kanibubuna Enoda i kotonisiya keta kana kwabudogai i nuvitoiya atu nenesiyai i numamana. 22 Tovanama sabu kayona si nowaniya, si vibutuwa si nukatubwaubwauwiya, "Oa! Nofe o tanake naki guyau kayona, muka namoğal!"

23 Sabanutuğai Tuveka kana kaetoga tamokağabamei Enoda i vikawagagasiya eketa i visafwavinaga nakasina, uğuna namoğal muka ita iyaveisi be Guyauğaga sita gikaikaiwabuya. Noko fasinei mwatanaiya sinena si venuyayawaniya eketa i vidawana.

24 Eatu tovitumağana si viketotonisiya be Guyau fonana si yaugeyaniya eketa namoğal sabu Yeisu si vitumağaniya.

25 Tovanama Banabasi keta Sauno yasi bunanige Yenusanema si nusafuwa, Yoni Maka si oviya keta nukusi si makavinisiya Anitiyoki.

13

Banabasi Keta Sauno Kasi Giboke

¹ Ekanesiya Anitiyoki nenei sinesiyai o tunisi tomatakawa yota tunisi tovisawavenena. Kasi wava o Banabasi, Simiyoni (kana wava venuwana Bowa), Nusiyasi tene Sainini, Manaeni (tanake tufomu Enoda Anitifasi nukusi vikatufutufuwasisma), eketa yota Sauno. ² Tamoka tova tovitumağana matatafusi si yokowa eketa Tuveka nenei si kodukoduwa keta si vivikowana, eatu Kanunu Tafutafuna nenesiyai i bwaduwa, "Banabasi keta Sauno kwana tenesinisiya. A gibokisiya yaku nuwanuwa sina saviviniya fasinei." ³ Yasi vikokowana keta kawanunuku muninei, nimasi si dawana Banabasi keta Sauno debabousiyai eyo muniyai si teweisiya si kikinomana.

Banabasi keta Sauno Yasi Kamudadana Saifunusi Simunai

⁴ Eketa Kanunu Tafutafuna yana visime nenei nasi nuwa si sobuwa Senusiya eketa wakai si tamana Saifunusi simunai. ⁵ Tovanama Sanamisi menana nenei si kikinomana, fiyao Diu yasi numa kafa yokoyoko sinesiyai Guyau fonana si yauniya namoğal nenesiyai. Noko tovanama nenei o Yoni Maka nukusi, kasi toovivita.

⁶ Simunanama si vaonosiya keta si nemiya kana nivaniva Fafosi. Nokomai tene Diu toibaiba keta tomatakawa-vikanonono kana wava Ba-Yeis u si venusaiya. ⁷ Namoinama o tene Noma kana wava Segiusa Fonasi nenei i fakwafakwa. Segiusa tanake simuna kana tovisime yota tanake tamo tonuwatasuyasuya. Nuwanuwana be Guyau fonana ina vaneneiya, na fasinei Banabasi keta Sauno i wenisiya be sina venufotiya. ⁸ Eatu toibaibanama Ba-Yeis (Giniki fonasiyai o Enimas) muka nuwanuwana be tovisimenama ina vitumağana eketa i sawafafanisiya.

⁹ Eketa Sauno, kana wava yota Fauno, Kanunu Tafutafuna nenei i mağga eketa Ba-Yeis u kitamanonowiya. ¹⁰ Eketa i iyaviya i bwaduwa, "Kwağga o Seitani natuna! Matatafunu avana dewadewasi ku vivikaniyabinisiya. Kanadibidibi keta vikanonono nenei ku saiya. Tova matatafunu Tuveka yana ketaketa dawaniniisi eatu ku viviviisiya! ¹¹ Eketa ku vaneneğga, Tuveka yana fiwana ina vimatadawaniwa be matau ina kwava ebe muka kana fata vanavana yana mayesina kuna kitai tova bwatana nenei." Kimokimokima tu sowa keta kumanovana Ba-Yeis matana i sowiya. Muka tamo avana ita kitai, na fasinei namoğga i gifisağga be nimanei sita givikavina be sita niiya.

¹² Tovanama tovisimenama i kitiya aviyavana i kikinomana Ba-Yeis nenei, i vitumağana uguna visawavenena noko Tuveka fasinei nenei i mayağga.

Fauno I Numamana Fisidiya Anitiyoki Sinenei

¹³ Fauno unaunana nukusi Fafosi menana si teweiya eatu wakai si niya Fega menana nenei Famufiniya yanafafani nenei. Nokomai Yoni Maka i venuteweisiya eatu i makaviniya Yenusanema. ¹⁴ Eketa Fega nenei si misinya keta si vaneonota ketafafani Fisidiya kana Anitiyoki menana nakasina nenei si kikinomana.

Eketa kuyadayada Sabati si kanasuna numa kafa yokoyoko nenei si nuditoga. ¹⁵ Mosese yana visime keta yota Guyau yana tomatakawa yasi viginiwa kasi ginağanağga muninei, numa kafa yokoyoko kana tovikelanuneina bwadu si vininitiya Fauno keta Banabasi nenesiyai si bwaduwa, "Unaunaki, taki tamo bwadu-vatoneina nenemiyai maise o namoğga kwa nusifufuweisi."

¹⁶ Eketa Fauno i misinya, nimanei namoğga i nusawatanisiya eketa nenesiyai i bwaduwa, "Fiyao Isineni keta kwami Kani Kwauna atu Guyau kana tovimogumogu, kwa vaneneğeiku!"

¹⁷ Kita fiyao Isineni manatuwaina yata Guyau i gibokisiya wağawağata eketa kasi sabu i givinakasiya tovanama yasi vikaetoğga Itifita sinenei kana tovai. Eatu yana fiwana utubasinei Itifitei i kikinomanisiya. ¹⁸ Eketa manamana 40 fwayafwaya nunumonumonei i kunuwanisiya. ¹⁹ Eketa Guyau fiyao Kenani kunuma 7 i vatanisiya eatu yasi fwayafwayanama kita i venita eketa ta vitoniwagiya. ²⁰ Tovanama wağawağata si kanasunavauvauwa Itifita kana tovai atu i nemiya kana nivaniva 450 manamana i kakavisiya muninei yo Kenani si fakwa.

Eketa noko muninei Guyau i venisiya tovisime be si visimeisiya kana nivaniva tomatakawa Samuwena yana tovai. ²¹ Fiyao Isineni Samuwena

si vikokoniya nuwanuwasi tamo yasi tufomu eketa Guyau Beniyamina fasekwina nenei Kisi natuna Sauno i venisiya keta namoinama i vidibwanisiya manamana 40. ²² Eatu muniyai Guyau Sauno i viyauniya eatu Deivida i ginakasiya yasi tufomu. Eketa namōganama fasinei Guyau i bwadukikinomana i bwaduwa, ‘A kitanisaiya Yese natuna Deivida o nuwataku i oviya. Yaku nuwanuwa matatafunu maise kimoki ina savivinihi.

²³ Naki maise Guyau i bwadudabadaba Deivida nenei, eketa susukwana nenei kita fiyao Isineni kata togifafafana i nemiiya o Yeisu. ²⁴ Muniyai yo Yeisu yana mudadava i vibutuwa, Yoni Togivibutabuta i numamana Isineni matatafusi nenesiyai vitana fufuna goyosi nenesiyai sina ugevinisiya be ina givibutibutisiya. ²⁵ Tovanama Yoni yana mudadava i nunusafuya, namōga i iyavisiya, ‘O kwami kwa nuwanuwa vitana iyau Togifafafana Gigibokeinaku? Iyau o muka eatu gwadinama munikuwai i nenemiya o muka ita nufotaiku kana kaevatakutakuna ana kakiya.’

²⁶ Kwami unaunaku, Ebenaamu susukwana eketa yota Kani Kwauna Guyau kana tovimogumogu, kwa vanenēga! Guyau matakawa i vininitiya nenetiya namaise namōga i gigifafafaneisi fasinei. ²⁷ Fiyao Yenusanema kasi toviketanuneina nukusi muka sita sanamanei Yeisu o tanake Togifafafana. Sabati tamokatamokāga numa kafa yokoyoko sinenei si vanevaneneisia namōga si giginā̄ganāga Guyau yana tomatakawa yasi viginiwi Togifafafananama fasinei, eatu muka nuwatasi ita mayesiya eketa si sawanuketuwiya be ina mateya. Noko ketaketanama nenei eketa tomatakawa yasi viginiwasima noko i vivenemokena. ²⁸ Noko fiyasima keta kasi toviketanuneina muka tamo goyona sita kitanisā̄gai Yeisu nenei ebe yo ina mate. Eatu Fainato si vikokoniya be yana tonuaviya ina tuyakanisiya be sina nuvimatia.

²⁹ Eketa avana Guyau yana tomatakawa si viginiwihiya matatafunu tanake fasinei naki maisemoka si savivine-kōgiya. Muniyai ogonāganāgai si kakiya keta kididiku nenei si teniya. ³⁰ Atu Guyau mateyai i sinaviyawasiya. ³¹ Kuyadayada yagwanina kana tomuniyeina i kikinomanisiya. Namoisima aviyaonana nukusi nauna si kamudadana Ganini nenei eatu si vaneya Yenusanema. Tasike si kitija eketa nofe tova si viviwakakisiya Yeisu fasinei namōga nenesiyai.

³² Nofe tova Banabasi nukusi biga dewadewana ka iyaiyavimiya. Avana Guyau yana bwadudabadabanama wāgawāgata nenesiyai, ³³ naki maisemoka i fufuniya eketa tovanama Yeisu i sinaviyawasiya mateyai i vivenemokena kita natunatusi nenetiya. Naki maisemoka Deivida i viginiwiya Same kana vinuwa nenei i bwadubwaduwa Yeisu fasinei,

*‘Kwāga Iyau natuku,
kimoki o Iyau amau.’*

³⁴ Guyau Yeisu mateyai i sinaviyawasiya eketa mukamokena yota ina matesavavinei. Nofe savivinanama fasinei o Guyau i bwaduwiya wāgawāgata nenesiyai i bwaduwa,

13:22 1 Samuwena 13:14, 16:12, Same 89:20 **13:24** Maka 1:4, Nuke 3:3 **13:25** Madiu 3:11, Maka 1:7, Nuke 3:16, Yoni 1:20,27 **13:28** Madiu 27:22,23, Maka 15:13,14, Nuke 23:21-23, Yoni 19:15 **13:29** Madiu 27:57-61, Maka 15:42-47, Nuke 23:50-56, Yoni 19:38-42 **13:31** Bunanige 1:3 **13:33** Same 2:7 **13:34** Aiseya 55:3

'Namaise Deivida a bwadudabedabiya kana sawanuwagabubu tafutafuna keta venemokena, naki maisemoka yota nununei ana sawanuwagabubuwimiya.'

35 Eketa tamo yota viginiwa Same nenei Deivida i bwadubwaduwa,

'Muka ka Kaetoga Tafutafuna kuna kitamokei be ina kaniniya kididiku sinenei.'

36 Kwa nowaniya, yawane Deivida na yawasinei avana Guyau i nuwenuwiya maise i saviviniya, eyo i mateya eketa namai wağawağana si matamataveya nenei niniusiyai si odewadewiya eketa tofwana i kaniniya.

37 Eatu namoinama Guyau i sinaviyawasiya mateyai tofwana muka ita kaniniya.

38-39 Eketa unaunaku, biganama ka nunusifufuwimiya kwana nowanautuutuya. Yeisu nenei eketa Guyau kana fata be yami go'yona ina vinuwateweisiya. Muka kana fata be ketoyau kwana nisağai taki Moses yana visime matatafunu kwana muniiya, atu Yeisu kwana vitumağaniya nao Guyau matanei ketoketoyaumi go'yona matatafunu nenesiyai. 40 Na fasinei kwana kitavikavinimiya be avana tomatakawa si viginiwisiya muka ina kikinomana nenemiyai. Si bwaduwa,

41 *'Fiyaomima kwa adibudibutoyoikuwa, kwa vaneneğa!*

*Kwa bau be kwa vikamatemate,
uğuna kwami tomanagibu yami tovai bunanige ana gikikinomaniya nene-
miyi.*

*Naki taki aitevana tamo ibanama fasinei ina iyavimiya,
eatu kimoki muka kwana vitumağanei.'*"

42 Eketa tovanama Banabasi keta Fauno numa kafa yokoyoko si teweteweiya, namoğa si kamanemanisiya be Sabati venuwanei Guyau yana bwadu sita nusifufuwe-savaviniya nenesiyai. 43 Tovanama si kafiyauyauna muninei, yagwanisi fiyao Diu yota aviyaonana Kani Kwauna eatu Diu yasi ketaketai si kodukoduwa, Fauno keta Banabasi si muniisiya. Eketa namoisima si nusifufuwisiya eketa si kamanemanisiya be vitumağana sina tenesaviya Guyau yana omukumukutana kanonovanei.

44 Sabati kana yinuwa nenei menana nakasinei sabuvekamoka si yokowa numa kafa yokoyoko nenei Tuveka bigana kana vanenęga fasinei. 45 Tovanama Diu namoisi si kitiya yoko sagisagigi, si sinegoyowa eketa si vibutuwa Fauno yana sifufu si sawavigoyowiya.

46 Atu Fauno keta Banabasi na yasi katevatu si nusifufuwa si bwaduwa, "Kana fatamoka be Guyau fonana kana yauneina fasinei o nauna kwami fiyao Diu nenemiyai, eatu kuniniumi kwa katuniiya. Nofe i vivisawavenena gewa tututaumi kwa nunuvisiymi keta kwa nuwanuwa avage yawasi-vağata kana nisağ o muka ita nufotaimi. Na fasinei nofe tova yota Kani Kwauna nenesiyai ka tonetoneya. 47 Nofemaise Tuveka i visimeikiya tovanama i bwaduwa,

A gibokiwa kuna vikimayeta Kani Kwauna fasisiyai,

ebe yo kwāga neneueu namōga kana matatafu fwayafwayai ana gifafafanisiya.”

⁴⁸ Eketa tovanama Kani Kwauna fiyaosi si nowaniya Fauno yana bwadu, si sebobowa nakasina eketa Tuveka si daviya biga dewadewana fasinei. Eketa tasike aviyaonana Guyau waniya i gibokisiya be yawsivāgata sina nisaiya fiyaosima o Yeisu si vitumāganiya. ⁴⁹ Eketa Tuveka bigana i mutuna fafaninama kana matatafu nenei.

⁵⁰ Atu Diu namoisi si ketoyakayakana Kani Kwauna vivine kaikaiwabusi atu Guyau kana tokodukodu, yota tunisi namōga na kasi wava Anitiyoki sinenei. Eketa tasike fiyaosima o namōga tunisi si ketoyakayakanisiya be Fauno keta Banabasi si vitoagoyogoyowisia eketa yasi fafaninama nenei si kwavinisiya keta si kikinomana. ⁵¹ Na fasinei Fauno keta Banabasi kaeyafayafasi kasi kafusisima si nubutusiya be i visawavenena vitana Guyau i nuwagoyowa fiyaosima nenesiyai. Eyo si niya Ikoniumu menana nenei. ⁵² Eatu tomuniyeina Anitiyoki nenei si sebobowa nakasina eketa Kanunu Tafutafuna i kitavikavinisiya yasi fakwafakwa nenei.

14

Fauno Keta Banabasi Ikoniumu Sinenei

¹ Avana Anitiyoki nenei i kikinomana, naki maise yota Ikoniumu nenei. Fauno keta Banabasi yasi fufunavāgata maise eketa si kanasuna Diu yasi numa kafa yokoyoko sinenei eketa yasi numamana nenei fiyao Diu keta Kani Kwauna sabuveka Yeisu si vitumāganiya. ² Eatu Diu tunisi si dibutoyōga Yeisu kana vitumāgana fasinei eketa Kani Kwauna fiyaosi si ketoyakayakanisiya yota yasi nuwanuwa si kaniya be muka tovitumāgana sina muniyeisi. ³ Noko nenei Fauno keta Banabasi si fakwa matanubwayouna eatu si numamana na yasi katevatu Tuveka yana omukumuktana nenetyai fasinei. Eketa Tuveka i givimeyameyaniya nenesiyai be kiyakiyaya kafa nuwatabau yagwanina si savivinisiya eketa nofe ketaketanama nenei namōga i visawavenisiya vitana biga nofe o venemokena.

⁴ Eatu namōga Ikoniumu menana sinenei si takisiya keta tunisi o fiyao Diu yasi badiyai si niya atu tunisi o tonowana nenesiyai. ⁵ Kani Kwauna keta fiyao Diu na kasi toviketanuneina nukusi si viwaifufunisiya ebe tanasona nenei sita vibutusiya be gabanai sita tutuvimatisiya. ⁶ Eatu tovanama Fauno keta Banabasi si biganowana, si dibwana si niya kawakawana Naikoniya nenei, menana nakanakasisi Nisita keta Debi keta yota menana kuniniusi nenesiyai. ⁷ Eketa nokomai si tenesaviya biga dewadewana Yeisu fasinei si nunumamana.

Fauno Keta Banabasi, Nisita Keta Debi Nenesiyai

⁸ Namōga tamokāga menana Nisita nenei i nunuvitōga. I tufuwiya fe-nafenana eketa muka ita ninidadana. ⁹ Tamoka tova Fauno yana numamana i vanevaneneiya. Fauno dawaniniina i toneiya eketa i kitansaiya vitana namōga i vitumāgana ina dewadewa fasinei, ¹⁰ eketa Fauno kayona nakasinei i iyaviya i bwaduwa, “Unaku, kaeyafayafaweu ku misini!” Noko tovanama nenei kaena si dewadewa, i venuotowamisiya keta i nidadana.

¹¹ Tovanama namōga si kitiya avana Fauno i fufuniya, Naikoniya tuttausi fonasiyai si bwaubwauwa, “Ei, Vivinuwa si vinamōgamoka eketa

si sobunemiyia nenetiyai!”¹² Banabasi o kawakawa na fasinei si weniya Seiyusi eatu Fauno tanake tonusifufu na fasinei si weniya Emesi.¹³ Seiyusi yana numa kodukodu o menana nakasina kana ketakawanai. Yana tovibwanaose keta yana namonamoğā nukusi bunumakau keta kanibubuna bwanaosesi si nemiiña ugūna nuwanuwasi Fauno keta Banabasi nenesiyai sina vibwanaoseisiya.

¹⁴ Atu tovanama Banabasi keta Fauno si nowaniya, kasi nuya si kiganiniya atu si dibwana si kanasuna sabu kasi sinefouwai si finafina,¹⁵ “Eiyoi, unaunaki! Avao nofe kwa savisavivinei? Kima o naki namoğamoka maise kwami. Biga dewadewana ka nemiiya neneniyai ebe nofe ibakaokaoğosima naki kwana onovisiya eatu kwana sağavinimiya Guyau na yawasina nenei. Nofe Guyaunama o tanake abama, fwayafwaya be gibo keta yota iba matatafusi sinesiyai kasi tokifufuna.¹⁶ Manatuwaina yasi tovai namoğā matatafusi i kitamokisiya be tututausi yasi nuwanuwai si sağa.¹⁷ Eatu kwa kitiya, kiyakiyaya tamokatamokağı si visawavenena yana nuwadoğā i vivenemokena neneniyai gewa Guyau i fakwafakwa. Bwbawau abamei keta kabwaga kasi tutuya i venevenimiya eketa kabwaga be sebobo nenesiyai katekatemi i vivimaisiya.”¹⁸ Banabasi keta Fauno naki maise yasi kikitana eatu Nisita fiyaosi yawane si kamanamana nuwanuwasi be sina vibwanaoseya nenesiyai.

Fauno Gabanai Si Fonufonya Nisita

¹⁹ Muniyi fiyao Diu Anitiyokiyei eketa Ikoniumuwei si nemiiya keta namoğā yasi nuwanuwa si kaniya eketa Fauno si vikaniyabiniya. Eyo si vikatutamokisiya keta Fauno gabanai si fonufonya. Yasi nuwanuwa vitana naki ita mate eketa si soni-kikinomaniya menana nakasina kuk-wauna.²⁰ Eatu tovanama tomuniyeina tunisi si yokoffiniya, i misiniya eketa i kanasuna-savaviniya menana sinenei.

Kuyadayada venuwanei Fauno keta Banabasi si misiniya keta si niya Debi menana nakasinei.

²¹ Tovanama biga dewadewana nokomai si numamaniya, namoğā yagwanisi si vitomuniya Yeisu fasinei. Eyo si makavinisiya Nisita, Ikoniumu keta Anitiyoki menana nenesiyai Fisidiya yanafafaniyi.²² Menana tamokatamokağı nenei tomuniyeina si vavatonisiya be yasi vitumağana ita fakwafakwa fifiwanina Yeisu nenei si bwadubwaduwa, “Kita kuavava yagwanina sinenei tana kanasuna eyo muniyi Guyau yana kafa visime nenei tana kanasuna.”²³ Eketa ekanesiya tamokatamokağı nenesiyai yasi tokawakawa si ginakasisiya. Eyo kawanunuku keta vikokowana nenei Tuvekanama si vitumağaniya nimanei si tenisiya.²⁴ Noko muninei Fauno keta Banabasi fafanı Fisidiya nenei si vaonota keta si niya Famufiniya.²⁵ Tuveka bigana si numamaniya Fega namoisi nenesiyai eyo si sobuwa Ataniya menana nenei.²⁶ Eyo nokomai wakai si tamana Anitiyoki menana nenei. Nofe menaninama nenei o waniya tovitumağana kawanunukuwai Fauno keta Banabasi Guyau nimanei si tenisiya be sita bunanigeya. Eketa Guyau yana omukumukutana nenei bunanigename naki si nusafuya.

²⁷ Tovanama si kikinomana Anitiyoki, ekanesiya si wenevakukusisiya eketa matatafuna si simana-kikinomana namaise Guyau i savivina yasi bunanige sinenei yota namaise Kani Kwauna kawasasa i venisiya Yeisu

kana vitumaġana fasinei.²⁸ Eketa Fauno be Banabasi tova matanubwayouna nokomai si fakwa tomuniyeina nukusi.

15

Vikanunusifusifufu Yenusanema Nenei

¹ Nofe tovanama nenei tunisi Diu tovitumaġana Yudiyei si sobunemiya Anityoki menana nakasinei eketa si vivisawavenena Kani Kwauna tovitumaġana nenesiyai, si bwadubwaduwa, “Mosese yana visime maise sina nufinimiya. Taki nofe kiyakiyanama muka nenemiyai, nao Guyau muka ina gifafafaneimi.” ² Eatu Fauno keta Banabasi nukusi si ovivigwaeġa nakasina. Na uġuna Fauno keta Banabasi yota tunisi tovitumaġana sinesiyai si vinuwadadanisya sina niya Yenusanema, tonowana keta tokawakawa nenesiyai nofe nuwanuwanama fasinei. ³ Eketa Anityoki ekanesiya si vibiyawasisya keta si visimeisiya yasi ketai. Si vaonota Foenisiya keta Sameniya fafanisima nenesiyai ke'ta tofwanei menana nenesiyai si nunusifufuwisiya namaise Kani Kwauna si vivitumaġana Yeisu nenei. Eketa tovitumaġana matatafusi si sebobowa nakasina biga nofe fasinei.

⁴ Tovanama si kikinomana Yenusanema, ekanesiya keta tonowana be yota tokawakawa si venufotifotisiya. Eyo Fauno keta Banabasi yasi bunanigenama sinenei matatafuna aviyavana Guyau i saviviniṣi, si bwaduwe-kikinomaniya. ⁵ Atu tunisi Fanasi tovitumaġana si misiniya eketa si bwaduwa, “Kani Kwauna fiyaosi tana nufifina keta yota tana visimeisiya be Mosese yana visime sina muniisiya.”

⁶ Tonowana keta tokawakawa si yokowa keta nofe nuwanuwasima fasisiyai si nusifufuwa. ⁷ Si vikanunusifufufuwa matanubwayouna muniyai yo, Fita i misiniya keta i iyavisiya i bwaduwa, “Unaunaku, kwami tututaumi naki kwa sanamaniya manatuwaina Guyau i gibokikuwa sine-miyai ebe biga dewadewana ana numamaniya Kani Kwauna nenesiyai sina nowaniya be Yeisu sina vitumaġaniya. ⁸ Guyau katekate tamokatamokaġa kana tosanamana eketa Kanunu Tafutafuna i kavenena nenesiyai naki maise kita Diu i venita, noko i visawavenena yana giboke. ⁹ Eketa muka tamo namai kana tunina Guyau ita tenei tasike atu kita nenetiyai uġuna yasi vitumaġanai katekatesi i givieyaeiya. ¹⁰ Eketa nofe tova avana fasinei yo Guyau kwa aanuvanuva? Waġawaġata nukusi visimesima nofe muka tata munimuniyeisi atu nofe tova dauna kwa tewetewe-vaneiya tomuniyeina kavanasiyai.* ¹¹ Avi goyo! Kima ka vitumaġaniya Tuveka Yeisu yana omukumukutana nenei gifafafana ta nisaiya. Naki maisemoka yota tasike Kani Kwauna.”

¹² Sabu matatafusi si numananava atu si vaneneġa Banabasi keta Fauno si nusifufuwa namaise yasi bunanige sinenei Guyau kiyakiyya kafa nuwatabau i saviviniṣiya Kani Kwauna nenesiyai fasinei.

¹³ Tovanama Banabasi keta Fauno si nusifufukoġa, Yemesa i iyavisiya i bwaduwa, “Unaunaku, kwa vaneneġeiku!

¹⁴ Fita naki i givimayeta nenetiyai namaise Guyau nauna i visawavenena yana vinuwadadana Kani Kwauna fasisiyai eketa tunisi i gibokisiya tauna

15:1 Visime Tafu 12:3 **15:7** Bunanige 10:1-43 **15:8** Bunanige 10:44, 2:4 * **15:10** Mosese yana visime kana yagwana 613. Diu fiyaosi visime tunina yagwanina si vinuwadadanisya eketa si vikutatamokija Mosese yana visime nukusi avage tamo nenei. Tam tova noko visimesima fasisiyai si bwadubwaduwa maise digwana vikaina (Ganetiya 5:1). Yeisu kana digwana o tunina (Madiu 11:28-29).

yana namonamoğā. ¹⁵ Guyau yana tomatakawa si bwaduvioğoniya naki maisemoka yota i kikinomana i bwadubwaduwa,

¹⁶ *Deividia nifanifaina yana kafa visime si givigoyuya.*

Eatu ana savavinikuwa

keta ana yona-savaviniya

be yota ana givifiwaniya.

¹⁷ *Ebe namoğā tufotufo kana nufota Tuveka sina nuwasiya
yota Kani Kwauna aviyaonana kaku wawai sina nemiya,*

Tuvekanama i bwadubwaduwa maise yota ina saviviniya.’

¹⁸ *Eatu kana sanamana o manatuwaina nunuvisineinana.”*

¹⁹⁻²¹ Eketa yota Yemesa i nusaviya i bwaduwa, “Tova nubwayouna menana tu menana nenesiyai, Moses yana visime Sabati tamokatamokağā si giginağanağā keta yota si nunumamaniya numa kafa yokoyoko sinesiyai. Nofe fasinei iyau yaku vinuwadadana o kita muka tana gividauniya Kani Kwauna fiyaozi aviyaonana naki si sağasağavinisiya Guyau nenei. Eatū naki nufunufu tata vininitiya nenesiyai be ita gisawakedanisiya ebe avi viyo kifukifufuna nenesiyai si vibwanaoseiiya muka sina kaniya. Eketa yota muka sina kudokaokaoğō. Muka yomuyomu kayona kikidubina sina kaniya. Yota muka ufaufa sina yumiya.”

Nufunufu Kani Kwauna Tovitumağana Fasisiyai

²² Eketa tonowana be tokawakawa keta ekanesiya matatafusi Yemesa yana givisawakedana si visawadewedewiya. Eketa toviketanuneina namoğā nuwesi, Yudasa kana wava kana vinuwa Basabasi keta Sainasi, tututausi sinesiyai si gibokisiya. Eketa si visimeisiya Fauno keta Banabasi nukusi sina niya Anitiyoki be yasi vinuwadadanamokena maise sina matakawisiya. ²³ Si vininitisiya nufunufu nukusi sinenei i bwadubwaduwa maise.

“Kima unaunami tonowana keta tokawakawa, yama nuwagabubu kwami Kani Kwauna tovitumağana kwa fakwafakwa Anitiyoki, Siniya keta Sinisiyafafanisima nenesiyai.

²⁴ Nofe biga ka nowaniya o tunisi namoğā sinekiyai muka yama sawateweyleina nenei atu si nemiya nenemiyai keta avana si iyavimiya, yami nuwanuwa si gividaunisiya. ²⁵ Na fasinei ka nusifufuwa keta ka visawadewedewiya keta namoğā ka gibokisiya eketa ka visimeisiya nenemiyai unaunata goyosi Banabasi keta Fauno nukusi. ²⁶ Namoisima yawasisi kafa sinæ nenei eatu kunuwaneina nenei, si vitobunanigeya Tuveka Yeisu Togifafafana Gigibokeinana kana wava fasinei. ²⁷ Na fasinei Yudasa keta Sainasi ka vivisimeisiya nemiyai na nima nufunufusi ebe avana sina bwaduwuya kawasiyai sina visawanemokeniya.

²⁸ Kanunu Tafutafuna keta yota kima yama vinuwadadana o muka vitana gisawakedana yagwanina, eatu naki nofemaiseğā o muka kwana fufunisi. ²⁹ Avi viyo kifukifufuna nenesiyai si vibwanaoseiiya, muka kwana kaniya. Muka ufaufa kwana yumiya. Muka yomuyomu kayona kikidubina kwana kaniya. Muka kwana kudokaokaoğō.

Taki visime nofe kwata kitavikaviniya, nao dewadewana. Oiyoo.”

³⁰ Eketa namoğamokesi si visimeisiya Yenusanemei keta si sobuwa Anitiyoki. Nokomai ekanesiya si wenevakukusisa keta nufunufunama si venisiya.³¹ Tovanama si ginağanaiya, si sebobowa nakasina yana bwadugivifiwana fasinei.

³² Yudasa keta Sainasi tututausi o tomatakawa keta bwadubbwadu nenesiyai si givikatevatusiya yota yasi vitumağana si givifiwaniya.³³ Noko muninei Anitiyoki si fakwa kuyadayada kawaviyamoka, eyo ekanesiya si visimeisiya keta na yasi nuwatakabonu atu si makavinisiya Yenusanema ekanesiya nenesiyai.[†] ³⁵ Eatu Fauno keta Banabasi si fakwa Anitiyoki, tunisi namoğ sabu nukusi si vivisawavenena yota si nunumamana Tuveka Yeisu fasinei.

Fauno Keta Banabasi Si Venusisina

³⁶ Kuyadayada kawaviya muninei Fauno Banabasi i iyaviya i bwaduwa, "Unaku, tata makavinita be unaunata tata venufotisiya namai nauna Tuveka Yeisu bigana ta numamaniya menanasima matatafunu nenesiyai be ta kitaisi namaise yasi dibwadibwana."³⁷ Banabasi i vinowana eketa nuwanuwana Yoni Maka ita oviya nukusi.³⁸ Atu Fauno muka ita visawadewadewi sina ovai uğuna nauna yasi kamudadana nenei muka nukusi sita fakwa kana nivaniva kafa nusafu, eatu Famufiniya yanafafaniyi i venumakanovisiya.³⁹ Nofe fasinei Fauno keta Banabasi si vibanasiya eketa si venusisina. Banabasi Maka i oviya keta wakai si niya Saifunusi simuna nenei.⁴⁰ Eatu Fauno o Sainasi i gibokiyeketa tovitumağana si yokowa keta Tuveka yana omukumukutana nenei si tenisiya eyo si gionovisiya.⁴¹ Eketa Siniya be Sinisiya yasi fafani nenesiyai si kamudadana eketa ekanesiya si vavatonisiya.

16

Timoti, Fauno Keta Sainasi I Tuyanomwanisiya

¹ Fauno keta Sainasi si niya Debi menana nakasina nenei eyo si niya Nisita menana nenei. Tamoka tomuniyeina kana wava Timoti nokomai i fakwafakwa. Ayona o ne Diu tovitumağana eatu amana o tene Ginisi.

² Tovitumağana Nisita keta Ikoniumu nenesiyai Timoti si kitavaneiya.

³ Fauno nuwanuwana Timoti nukusi sina niya na fasinei i nuffifiniya. Nofe i saviviniya uğuna fiyao Diu noko menanisima nenesiyai si fakwafakwa, matatafusi si sanamaniya vitana Timoti amana o tene Ginisi.⁴ Fauno, Sainasi keta Timoti si niya menana tamokatamokağı nenesiyai Kani Kwauna tovitumağana si iyavisiya avana tonowana keta tokawakawa Yenusanema si vinuwadadanisiya ebe sita muniisiya.⁵ Eketa ekanesiya yasi vitumağana i fiwanamoka keta kuyadayada tamokatamokağı, kasi nağā i kekeno-vanevaneya.

Fauno Kana Kenokita

⁶ Fauno unaunana nukusi Kanunu Tafutafuna i sawatanisiya Guyau yana bwadu kana yauneina Eisiya sinenei na fasinei si fanakwaniüğa Finigiyi keta Ganetiya kawakawanasisma nenesiyai.⁷ Tovanama si nemiya Maisiya fafani kana nabaonota nenei, si anuvanuva be Betiniya fafaninama nenei sina kanasuna eatu Yeisu Kanununa muka ita sawateweysi.

⁸ Eketa si tamana Maisiya yana fafaniyi eketa si sobuwa Tonowasi menana nakasinei.

[†] **15:33** Tunisi viginiwa nenesiyai o kana nukisi 34 si nunatuya. Atu Sainasi i vinuwadadanadana femai ina fakwa. **15:38** Bunanige 13:13

⁹ Eketa noko nuwabunana nenei Fauno i kenokita. Kenokitanama nenei i kitiya tene Masedoniya i misimisiniya atu i nunukeketiya i bwadubwaduwa, “Ku tamananemai Masedoniya ebe ku oviviteiki.” ¹⁰ Eketa Fauno kana kenokita muninei naki na tovanama nenei ka gidewadewa kana toga Masedoniya fasinei. Noko nenei ka sanamaniya Guyau i vivisimeikiya be biga dewadewana kana numamaniya noko fiyao sima nenesiyai.

Fauno I Niya Finifai

¹¹ Eketa wakai Tonowasi menana nakasina ka teweiya atu dawaniniina ka niya Samotenesi simuna nenei. Eketa kuyadayada kana vinuwa nenei ka niya Neyafonisi menana nenei. ¹² Nokomai yo kaeyai ka niya Finifai. Menana noko na kana wava kawakawana Masedoniya Noma fiyao si fakwifakwiya nenei. Finifai ka fakwa kuyadayada matayagwanina.

¹³ Ka fakwafakwa atu Sabatiyi menana ka teweiya atu ka kikinomana keta ka niya ukowai yama nuwanuwa vitana nokomai tamo kawanunuku kana kabaغا kata nisaiya. Eatunisi vivine si yokowa kawanunukuwa fasinei eketa ka nufitoga keta ka nusifufuwisiya Yeisu fasinei. ¹⁴ Gumayogu tamokaغا si vanevaneneikiya o tasike Kani Kwauna kasi wava Nidiya ne Tayatina. Tasike nuya yabeyabena-fofonina si vivikimwaneina. Tasike Guyau nenei si kodukoduwa eketa Tuveka katekatesi i yaya nenei keta Fauno yana sifufu si nowanaututuya. ¹⁵ Nidiya kasi givibutabuta na yasi sabu nukusi muninei, si katuvikiya yasi numai atu si bwaduwa, “Taki kwa sanamaniya kima Tuveka kana tovitumaqana, kwata nemiya yama numai tata fakwa.” Nuwataki si kanya eketa ka niya yasi numai.

Fauno Keta Sainasi Deniyai

¹⁶ Tamoka tova ka niniya kawanunuku kana kabaغا eatu tamoka kaetoga kakaabana i venusaikiya. Kanunu goyon i nuwafiya keta i kanakanaveneveniya be tova munina avana sina kikinomana fasinei i nunusifufuwina. Toniwaga gabana nakasina si viviya noko ketaketanama nenei. ¹⁷ Fauno nukusi i muminuyedadanikiya atu i bwaubwauwa, “Oi, kwa kitaisi! Nofe namoisima o Guyau Etanemokenei yana tobunanige. Gifafafana kana ke’ta si nunumamanimiya.”

¹⁸ Kuyadayada yagwanina tamoka fufuinama i niiya kana nivaniva Fauno dibuna i toyoغا. I sagaviniya gumayogu nenei eketa kanunu goyon i iyaviya, “Yeisu Togifafafana Gigibokeinana kana wavai a nunuyakayakanawa gumayogu ku gionovei!” Keta naki tovanama nenei, kanunu goyon i teweiya.

¹⁹ Tovanama toniwaga si kitanisaiya vitana yasi gabana kana ke’ta naki i kaonosiya, Fauno keta Sainasi si givikavinisiya eketa si sinakanikanisiya si niisiya kafa vivitamaneina kana kabaغا ebe tovisime matasiyai sina misiniya. ²⁰ Tovanama si niisiya tovisime nenesiyai, si bwaduwa, “Nofe namoga o fiyao Diu, yata menana sinenei vikasanegwanegwa si gigikikinomaniya namoga nenesiyai. ²¹ Sanunama kita fiyao Noma nenetiysi muka kana sawateweyeina O si vivisawavenena.”

²² Sabu i kanakasisiya keta Fauno be Sainasi si vibutusiya. Tovisime yasi tonuaviya si iyavisiya si bwaduwa, “Kasi nuya kwa kiganini be kaiyai kwa kanuwa-tamatamaneina.” ²³ Si munusiya nakasina yo muninei deniyai

si tewekanasunisiya eyo tokitavikavina si visimeiya be ina kitavikavina-dewadewisiya.²⁴ Eketa deni sinenemokenei i tenisiya keta kai daudaunisi nuginibusi nenesiyai kaesi i vikanakuma.

²⁵ Nuwabuna sinefouna sasana Fauno keta Sainasi si kawakawanunuwa keta si oseosedavadava Guyau nenei eatu deni sinenei finisina matatafusi si vanevaneneisiya.²⁶ Eketa naki noko tovanama nenei nikuniku fifiwanina i dibwana keta deni kana yafani i nikuniya. Deni kana kawa matatafusi i kayausiya yota finisina kasi seni si kamwanumwanuwa.²⁷ Tovanama tokitavikavina i kenoviniya keta i kitiya deni kasi kawa kakayausi, i nuwanuwa vitana finisina sita dibwana eketa yana feto i soniyaginiya be tauna ita nuvimiatiya.²⁸ Eatu Fauno i fina, “Oi, muka taugu kuna givigoyou! Kima matatafuki o weka!”

²⁹ Eketa tokitavikavina i bwauwiya toovivita kimayeta fasinei eketa i mataboġana i kanasuna deni sinenei namai Fauno keta Sainasi si fakwafakwa nenei. Na yana matuta keta i akikinikuna atu nausiyai i koduwa.³⁰ Eketa i kikinomanisiya keta i kawanunukuwisiya, “Ae amamaku, avamasi ata fufuniya be gifafafana ata nisāgai Guyau nenei?”

³¹ Eketa si nufata si bwaduwa, “Ku vitumaġana Tuveka Yeisu nenei be ina gifafafaniwa maise yota ya sabu.”³² Eketa Tuveka bigana si nusifufuwiya nenei eketa yota sabu matatafusi yana numa sinenei.³³ Nuwabunana nenei deni kana tokitavikavina Fauno keta Sainasi i niisiya keta kasi gikona i kigona. Muka mwanenena tu yana sabu matatafusi nukusi si givibutibutisiya.³⁴ Eyo deni kana tokitavikavina i kanasunisiya yana numai keta i vibiyawasisiya. Yana sabu matatafusi nukusi si sebobowa nakasina uġuna naki Guyau nenei si vitumaġana.

³⁵ Tova i katakiya nuwabuni, menana nakasina kana tovisime yasi tonuaviya si visimeisiya deni kana tokitavikavina kana matakawa si niiya namoġa kasi ketoyau fasinei.

³⁶ Eketa tokitavikavina Fauno i iyaviya i bwaduwa, “Tovisime bwadu si vininitiya nenekuwai be Sainasi nukusi ana gionovimiya fasinei. Nofe tova kwa noġokawawa na yami nuwatakabonu.”

³⁷ Eatu Fauno tonuaviya nenesiyai i bwaduwa, “Muka tamo kana goyonia sita kitai nenekiyai eatu sabu matasiyai si kimunuwa keta yota deniyai si tenikiya. Eatu kima o Noma tufuwina! Eketa yota nofe tova, avage nukamumunai sina vikikinomanikiya. Mukamokena! Kwana iyavisija tovisime tututausi sina nemiyanofemai keta deniyai sina kikinomanikiya.”

³⁸ Eketa tonuaviya si makavinisiya tovisime nenesiyai keta Fauno fonna si yauya. Tovanama tovisime si nowaniya vitana Fauno keta Sainasi o fiyao Noma, si matuta.³⁹ Na fasinei si niya Fauno keta Sainasi nenesiyai eketa si vikokonisiya kasi vinuwateweyeina fasinei. Eyo deniyai si kikinomanisiya keta si kamanemanisiya be menana sina teweiya.⁴⁰ Fauno keta Sainasi deniyai si kikinomana keta si niya Nidiya yasi numai keta nokomai tovitumaġana nukusi si vikaninisāga keta si vatonisiya Yeisu kana vitumaġana fasinei, eyo menana si teweiya.

17

Fauno Keta Sainasi Tesanonaika Sinenei

¹ Fauno keta Sainasi, Finifai si teweiya atu si niya Amuffifonisi keta Afononya menana nakanakasisi nenesiyai eketa si kikinomana Tesanon-aika menana nakasina nenei. Noko menananama nenei, numa kafa

yokoyoko i fakwafakwa fiyao Diu fasisiyai. ² Eketa Fauno manatuwaina naki kana iduwa maise eketa Sabati tonusi fiyao Diu yasi numa kafa yokoyoko sinenei i kanakanasuna, eketa Guyau fonakituna nenei namoغا nukusi si vivikanunusifusifufuwa. ³ Guyau fonakituna kasi sanamana i gigivimayeta nenei o i tewetewetutuya nenesiyai vitana Togifafafana Gigibokeinana o kana nufotamoka be ina kuavvana keta ina mateya eatu yota ina misini-savaviniya. Eketa Fauno i iyavisiya i bwaduwa, “Yeisunama nofe a nunusifufuviya nenemiyai o Togifafafana Gigibokeinamokena.” ⁴ Fauno yana sifufuwai tunisi Diu nuwatasi i kaniya. Maise yota Ginisi namoisi Guyau kana tokodukodu o sabuvekamoka yota vivine nakanakasisi o muka tonusi, eketa Fauno be Sainasi si visabutamokisiya.

⁵ Atu Diu tunisi si sinegoyowa uđuna namoغا yagwanisi Fauno yana bwadu si vitumađaniya na fasinei tonikaokođo si nuyiyokoyokowa kafa vitamaneina kana kabađai, eketa nukusi vigwaeđa si vibutuya. Si dibwana si niya Yeiseni yana numai keta yana numa kana kawa si yakweniya. Si kanasuna sinenei Fauno keta Sainasi si nuwasisiya be sita kikinomanisiya yokoyoko nenesiyai. ⁶ Atu tovanama si nuwasawayosisiya, Yeiseni keta tovitumađana tunisi nukusi si givikavinisiya keta si sinakanikanisiya si niisiya menana nakasina kana tovisime nenesiyai, si finafina atu si bwadubwaduwa, “Nofe namođasima o fwayafwaya kana matatafu nenei goyona si gigikikinomanisiya eatu nofe tova yota si nemiya yata menana nenei. ⁷ Eatu Yeiseni i katuvisiya yana numai. Matatafusi tufomu Sisa yana visime si yakweyakweniya avage si bwadubwaduwa o yota tamo tufomu kana vinuwa kana wava Yeisu.”

⁸ Tovanama menana kana tovisime keta sabuveka bwadu nofe si nowaniya, si kayokuđa venemokena. ⁹ Eketa tovisime si nuyakayakanisiya Yeiseni keta tunisi tovitumađana eketa gabana nakasina si nufata ebe yo muka goyona tamo yota ina kikinomana, eyo si gionovisiya keta si niya.

Fauno Keta Sainasi Beneya Sinenei

¹⁰ Noko nuwabunanaama nenei tovitumađana si visimeisiya Fauno keta Sainasi si niya Beneya. Tovanama si kikinomana nokomai, si niya Diu yasi numa kafa yokoyoko nenei. ¹¹ Beneya fiyao yasi fufuna muka maise fiyao Tesanonaika. Beneya fiyao si nuwanuwamokesi be biga dewadewana sina vanevaneneiya. Kuyadayada tamokatamokađa Guyau fonakituna nenei si kitakitavinanuwa taki avana Fauno i bwadubwaduwisiya o venemokena. ¹² Nofe nenei fiyao Diu yagwanisi si vitumađana Yeisu nenei, maise yota Ginisi vivine keta namoغا nakanakasisi.

¹³ Atu tovanama fiyao Diu Tesanonaika sinenei naki si sanamaniya vitana Guyau fonana Fauno i nunumamaniya Beneya sinenei, tasike yota si niya nokomai keta namoغا si visimwanakasisiya ebe Fauno sina nuwagoyowiya. ¹⁴ Tovitumađana omatakayakayakanai Fauno keta tovitumađana tunisi nukusi si visimeisiya si niya gibowai, atu Timoti keta Sainasi si fakwa Beneya. ¹⁵ Namođasima Fauno kaena si kwafuya si niiya kana nivaniva Etenisi menana nenei si vanoviya. Eyo si makavinisiya Beneya, Sainasi keta Timoti kasi matakawa vitana sina venudibwana be sina niya Fauno nenei.

Fauno Etenisi Nenei

¹⁶ Fauno yawane Etenisi nenei Sainasi keta Timoti i fotifotisiya atu kaivakuku yagwanisi nokomai i kitisiya eketa nuwanuwa i munuya. ¹⁷ Na fasinei numa kafa yokoyoko sinenei i vibutuwa i gigisawakedana fiyao Diu

nenesiyai keta yota Kani Kwauna aviayaonana Guyau kana tokodukodu nenesiyai. Yota kuyadayada tamokatamokağa i niniya kafa vitamaneina kana kabağai eketa aitevana tamo nokomai i ninisaiya, na naki nukusi si vivikanunusifusifufuwa.

¹⁸ Sinesiyai o Efekuniyani eketa Sitoiki tovisawavenena. Fiyaosima o Fauno nukusi si vikawabwadubwaduwa. Fauno i nunumamana biga dewadewana Yeisu fasinei eketa yota tomate yasi misini-savavineina fasinei. Eketa tunisi tututausi nenesiyai si vikanunutoniya si bwaduwa, "Avamasi nofe kawana yafayafana i aanuvanuva be ina bwaduwei?" Tunisi si bwaduwa, "Kana kita kamo yana iduiduwa fasisiyi i nunusifufuwa."

¹⁹ Eketa Fauno si katuviya yasi kafa yokoyoko kana kabağai kana wava Aneofagusi eketa si iyaviya si bwaduwa, "Nuwanuwaki kata sanamaniya, avi visawavenena masi nofe kiouna ku bwadubwaduwei?" ²⁰ Iba tunisi ku bwaduwisiya o kima muka tamo tova kata nowananuvanuvaisi na fasinei kasi sanamana kuta givimayesikiya." ²¹ Nokomaise si bwaduwa uğuna Etenisi namoisi keta yauyauna nokomai si fakwafakwa, tova matatafunu nuwanuwasi be sina vanevaneneğä ketaketa kiousi be fasisiyi sina nunusifufuwa.

²² Eketa Aneofagusi kawakawa nausiyai Fauno i misiniya keta nenesiyai i bwaduwa, "A kitiya kwami Etenisi fiyaomi yami kodukodu kasi vifotu o kasi ketaketa tuninatunina nenesiyai. ²³ Nofe a bwaduwuya uğuna yaku nidadana menana nakasina nenei o yami kafa kodukodu a kitisiya. Eketa yami didığa tamokağa nenei o kwa ginivaviya i bwadubwaduwa, 'Guyau muka kata sanamanei, reneweü ka vivifotuwa.' Kwami muka Guyaunama kwata sanamanei atu nenei kwa kodukoduwa fasinei, nofe tova ana iyavimiya.

²⁴ Guyaunama o fwayafwaya keta iba matatafunu sinenei i fufunisiya. Tanake o abama keta fwayafwaya kasi Tuveka keta muka numa kodukodu namoğa yasi kikiyona nenesiyai ita fakwafakwa. ²⁵ Eketa tanake o mukamokena tamo namoğa yasi ovivita fasinei ita nuwanuwa. Uğuna tanake tauna o namoğa yawasisi keta iba matatafunu i venivenisiya. ²⁶ Kafa viuğuwai namoğa tamokağa i fufuniya keta namoğanama nenei sabu si kikinomana keta nofe tova fwayafwaya kana matatafu nenei si fakwafakwa. Tanake yota tova i tenisiya yota kabaga kasi niva i dawana be kabagasisi nenesiyai sina fakwa.

²⁷ Iba nofe i saviviniya ebe namoğa Guyau sina nuwasiya. Ebe kamo yasi nuwasai sina nisaiya. Atu tanake muka tamo sasanei kita tamokatamokağa nenetiysi. ²⁸ Tamo toviginwi i bwaduwa, 'Tanakema nenei yota fakwafakwa keta ta savisavivina eketa ta mudamudadava.' Eketa maise yota tututauri yami toviginwi i viginwiya i bwadubwaduwa, 'Kita o natunatuna.' ²⁹ Bwdadu venemokena, kita o Guyau natunatuna. Na fasinei muka tata nuwenuweisi vitana Guyau kana kikitana maise kifukifufuna namoğa si giniginivavisiya gonudi o siniva o gabana nenesiyai.

³⁰ Tova manatuwaina namoğa muka Guyau sita sanamanei na fasinei i kitateweiysi. Eatü nofe tova fafani matatafunu nenesiyai namoğa i nunutunitunisiya be sina ugevinisiya yasi fufunagoyo nenesiyai. ³¹ Uğuna tanake tova naki i tenesiysi keta i vinuwadadaniya avi tovai venemokena nenei namoğa ina nuvisita. Namoinama naki i gibokiya be ina nuvisiya kana matanabobotai. Visawavenemokena kana kiyakiyaya i fufuniya tovanama namoğanama mateyai i sinaviyawasiya."

³² Tovanama namōga si nowaniya Fauno yana sifufu misini-savavineina fasinei, tunisi si sawaviniyya, eatu tunisi si bwaduwa, "Kima nuwanuwaki be yota nofe fasinei tamo tova kuna nusifufuwe-savavinya."

³³ Eketa Fauno yoko noko sinenei i kikinomana keta i niya.³⁴ Eketa namōga tunisi si muniyya Fauno keta Yeisu si vitumāganiya. Yokonama sinesiyai o Aneofagusi kana tovisime tamokāga kana wava Dionaisiosi yota gumayogu tamokāga kasi wava Damanisi keta yota tunisi namōga.

18

Fauno I Niya Kononita

¹ Nofe muninei Fauno Etenisi menana nakasina i teweiya atu i niya Kononita. ² Nokomai tene Diu i venusaiya kana wava Akwina. Tanake tonimenana Fonutusi nenei, kakimokimoki Itaniyei na kawana Finisika nukusi si nemiya. Ūguna Noma kana tufomu Konodiyasi Diu matatafusi i iyavisiya be Noma sina teweiya.* Na fasinei Fauno i niya be ina kitisiya. ³ Tasike o vada kasi tokifufuna yomuyomu kwafinisi nenei naki maise Fauno, eketa nukusi si fakwa atu si mudadava. ⁴ Kuyadayada Sabati tamokatamokāga Fauno numa kafa yokoyoko nenei Diu keta Ginisi fiyaosi nukusi si vivikanunusifusifufuwa. I aaunuva be nuwatasi ina kaniya be Yeisu sina vitumāganiya.

⁵ Tovanama Sainasi keta Timoti Masedoniyei si sobunemiya Kononita nenei, Fauno vada kana mudadava i teniya atu tova matatafunu i nunumamana Diu nenesiyai i bwadubwaduwa, "Yeisu o tanake Guyau i gibokiyi Togifafafana Gigibokeinana." ⁶ Atu tovanama Diu si dibutoyōga keta Fauno si sawavigoyowiya, i nubutuya kafusisima kana nuya nenesiyai keta i bwaduwa, "Taki Guyau ina vivimatadawanimiya, nao kwami kami kuvana. Tututaumi kwa vinoimi eatu muka iyau kwana vinoiku. Nofe tova keta i niniya, Yeisu bigana ana niiya be Kani Kwauna nenesiyai ana numamaniya."

⁷ Eketa Fauno numa kafa yokoyoko i teweiya keta i niya namōga kana wava Taitiyusi Yasitusi yana numa nenei. Gwadinama o Kani Kwauna eatu Guyau kana tokodukodu. Yana numa o i misiniya numa kafa yokoyoko niniunei. ⁸ Numanama kafa yokoyoko kana toviketanuneina o Kinisifasi, kana sabu matatafusi nukusi yana numa nenei Tuveka si vitumāganiya. Yota yagwanisi namōga Kononita sinenei aviyaonana Fauno yana biga si vaneneiya, si vitumāgana keta si givibutibutisiya.

⁹ Nuwabuna tamokāga Fauno kana kenokita nenei Tuveka i nusifufuviya i bwaduwa, "Muka kuna matuta! Muka kuna numananava eatu nusifufu kuna tenesaviya!" ¹⁰ Iyau kwāga nukusi eketa muka tamo aitevana ina munuu o ina givigoyou. Ūguna namōga yagwanisi menana nofe sinenei o Iyau yaku namonamōga." ¹¹ Eketa Fauno nokomai i fakwa manamana tamokāga keta yamayamana 6, Guyau yana biga namōga nenesiyai i gigisawakedana.

¹² Tovanama Noma toviketanuneina Ganiyo si ginakasiya eketa fafani Akaiya sinenei i vitovisimaya kana tovai, Diu tunisi si vikatutamokisiya keta Fauno si vikaniyabiniya eketa si niya nofe tovisimenama nenei kafa vifonayau kana kabāgai. ¹³ Si vinoiya si bwaduwa, "Nofe namōganama o

* **18:2** Noma menana o Noma yana kafa visime nakasina venemokena Itani yana fafaniyai. A.D. 49 nenei nokomai vikasanegwanegwa nakanakasisi Noma sinenei na fasinei tufomu Konodiyasi Diu namois i vikikinomanisiya.

namoğā nuwatasi i kanikaniya eketa Guyau kana kodukodu fasinei muka visime sita munimuniyei.”†

¹⁴ Atu noko tovanama nenei Fauno kawana i nakanakiya be ina nusifufuwa, ava Ganiyo i bwaduwa, “Kwami Diu fiyaomi, namoğā nofe avi goyona o avi fufuna tamo goyomataina i savivinei, eyo iyau yami sifufu ana vaneneğei? ¹⁵ Nofe o naki kwa ovivigwaeğä avage bwadubwadu be wava keta yota tututaumi yami visime fasisiyai, eketa tututaumi kwa gidawadawaniniyei. Ibasima nofe nenesiyai naki a dibutoyoga.”

¹⁶ Eketa kafa fonayau kana numei i vikikinomanisiya. ¹⁷ Eketa sabu matatafusi Sosideni si givikaviniya, tanake o numa kafa yokoyoko kana toviketanuneina tamo, eketa kafa fonayau kana wasiketai si navinaviya. Eatu Ganiyo i kitaisi yo i toğakaokaogowa.

Fauno I Makaviniya Anitiyoki

¹⁸ Fauno i fakwa Kononita tovitumağana nukusi kuyadayada yagwanina muniyai yo, i teweisiya eatu Finisika keta Akwina nukusi si niya menana Kenikiniya nenei. Nokomai Fauno tamokağā namoğā i iyaviya keta kunukununa i totuya vitana i vikiyakiyaya gewa yana bwadudabadaba Guyau nenei naki i saviviniya. Eketa Fauno, Finisika keta Akwina wakai si toğā keta si sinanakatafafani Siniya fasinei.

¹⁹ Si tamana keta si kanasuna Efeso. Fauno nokomai Finisika keta Akwina i tenisiya atu i kanasuna numa kafa yokoyoko nenei fiyao Diu nukusi si vivikanunusifufuwa. ²⁰ Fiyao Diu Fauno si vikokoniya be nukusi sina fakwa matanubwayouna, atu i dibutoyoga. ²¹ Atu yana nai nenei i iyavisiya i bwaduwa, “Taki Guyau ina sawateweikuwa maise, ana makavinikuwa nenemiyai.” Eketa tamo waka nenei i toğā keta Efeso i teweiya. ²² Tovanama i saniniya Sisanoya, i vaneya Yenusanema eketa ekanesiya i venufotisiya eyo kavananei i sobuwa Anitiyoki.

²³ Tova bwatana nenei tovitumağana nukusi si fakwa Anitiyoki, muninei i fanakwaniüğä i niya menana tu menana Ganetiya keta Finigiya fafanisima nenesiyai tomuniyeina matatafusi i vavatonisiya.

Afonosa Na Yana Katevatu I Numamana Efeso

²⁴ Tene Diu tamokağā kana wava Afonosa, tanake o tonimenana Anekisenidiya Itifita yana fasaniyai, i niya keta i kikinomana Efeso menana nenei. Tanake tonusifufu dewadewana keta yota Guyau yana bwadu i sanamana-budowanemokiya. ²⁵ Namogā tunisi yasi visawavenena Tuveka yana Ke'ta fasinei nuwatana i viya eketa yana visawavenena nenesiyai i nusaitetemoka Yeisu fasinei. Atu Afonosa o sanasanamanina Yoniğā yana givibutabuta fasinei. ²⁶ I vibutuwa keta i nusifufuwa na yana katevatu numa kafa yokoyoko sinenei. Tovanama Finisika keta Akwina si nowaniya yana nusifufu, si katuviya yasi numai eketa nuwatana si tanakakikakiniya Guyau yana Ke'ta avana muka ita sanamaneisi fasisiyai.

²⁷ Keta noko tovanama nenei Afonosa nuwanuwana be ina niya Akaiya yana fasaniyai be ina numamana, tovitumağana Efeso sinenei si sawakatevatuwa yana savivina fasinei eketa nufunufu tamokağā si viginiwiya tomuniyeina nenesiyai Akaiya sinenei be si matamatatakawisiya

† **18:13** Nofe Diusima si bwadubwaduwa avage Fauno muka ita vivisawavenena vitumağana kana venemokena avana Noma yana visime i sawateweina maise, atu si bwaduwa tanake ketaketa kiouna i vivisawavenena avana Noma yana visime muka ita sawateweysi, eketa nuwanuwasi be Noma kana tovisime Fauno ina vimatadawaniya. (Bunanige 16:20-21 keta 17:7) **18:18** Gi-nağanağā 6:18

vitana Afonosa sita venufotefoti. Tovanama i kikinomana nokomai, aviyaonana waniya tovitumağana Guyau yana omukumukutana nenei i ovivitisija nakasina.²⁸ Tamokağa ketaketa i saviviniya o vikawabwadubwadu fifiwanisi nenesiyai fiyao Diu i vatanisiya sabu yagwanisi kasi manawasasai. Guyau fonakituna nenei i misiniyu tu i nusifufuwiya vitana Yeisu o tanake Togifafafana Gigibokeinamokena.

19

Fauno I Niya Efeso

¹ Noko tovanama nenei Afonosa o Akaiya yana fafaniyai Kononita menana nenei, Fauno o uwama kana ke'ta kuveyaina i vaonota keta i kikinomana Efeso. Nokomai tunisi tomuniyeina i venusaisiya.² Keta i nutoninuvenuvisiya i bwaduwa, "Kwami Kanunu Tafutafuna kwa viya tovanama kwa vitumağana Yeisu nenei?"

Eketa si nufata nenei si bwaduwa, "Muka, kima muka tamo kata nowaniya Kanunu Tafutafuna fasinei."

³ Eketa Fauno i bwaduwa, "Taki nanemaise, o avi givibutabuta kwa vai?"

Eketa si nufata, "Givibutabutanama Yoni i visawavenena namoğa nenesiyai."

⁴ Eketa Fauno i bwaduwa, "Yoni namoğa i givibutibutisiya be ina vikiyakiyaya vitana yasi fufunagoyo nenesiyai naki si ugevinisiya. I iyavisiya tasike sita vitumağana tanake aitevana munifotai i nenemiya nenei, tanake o Yeisu."

⁵ Namoğa Fauno yana bwadu si nowaniya eketa i givibutibutisiya Tuveka Yeisu kana wavai.⁶ Tovanama nimana debabousiyai i dawana, Kanunu Tafutafuna i vimaisiya keta si vibutuwa si nunusifufuwa meya tuninatunina nenesiyai yota Guyau fonana si bwadubwaduvioğona.⁷ Namogamokesi o kasi yagwana 12.

⁸ Yamayamana tonusi sinesiyai tova matatafuna Fauno i niniya numa kafa yokoyoko nenei na yana katevatu i nunusifufuwa fiyao Diu nenesiyai be nuwatasi ina kaniya Guyau yana kafa visime fasinei.⁹ Atu tunisi debabousi si gua keta muka Guyau fonana sita vitumağanei, eketa iba goyosi si bwadubwaduwisiya namoğa nenesiyai Yeisu yana Ke'ta fasinei eketa Fauno i venuteweisiya. Eatu tomuniyeina i ovisiya keta si niya Tinanus i yana kafa visawavenena kana numa nenei. Nokomai tovata tova si vivikanunusifufuwa Guyau yana kafa visime fasinei.¹⁰ Fauno i saviviniya nokomaise kana nivaniva manamana nuwesi, eketa matatafusi fiyao Diu be Kani Kwauna si fakwafakwa Eisiya yana fafani nenei Tuveka yana bwadu si nowaniya.

Sikeva Natunatuna

¹¹ Keta Fauno yana bunanige nenesiyai Guyau kafa nuwatabau nakanakasisi i saviviniysi. ¹² Nuya bidimisi Fauno i nunusikonisiya si niniina keta tovanama tovisafwavinağanuyasima si gigisikonisiya, kasi katona si kakakaviya keta si bwinabwina yota kanunu goyosi si nuwafisiya si gionovisiya.

¹³ Diu tunisi tasike aviyaonana si niya menana tu menana nenesiyai kanunu goyosi si nunukakisiya namoğa sininisiliyai yota si aanuvanuva be Tuveka Yeisu kana wavai sita savivina keta namoğa kanunu goyosi nenesiyai si bwadubwaduwa, "A vivisimeiwa Yeisu kana wavai namoinama

Fauno i numamaniya, ku gionovei.”¹⁴ Tene Diu tamokaġa tovibwanaose kasi toviketanuneina kana wava Sikeva natunatuna namoġa kasi 7. Tasike yota avage si aanuvanuva kanunu goyosi namoġa nenesiyai si nukakisiya.¹⁵ Tamoka tova avage kanunu goyona si tuyakayakania be namoġa tamoka nenei ina kikinomana, atu kanunu goyona i bwaduwa nenesiyai, “A sanamaniya Yeisu keta yota a sanamaniya Fauno, atu kwami o aviyaonana?”¹⁶ Eketa namoġanama kanunu goyona i nuwafiya namoġasima kasi 7 i nukekemanisiya keta yana fiwanai matatafusi i tafsiya venemokena keta numei si dibwana si kikinomananemiya gonegonesi keta na ufaufasi.

¹⁷ Matatafusi Fiyao Diu keta Kani Kwauna Efeso si fakwafakwa si biganowana keta si matuta, eketa Tuveka Yeisu kana wava si vifotuwuya venemokena.

¹⁸ Tovitumaġana yagwanisi si niya keta si fonayauwa tovitumaġana tunisi matasiyai yasi fufunagoyo fasisiyai.¹⁹ Yagwanisi aviyaonana si ooibaiba, yasi nufunufu si visiuna sabu matasiyai keta si guwanisiya. Taki noko nufunufusima sita vikimwaneisiya, fatasi kana naġa nakasina venemokena maise 50,000 siniva.*²⁰ Matatafuna nofe iba i kikinomana nenei keta Tuveka fonana i mutuna fifiwanamokena.

²¹ Nofe ibasima si kikinomana muninei, Fauno i vinuwadadana be ina onota Masedoniya keta Akaiya fafanisima nenesiyai muniyai yo ina niya Yenusanema. Tovitumaġana nenesiyai i bwaduwa, “Muniyai yo ana niya Noma.”²² Kana toovivita nasi nuwa Timoti keta Enasitusi i visimeisiya si mikiniya Masedoniya atu tanake tauna i fakwa Eisiya simo tova matanubwayouna.

Vikasanegwanegwa Efeso Sinenei

²³ Naki noko tovanama nenei vikasanegwanegwa nakasina i kikinomana Efeso sinenei Yeisu yana Ke'ta fasinei.²⁴ Tamokaġa namoġa nokomai kana wava Demetiniyasi, tanake o siniva nenei kaivakuku be iba yagwanisi nukawanamanamaneinasi kana tokifufuna. Fiyao Ginisi yasi guyau gumayogu o kana wava Atemisi eketa Demetiniyasi numa musumususi i kikifufuna-vikuvikukuna guyauNama kana kafa kodukodu kana numa maise eketa namoġa si vivikimwaneya. Yana tobunanige matatafusi nukusi si kikifufuna be si vivikimwanenisa keta gabana nakasina si viviya.²⁵ Yana tobunanige matatafusi i wenevakusisiya yota tasike aviyaonana yasi savivina maise eketa nenesiyai i bwaduwa,

“Fiyao, kwa sanamaniya gabana nakasina kita ta viviya nofe savivinanama nenei.²⁶ Naki tututaumi kwa kitija keta kwa nowaniya namaise Fauno i savisavivina Efeso sinenei eketa yota fafani Eisiya kana matatafu. Tanake namoġa yagwanisi nuwatasi i kanikaniya keta Atemisi kana kodukodu si visāġaketuketuwuya. Tanake i bwadubwaduwa, ‘Iba kafa kodukodu namoġa nimasiyai si kikifufuna o mukamokena guyau.’²⁷ Eketa kita aviyaonana kaivakuku kasi tokifufuna tana kitadewadewa be Fauno muka kata wava ina givigoyoi yota muka yata kaikaiwabu kana ke'ta ina guduya. Keta yota muka yata guyau kana kafa kodukodu kana numa ina viibakaokaoġo. Nofe tova Eisiya sinenei be fwayafwaya kana matatafu si kodukoduwa guyau Atemisi nenei, eketa kita matata ina fakina venemokena be kana wava muka ina bwavi.”

* **19:19** Visime Nuvinavinana 18:10-14 sinenei Guyau yana namoġa i iyaiyavisiya tasike muka ita sawateweysi be sina fufuniya tamo iba, boġau, o yafune.

²⁸ Tovanama Demetiniyasi yana bwadu si nowaniya, kayosi i kuğā keta si vikafinafina, "Kita fiyao Efeso yata guyau Atemisi kana wava o nakatamokena!" ²⁹ Namoğā matatafusi menana sinenei kayosi si nowaniya eketa si vibutuwa si vikafinafina atu muka kana uğu sita sanamanei. Keta sabu si nemiya Gaiyusi keta Anisitako si givikavinisiya, tasike fiyao Masedoniyā atu Fauno nukusi si ninidadana, keta si sinakanikanisiya keta si niisiya menana yana kafa nusifusifufu kana kabağai.[†] ³⁰ Fauno nuwanuwana be ina niya yoko matasiyai be ina nusifufuwa, atu tomuniyeina muka sita sawateweysi. ³¹ Yota tunisifafani Eisiya kana namoğā nakanakasisi, tasike aviyaonana Fauno unaunana, kana matakawa fifiwanina si teweiya Fauno nenei be muka ina nai menananama yana kafa nusifusifufu kana kabağai.

³² Kafa nusifusifufu kana kabağai, sabu nuwatasi i bauwa venemokena. Tunisi namoğā si vikafinafina iba tamo fasinei eatu tunisi o si vivikafinafina nuwanuwa tunisi fasisiyai. Namogā yagwanisi muka sita sanamanei avana uğuna yo si nai nokomai. ³³ Fiyao Diu namoğā tamokağā si katutunetuniya kana wava Anekisenida i niya yoko naunei keta namoğā yoko sinenei si fina be ina bwaduwa. Eketa Anekisenida nimanei i nusawatana namoğā matatafusi ina kanovisiya fasinei be yoko ita iyavisiya vitana fiyao Diu muka sita vikaiuğunei goyona nofe. ³⁴ Atu tovanama si kitija tanake tene Diu, matatafusi vikafinafina si tenekasikasisiyemokiya tamo nenei si bwadubwaduwa, "Kita fiyao Efeso yata guyau Atemisi kana wava nakatamokena!" Kana nivaniva vanavana kana bai nuwesi i kakavisiya.

³⁵ Keta tamokağā menana kana namoğā nakasina sabu i sawatanisiya keta nenesiyai i bwaduwa, "Fiyao Efeso, fwayafwaya kana matatafu si sanamaniya Efeso menana nakasina o tokitavikavina guyau Atemisi kana kafa kodukodu fasinei keta yota kana nawenawe maise kifuki-fufuna tafutafuna abamei i fekuwa. ³⁶ Matatafusi si sanamaniya nofe o venemokena, na uğuna kwami ita kanovimiya eatu muka tamo fufuna goyona kwata savivinei. ³⁷ Kwami namoğā nofe kwa nemisiya wekamai, atu tasike muka avana sita gikumai numa kodukodu nenei o bwadu goyona sita bwaduwei yata guyau Atemisi fasinei.

³⁸ Kafa fonayau kana numa kakayauna yota kana namoğā nakanakasisi o naki noko. Taki Demetiniyasi yana tobunanige nukusi nuwanuwasi be aitevana tamo sina vinoiya, kana nufota sina niya kana kabağai ebe yo nokomai tututausi sina vikavivinoiya. ³⁹ Atu taki yami nuwanuwa iba tunisi fasisiyai, nao menana kana namoğā nakanakasisi yasi yokowai kana fata kwana nusifufuvisiye ebe sina gidawadawaniniisiya. ⁴⁰ Avamasi kimoki i kikinomana fasinei naki a matuta. Kita matata ita kata akata Noma namoğā nakanakasisi sina vinuesanita sina bwaduwa vitana kita tata vivikasanegwanegwa. Nofe vikasanegwanegwanama muka tamo kana nuwatamayeta. Eatu taki nokomaise sina nuwanuwa kita fasitiyai, nao muka kana fata be tana gidawaniniyei." ⁴¹ Tovanama menana kana namoğā nakasina maise i bwaduwa muninei, namoğā i gionovisiya si kikinomana keta kafa nusifusifufu kana kabağā si teweiya.

[†] **19:29** Menana yana kafa nusifusifufu kana kabağā o numa nakasina muka na kana kudukudu. Si fufuniya kana kita maise saonau kwafinina. Namogā yagwanisi taki 26,000 maise kana fata nokomai sina yokowa. Namogā nokomai si niniya eketa avi avikuvikukuna o vikaneğaneğā si matamatatakwafukwafuwa.

20

Fauno I Niya Masedoniya Keta Ginisi Nenesiyai

¹ Tovanama noko vikasanegwanegwanama Efeso sinenei i kataniya, Fauno tomuniyeina i wenevakukusisiya eketa i vatonisiya ebe Yesu sina munimuniya. Muniyai yo i vioyoowisiya eketa i noğokawawa Masedoniya yanafafaniyai. ² Yana kikinomana muninei i niya menana tamokatamokağa nenesiyai tovitumağana i vavatonisiya yana sifufu yagwanina nenesiyai, eyo muniyai i niya fafani Ginisi, ³ eketa nokomai i fakwa yamayamana tonusi. Kabegomokena be wakai ita niya fafani Siniya nenei eatu i biganowana vitana fiyao Diu tunisi si weifufuna kana munuwa fasinei noko kamudadanana nenei. Na fasinei yana nuwanuwa i givinya eketa i makaviniya Masedoniyei i niya.

⁴ Namogā tunisi nukusi kaena si kwafuya maise Finusi natuna Sofata tene Beneya, fiyao Tesanonaika kasi nuwa Anisitako keta Sikanidası, Gaiyusi tene Debi, Timoti, eketa fafani Eisiya namoisi kasi nuwa Tikikusi keta Tonofimusı. ⁵ Nofe namogasima wakai si viketanuna eketa Tonowasi menana nenei si fotikiya, ⁶ Maneka Muka Nakana Nutuva Kana Ka muninei, menana Finifai nenei ka toğā. Eketa kuyadayada kana vi5 muninei menana Tonowasi nenei unaunaki ka nisaisiya eketa nokomai ka fakwa wiki tamokağa.

Fauno Yutiko I Sinaviyawasiya

⁷ Satadei vanavanasonuwai tovitumağana tunisi nukusi ka yokowa viyao kana ka yota Tuveka yana ka kana kiyakiyaya kana kawiyya fasinei, atu Fauno i numamanisiya. I nuwanuwa vitana nuwabuni Tonowasi ina teweiya, na fasinei i nusifufuwisiya kana nivaniva i vinuwabunasinefouwa. ⁸ Totomu kuetana namai ka yokowa nenei, kimayeta i kanatadenideniya. ⁹ Namogā tufunakasina kana wava Yutiko numa kana kiyonavifofofo kana vitonu nugiginabu nenei i nuvitoğā. Fauno yana sifufu i soniya nubwayoumataina eketa Yutiko matana i goyomoka. Tovanama i kenonuwataunuwa, i kabwataviniya keta i fekuwa fwayafwayai. Tovanama si sobuwa keta si sinanakasiya, si kitiya matematena. ¹⁰ Fauno yota i sobuwa keta Yutiko tofwanei i tananiya eketa i nutaviya. Namogā i iyavisiya i bwaduwa, “Muka kwana nuwanuwa, namogā yawayawasina!” ¹¹ Munifotai i vanesavaviniya numai eketa Tuveka yana Ka kana kiyakiyaya i fufuniya eketa tovitumağana nukusi si kawa. I nusifufuwisiya kana nivaniva tova i katakiya yo muniyai na menananama i teweiya. ¹² Tovitumağana o namogā dewadewana yawayawasina si oviya keta na yasi sebobo si niya numai.

Fauno Na Unaunana Si Niya Minitusi

¹³ Kimağā wakai ka venuviketanuna ka niya Asosi menana nenei, eatu Fauno i iyavikiya vitana kavananei ina nemiya nokomai yo kana totoiya.

¹⁴ Nokomai ka vikaninisaga keta i toğā eketa matatafuki ka niya Mitinini menana nenei. ¹⁵ Nokomai ka teweikiya eketa kuyadayada kana vinuwa nenei ka niya menana tamokağa nenei Kiosi simuna niniunei.

Nokomai ka banuwa yo muniyai ka kanayauwa ka niya Samosi simunai eketa kuyadayada kana vinuwa nenei o ka kikinomana Minitusi.

¹⁶ Fauno muka nuwanuwana tova ina teweysi Eisiya yanafafaniyai, na fasinei muka kata kanasuna Efeso eatu ka venukatuvaavağā. I soğowa uguna

nuwanuwana be taki meyameyanina maise Yenusanema ita kikinomana Kabwaga Matana kana tovai.

¹⁷ Eatu tovanama ka kanasuna Minitusi, Fauno yana kisuya i niya Efeso ebe ekanesiya kana tokawakawa sita nemiya sita kitiya. ¹⁸ Tovanama si nemiya, i iyavisiya i bwaduwa, "Kwami naki kwa sanamaniya namaise yaku fakwafakwa kwami nukusi tova kana matatafu fafani Eisiya nenei, tovanama kafa viūguwai a nemiya eketa kana nivaniva kimoki. ¹⁹ Tunisi fiyao Diu si weifufuna be sita weikuvavanikuwa na nenei keta anu-vanuva nakanakasisi nenesiyai a nisaisiya, na nakiyai atu nuwasobuwai yota tamo tova katekateku na yana bwedi nukusi atu Tuveka fasinei a bunanigeya.

²⁰ Muka tamo kami bwadu-ovivita ata givikaviniya, tovanama Guyau fonana nenei a numamana sagisagigi nenesiyai keta a visawavenena sabu nenemiyai yota numa nenesiyai. ²¹ Bwadu fifiwanina fiyao Diu eketa Kani Kwauna a venisiya. A iyavisiya vitana yasi go'yona nenesiyai sina ugevinisiya be Guyau nenei sina sāga keta yata Tuveka Yeisu sina vitumāganiya.

²² Eketa sifufu nofe kwa nowaniya. Guyau Kanununa i visimeikuwa eketa ana niya Yenusanema, eatu muka ata sanamanei avana ina kikinomana nenekuwai, ²³ eatu menanasima nenesiyai a niniya, Kanunu Tafutafuna i gigimatakawikuwa vitana nokomai deni eketa dauna nakanakasisi nenesiyai sina tenikuwa. ²⁴ Yota taki sina nuvimatikuwa na muka fasinei ata nuwanuwa nakasina, eatu iba nakatamokena nenekuwai o nuwanuwaku Tuveka Yeisu bunanige i venikuwa ana nusafuya. Bunani-genama o Guyau yana omukumukutana bigana namōga ana iyavisiya.

²⁵ A numamaniya matatafumi nenemiyai Guyau yana Kafa visime fasinei. Eatu naki nofe tova a sanamaniya gewa kimoki keta i niniya, muka yota tafakaiku kwana kitai. ²⁶⁻²⁷ Muka tamo Guyau yana vinuwadadana kana matakawa ata givikaviniya, naki matatafuna a bwaduwekōgoiya. Na fasinei bwadu venemokena nenei nofe tova ana iyavimiya. Taki aitevana tamo bwadu nofe muka ina vitumāganei ebe muka yawasivāgata ina nisāgai, iyau muka kaku kuvana.

²⁸ Kwami toviketanuneina tututaumi kwana kitavikavinimiya yota tovitumāgasima matatafusi Kanunu Tafutafuna kanonovamiyi i tenisiya, kwana kitavikavina-dewidewisiya maise yomuyomu kasi tokitavikavina yana yomuyomu i kitakitavikavinisiya. Tasike Guyau yana namonamōga, tauna ufaufanei i kimwanetamanisiya. ²⁹ A sanamaniya tovanama ana venuteweimiya tonumamana-vikanonono sina nemiya sina tuyanomwanimiya eketa namōga yasi vitumāgana sina givigoyuya, naki maisemoka anuketa-wanawanaki manimaninisi sina nemiya sifi waumisi nenesiyai eketa sina nuvimatasiya. ³⁰ Yawane yota tututaumi sinemiyai tunisi namōga sifufuvi-kanonono nenei sina visawavenena eketa tovitumāgana nuwatasi sina kaniya ebe yasi visawavenenasima goyosi tovitumāgana sina muniiya. ³¹ Na fasinei matami ina fekuw! Kwana tukuya, manamana tonusi sinesiyai na matainuku muka ata onovei yaku vivisawavenena tamokatamokāga nemiyai kuyadayada be nuwabuna.

³² Tova nofe Guyau nimanei a tenitenimiya. Yana omukumukutana sifufuna, naki kwana vitumāganemokiya. Taki bwadunama kwana muniiya,

yawasimi sina tafwa fifiwanisi eketa Guyau yana sawanuwagabubu ina venimiya naki yana bwadudabadaba tauna yana namonamoğā tenetenesineinasi nenesiyai maize.

³³Nukusi ta fakwafakwa nenei muka tamо aitevana yana gabana o kana kwame ata vai. ³⁴Kwami naki kwa sanamanikuwa, iyau tauku nimakuwai kaku ovivita a ninisaiya eketa nenei yota unaunaku a oovivitisya. ³⁵Yaku savivinasima nenesiyai iyau tauku a vikafakita nenemiyai eketa a visawavenimiya vitana yata dibumusiga nenei kana fata goyogoyo tana ovivitisya. Tana tukuya Tuveka Yeisu i bwaduwa, ‘Kavenena namoğā nenesiyai o kana sebobo nakatamokena muniyai yo yuna.’”

³⁶Tovanama i nusifufukoğā matatafusi kaetutusi si viketogunina eketa i kawanunuwa. ³⁷⁻³⁸Yana sifufu nenei i iyavisiya i bwaduwa, “Muka yota tafakaiku kwana kita-savavinei.” Nofe bwadunama katekatesi i nuyayavaniya, eketa matatafusi si nusiya si viyuiya eketa si bwedisitesitiya eyo si kwafuya nukusi si niya wakai.

21

Fauno Yana Nai Yenusanema

¹Efeso tovitumağana kasi toviketanuneina ka vioyoowisiya muninei, ka sinanakata keta dawaniniina ka niya Kosi simunai eketa nokomai ka banuwa. Nuwabuni ka niya Nodesi eyo ka tamana Fatana menana nenei ka saniniya eketa ka sobuwa. ²Nokomai waka tamokağā ka nisaiya ina tamana Foenisiya, nenei ka toğā eketa ka kanayaukiya. ³Ka nemiya Saifunusi simuna niniunei eketa kukikimawaki i fakwa eatu ka venukatuvavağā Siniya yanafafaniyai. Wakanama o Taya menana nakasina kana nogonogo i totoiya ebe nokomai ina nusiwasiwaiya, na fasinei ka nikanasuna.

⁴Nokomai tomuniyeina ka nisaisiya eketa wiki tamokağā nukusi ka fakwa. Nokomai Kanunu Tafutafuna yana visawavenena nenei, tomuniyeina Fauno si matakawiya be muka ina nai Yenusanema.

⁵Eatu tovanama yama nai kana tova i nisaiya, ka misiniya eketa ka noğokawawa. Tovitumağana matatafusi na kakawasi eketa na natunatusi menana si teweiya eatu si kwafukiya nukusi ka sobuwa gibowai. Nokomai matatafuki kaetutuki ka viketogunisiya eketa ka kawanunuwa.

⁶Nukusi ka vioyoowa eketa kima ka toğā-savavinikiya wakai eatu tasike si makavinisiya yasi menanai.

⁷Yama kamudadana Taya nenei i kakaviya eketa ka kanasuna Toni-maisi menana nenei. Nokomai tovitumağana ka venuyofiyofisiya eketa nenesiyai ka fakwa kuyadayada tamokağā. ⁸Kuyadayada venuwanei noko menananama ka teweiya atu ka niya Sisaniya menana nakasinei eketa nokomai Firifi yana numai ka fakwa. Tanake namoğā tamо vivinuwadadaneinana. Tovanama Yenusanema sinenei namoğā kasi 7 si gibokisiya, tanake o nukusi si vinuwadadaniya ebe yo sina ovivita Guyau yana mudadava fasinei. Yota tanake Guyau fonana kana tonumamana namoğā nenesiyai. ⁹Tanake natunatuna vivine tutubonosi nasi nufunina. Tasike tamо tova Guyau fonana fasinei si bwadubwaduviögona.

¹⁰Kuyadayada muka yagwanina muninei Guyau yana tomatakawa tamokağā kana wava Agabusi, fafani Yudiya nenei i sobunemiya Sisaniya. ¹¹I nemiya nenekiyai, Fauno kana wakina i viya eketa tauna nimana keta

kaena i kiyona eketa i bwaduwa, “Naki nofemaise Kanunu Tafutafuna fonana, ‘Fiyao Diu kasi toviketanuneina, toniwakina nofemaise sina yoniya eketa Kani Kwauna nimasiyai sina teniya.’”¹² Tovanama nofe bwadunama ka nowaniya, tovitumağana tunisi nukusi Fauno ka nuoneoniya ebe muka ina nai Yenusanema.

¹³ Eatu i bwaduwa, “Ava uğuna nofemaise kwa bwedibwedi eyo katekateku kwa nunubudabudaniya! Iyau o muka vitana ata gidewadewa kaku kiyonağा fasinei, eatu naki a gidewadewa ebe Tuveka Yeisu fasinei ana mateya.”¹⁴ Tovanama ka kitija muka kana fata be yana nuwanuwa kana givinai, naki ka onoviya eatu ka iyaviya vitana avana Tuveka yana nuwanuwa maise ita saviviniyi.

¹⁵ Kuyadayadasima i kakavisiya muninei, ka gidewadewa eketa ka noğokawawa Yenusanema fasinei.¹⁶ Sisaniya tomuniyeina tunisi nukusi ka niya, eketa si niikiya Munasoni tene Saifunusi yana numai eketa nokomai ka fakwa. Namoğanama nofe o tanake tamo tovitumağana nauna.

Fauno Yemesa I Venufotiya

¹⁷ Tovanama ka kikinomana Yenusanema, tovitumağana na yasi sebobo si venuyofiyofikiya.¹⁸ Kuyadayada venuwanesi Fauno nukusi ka niya Yemesa ina kitija fasinei, eketa Yenusanema tovitumağana kasi toviketanuneina matatafusi si nemiya nokomai.¹⁹ I bwaduviagigikuvisiya muninei, matatafuna gunina ovina i nusifufuwekoğoya nenesiyai namaise yana bunanige sinenei Guyau i savivina Kani Kwauna nenesiyai fasinei.

²⁰ Tovanama yana sifufunama si nowaniya Guyau si daviya. Eketa Fauno si iyaviya si bwaduwa, “Unaki, naki ku sanamaniya fiyao Diu nofemai sagisagigi Yeisu si vitumağaniya eketa matatafusi Guyau yana visime si oofekufekuviya.”²¹ Eatu si nowaniya avage tovanama ku niniya Kani Kwauna yasi kabığa nenesiyai, matatafusi fiyao Diu ku vivisawavenena vitana Mosese yana visime sina sağakuwakufutiya. Tamo iba avage ku iyaiyavisiya ebe natunatusi namoğā muka sina nufifina yota kata sanu muka sina muniyei.²² Yawane ya nemi fasinei sina biganowana. Na fasinei avamasi tamo tana fufuniya ebe sina sanamaniya vitana bwadusima si nowanowanisiya o muka venemokena.

²³ Eketa avana kana iyaviwa, naki maisemoka kuna fufuniya. Nofemai namoğā kasi nufunina Guyau fasinei si kawayaba.²⁴ Nukusi kwa nai Numa Kodukodu wasiketanei ebe givieyeaya kana fufuna kwa saviviniae Guyau matanei. Eyo muniyai kuna nufata ebe debabousi sina kigosiya. Taki namoğā sina kitija nofe fufuninama kuna fufuniya, matatafusi sina sanamaniya gewa kwağā o Mosese yana visime ku munimuniyiya. Eketa sina sanamaniya gewa sifufusima fasiweu o sifufuvikanonono.

²⁵ Eatu Kani Kwauna tovitumağana fasisiyai, nao yasi nufunufu ka viginiwiya yata nuwanuwanama fasinei eketa nofemaise ka iyavisiya ka bwaduwa, ‘Avi viyo kifukifufuna nenesiyai si vibwanaoseiiya, muka

kwana kaniya. Yota muka ufaufa kwana yumiya. Muka yomuyomu kayona kikidubina kwana kaniya. Eketa yota muka kwana kudokaokaoğō.”*

²⁶ Eketa kuyadayada kana vinuwa nenei Fauno noko namoğasima kasi nufunina i ovisiya eketa nukusi si givieyaeisiya Guyau matanei. Münifotai i kanasuna Numa Kodukodu kana wasiketai i matakawisiya avi tovai kasi givieyaeya kana tova ita kakavei fasinei. Ebe noko tovanama nenei kasi givieyaeya bwanaosesi, tovibwanaose sita vibwanaoseiisiya tamokatamokağā fasisiyi.

Fiyao Diu Tunisi Fauno Si Givikaviniya

²⁷⁻²⁹ Kuyadayada 7 kabegomokena be givieyaeya kana fufuna ina kakaviya, tunisi fiyao Diufafani Eisiya nenei Fauno si kituya Numa Kodukodu kana kani sinenei. Eatu nauna o Fauno si kituya Tonofimus tene Efeso nukusi Yenusanema menana nenei, eatu si nuwanuwa vitana Fauno Tonofimus ita kanasunei Numa Kodukodu kana kani sinenei. Namoga si visimwanakasiya eketa Fauno si givikaviniya eatu si vikafinafina si bwadubwaduwa, “Fiyao Isineni kwa nemai. Kwa oviviteki be namoğā nofe kana mata ta tenei! Namogānama nofe i vivisawavenenaniya yana nidadana nenesiyai, kita Isineni i sawasawavigoyowita yota Moses yana visime keta yota Numa Kodukodunama nofe fasinei. Ginisi namoisi i nemisiya kabağā nofe tafutafuna nenei eketa i weigavigaviya Guyau matanei.”†

³⁰ Tovanama namoğā si nowaniya dagedage i toğā Numa Kodukodu sinenei, Yenusanema kana matatafu nuwanuwa si viya eketa kabağā tuninatunina nenesiyai si dibwana nokomai. Fauno si givikaviniya eketa si sinakanikaniya si kikinomaniya Numa Kodukodu kumenanina, eatu tuiyo kawa si venukatugodusiya. ³¹ Fauno si vivibaiya be sina nuvimiatiya eatu Noma tonuaviya kasi toviketanuneina biga i nowaniya vitana fiyao Yenusanema namoğā matatafusi si vivikamunumunuwa Numa Kodukodu kana kani sinenei. ³² Eketa yana tonuaviya kasi kaimatana nukusi i venuvakukusisiya eketa si dibwana sabu kuveyaisi. Tovanama sabuveka si kitisiya tonuaviya kasi toviketanuneina nukusi si nenemiya, vitana Fauno si munumunuwa eava si onoviya.

³³ Tonuaviya kasi toviketanuneina i nemiya eketa Fauno i givikaviniya. Yana tonuaviya i visimeisiya eketa seni nuwesi nenesiyai si yoniya, münfotai eyo sabuveka i nutoninuvenuveisiya i bwaduwa, “Nofe o aitevana? Ava o i fufuniya?” ³⁴ Sabuveka sinesiyai namoğā tunisi iba tamo fasinei si vivikafinafina, eatu namoğā tunisi o naki si vivikafinafina-kaokaoğowa. Vikafinafina i vikatumataiya eketa tonuaviya kasi toviketanuneina muka kana fata vidagedage kana uğū ina sanamanei. Na fasinei yana tonuaviya i visimeisiya ebe Fauno sina kanasuniya numa fakinina nenei. ³⁵ Eatu

* **21:25** Nofe fufunasima nenesiyai vimomona i vivigoyona. Kudo — Yauna 20:14, Visime Nuvinavinana 5:18. Aitevana tamo gumayogu o namoğā ina mataveiya gabana o nogonogo fasisiyi — Visime Tafu 19:29, 1 Kononita 6:15. Namoga eketa namoğā nukusi gumayogu eketa gumayogu sina mataveya — Visime Tafu 18:22, Noma 26:27. Aitevana tamo tauna ugunina nukusi sina mataveya maise amana, ayona o taki natuna — Visime Tafu 18:6. Aitevana yomuyomu nukusi sina mataveya — Visime Tafu 18:23. Vimomona-kaokaoğō — Efeso 5:3. Aitevana tamo namoğā o gumayogu ina tuyakayakanıya ebe ina mataveiya — Kabikona 34:7, Visime Nuvinavinana 22:25-28. **21:27-29** Bunanige 20:4 † **21:27-29** Fiyao Diu si nuwanuwa vitana Kani Kwauna muka eyaeyasi, eketa yasi visime nenei Kani Kwauna kana fata sina kanasuna yasi kani sinenei. Eatu fiyao Diuğā nao sina kanasuna kani kusinenə — Isineni yasi kani eketa vivine yasi kani. Taki aitevana tamo visime nofe ina yakweniya, sina nuvimiatiya.

tovanama i nemiya numa fakinina kana kaevaavaağā niniunei, sabuveka si vibaimoka nuwanuwasi be Fauno sina givikaviniya, na fasinei tonuaviya si ginakasiya eketa si unamokiya ebe sina ofafafiya namoğā nenesiyai.³⁶ Sabuveka si omunitawisiya eatu si bwaubwauwa, “Kwa nuvimateil Kwa nuvimateil!”

Fauno Sabuveka I Nusifufuwisiya

³⁷ Tovanama Fauno kabegomokena be numa sinenei sina kanasuniya, Giniki fonasiyai tonuaviya kasi toviketanuneina i iyaviya i bwaduwa, “Kana fata ata nusifufuwisiya?”

Noko nenei tonuaviya kasi toviketanuneina i sabanutuğā eketa i iyaviya i bwaduwa, “Omasi kwağā bwadu-Giniki ku sanamaniya?³⁸ Iyau a nuwanuwa vitana kwağā bwatanemoka tene Itifita maise. I anuvanuva be kama toviketanuneina nenesiyai ita nuaviya, eketa totaniyagunu kasi 4,000 na funumisi i viketanunisiya eketa si niya fwayafwaya nunumonumonei. Eketa kwağā namoğuma?”

³⁹ Fauno i nufata i bwaduwa, “Muka, iyau tene Diu, a tuwuwafafani Sinisiya sinenei menana na kana wawa Tasusi nenei. Kana fata kuta sawateweikuwa be namoğā ata nusifufuwisiya?”

⁴⁰ Toviketanuneina i vinowana eketa Fauno kaevaavaağā nenei i misiniya eatu nimanei namoğā i nusawatanisiya. Tovanama i katanisiya, Ibeniu fonasiyai i nusifufuwisiya.

22

¹ Fauna i bwaduwa, “Amamaku keta unaunaku, kwa vaneneğeiku eatu tauku ana tanafafanikuwa iyau muka tamogoyona ata fufuniya.”

² Tovanama sabuveka Fauno si nowaniya tututausi Ibeniu fonasiyai i nunusifufuwisiya, vikafinafina si onoviya eatu si numananava.

³ Fauno i bwadu-savaviniya i bwaduwa, “Iyau tene Diu, a tuwuwa menana Tasusi nenei fafani Sinisiya sinenei. Nokomai Yenusanema a kanakata eketa nuwatasuyasuya a viya. Kaku tovisawavenena o Gamaniyeni eketa wağawağata yasi visime be kasi sanu matatafunu i visawavenikuwa fakinina venemokena. Nuwanuwaku nakasina be Guyau ana muniiyedewadewiya, maisemoka kimoki kwami kwa munimuniya.⁴ Na fasinei aviyaonana Yeisu yana Ke'ta nununei si niniya, a givikuvavanisiya eketa tunisi si mateya. Yaku visime nenei tovitumağana namoğā keta vivine si givikavinisiya eketa deni nenei si tenisiya.⁵ Tovibwanaose kasi toviketanuneina keta tokawakawa matatafusi nukusi si sanamaniya a bwadubwaduwa venemokena. Nufunufu viviginiwisi si venikuwa ebe tunisi unaunasi fiyao Diu menana Damasiko nenei si fakwafakwa ata venisiya. Nokomai a niya Yeisu kana tomuniyeina ata nuwasisiya ebe ata kiyona eketa ata makavinisiya Yenusanema ebe nofemai sita vimatadawanisiya.

⁶ Naki kuyadayada kana sinefou nenei, ketai a niniya eatu Damasiko niniunei abamei mayesina matakikikwanena visabanutuğai i tafafifinikuwa.⁷ A fekuwa fwafwayai eketa kayokayo a nowaniya i bwadubwaduwa nenekuwai, ‘Sauno, Sauno, ava fasinei yo ku givigivikuvavavaneiku?’

⁸ Eketa a nufata a bwaduwa, ‘Aiye, kwağā aitevana?’

Eketa i nufata i bwaduwa, ‘Iyau Yeisu tene Nasaneti, Iyau gwadikuma ku givigivikuvakuvavanikuwa.’⁹ Namoğasima nukusi ka niya o mayesina yota si kitiya eatu kayokayo i nunusifufuwikuwa o muka sita nowaniya.

¹⁰ Eketa a nutoninuvenuviya a bwaduwa, ‘Tuveka, avamasi ana fufuniya?’

I iyavikuwa i bwaduwa, ‘Ku misini be ku nai Damasiko. Nokomai tamo aitevana ina nusifufuwija ebe yaku nuwanuwa matatafunu kuna savivinisiya.’

¹¹ Mayesina matakikikwanena matakku i fwakiya eketa muka kaku fata tamo aviyavana ana kitai, na fasinei unaunaku nimakuwai si ova eketa si niikuwa Damasiko. ¹² Nokomai namoğga tamokağga kana wava Ananaiyasi i fakwafakwa o Guyau nenei i kodukoduwa yota Moses yana visime i munimuniye-dewidewisiya. Yota fiyao Diu matatafusi nokomai si vifotuwiya. ¹³ I nemiya ninikuwai i misiniya keta i bwaduwa, ‘Unaku Sauno, ku kita-savavineu!’ Na naki tovanama nenei a toneya eketa Ananaiyasi a kitiya.

¹⁴ Eyo Ananaiyasi i iyavikuwa i bwaduwa, ‘Wağawağata yasi Guyau i gibokiwa ebe yana nuwanuwa kuna sanamaniya. Toeyaeyanamoka naki ku kitiya eketa ku nowaniya i nusifufuwija. ¹⁵ Kwağga kuna viwakakakiya tanake fasinei ebe namoğga matatafusi kuna iyavisiya avana ku kitiya eketa ku nowaniya. ¹⁶ Eketa muka yota kuna fotafota. Naki ku misini be givibutabuta ku vai. Tovanama kuna kawanunukuwa Tuveka kana wawai, ya go'yonia ina gona-teweisiya.’

¹⁷ Tovanama a makavinikuwa Yenusanema, Numa Kodukodu kana kani sinenei a kawakawanunuwa eatu a kenokita. ¹⁸ A kitiya Tuveka i nunusifufuwikuwa i bwaduwa, ‘Namoğga nofemai ya sifufu fasikuwai muka sina katuvai na fasinei dibwadibwaninei Yenusanema nofe tova ku teweyei.’

¹⁹ Eatu a iyaviya a bwaduwa, ‘Tuveka, naki namoğga si sanamaniya numa kafa yokoyoko tamokatamokağga nenesiyai ka tovitumağana deniyai a tenitenisiya eketa a munumunusiya. ²⁰ Eketa tovanama ka tokanakakikakina Sitiveni si nunuvimatiya, iyau nokomai a misiniya eatu yasi fufunanama a visawadewadiya, eketa tonuvimatesima kasi nuya a toğatanisiya.’

²¹ Eatu Tuveka i iyavikuwa i bwaduwa, ‘Ku nai, a vivisimeiwa kedawanauwai Kani Kwauna nenesiyai.’”

Fauno I Bwaduwa Tanake Tene Noma

²² Sabuveka Fauno si vanevaneneiya eatu tovanama nofe bwadunama si nowaniya, kayosi i küğa eketa si vibutuwa si vikafinafina, “Namoğga nofe ina mateya! Muka kana nufota be ina fakwafakwa!” ²³ Eketa si vivikafinafina eatu kasi nuya nenesiyai si nunukwasikwasiya eketa fwayafwaya kafusisismina si teweteweina atai.*

²⁴ Toviketanuneina yana tonuaviya i visimeisiya ebe Fauno sina kanasuniya yasi numa fakinina kana kani sinenei. Eketa i visimeisiya ebe sina munuya eatu sina nutoninuvenuveiya be sina sanamaniya avana uğuna fiyao Diu si kayokuğga yo si finafina-takatakanei. ²⁵ Tovanama si vibutuwa kunava nenesiyai si yonayoniya be sina munuya, Fauno tonuaviya yasi kaimatana i misimisiniya i iyaviya i bwaduwa, “Noma yana

visime nenei o muka tene Noma kwana munu-kaokaoğowi. Nauna kwata vinuesanikuwa ebe taki ata fufunagoyowa, enao kwata munukuwa.”

²⁶ Tovanama kaimatana Fauno yana bwadu i nowaniya, i niya toviketa-nuneina nenei eketa i bwaduwa, “Avamasi kuna fufuniya? Namoğga nofe o tene Noma.”

²⁷ Toviketanuneina i niya Fauno nenei eketa i iyaviya i bwaduwa, “Ku iyaveiku, venemokena kwağga tene Noma?”

I nufata i bwaduwa, “Ika. Iyau tene Noma.”

²⁸ Toviketanuneina Fauno i iyaviya i bwaduwa, “Iyau gabana nakatamo-kena a nufata eketa a vitene Noma.”

Eatu Fauno i bwaduwa, “Iyau o Noma yasi tufuwa.”

²⁹ Tonuaviyasima vitana sita nutoninuvenuviya eatu si matuta keta si venuvamunimunkwana. Eketa tovanama toviketanuneina i sanamaniya vitana Fauno tanake tene Noma eatu i visimeisiya be si yoniya, eketa naki i matuta.

Fauno Diu Kawakawa Nausiyai I Misiniya

³⁰ Kuyadayada venuwanei tonuaviyasima kasi toviketanuneina nuwanuwana fiyao Diu Fauno si vinoiya fasinei kana uğu ina sanamaniya. Na fasinei deniyai i giyauya eketa tovibwanaose nakanakasisi eketa Diu Kawakawa i visimeisiya eketa si yokowa. Eyo Fauno i nemiiya keta tafakaisiyai i misiniya.

23

¹ Fauno matana dawaniniina i niya Diu Kawakawa nenesiyai eketa i iyavisiya i bwaduwa, “Unaunaku, yawasiku matatafunaa a fakwiya dawaniniina Guyau matanei, eketa katekateku o eyaeyana kana niyaniva kimoki.”

² Tovanama tovibwanaose kasi toviketanuneina Ananaiyasi nofe bwadunama i nowaniya, i nuwagoyowa eketa aviyaonana Fauno niniunei si misimisiniya, i visimeisiya ebe kawana sita nutafifuwafuwaya. ³ Eatu Fauno i kawafatiya i bwaduwa, “Guyau ina nutafiuwa. Namoğga matasiyai ka kita dewadewana eatu katekateu o gavigavina. Nanemai ku nuvitoiwa avage Mosee yana visime nenei kuna vinuesanikuwa, eatu visimemoka-kena o kwağga naki ku yakweniya tovanama namoğga ku visimeisiya ebe sita nutafikuwa.”

⁴ Aviyaonana Fauno niniunei si misimisiniya si iyaviya si bwaduwa, “Ava uğuna Guyau yana tovibwanaose kasi toviketanuneina ku sawasawanuketuwei?”

⁵ Fauno i nufata i bwaduwa, “Unaunaku, muka ata sanamanei gewa tanake o tovibwanaose kasi toviketanuneina. Guyau fonakituna i bwaduwa, ‘Muka yata sabu kasi toviketanuneina kuna sawanuketuwei.’”

⁶ Fauno i sanamaniya Diu Kawakawa sinesiyai tunisi Sadusi eatu tunisi o Fanasi, eketa kayona nakasinei i bwaduwa, “Unaunaku! Iyau tene Fanasi maise yota amaku. A vitumağaniya Guyau namoğga matematesi ina sinaviyawasa-savavinisiya. Nofe fasinei kwa vivinuesanikuwa.”

⁷ Tovanama Fauno nokomaise i bwaduwa, Fanasi eketa Sadusi si vibutuwa si avigwavigwaeğga nenei yoko si takiya eketa nuwesi i kikinomana. ⁸ Yasi vigwaeğga uğuna o nofemaise. Sadusi si bwaduwa avage muka tamo misini-savavineina yota muka tamo Guyau kana

kaetoğa abamei eketa yota muka tamo kanunu. Eatu Fanasi o nofe ibasima si vitumağanisiya.

⁹ Vilkawabwadubwadu i nakata, eketa tunisi visime kana tovisawavenena Fanasi kunumisi nenei si misiniya eketa si numanimanimiya si bwaduwa, "Namoğa nofe muka tamo goyona ita fufuniya. Kana kita kamo tamo kanunu o tamo Guyau kana kaetoğa abamei i nusifufuwiya." ¹⁰ Avigwavigwaeğä i nakatamoka eketa tonuaviya kasi toviketanuneina i matuta Fauno sita sinabwegabwegiya, na fasinei yana tonuaviya i visimeisiya si oviya eketa si niiya yasi numa kana kani sinenei.

¹¹ Na nuwabunanaama nenei Tuveka i kenokikinomana keta Fauno kuniniuna i misiniya eketa i bwaduwa, "Kuna katevatumoka ebe namaise nofemai Yenusanema fasikuwai ku nusifufuwa, maisemoka yota Noma kuna nusifufuwa."

Fiyao Diu Nuwanuwasi Fauno Sina Nuvimatiya

¹² Tovanama vanavana i vaneya, Fiyao Diu tunisi Fauno fasinei si weifufuna eketa matatafusi si tanağaiya muka sina ka o sina yu kana nivaniva Fauno sina nuvimatiya. ¹³ Namoğa 40 na kasi tufo nukusi ketaketanama si vinowaniya ebe sina fufuniya. ¹⁴ Si niya tovibwanaose nakanakasisi yota Diu tokawakawa nenesiyai eketa si bwaduwa, "Kima ka tanağaiya Guyau matanei eketa muka tamo avana kana kaniya kana nivaniva Fauno kana nuvimatiya. ¹⁵ Eketa ka weifufuna vitana kwami keta Diu Kawakawa, tonuaviya kasi toviketanuneina kwata vikokoniya be Fauno ita sobunemiiya nenemiyai. Seba kwana teweiya ebe sina bwaduwa vitana kwata nutoninuvenuveyei ebe yana sifufu kwata sanamanadewadewai fasinei, eatu ketai kana fotamatamataveya ebe kana nuvimatiya."

¹⁶ Eatu Fauno auna namoğa viwaifufunanaama i ninowaniya eketa i kanasuna numa fakinina nenei Fauno i iyaviya. ¹⁷ Eketa Fauno tonuaviya yasi kaimatana tamokağä i weniya eketa i iyaviya i bwaduwa, "Nofe tufunakatanama ku niyei ya toviketanuneina nenei, ebe yana nuwanuwa ina nusifufuwiya."

¹⁸ Eketa kaimatana namoğanama i niiya toviketanuneina nenei eketa i bwaduwa, "Yata finisina Fauno i wenikuwa eketa i vikokonikuwa namoğa nofe tufunakasina a nemiiya ebe sifufu tamokağä ina iyaviwa."

¹⁹ Toviketanuneina namoğanama nimanei i oviya keta i niiya kuniniuna eketa taniyanei i kanakununuwiya i bwaduwa, "Avi sifufu kuna iyaveiku?"

²⁰ I nufata i bwaduwa, "Fiyao Diu yasi nuwanuwa naki si givifikiniya eatu sina vikokoniwa ebe kumana Fauno kuna nemiiya Diu Kawakawa nausiyai avage sina nutonikuekiya yasi sanamana fasinei. ²¹ Eatu muka yasi bwadu kuna nowaniya. Yasi namoğa 40 na kasi tufo si fotafotamatamataveya be Fauno sina munuya. Naki si tanağaiya muka sina ka, muka sina yu kana nivaniva Fauno sina nuvimatiya. Nofe tova naki si gidewadewa eatu si fotafotamoka yasi vikokona kana nufata fasinei."

²² Eketa tonuaviya yasi toviketanuneina namoğa tufunakasina i iyaviya i bwaduwa, "Nofe sifufu ku iyavikuwa kuna ogagowiya." Eketa i gionoviya i niya.

Fauno Si Visimeiya Tovisime Nakasina Finikesa Nenei

²³ Eketa toviketanuneina yana kaimatana kasi nuwa i wenisiya eketa i visimeisiya i bwaduwa, "Tonuaviya kaeyai 200 kwana visiya yota 70 osi kasi totogä eketa 200 iyo namoisi. Kwana gidewadewa ebe nuwabuna

9 maise kwana niya Sisaniya. ²⁴ Yota osi kwana gidewidewisiya ebe Fauno ina toga. Kwana ofafafiya eketa kwana niiya tovisime Finikesa nenei.” ²⁵ Munifotai tonuaviya kasi toviketanuneina nufunufu nofemaise i viginiwiya.

²⁶ “Iyau Konodiyasi Nisiyasi, nufunufu a viginiwiya kwaaga namoaga nakasiu tovisime Finikesa nenewe. Agigiku.

²⁷ Namoaga nofe o fiyao Diu si givikaviniya eketa kabegomokena sita nuvimiatiya. Eatua sanamaniya tanake tene Noma, na fasinei yaku tonuaviya nukusi ka niya keta ka ofafafiya. ²⁸ Eatua nuwanuwaku yasi vinoi kana ugana ana sanamaniya fasinei eketa a niiya Diu Kawakawa yasi kafa yokoyoko nenei. ²⁹ Nokomai a nisaiya gewa yasi vikavivinoi o tututausi yasi visime fasinei eatua muka tamo Noma yana visime ita yakweniya ebe ana vimatadawanei mateyai o deniyai ana tenei. ³⁰ Tovanama Fauno kana viwaifufuna fasinei kana matakawa a viya, a venuvisimeiya i nemiya nenewe yota kana tovinoi a iyavisiya ebe yana goyona fasinei nenewe sinabwaduwe-kikinomanisiya.”

³¹ Eketa toviketanuneina i visimeya maise yana tonuaviya si saviviniya. Eketa noko nuwabunanaama nenei Fauno si oviya keta si kikinomania Enitifetinisi menana nakasina nenei. ³² Tovanama tova i katakiya, tonuaviya matatafusi si makavinisiya yasi numa fakinina Yenusanema nenei, eatua osi kasi totogaaga Fauno si niiya Sisaniya menana nenei. ³³ Tovanama si kikinomania, Fauno keta nufunufu viviginiwina tovisime nimanei si tenisiya. ³⁴ Nufunufunama i ginaaganagakoogo muninei Fauno i nutorinuvenuviya i bwaduwa, “Kwaaga o avi fafani?” Fauno i nufata i bwaduwa, “Iyau o Sinisiya fafaninama nenei.”

³⁵ Finikesa Fauno i iyaviya i bwaduwa, “Ka tovinoisima nofemai sina nemiya munifotai yo ana vaneneimiya ebe ana vinuesaniwa.” Eketa yana tonuaviya tunisi i iyavisiya vitana Fauno sina niiya Enoda yana numa tufomu kaikaiwabuna nenei keta sina togataniya.

24

Fauno I Misini-Kikinomana Finikesa Naunei

¹ Kuyadayada 5 muninei tovibwanaose kasi toviketanuneina kana wava Ananaiyasi yota tunisi Diu kana tokawakawa nukusi si sobuwa Sisaniya. Namoaga kana wava Tetanus nukusi si niya. Tanake tonusifufu yota Noma yasi visime kana tosanamana. Si niya si misiniya tovisime Finikesa naunei ebe Fauno sina vinoi. ² Tovanama Fauno i kanasuna vikanunusifufu sinenei, Tetanus i misiniya eketa yana bwaduvinoi i vibutuya.

“Yama namoaga nakasiu, kwaaga toviketanuneina na ya nuwatasuyasuya yota ya vinuwadadana dewadewasi, na fasinei biganei ka fakwa kawasasa nubwayouna keta iba yagwanina dewadewasi yama namonamoaga nenesiyai si kikinomania.* ³ Kabaaga tamokatamokaaga nenesiyai matatafuki yama viagigiku nakatamokena nenewe tova

* ^{24:2} Finikesa yana vitovisime kana tovai o muka biganei. Tetanus Finikesa i kanakanadibidiya be ita bwaduwa vitana avage Fauno ita goyona. Finikesa dauna nakasina namoaga i venisiya. Na fasinei Fauno kana nutorinuvenuveina muninei, si fakwa manamana nuwesi i kakaviya eyo Noma kana tufomu Neno Finikesa fatana i viya. Nokomai vikamunumunuwa nakasina i kikinomania fiyao Diu atu Noma namoisi nukusi. Eketa Noma tonuaviya si misinimoka tu Yenusanema matatafuna si givigoyua.

kana matatafu. ⁴ Muka ana visinamatamatameu nakatamatataina eatu a kawanunukuwiwa ka fata yama sifufu kabegona kuta vaneneiya.

⁵ Namōga nofe ka kitansaiya tanake togivigoyo-onaona. Namai Diu si fakwafakwaniya nenesiyai avigwavigwaēga i gigikikinomaniya, yota tanake Nasanini yoko kana toviketanuneina.[†] ⁶ I aanuvanuva be Numa Kodukodu ita weigavigaviya, na fasinei ka givikaviniya.[‡] ⁸ Taki taūgu kuna nutoninuvenuveiya, nao yama bwadubwadu kana venemokena kuna kitiya.”

⁹ Eketa fiyao Diu matatafusi Tetanus yana nusuyai si niya eketa si bwaduwa, “Bwadubwadu nofe matatafuno o venemokena.”

¹⁰ Eketa Finikesa nimanei i nusawateweiya eketa Fauno i bwaduwa, “Aiye yo Finikesa, a sanamaniya manamana kana yagwana kwāga ku vitonuviesanafafani nofe sinenei, eketa tauku ana tanafafafanikuwa neweu fasinei o a sebobowa. ¹¹ Taki taūgu namōga kuna nutoninuvinuvisiya, sina iyaviwa vitana yawane kuyadayada ¹² muka ita kakavei a vaneya Yenusanema Guyau nenei a kodukoduwa. ¹² Tovinoi nofe si kitikuwa muka tamo namōga nukusi kata vigwaēga Numa Kodukodu nenei. Muka tamo numa kafa yokoyoko o tamo kabaga menana nofe nenei namōga ata visimwanakasisi ebe sita vikamunumunuwa. ¹³ Yota muka kasi fata aviyaonana tamo sina visawaveneu ebe yasi vinoi ina vivenemokena.

¹⁴ Eatu a iyaveimi, amamaki yasi Guyau nenei a kodukoduwa yota iyau Yeisu yana Ke'ta nununei a niniya. Eatu si bwaduwa avage nofe o Ke'ta-vikanonono, eatu Moses yana visime yota Guyau yana tomatakawa yasi viviginwa matatafuno a vitumāganiya. ¹⁵ Namaise yasi tumāgana si teniya naki maisemoka yota yaku tumāgana Guyau nenei a teniya vitana tova i nenemiya namōga dewadewasi be goyosi mateyai ina vitowamisiniye-savavinisiya. ¹⁶ Nofe fasinei tova matatafuno Guyau matanei yota namōga matasiyai a anuvanuvamoka ebe yaku nuwanuwa masamasanina keta yawasiku dawaniniina nenei ana fakwa.

¹⁷ Yenusanema a teweiya manamana simo matayagwanina, eatu bwatanemoka a makavinikuwa ebe yaku sabu sinesiyai goyogoyo si fakwafakwa, kasi nuwagabubu ana kavenena eatu yota Guyau nenei ana vibwanaoseya.[§] ¹⁸ Givieyaeyya kana fufuna a saviviniya eketa Numa Kodukodu sinenei a kodukoduwa eatu si nisaikuwa. Na tovanama nenei muka sabu nukusi yota muka tamo vikasanegwanegwa. ¹⁹ Eatu tunisi fiyao Diufafani Eisiya nenei o matasiyai eketa namoisima o sita nemiya nauweu, ebe si kitikuwa avi goyon a fufufuniya sita bwaduwe-kikinomaniya. ²⁰ Nofe namoisima o sita iyaviwa avi sinatamaneina si nisagai nenekuwai tovanama Diu Kawakawa nausiyai a misiniya. ²¹ Eatu iba tamokāgamoka o tovanama nausiyai a misimisiniya, a bwauwa a bwaduwa, ‘A vitumāganiya

† 24:5 Yeisu tanake tene Nasaneti. Eketa aviyaonana si munimuniye-dadaniya nao yokonama si weniya Nasanini yoko. Tovanama Tetanus nofemaise i bwaduwa, nao nofe yokonama i gigisobuviya. Fiyao Yudiya kana matatafu nenei si kitakitasobuwafafani Ganini namois nenesiyai, nofe faninama nenei o Nasaneti menana i fakwafakwa. (Yoni 1:46) Yota i bwadubwaduwa avage Fauno noko ketaketanama nenei i kodukoduwa nao Noma yana visime i yakweyakweniya.

‡ 24:6 Tunisi viginiwa nenesiyai o kana nukisi 6b-8a si nunatuya. Ka weifufuna be kana nUVesaniya yata visime yana nuwanuwa maise, 7Atu tonuaviya kasi toviketanuneina Nisiyasi i nemiya eketa na yana vikumaīgi neteniyai i viya. 8Eketa Nisiyasi visime i venisiya vitana kana tovinoi nauweu ina misiniya. § 24:17 Manamana 5 i kakavisiya Fauno i venufota Yenusanema tova mwakufwana nenei be tovitumāgana ina matakawisiya yana toga keta Biga dewadewana kana numamana fasinei. (Bunanige 21:17-28) 24:21 Bunanige 23:6

Guyau namoġa matematesi ina sinaviyawasa-savavinisiya. Nofe fasinei kimoki kwa vivinuesanikuwa.”

²² Yeisu yana Ke'ta fasinei Finikesa naki sanasanamanina eketa Fauno i sawataniya, eketa yasi yoko i gifotiya eatu i iyavisiya i bwaduwa, “Tovanama tonuaviya kasi toviketanuneina Nisiyasi ina nemiya, yana sifufu ana vaneneiya eyo munifotai ana vinuwadadana taki Fauno i sinatamaniya o muka.” ²³ Eketa tonuaviya yasi kaimatana i visimeiya ebe ina toğatana-dewadewiya eatu simokaġa ina sawateweiya yana savivina nenesiyai yota unaunana ina sawateweisiya ebe sina ovivita yana nuwanuwa nenesiyai.

Yeisu Fasinei Fauno I Visawavenena Finikesa Nenei

²⁴ Kuyadayada muka yagwanina muninei, Finikesa eketa kawana ne Diu kasi wava Dunusina nukusi si nemiya. Bwadu si vininitiya eketa Fauno i nemiya. Finikesa i vaneneġa eatu Yeisu Togifafafana Gigibokeinana kana vitumaġana fasinei Fauno i givimayeta. ²⁵ Eatu tovanama i tenesaviya i gigivimayeta namaise Guyau nuwanuwanu yawasi dawaniniisi eketa kwafini yana viginini kana kunuwaneina eketa yota kafa nuesana kunauta fasinei o Finikesa naki i matuta eketa i bwaduwa, “Naki nanemai ku onovei be ku nai, tovanama ana gidewadewa eyo ana wenesavaviniwa.” ²⁶ Eketa tova matatafuna Finikesa Fauno i wenewene-yewayewi keta nukusi si nunusifufuwa. Fauno deniyai i fakwafakwa na fasinei Finikesa yana tumaġana i teniya i nuwanuwa vitana Fauno nenei simokaġa gabana ita visamwagauwiya kana ketoyau fasinei.

²⁷ Manamana nuwesi muninei Fonisiusi Fesitusi o Finikesa kana kivi i viya, eatu Finikesa fiyao Diu yasi nusuyai i niya eketa Fauno deniyai i kitamokiya.*

25

Fauno I Vikokona Be Tufomu Sisa Naunei Ina Misiniya

¹ Tovisime Fesitusi i kikinomana Sisaniya eketa i fakwa kana nivaniva kuyadayada tonusi i kakaviya muninei, eyo i vaneya Yenusanema.

² Nokomai tovibwanaose nakanakasisi eketa fiyao Diu kasi toviketanuneina si yokowa naunei eketa Fauno si vinoiya. ³ Si vikokoniya vitana yasi nusuyai ita niya be Fauno ita visimeiya ita vaneya Yenusanema uġuna si viwaifufuna ketai sina nuvimatiya. ⁴ Eatu Fesitusi i nufata i bwaduwa, “Fauno o Sisaniya deniyai eketa tova kabegomokena ana makavinikuwa nokomai. ⁵ Eatu kami toviketanuneina tunisi nukusi kata sobuwa, ebe taki Fauno i sinatamaniya maise o nokomai yasi bwaduvinoi sita teniya.”

⁶ Yenusanema i fakwa kuyadayada taki 8 o 10 muninei i makavinika Sisaniya. Kuyadayada kana vinuwa nenei kafa nunuesana kana kivi nenei i fakwasiotoġa, eketa yana tonuaviya i visimeisiya keta Fauno si nemiiya naunei. ⁷ Tovanama Fauno i kanasuna totomuwai, Diu toviketanuneina aviyaonana Yenusanemei si sobunemiya, si misinififiniya eketa vinoivikanonono yagwanisi si bwaduwisiya eatu muka tamomai kana venemokena.

* **24:27** Noma yasi visime i bwaduwa, manamana nuwesi sinenei namoġa deniyai muka sina nuviesaniya nao sina giyauya. Eketa na tovanama Finikesa Fauno ita giyauya, fiyao Diu si nuwagoyowa nakasina uġuna iba yagwanisi i fufunisiya muka sita sebobowi. Na fasinei nuwanuwanu aviyavana tamomai ita fufuniya ebe nuwatasi ita givisebobowiya.

⁸ Eketa bwadusima fasisiyai Fauno tauna i tanafafafani i bwaduwa, “Kwa nowaniya, iyau muka tamo goyona ata fufuniya Diu visime nenei o Numa Kodukodu nenei o tufomu Sisa nenei.”

⁹ Eatu Fesitusi nuwanuwana Diu toviketanuneina yasi nusuyai ina niya fasinei eketa Fauno i nutoninuvenuvia i bwaduwa, “Namaise, ka fata tana vaneya Yenusanema ebe nokomai nofe vinoisima fasisiyai ana vinuesaniwa?”

¹⁰ Eatu Fauno i nufata i bwaduwa, “Muka, uguna iyau nofe tova Sisa yana kafa nunuesana kana kivi naunei a misimisiniya. Yota iyau tene Noma, na fasinei nofemai kuta vinuesanikuwa. Tauğu naki ku sanamane-dewadewiya muka tamo goyona ata fufuniya fiyao Diu nenesiyai. ¹¹ Eatu taki tamo avana a sinatamaniya ebe i nufotiya ana mateya, nao muka tamo avana. Eatu taki bwaduvinoisima nofe vikanonono, nao muka tamo aitevana kana fata be ina teneiku nimasiyai. Na fasinei nuwanuwaku Sisa naunei ana misiniya ebe ina vinuesanikuwa.”*

¹² Fesitusi yana togivisawakedana nukusi si vikanunusifufuwa Fauno yana bwadu fasinei eyo i nufata i bwaduwa, “Nuwanuwau Sisa fasinei o kuna niya Sisa nenei.”

Fesitusi Tufomu Aganifa I Nusifufuviya Fauno Fasinei

¹³ Kuyadayada muka yagwanina muninei, tufomu Aganifa eketa nouna Benisi si kikinomana Sisaniya ebe Fesitusi i vitovisimeya kiouna fasinei si venufotiya. ¹⁴ Nokomai si fakwa kuyadayada yagwanina, eketa Fesitusi tufomu Aganifa i nusifufuviya Fauno fasinei. I bwaduwa, “Finikesa yana tovai, namoğa tamokağı deniyai i teniya eketa namoğamokena yawane noko i fakwafakwa. ¹⁵ Tovanama a niya Yenusanema, tovibwanaose nakanakasisi eketa Diu tokawakawa si vinoiya eketa si vikokonikuwa ebe ketaketa ata fufuniya be sita nuvimiatiya. ¹⁶ Eatu a iyavisiya vitana Noma yama visime nenei nauna namoğa ina misiniya tovinuesana keta kana tovinoi nausiyai ebe tauna fasinei ina tanafafafana muniyai yo kana visime ina nisaiya.

¹⁷ Tovanama fiyao Diu kasi toviketanuneina nukusi ka nemiya nofemai muka ata fota. Nuwabuni a fakwasiotoğä yaku kafa nunuesana kana kivi nenei eatu yaku tonuaviya a visimeisiya eketa Fauno si nemiiya naukuwai.

¹⁸ Eketa tovinoi si misiniya eketa a nuwanuwa vitana tamo avi fufuna gojomokena ita fufuniya fasinei o sita iyaveiku. ¹⁹ Eatu tututausi yasi kodukodu kana visime fasinei eketa yota namoğa matematena kana wava Yeisu fasinei si ovigigwaęga. Eatu Fauno i bwadubwaduwa avage namoğanama o yawayawasina. ²⁰ Yasi avigwavigwaeğasima fasisiyai a bauwa, na fasinei a vikokoniya taki kana fata maise kata vaneya Yenusanema ebe vinoisima fasisiyai nokomai ata vinuesaniya. ²¹ Eatu Fauno i vikokona vitana deniyai ita fakwa kana nivaniva Sisa fonana ita nowaniya. Na fasinei tonuaviya a visimeisiya eketa deniyai si tene-savaviniya. Yaku kawasasa ana kitiya maise ana visimeiya Sisa nenei.”

²² Aganifa Fesitusi i iyaviya i bwaduwa, “Ake, iyau nuwanuwaku nofe namoğanama yana sifufu tauku ana vaneneiya.”

Fesitusi i nufata i bwaduwa, “Kumana yo kuna vaneneiya.”

* **25:11** Naki tene Noma namoğa kana nufota be ina vikokona tufomu Sisa kana kita fasinei. Ebe bwaduvinoi fasisiyai tufomuğa ita vinuesana. Eketa taki tene Noma nokomaise yana bwadu ina taniya, nao muka tamo kana dawanafota.

*Tufomu Aganifa Fauno I Vaneneiya**Bunanige 9:3-8, 22:6-11*

²³ Kuyadayada kana vinuwa nenei, tufomu Aganifa keta Benisi kasi kwame dewabausi si kotonina eketa namoغا si venuyofiyofisiya si ovisiya keta si kanasunisiya kafa fonayau kana totomuwai. Tonusaviya kasi tovikelanuneina eketa menana kana namoغا nakanakasisi si vinuwisiya eketa nukusi si kanasuna. Munifotai Fesitusi yana tonuaviya i visimeisya keta Fauno si nemiiya nausiyai. ²⁴ Eketa Fesitusi i bwaduwa, "Tufomu Aganifa keta matatafumi namoغا nakanakasisi kimoki naumiysi namoغا nofe kwa kitakitiya. Fiyao Diu matatafusi Yenusanema keta Sisaniya sinenei, tanake fasinei si odowa nenekuwai. Si vikafinafina si bwadubwaduwa avage muka nuwanuwasi yawayawasina ina fakwa. ²⁵ Eatu muka tamo avi goyona ata nisaǵai ebe ana nuvimatei. Eatu tauna nuwanuwana Sisa naunei ina misiniya. Na fasinei ana visimeiya ina niya Noma.

²⁶ Eatu yawane muka ita mayesiku aviyavanamasi ana viginiwiya Sisa nenei namoغا nofe fasinei. Na uǵuna a nemiiya matatafumi naumiysi ebe kwaǵa tufomu Aganifa nukusi tana nutonikuekuiya ebe yo aviyavana tamo ana viginiwiya Sisa nenei. ²⁷ Muka ita nufotaiku be yana goyonanama muka kana sanamana eatu ina nai Sisa nenei. Nauna ana sanamaniya ebe kana fata Sisa ana matakawiya goyonanama fasinei."

26*Fauno Tauna I Tanafafafaniya*

¹ Munifotai tufomu Aganifa Fauno i iyaviya i bwaduwa, "Nofe tova a sawateweia ebe tauǵu fasiweu kuna nusifufuwa." Fauno nimana i tataiya eketa tauna fasinei i tanafafafaniya i bwaduwa, ² "Agigiku tufomu Aganifa, a sebobowa uǵuna kimoki mataweu fiyao Diu yasi bwaduvinoi matatafuna fasinei tauku ana tanafafafanikuwa. ³ Kita Diu kata sanu yota yama nuwatabausima ka ooígwigwaeisyi matatafuna sanasanamaniu. Na fasinei a vivikokoniwa be kunuwaneina nenei yaku sifufu kuta nafanafiya.

⁴ Matatafusi fiyao Diu si sanamaniya yawasiku kabegokuwai kana nivaniva kimoki. Si sanamaniya namaise nauna a mikifakwa tauku yaku fafani nenei yota munifotai Yenusanema. ⁵ Muka vitana matayausoisi. Si sanamaniya iyau tene Fanasi eketa kama kwenava Guyau kana kodukodu fasinei o fakinamataina yo muniysi yoko tunisi. Yama visime matatafusi o fakinina venemokena eatu a munimuniysi. ⁶ Kimoki avage nuwanuwasi kuna vinuesanikuwa uǵuna yaku tumaǵana a teniya vitana Guyau avana waǵawaǵata i bwadudabedabisiya ina saviviniya fasinei. ⁷ Yata fasekwa 12 yota yasi tumaǵana si teniya vitana Guyau yana bwadudabababanama ina vivenemokena. Eketa vimogumoguwai nuwabuna be kuyadayada si kodukoduwa nenei. Tufomu yo, nofe tumaǵananama fasinei keta Diu tovikelanuneina si vivinoikuwa. ⁸ Ava uǵuna kwa nuwanuwa vitana Guyau muka kana fata be namoغا matematesi ina sinavyawasa?

⁹ A vinuwadadana ebe iba matatafusi ata fufunisiya avage Yeisu tene Nasaneti kana wawa ata givigoyuya fasinei. ¹⁰ Eketa nuwanuwana o nauna Yenusanema a mikifufuniya. Tovibwanaose nakanakasisi nokomai visime si venikuwa eketa Guyau yana namonamoغا yagwanisi deniyai a tenisiya. Yota kasi nuvimate fasinei a visawadewedewiya.

11 Tova matayagwanina numa kafa yokoyoko nenei a vimatadawanisiya. A fiwana namaise be yasi vitumağana Yeisu fasinei sita vikeweiya. Kayoku i kuğga eketa a niya maniuna yasi menanai a venunuwasisiya be ata givikuvakuvavanisiya.

12 Tova tamokağga Yenusanema tovibwanaose nakanakasisi visime si venikuwa eketa si visimekuwa ebe a niniya Damasiko menana nakasina nenei. 13 Tufomu yo, na tovanama nenei kuyadayada sinefounei ketai a niniya eatu mayesina matakikikwanemokena yo vanavana abamai a kitiya. Namogasima nukusi ka niniya i tafafinikiya. 14 Eketa matatafuki ka fekuwa fwayafwayai eatu kayokayo bwadu-Ibeniu nenei a nowaniya i bwadubwaduwa nenekuwai, ‘Sauno, Sauno, ava fasinei yo ku givigivikuvakuvavaneiku? Kwağga tauğu ka debana ku yaweyawiya.’

15 Eketa a nutoniiya a bwaduwa, ‘Aiye, kwağga aitevana?’

Eketa Tuveka i nufata i bwaduwa, ‘Iyau Yeisu, Iyau gwadikuma ku givigivikuvakuvavanikuwa. 16 Eatu ku otowamisini! A kikinomaniwa uğuna a gibokiwa kaku kaetoğga. Aviyavana kimoki ku kitiya yota aviyavana yawane ana visawaveniwa, kwağga kasi toviwakakaki. 17 Kwağga o ana ofafafiwa tauğu ya sabu yota Kani Kwauna nenesiyai. Eketa a vivisimewa kuna niya nenesiyai, 18 matasi kuna gibwasasa ebe yasi fufunagoyo kana fata sina sanamaniya be kumanovana nenei sina sağavinisiya mayesina nenei. Seitani yana fiwana nenei sina sağavinisiya sina nemiya Guyau nenei. Munifotai sina vitumağanikuwa nenei, yasi go'yna ana vinuwateweisiya ebe yasi kabağga sita vitoniwagiya yaku namonamoğga taftufusi kasi kawasasai.’

19 Eketa tufomu Aganifa, nofe kenokitanama abamei i sobunemiya a muniiya. 20 A vibutuwa a numamana fiyao Diu Damasiko sinenei yota Yenusanema sinenei eketafafani Yudiya kana matatafu a numamananiya. Munifotai Kani Kwauna nenesiyai a numamana vitana yasi fufuna goyosi sina onovisiya eatu yawasisi Guyau sina veniya. A iyavisiya vitana yasi fufuna nenesiyai, sina visawavenena venemokena gewa naki i kavinisiya.

21 Biga nofe a numamaniyi fasinei, tunisi fiyao Diu Numa Kodukodu sinenei si givikavinikuwa keta si anuvanuva be sita nuvimatikuwa. 22 Noko tovanama nenei kana nivaniva kimoki, Guyau yawane i oovivitikuwa. Na fasinei nofemai a misimisiniya ebe namoğga matatafumi na kami wava atu i sobuwa muka na kami wava a iyaiyavimiya avana Guyau yana tomatakawa eketa Mosesi si bwaduwisiya ina kikinomana. 23 Si bwaduwuya vitana Togifafafana Gigibokeinana ina kuavana keta yota mateyai ina mikimisini-savaviniya, keta ina numamana be biga dewadewana ina vikimayeta tauna yana sabu fiyao Diu eketa Kani Kwauna nenesiyai.’

24 Fauno nofe ibasima fasisiyai i nunusifufuwa eatu Fesitusi i fina i bwaduwa, “Fauno, kamo ku wafa! Ya sanamana i nakatamatayi nenei debabouğu i givigoyuya!”

25 Eatu Fauno i nufata i bwaduwa, “Yama namoğga nakasiu, iyau muka ata wafa. Avana a bwadubwaduwiya o kana venemokena keta yota na kana sanamana. 26 Nofe ibasima a nunusifufuwiya o muka makamakav-iunai ita savivina, na fasinei a sanamaniya tufomu Aganifa o naki na ya sanamana eketa ibasima fasisiyai a nunusifufuwa menanai.” 27 Fauno

i nutoninuvenuviya i bwaduwa, "Tufomu Aganifa, Guyau yana tomatakawa yasi viginiwa ku vitumağaniya o muka? A sanamaniya ku vitumağaniya."

²⁸ Eketa Aganifa Fauno yana bwadu i fatiya i bwaduwa, "Omasi ku vinuwadadana tova bwatana nenei yaku nuwanuwa kuna kaniya be ya vitumağanai ata vitumağana?"

²⁹ Fauno i nufata i bwaduwa, "Tova taki bwatana o nubwayouna, o muka kana tunina. Eatu yaku kawanunuku Guyau nenei o vitana kwağä keta aviyanana kimoki kwa vanevaneneikuwa o Tuveka Yeisu kwata vitumağaniya eatu muka kwata vifinisina maise iyau."

³⁰ Munifotai tufomu Aganifa keta tovisime Fesitusi keta Benisi yota aviyanana nukusi nokomai si misiniya keta totomu si teweiya. ³¹ Eatu tututausi si vikanunusifusifufuwa si bwaduwa, "Namoğä noko muka tamo avana goyona ita fufuniya ebe yo ina nai deniyai o ina mate."

³² Aganifa Fesitusi i iyaviya i bwaduwa, "Kana fata namoğä nofe tana giyauya ebe ina niya, eatu naki tauna i bwaduwa nuwanuwana tufomu Sisa naunei ina misiniya ebe ina nuesana. Na fasinei muka kata fata tana giyauya."

27

Fauno Yana Kamudadana Noma

¹ Noko tovanama nenei Fesitusi i vinuwadadana vitana Fauno keta finisina sina toğä Itani fasinei, deni kana tokitavikavina, Fauno keta tunisi finisina si tenisiya Yuniysi kanonovanei. Tanake o tufomu Sisa yana tonuaviya tomatakai kunumisi tamo kana kaimatana. ² Menana Adanamityumi nenei waka tamokağä i nemiya eketa Anisitako tene Tesanonaikafafani Masedoniya sinenei nukusi ka toğä. Wakanama o fasinei Eisiya gibo kafakainei ina venufanafana eketa menana nakanakasisi nenesiyai ina nikanakanasunaniya.

³ Kuyadayada kana vinuwa nenei ka kanasuna Saidoni menana nakasina nenei. Yuniysi Fauno i kitanuwagabubuwiya eketa i sawateweiya i niya unaunana nenesiyai kana ovivita fasinei. ⁴ Munifotai kabağä noko ka teweiya. Fonimana ka viketosoğaniya eketa muka kama fata be yama kituğä nenei kana dibwana. Na fasinei Saifunusi simuna kukwauna ka venufanafana. ⁵ Munifotai kawasasa ka venuonosiya eketa fasinei Sinisiya eketa Famufiniya etasiyai ka venufanafana kana nivaniva ka kanasuna menana Maina nenei ka sobuwa Nisiya yana fasani sinenei. ⁶ Nokomai kaimatana waka tamokağä i nisaiya Anekisenidiyei i nemiya keta i niniya Itani, eketa nenei ka toğä.

⁷ Dauna nakasina eketa kuyadayada yagwanina makamakanuwaki ka dibwana kana nivaniva menana Nidusi niniunei ka kikinomana. Eatu fonimana ka viketosoğaniya fasinei eketa ka venutamana Kiniti simuna i babikiya eatu ka venufanafana kana nivaniva menana Sanumone mutuna ka tutuuniya. ⁸ Kafakainei fonimana ka vituğaiya kana nivaniva kafasiwağä kana wava Kafasiwağä Kiwağä nenei menana Nasiya niniunei ka kanasuna.

⁹ Yama dibwana wakai nubwayoumataina eketa Go'yona Kana Vibwanaose kana kuyadayada nakasina* naki i kakaviya. Nofe tovasima

* ^{27:9} Nofe kuyadayadanama o fiyao Diu yasi kuyadayada nakasina eketa Tafutufuna. Nofe kuyadayadanama nenei si vivimogumoguwa eketa tovibwanaose kasi toviketanuneina i vivibwanaoseya namoğä yasi go'yona fasisiyai. Visime Tafu 16, 23:26-32, Ginağanaga 29:7-11.

nenesiyai o gibo i sakasakanunuwa. Na fasinei Fauno i misiniya eketa yasi nona i kakiniya.

¹⁰ I bwaduwa, “Unaunaku, nuwatamiyai a teneteniya yata kamudadana kunauta o daunina. Yawane nogonogo eketa waka tauna tana teweisiya yota tunita tana mateya.” ¹¹ Eatu kaimatana Yuniyasi muka Fauno fonana ita nowaniya, eatu tonumunikuta eketa toniwaka fonasi i muniiya. ¹² Noko kafasiwağanama muka kana fakwa dewadewana yauya kana tutuya nenei. Na fasinei namoğa matayagwanisi nuwanuwasi kata sinanakata-savavinikiya ebe kata dibwana-nuwanuva simuna Kiniti nenei ebe Fonikisi kafasiwağai kata toğavikifafa. Uğuna kafasiwağanama o Kiniti simuna i nutenekifafiya eketa tova matatafuna nunumanona.†

Vayuvayuyu Gibowai

¹³ Tovanama fonimana dibidibina gagasei i vibutuwa i sivegineginenyea, toviwakasefusefu si vinuwadadana vitana avana si weifufuniya sina saviviniya, na fasinei tutuvidauna si sinanakasiya eketa simuna Kiniti kafakainemokenei ka venufanafana. ¹⁴ Tova bwatana nenei yamududuwe fifiwanina i viyuveyuve-sobunemiya Kiniti simuna kuveyaina eketa waka i sinaviviya. ¹⁵ Toviwakasefusefu si anuwanuva be fonimana kuveyaina waka sina visaiya eatu si vibaiwayosa uğuna fonimana i givikavinikiya eketa si teweiya fonimana i nutunemokikiya.

¹⁶ Tovanama Kauda simuna kabesona kukwauna ka venufanafana, eatu waka kana kimonou ka fiwanamokikiya keta ka sinanakasiya eketa toviwakasefusefu si yonavikavikaviniya.‡ ¹⁷ Tovanama si nusafuwa, unava nenesiyai waka tauna tofwana si takwaniya. Si matuta fonimana waka ita nuyakweyakweniya nai nidebadebana kana wava Satusi gunina nenei. Na fasinei naya na kana nogonogo matatafuna si unisiya wakai eatu wakanaga fonimana i nutunemokikiya.

¹⁸ Yoyo waka i tutuya nakatamataina fasinei eketa kuyadayada venuwanei waka kana nogonogo si vibutuwa si tewesobusobuwina gibowai. ¹⁹ Kuyadayada kana vitonu nenei naya kana nogonogo matatafuna yota tututausi nimasiyai si tewesobusobuwina. ²⁰ Tova i goyomoka nenei eketa muka tamo vanavana o kinavinavi kata kitaisi kana nivaniva kuyadayada yagwanina i kakavisiya. Fonimana fifiwanina i tenssaviväsiya eketa nuwanuwa yaona i vanikiya kama gifafafana fasinei.

²¹ Kawasasa nakatamataina namoğa muka tamo sita kanuvanuva. Na fasinei Fauno i misiniya kasi kawasasai keta i iyavisiya i bwaduwa, “Unaunaku, naki kwa kitiya. A iyavimiya Kiniti muka tana teweysi eatu yaku bwadu muka kwata nowaniya. Na fasinei yami waka i goyowa yota yami nogonogo kwa teweteweina. ²² Eatu nofe tova a iyaiyavimiya, wakağia ina gamomona eatu muka tamo aitevana yawasina ina niteweyei, na fasinei katekatemi si vatu. ²³ Guyaunama o yaku Tuveka nenei a kodukoduwa, nuwabuna kana kaetoğga abamei i nemiya keta i misiniya niniukuwai. ²⁴ Eketa i iyavikuwa i bwaduwa, ‘Fauno, matuta ku onovei. Sisa naunei kuna misiniya ebe ina vinuesaniwa. Nofe

† **27:12** Kugagasa kafasiwağä tamokağä kana wava Kafasiwağä Dewadewana. Kana kedawanau 64 kinomita Fonikisi menana nakasina niniunei. ‡ **27:16** Tova matatafuna waka nakanakasisi kimonou kabegona munisiyi si sonisoniya, namoğa keta nogonogo kasi kafa kitanasiwasıwağä fasinei. Eketa tamo tova kimonounama si sinanakasiya waka nakasina etanei.

uğununama fasinei Guyau ya kawanunuku i nowaniya eketa kwağā neweu matatafumi wakai ina ofafafimiya.²⁵ Nofe fasinei unaunaku, katekatemi si vatu. Guyau avana i iyavikuwa maisemoka a vitumağaniya ina kikinomana.²⁶ Eatu fonimana o ina sivetunetunita kana nivaniva tamo simuna nenei ina nuvaneita.”

²⁷ Nofe naki kuyadayada kana vi14, yoyo keta fonimana i nutafivinivinikiya Mediteneniyani gibo nenei. Tovanama i vinuwabunasinefouwa, toviwakasefusefu si kamukonisiya vitana fwayafwaya naki ka vevenukitekiyi. ²⁸ Na fasinei unava si givigaviviniya eketa gibo yana viwagudabu si fwafwiya keta si kitija kana niva 40 mita maise. Si fakwa kabesona yota si fwafwa-savaviniya eketa kana niva i makaviniya 30 mita maise. ²⁹ Eketa toviwakasefusefu si matuta uğuna si nuwanuwa vitana fonimana waka ina nuvaneiya nibwaga nenesiyai. Eketa tutuvidauna nufunina waka kumunina si tewesobuwisiya, eatu tova si viyokaniya be ita venukatakiya.

³⁰ Toviwakasefusefu si anuwanuva be wakai sita dibwana, na fasinei kimonou si tewesobuviya eketa si gisebaseba vitana waka mutunei tutuvidauna kasi tewesobuweina fasinei. ³¹ Eatu Fauno kaimatana yana tonuaviya nukusi i iyavisiya i bwaduwa, “Kwa nowaniya, taki toviwakasefusefu muka wakai sina fakwa, nao muka tamо gifafafana.” ³² Eketa tonuaviya kimonou kana unava si tanaonosiya keta i kanuviya.

³³ Tova i vibutuwa i gegegesiya, Fauno namoğa matatafusi i kamanemanisiya be sita kawa. I bwaduwa, “Nofe naki kuyadayada kana vi14 yami toğafota nenei, muka tamо aviyavana kwata kanuvanuvi. ³⁴ Nuwanuwaku kwana kawa ebe kwana fiwana. Eatu muka vitana kwana mate yota mukamoka tamо kwana kuavana-nuvanuva.” ³⁵ Tovanama i nusifufukoğa, maneka i viya eketa matatafusi matasiyi Guyau nenei i viagigikuwa, munifotai yo i gikasimiya eketa i kaniya. ³⁶ Namoğa matatafusi kasi nutoğona i kanakanakasiya eketa yota si kawa. ³⁷ Wakai ka toğ o kama yagwana 276. ³⁸ Matatafusi si kawa eketa si kasiyuwa eyo munifotai, witi wakai si vikikinomanisiya eketa si tewesobuwisiya gibowai ebe waka ina kanakasiya fasinei.

Waka I Nubwegabwegiya

³⁹ Tovanama tova i mayesiya, toviwakasefusefu simuna si kitija eatu muka sita kitakinaniya. Gunina tamokağā si kitija yota nafena dewadewana eketa nuwanuwasi vitana kabağanama nenei waka sita visesenavaneiya. ⁴⁰ Noko uğuna keta tutuvidauna kasi unava si kitanaonota keta si gavigavivina eatu kafa nunumunikuta si yausiya ebe waka sina numunikutiiya. Naya kabegona naunei si sinanakasiya eketa i dibwanikiya numagama kuveyaina. ⁴¹ Eatu nai nidebadebana nenei ka tuna. Waka mutuna i fwataoğona eketa muka ita savivina eatu munina o yoyo nakanakasisi si nubwegabwegiya.

⁴² Tonuaviya muka nuwanuwasi finisina sina gayovane numagamai ebe sina dibwana, eketa si viwaifufuna sina nuvimatisiya. ⁴³ Eatu kasi kaimatana nuwanuwana Fauno ina gifafafaniya fasinei eketa yasi viwaifufuna i givigoyuya. I visimeya eketa aviyaonana kasi fata gayo sina mikitowa keta sina gayovaneya numagamai. ⁴⁴ Tufotufo i iyavisiya ebe waka i nubwegabwegiya bidimisi yota aviyavana nunugayogayosi nenesiyai sina givikavina. Nofe ketaketanama nenei matatafusi numagamai si vaneya dewadewasi.

28

Fauno Manita Simunai

¹ Tovanama matatafuki dewadewaki ka gayovaneya nenei, ka sanamaniya vitana simuna kana wava Manita. ² Simuna namoisi si viyaoikiya venemokena. Bwabwau i vibutuwa sigwana eketa kwadudu na fasinei kai si kasiniya eketa matatafuki si katuvikiya.

³ Fauno kai i gigikwakwaka eketa i kanakanata, etanei i tewetewevanevaneiya eatu mwata tamokağa goyonai kai kana inainai i vanayaginiya eketa Fauno nimanei i kanaononokeya. ⁴ Simuna namoisi mwata si kitiya eketa tututausi nenesiyai si bwaduwa, "Namoğa nofe o venemokena tonuvimate eatu muka gibowai ita gavivina fasinei eketa fufuna dawaniniina kana guyau gumayogu* si kwabukwabuyuna." ⁵ Fauno mwata i nukakiya eketa kai i kanasiya, eatu muka ita sinae. ⁶ Namoğa yasi nuwanuwa vitana tofwana ita safana o sabanutugai ita feku matematena. Eatu si kitianufotawayosa eketa yasi vinuwadadana si giviniya vitana Fauno tanake tamo guyau.

⁷ Simuna kana kawakawa kana wava Fubiniusi, yana fwayafwaya keta yana numa niniunei i nuvaneikiya. Tanake i katuvikiya eketa kuyadayada tonusi yana numai i kitavikavinikiya. ⁸ Tovanama ka sanamaniya Fubiniusi amana tofwana i nunuinaina yota bwenibweni i toğatoğatewetejya, Fauno i kanasuna nenei keta kawanunuku muninei nimana i dawana tofwanei eketa i givibwiniya. ⁹ Tovanama namoğa si kitiya, tovisafwavinga matatafusi si nemiya Fauno nenei eketa i givibwinisiya.

Fauno Simuna Manita Nenei I Niya Noma

10-11 Manita namoisi nukusi ka fakwa yamayamana tonusi, si kitavikavinikiya venemokena. Tovanama yama noğokawawa nenei, kama nuwagabubu si kavenena yota kama ke'ta fasinei si ovivitikiya eketa fiyao Anekisenidiya yasi wakai ka toğā. Wakanama kana nagimu nenei, kifukifufuna si vigionisiya yasi guyau natuyuweyuwe, Kasita eketa Fonakisi kasi fusa maise. Nokomai i fakwa kana nivaniva yauya kana tutuya i kakaviya yo munifotai ka kanayauwa. ¹² Ka vinaya ka niya Sainakasa menana nenei keta nokomai ka fakwa kuyadayada tonusi. ¹³ Eyo ka niya Negiumi menana nenei. Nuwabuni gagasa i siveya eketa ka venunumasana kana nivaniva menana Futeoni nenei ka kanasuna. ¹⁴ Tovitumağana tunisi nokomai ka nisaisiya eketa si vikokonikiya fasinei, nokomai ka fakwa wiki tamokağa. Eketa nokomai kavananei ka niya Noma.

¹⁵ Tovitumağana Noma sinenei fasikiyai si biganowana eketa si nemiya si venufototikiya. Tunisi o Afiusi kafa vivitamanina nenei eatu tunisi o kabağı kana wava Numa Wagawaga Tonusi nenei si nemiya eketa si toğatoğafotikiya. Noko tovanama nenei, kasi kitağı nenei Fauno i katevatuwa eketa Guyau i davadaviya.

¹⁶ Tovanama ka kikinomana Noma menana nakasina nenei, Noma toviketanuneina Fauno si sawateweiya ebe kana kisina ina fakwa. Eatu tonuaviya tamokağa si teniya kana toğatana.

* **28:4** Namoğa si nuwanuwa vitana nofe guyausima o aviyaonana tofufunagoyo si vivimatadowanisiya. Noko nenei si bwaduwa vitana nofe guyausima o mwata sita visimeiya yo Fauno ita kaniya.

¹⁷ Kuyadayada tonusi muninei Fauno Fiyao Diu toviketanuneina i wenevakukusisiya eketa si yokowa. Fauno i iyavisiya i bwaduwa, “Unaunaku, muka tamo goyona ata fufumiya yata sabu nenesiyai o taki wağawağata yasi visime ata yakweniya. Eatu Yenusanema sinenei si givikavinikuwa eketa Noma namoisi nimasiyi si tenikuwa. ¹⁸ Noma namoisi si nutoninuvenuvikuwa eatu muka tamo yaku goyona sita nisağai be yo sita nuvimateiku. Na fasinei nuwanuwasi sita gionovikuwa, ¹⁹ eatu Fiyao Diu muka nuwanuwanama sita sebobowi. Na fasinei Noma namoisi a iyavisiya vitana tufomu Sisa naunei ata misiniya ebe ita vinuesanikuwa, eatu muka vitana tauku yaku sabu ata vivinoimi fasinei. ²⁰ Nofe ibasima fasisiyi a wenimiya ebe nukusi tana nusifufuwa. Kita Fiyao Diu kata Togifafafana Gigibokeinana nenei a vitumağana. Nofe namoinama fasinei Guyau manatuwaina i bwadudabada vitana ita visimeiya kita Fiyao Diu nenetyai. Nofe uğunanama fasinei seni nenesiyai si yonikuwa.”

²¹ Si nufata si bwaduwa, “Muka tamo nufunufu fasiweu Yudiyei kata nisağai, yota aviyaonana unaunata si nenemiya nofemai tamo sifufu goyona sita bwaduwei fasiweu. ²² Eatuk ka sanamaniya o kabağga tunisitunisi nenesiyai kwami tovitumağana yokomima si sawasawanovimiya. Na fasinei nuwanuwaki ya nuwanuwa kata sanamaniya.”

²³ Eketa kuyadayada tamokağga si vinuwadadaniya nenei namoğa yagwanisi si nemiya yana kabağai. Fauno i visawavenena Guyau yana kafa visime fasinei. Nuwabuni i vibutuwa eketa i niiya kana nivaniva i nuwabuna. Moses yana visime eketa Guyau yana tomatakawa yasi viginiwa nenesiyai i misinivikavina. Nuwanuwana Yeisu fasinei nuwatasi ina kaniya be sina vitumağaniya. ²⁴ Tunisi namoğa Fauno yana nusifufu nuwatasi i oviya eketa si vitumağana, eatu tunisi o muka. ²⁵ Na nenei tututausi sinesiyai amanamanagibu nakasina eatu muniyai yo sita kafiyayauna, Fauno yana bwadu kafa nusafu i venisiya i bwaduwa, “Kanunu Tafutafuna bwadu kana venemokena nenei tomatakawa Aiseya i veniya eketa wağawağami i nusifufuwisiya i bwaduwa.

²⁶ ‘*Kuna niya tauğu ya sabu Isineni nenesiyai eketa kuna iyavisiya kuna bwaduwa,*

“Naki kwa vanevaneneğä

eatu muka nuwatami ita mayemayesiya.

Naki kwa tonetoneya eketa ibasima Guyau i fufufunisiya kwa kitikitisiya,
eatu kasi nuwanuwa muka nuwatami ita mayemayesiya.

²⁷ *Nofe namoisima muka nuwatasi ita mayemayesiya uğuna katekatesi i fakina.*

Na taniyasi eatu avana si vanevaneneiya o muka sita nowanowaniya,
matasi si kinogowa uğuna muka nuwanuwasi sina kita.

Taki nuwanuwasi fonaku sina muniyi,

nao matasiyiai sina kitikuwa

eketa taniyasiyiai sina vaneneikuwa,

yota nuwatasi ina mayesiyä

ebe kamoi sina ugevinisiya yasi fufunagoyo nenesiyai
ebe ana givibwinisiya.”

²⁸ Kwami Fiyao Diu o muka bwadu kana venemokena kwata vanevaneneğei, na fasinei nuwanuwaku kwana sanamaniya vitana Guyau yana gifafafana kana matakawa, naki i vininitiya Kani Kwauna nenesiyai ebe tasike sina vanenęga.”†

³⁰ Fauno yana numa si veniya eketa i fatafatiya, eatu nokomai manama nuwesi i fakwiiya. Namogę matatafusi i katukatuvisiya tovanama si nenemiya kana venufota fasinei. ³¹ Na yana katevatu eketa katekatena matatafunei biga dewadewana i nunumamaniya Guyau yana kafa visime, yota Tuveka Yeisu Togifafafana Gigibokeinana fasinei i vivisawavenena, eatu muka tamo kana sawatana.

† **28:28** Tunisi viginiwa nenesiyai o kana nukisi 29 si nunatuya. Fauno nofe i bwaduwuya muninei, vikawabwadubwadu keta fufuna nuwagoyo tututausi nenesiyai i kikinomana.